



D B

D. g. v. f. 2

~~36114~~

g: 30.f.2.



1892

Cl. 1-30-

10-33

LIBERTI FROMONDI

S. T. H. L.

Collegij Falconis in Academia Louaniensi
Philosophiæ Professoris Primarij

METEOROLOGICORVM

LIBRI SEX.



ANTVERPIÆ,
EX OFFICINA PLANTINIANA,
Apud Balthasarem Moretum, & Viduam
Ioannis Moreti, & Io. Meursium.

M. DC. XXVII.

rr.



ILLVSTR. ET REV^{MO}
DOMINO
D. MAXIMILIANO
VILLANO A GANDAVO
DE RASSENGHEM
E COMITIBVS ISSENGHEMIIS
NOBIL^{MAE} ECCLESIAE TORNACENSIVM
EPISCOPO.

ILLVSTR. ET REV^{ME} DOMINE,



ENIO, quò me meum munus ducit, quod de Meteoris
sue sublimibus est; & talibus oculis adspici suo iure
flagitavit. Plebeia enim hæc
& pro fæce vulgari sunt: τὰ
αἰὼν ἐδὲν τοῖς ἡμῶς, qua supra
nos, nihil ad nos: & fastigiis mortalium propriè
Natura ista in alto suspendit, vt suspicere-
tis Creatoris in mirabilibus suis sapientiam &
maiestatem. Is studij etiam huius & scriptio-
nis

nis princeps fuit finis: vt, inquam, animus scientiâ Naturæ succollatus, altius scandat, penetretque se longius in Omnipotentis admirationem & laudes. Nam etsi in rerum omnium etiam superficie, Numinis quamdam imaginem depictam, aut impressè satis inculptam habemus; veriùs tamen pleniusque in arcanis ipsis Naturæ, velut in recessu, habitat, ibique se eruditis mentibus adorandum præbet. vt non de nihilo nuper non semel sexum suum Sancta illa virgo Theresia querelis incesse- rit, per quem Philosophorum Auditoriis interesse non licuisset, & philosophari. Plurima enim, aiebat, in cælo, in elementis, & totâ Naturâ rerum delitescent, quæ utilissimè in solatia & bonum piarum mentium protrahantur, & infinitam gloriam Creatoris. Quò etiam eodẽ oculum intendisse adfirmat Reuerendissimus & sanctissimus Vir, Thomas Cantipratanus, Cameracensis olim Suffraganeus, dum *Libros de Naturis rerum*, quinde- cim totos annos, conquisitis vndique ex Angliâ, Galliâ, Germaniâ, eius rei Scriptoribus, confarcinavit.

Eadem fini & mente vetustissimi illi hu- mani generis conditores & Patriarchæ, de
Na-

*Lib. Via
perfect.
cap. 19.
& Lib.
Castel.
c. 2. Ha-
bit. 5.*

Naturâ inter oïes & agriculturam commentabantur: & cùm Gen. c. 24. narratur Isâac *egressus ad meditando in agro, inclinât iam die*, id est, ad sidera & pendentia in sublimi contemplandum, & hinc gradu facto, erigendum animum in horum Auctorem; vt Hebræorum, Lyrani, Abulensis, & plurimorum est interpretamentum. Apud pleramque etiam olim Nobilitatem in magno amore & studio hæc scientia fuit. Pericles, Dux ille Atheniensium tam multis laudatus, in similitudinem aliorum & exemplum sufficiet. cuius animi magnitudinem & notam illam celsitatem, grandiloquentiam deinde & genus dicendi sublime, fulgurans & tonans, à Meteorologiâ & Scientiâ naturali fuisse, consensu ceterorum Plutarchus adfirmat.

Quidni igitur etiam apud Te, ILLVSTR. ET REV^{ME} DOMINE, Meteorologica nostra sperent gratiam? & cò insigniorem, quòd Nobilitas Tua inter Belgij Illustrissimas, & per sexcentorum ampliùs annorum circuitus, augustissimas Comitum Louaniensium, Alostanorum, Flandrorum, sanguine aut affinitate Familias complexa, sublimis & incolumi claritudine decurrere pergat in posteritatem.

Si retrò etiam supra hæc in Belgio initia
memoriam mittimus, veterum statim Saxo-
niæ Regum stemmata impingemus; è quibus
propinquâ origine fluxit Wycmannus ille
ab Ottone Cæsare primus Arci Gandauensi
impositus Comes: à quo Villanorum & Gan-
dauorum per Belgium sparsum genus.

Seneca
lib. 3.
cap. 28.
de Benef.

Sed claritudinem, Maiorum virtutibus
partam, non supra ipsas virtutes æstimas; &
maculosam vitiis Nobilitatem, *notam magis,*
quàm nobilem, Romano Zenoni adsentis. Vt
in purpurâ pannus, ita in Nobilitate deformi-
tas vitiorum insignior: veluti contrà, latius
latiusque se diffundit Virtus, vbi circumfusam
habet Nobilitatis lucem.

Sociata ergo Illustrissimo generi Virtus, no-
bilissimæ Ecclesiæ Principatum Tibi fecit.
nam genus solum apud illum Principem (AL-
BERTVM, inquam, PIVM) valere parùm po-
tuit, cui in amore tam flagranti Virtus, vt ce-
tera omnia viderentur in frigore; qui in mu-
nerum collatione, sic illam & paritatem adspi-
ciebat, vt nullius præterea videretur sensum
habere.

Aliæ præterpropter etiam causæ fuerunt,
quæ me propriè circumfistunt, & nuperi be-
nefi-

neficij magnitudo præfertim impulit, vt chartâ hac tabellâ nomina faltem inea afferrem, fi nihil dare possim in solutum. Tâmetfi enim alieno, & Nominationum Academiæ nostræ Iure, in cœtum Canonorum Illustris Ecclesiæ Tuæ Tornacensis intrauerim; Te propitio tamen & volente factum, imò vltrò eunte Iuri nostro obuiam. Vtinam ceteri Prælatorum in Belgio, ad istam mentem, & sequantur exemplum! Musæ nostræ in tranquilliori forent: neque lites tot & tam pertinaces bonam sæpè vitæ virorum eruditorum partem, vtilius inter silentia studiorum ducendam, ad strepitus fori euocarent.

Sed fauore isto, & prono, imò effuso in Academiam Louaniensem affectu, qui Dignitate etiam illâ Episcopali, Tibi præiuit olim, ILLVSTRISSIMVS D. FERRICVS, S. R. E. tit. S. Vitalis Presbyter Cardinalis, & Episcopus Tornacensis: cuius, & MAXIMILIANI I. Belgarum tunc Principis sollicitudine, SIXTVS PAPA IV. primum Nominationum priuilegium (id est munificentia sequentium Pontificum vnicum exemplar) anno M. CCCC. LXXXIII. Vniuersitati donauit.

Ille æuo quidem longè anterior, Tu beneficio

* *Castor*
♄ *Pol-*
lux,

cio tamen suppar, quo adfirmasti quod Sanctif-
simus Pontifex suatore ipso & parario nobis
contulit. Salue par nobile Præsulum. nobis
posthac * *Δίσκορε*, & benefica duo sidera eritis:
quorum alter cælo iam & æternitati fixus, cõ-
dem Tu ILLVSTR. ET REVERENDISSI-
ME DOMINE, virtutibus subuectus abis: si
antè ambitum ætatis impleueris (ô mollissi-
mè tamen, & in rem publicam diu decurrat!)
quem Tibi lex æterna circumscripsit. Sic vi-
ue, salue, vale ab.

ILLVSTR. ET REV^{MAE} D. T.

humillimo & deuotissimo cliente

LIBERTO FROMONDO.

Louanij Kal. Januariis
anni MD. CCC. XXVII.

AD LECTOREM.



VSTVLVM Philosophiæ Loua-
niensis & promulsidem hilari hoc
& Saculari Jubileo, quo Aca-
demia nostra ducentefimum vira
annum exambit, tibi propinare,
Lector, animus fuit; sequenturq;
reliqua, aut supprimuntur, perinde
ut hac acceperis. A blandioribus autem auspiciis cepi,
ut paulatim ad seueriora te, aspernaturum fortasse sta-
tim initio, deducere: quæ etiam litterarum condimen-
tis miteseci, & Bacchum istum castravi mollioribus
Nymphis. Publicum enim palatum iam ferè sic est: ni-
si litteraturæ blandimenta saliuam moucant, fame po-
tius emoriatur, quàm aliquid gustet. Naturam et-
iam imitatus sum, quæ prata camposq; floribus spargit,
& delicias ubique permiscet humanis auxiliis. Ari-
stoteles quoque noster, qui alibi ferè tetricus, in historio-
las hîc & omnem amœnitatem sic lasciuit, ut quidam
isto argumento nomen eius arceant ab istis Meteor-
orum Libris. Sed vnâ operâ Ethica, Politica, Histo-
rias Animalium ei excutient; quia laxior etiam belliorq;
hîc est, & insolenti claritate digestus. Alubi ergo sepia,
dato studio, suo se atramento infuscat, aut materia
hanc dissimilitudinem facit. non omnis enim Philoso-
phiæ pars equalem cultum recipit.

Stilum autem sumpsî, non breuem illum, subpin-
guem,

guem, & veterascentem, quò me Genius & amor
ducit, sed neglectiorem paulisper, excusis tamen sor-
dibus scholastici pulueris. Nec enim alio partu Cla-
rissimâ toto Orbe Plantinianâ & Moretorum Of-
ficinâ exire Liber potuit, unde dehonestum nihil & fa-
cutinum solet. Ne tamen à Philosopho planè abirem,
& eloquentiâ vulgaris fastum nostri accusarent, verba
quædam artis deculpata, nec boni aut belli commatis
in usu, sed rarissimo, retinui: cum nulla Philosophia,
quàm Meteorologica, minus barbaricis auxiliis in-
digeat.

Moles voluminis non oppido ampla; sed quantam
tamen, quem sciam, nemo hætenus in istâ materiâ
effecit. Fortuna id est, non mea laudis. Alij enim om-
nes in compendia & pagellas aliquot contracti, aut
vnius Aristotelis sensum totidem panè verbis, aut
paullo liberaliùs (quod Vico mercatus fecit) enarrant,
nil longè ultra solliciti. ut meritò magnus Tycho nu-
per Meteorologiam imperfectissimam questus sit, &
minimam eius partem hætenus constare.

Libro
de nonâ
Cassiope.

Nec tamen ita mihi placeo, ut credam rem hanc
iam à me confectam aut profligatam esse: & Ma-
thematicos nostros provideo familiares sibi figuras re-
quirere; quibus abstinere tamen malui, ne Libri pre-
tium accenderem; & quia pleraque omnia more phi-
losopho, qui linguâ ferè tantum, manu rarò in Scholis
loquimur, putavi posse expediri. Non tenui etiam pu-
dorem, cum vidi nuper Senecam, Gentilem Philoso-
phum,

phum, in mediis Natura rebus subinde respirantem,
 & breui utiliq; diuerticulo ad mores se eycere; nec
 Christianum adhuc, quod audiuerim, fuisse, qui seque-
 retur exemplum. Facio, sparsim tamen & rãrenter, fri-
 goris & fastidij quorundam metuens; & quia ipse non
 ita pietatis abundus, ut prolixè aliis, & plenis urnis
 admetiar. In cetera fortasse Philosophiã, si à me perfici
 contingat, in istam partem futurus effusior. Cur enim
 Philosophiam ad Deum nostrum euntem non comita-
 mur, & à nebulonibus quibusdam defendimus, qui in-
 fami raptu ad impietatem trahunt, & intestabili pro-
 stituunt Atheismo? Nisi facimus, metuo ne in re inutili
 studium posuerimus: similes illi Endymioni, qui, ut est
 in fabulis, ab amasiã Lunã in Latmio monte consopitus,
 etiamnum hodie obdormit, id est, atatem in contempla-
 tione motus istius sideris malè consumpsit. Diuus et-
 iam Augustinus Fratres suos olim, & me nuper percu-
 lit. Cum enim illi quasissent, An sidera circumduce-
 rentur, an terra potius in orbem gyretur immobili celo:
 Multum subtilibus & laboriosis rationibus ista Lib. 1.
 perquiri ait, ut verè percipiatur, utrùm ita, an non cap. 10.
 ita sit: quibus ineundis atque tractandis nec mihi in Gen.
 iam tempus est, nec illis esse debet, quos ad salu-
 tem suam, & S. Ecclesiæ necessariam utilitatem,
 cupimus informari.

Ne nimis magnam tamen studij huius penitentiam
 agamus, Augustinus ipse, de Trinitate, de Ciuitate, &
 in istis ipsis super Genesim Libris, in Philosophiã natu-

rali multus, & ad curiositatem panè, varius fuit. Quid S. Clementem Alexandrinum, quid S. Aquinatem, quid alios sine fine commemorem, quorum sanctitatem Philosophia adfedit, & etiamsi alia defererent, nos tegunt satis?

Scriptura etiam Sacra plurifariam mentionem, & dogmata eius spargit, laudatq; Dei sapientiam, & adstupefcit in istis mirabilibus. quod dicent Philosophia Sacra consarcinatores.

Qui ducem deinde belliformant, Meteorologia imbiu præcipiunt: & Hannibalis, Sertorij, aliorumq; exemplo ostendi potest, quantum momenti ad inclinandas acies, aut stragem aduersarum partium attulerit. & ecce fulmen illud belli Cæsar Iulius, à cœnâ Cleopatra, cum Achoreo Philosopho Aegypcio in multam noctem Meteorologistes factus, gloriatur se

I. me an.
lib. 10.

— media inter prælia semper

Stellarum, cæliq; plagis, superisq; vacasse.

Agricolationi denique, mercatui, & pleroque hominum generi, utilitate propè necessaria, amœnitate iucundissima uniuersis.

Tibi igitur etiam spero, Lector, erit. aut si mustacea ista, & mellitorum delicias morosè & fastidienter edis, sustine paulisper dentem, solidius aliud & in quo exerceas, ego ceteriq; Professionis huius consecranei (qui in Academiâ istâ grex totus & sedecim sumus, omnes iuxta aut supra me validi) breuî dabimus. Vale.

LIBER.

LIBERTI, FROMONDI
METEOROLOGICORVM

• LIBER PRIMVS:

De Meteoris in genere.

CAPVT I.

Quid, & quotuplex Meteorum.

METEORVM Latinè significat sublime, aut
suspensum. Hinc *μετέωρος* dicitur, qui
non litus legit, sed nauigat in alto. Equus *με-
τέωρος* Φ , qui pedes primotes suspendit. *μετέω-
ρος* δ *ἄνθρωπος*, *lit pendens*. & inde *μετεωρία*, supi-
na obliuio & animi stupor: qualem in Clau-
diano illo stolone notat Suetonius. *In eo*, in- *In Claud.*
quit, (Claudio Cæsare) *mirati sunt homines & obliuionem, & in-* *cap. 19.*
considerantiam: vel, ut Græcè dicam, μετεωρίας, ἢ ἀλγεῖαν.

Philosophi verò Meteorum suum definiunt, Corpus imperfe-
ctè mixtum, ex vapore vel exhalatione ortum in sublimi. Hoc sta-
tuitur obiectum Meteorologiz, quam Aristoteles absoluit qua-
tuor libris.

Corpus imperfectè mixtum, nihil aliud est, quàm Elementum
infectum qualitatibus peregrinis. Talis aqua calefacta, glacies,
nix, grando, &c. Nec est necesse, vt Elementi nomen amittat.
Licet enim in pluribus id eueniat (nec enim nix, aut grando, am-
plius aqua vocatur, etiam si formam aquæ substantialem retineat)
aqua tamen calida, nomen aquæ, ignis fatuus, nomen ignis, non-
dum perdidit.

Mixtio igitur imperfecta hæc, est coniunctio qualitarum pere-
grinarum cum naturalibus in eorum elemento. Sic enim mixtura
quatuor graduum caloris cum totidem frigoris, aquam tepidam,

imperfectè mixtam facit. Hæc mixtio vocatur imperfecta, quia nondum attingit perfectionem temperiei, quæ formam substantialem elementi expellat, & absolute mixti introducat.

Itaque lapides, ranz, & si quæ alia in sublimi perfectè mixta, ex vapore aut exhalatione coagulantur, meteora non sunt, quia imperfectè mixta non sunt, cum abiecerint formam elementi.

Iris etiam, halo, parelij, & quæcumque *ἱμασμον*, non *ὑψίστην* habere dicuntur, quæ accidentia tantum, non corpora sunt, meteorum rationem recipere nequeunt.

Vapor est spiritus è corpore graui humido, exhalatio, è corpore sicco, resolutus. de quibus infra dicendum pluribus.

Sublime, spatium totum à terræ & aquæ globo ad ultimam mundi superficiem, vocamus. Hoc ergo cælis partim, partim elementis leuibus est plenum. Non tamen in toto eo spatio oriri meteora possunt: sed quatenus solum vapores & exhalationes ascendere valent, id est, ad 52. milliaria Italica, ut postea ex Vitellione, & communi ferè Opticorum sententiâ, docemus.

Meteorum quidam in hypostaticum siue verum, & emphaticum siue apparens, diuidunt. Sed emphaticum, quo tamen totum Librum nostrum sextum consumplimus, reuerà meteorum non est.

Meliùs ergo ex materiæ diuersitate, in id quod vapore, quod exhalatione, & quod utroque mixtim constat, diuidemus. Quæ vapore constant, ut pluuia, nix, grando, &c. aquea vocari solent, quia vapores pleriq; elemento aquæ exhalantur, & formam aquæ, in compositione istorum meteororum retinent. Quæ exhalationem pro materiâ habent, partim ignea sunt; ut sidera cadentia, fulmen: quia reuerà formam ignis inflammatione adeptæ sunt. partim non sunt, ut venti, & turbines. In quibus scilicet exhalatio nondum corrupta est in ignem. Vapore & exhalatione simul, nubes & nebulae contextæ sunt.

Ex iam enatratis patet, quædam inter ea quæ exhalatione constant, eam pro materiâ transeunte (ut ignea) quædam pro permanente (ut ventos) possidere. Inter aquea etiam, nubes vaporem, materiam permanentem; pluuia, nix, grando, transeuntem habent. Nec enim in pluuiâ, aut niue, ampliùs superstes manet vapor, etiamsi seruent aquæ formam.

CAPVT II.

De loco generationis meteororum.

ARISTOTELIS nostri ordinem secuti, prius de loco vbi generantur meteora, deinde de causis eorum dicemus.

Locus ille, est tota elementi aëris profunditas. quæ in tres regiones, infimam, mediam, & supremam, solet distingui. Infima, est spatium aëris à terrâ ad nubes: media, ipsas nubes capit: suprema, à conuexo nubium ad elementum ignis, aut, si ignis ibi nullus est, ad ipsum cælum expanditur.

ARTICVLVS I.

De suprema regionis aëris quantitate.

Dico Primò: Probabile est, supremam aëris regionem ad sidera fixa, & ipsum Firmamenti fornicem excurrere. Comentarum enim per vias Planetarum traiectiones & motus, satis significant, cælos infra Firmamentum esse fluentes, nec è duro concretuisse. Quod aliis etiam argumentis egregiè ostendit Clariss. Medicus Thomas Fienus, in Cometâ anni 1618. Veri ergo simile est, vniuersum hinc vsque ad fixas interuallum, aëre (siue partem superiorem æthera vocare mauis) repletum esse. Tycho tamen id quod Planetas interfluit, auram, quamdam naturæ cælestis, & diuersæ ab his inferioribus, credit: sed nondum mihi persuasit. neque ex refractionibus siderum ampliùs colligere potuit, quàm partem illam ætheriam, rariorem esse nostrate aëre. quod verum erit, etiam si eiusdem speciei constituas. Halitus etiam terreni, effusissimè rarefacti, supra Lunam scandent quandoque, & partem cælestis illius & Tychonici ætheris in mundum sublunarem depriment, miscebunturque mortalia diuinis & incorruptilibus: quod non deceat.

Dico Secundò: Totus tamen aër inter Planetas, quem æthera appellamus, item pars eius magna infra Lunam, spiritu calido scætet & inferuescit. vt meritò Aristoteles eum, ignem (quia, inquit, simplici alio nomine caret) vel *ὑπεραέρη*, *somitem incensionis*, vocauerit. Scio tamen à multis id accipi de aëre illo, qui statim

supra nubes est: ultra quem statuunt aliquod aliud elementum puri ignis. Sed Aristoteles satis, nisi fallor, cap. 7. lib. 1. Meteor. differt eos testellit. Ait enim: Τὸ πῶς μιν ἔχει ἢ γὰρ ὅσον ὑπὸ τῆς κλύης ὅστις πορὰν, ἢ τὸ πλεονέχον μέρους, ἀναδυμένην ἐκ τῆς θέρμης. Αὐτὰ δὲ καὶ τῆς σφαιρικής ὕλης ἀντὶ τῆς αἰέρος ὅτι πολὺ συμπεριέχεται ἔχει ἢ γὰρ, ὑπὸ τῆς φοβῆς, ἢ τῆς κινήσεως τῆς κλύης. *Mundi, qui circa terram, quantum sub circulari latatione est, primam partem, esse exhalationem siccam & calidam. Ipsa verò cum magnâ parte cōtinui infrâ aëris, circa terram unâ circumducitur à latatione & motu circulari.*

En, ut primam partem sub caelesti latatione, exhalationem vocer. Ac ne putares intelligi de aëre proximè supra nubes, addit, exhalationem istam rapere secum aërem sibi continuum: id est, illum quem hactenus supremam aëris regionem appellare solemus. Hic ergo est, quem Aristoteles proprie aërem; alterum verò qui superest, & ad Lunam vsque, aut veriùs ad ipsum Firmamenti fornicem, pertingit, propter exhalationum feruentium copiam & mixturam, ignem vocauit. Pluribus rationibus alibi ignem hunc quorundam Peripateticorum sublunarem confutabimus.

Dico Tertiò: Meteora quæ exhalationem terrestrem, aut vaporem pro materiâ habent, plerumque non altius à terrâ, quàm 52. miliaribus Italicis, id est miliaribus Germanicis 12. Belgicis 17. eleuantur. Ratio est, quia materia eorum sublimius non scandit. Summi etenim halitus, & crepusculorum lampades, qui primi manè radium Solis rapiunt, & vltimi vesperi retinent, ac proinde altissimi sunt omnium qui videri à nobis possunt, totidem solum miliaribus à terrâ distant, vt post Alhazenum & Vitellonem Tycho approbat multis experimentis. Scio tamen aliquos augere, & alios minuere hanc distantiam. sed media, & iam olim recepta mensura magis hîc placet: & varietas ista prouenit, quia in demonstrationem suam vnus terræ ambitum maiorem, alius minorem accipit.

Dixi antea, *plerumque*; quia, vt Libro 3. patebit, halitus in tantum aliquando rarefcere possunt, vt ad Lunam & inter Planetas perueniant, viderique fortassis à nobis possunt, quia cum raritate aliquam adhuc opacitatem seruant, quæ lumine Solis valeat colorari.

Dico Quartò: Suprema illa meteororum regio, à secundo & quinquagesimo milliari à terrâ, deorsum infra altissimorum montium cacumina descendit. Id inde intelligitur, quòd montes qui-

dam

dam reperti, qui supra totam nubium stationem surgunt vertices, penetrantque in regionem supremam.

— *Nubes excedit Olympus:*

Lucan. l. 1.

Pacem summa tenent, —

magnificè clamat apud Poëtam Pompeianum Brutus. & dudum ante ipsum, de eodem Homerus:

— Οὐτ' ἀνέμους ἴσδασιν, ὅτι τοτ' ὕμῳ

ΔΔΔ).

Neque ventis concutitur, neque imbre rigatur.

Hinc apud eum aliosque Olympus passum pro cælo: quasi omnium montium excelssimus, & cælo ipsi attiguus esset. Sed sua, aut vicina, nimis mirantur, & in maius extollunt Græci. Xenagoras enim, ut Plutarchus in Paulo narrat, ex Geometriâ & vero dimensus, reperit tantum 1270. passus in perpendiculo Olympi. Philadelphus etiam olim veri curiosus ascendit, & verticem eius intra nubes inuenit. Nec Atlas quoque, (quamquam Dion al- Lib. 75.
tissimum montium existimet) in supremam regionem venit. quippe

— *cinctum assidue cui nubibus atris*

Atteid. 4.

Piniferum caput, & ventis pulsatur, & imbri.

Et Dion ipse fatetur, iuga perpetuâ niue canescere. Intra igitur, aut infra mediam regionem sunt: nam in supremâ, niues nullæ. Æmus deinde, mons Thraciæ eminentissimus, verticem in nubibus habet: ascendit enim olim Philippus Macedonum Rex, vulgare opinioni credulus, inde mare Ponticum, Adriaticum, & Alpes Italiæ posse conspici. Vbi autem iugis appropinquabant, ait Lib. 4.
uius, adde omnia cuncta nebula, ut haud secus quàm nocturno itinere impedirentur. Lib. 100.

Dicæarchus, Plinio teste, curâ Regum montes permenſus, altissimum Pelion prodidit, passuum 1250. ratione perpendiculi. Lib. 1.
Quæ altitudo tamen minor, quàm Xenagorica illa Olympi; statque etiam sine dubio intra nubium regionem. Plinius tamen ibidem asserit, scire se, quosdam Alpium vertices tractu non brevior 50. passuum millibus assurgere. Quod si ita est, iam isti ad culmen supremæ regionis adspirabunt. Sed credo Plinium accipien-
dum de tractu & ascensu Alpium obliquo. nam nimis, puto, manifestè falsum est, vllum esse, qui tantum habeat perpendiculi.

Si ergo montium vllus est, qui ultra mediam regionem se attol-

Lib. 3.
c. 11.

lit, Caucasus in Asia est, Tenariffa in Canariis, Pariacaca in America. De Caucaſo Ariſtoteles lib. 1. cap. 13. Meteor. affirmat, videri à nauigantibus in Mæotidem (id eſt, ex diſtantiâ 560. milliarium, vt quidam arbitrantur) & tertiâ parte noctis retinere Solis crepuſculum. Similis excellitas Caſij montis apud Plinium (niſi tamẽ pro Caucaſo, Caſius eum affinitate nominis ſeſellit) cuius vertex *quartâ vigiliâ orientem per tenebras Solem aſpicit, breui temporis circumactû, diem noctemq; pariter oſtendens*. Huius tamen per directum altitudinem aſſerit ſolùm eſſe 4. milliarium. Tenariſſam reſerunt Hiſpani eſſe altitudinis 60. milliarium. In mari enim maximè conſpicuus eſt ex interuallo 4. graduum. vnde Snellius in Eratoſthene ſuo colligit, perpendiculum eius eſſe 9. mill. $\frac{1}{2}$ Ex quibus tamen aliquid deducendum ob reſractionem. Nam res in ſuperficie maris reſractè viſa, altior iuſto apparet, & ex diſtantiâ longiori. Statuamus igitur audacter in perpendiculo, oſto milliaria. quantam altiſſimorum ſub toto cælo montium excellitatem, veterum Sapientum iudicio, affirmat Alhazenſus lib. de Crepuſculis. Errare ergo videntur, qui nullum omnino montium credunt excedere 4. millaria perpendiculi. De longiſſimâ illâ catenâ montium Peruiar, quæ 500. facile leucis à Septemtrione in Auſtrum decurrit, narrat lib. 3. cap. 9. Hiſtor. Indic. Iosephus Acoſta, tantæ altitudinis eſſe, vt ſi in comparationem ducantur Italiz Alpes, caſæ humiles, Peruiiani palatia excelsa videri poſſint. Vnum horum, nomine Pariacacam, cùm pertranſiret, aërem in vertice ita ſubtilem & tenuatum, ac humanæ reſpirationi ſic inidoneum inuenit, vt nauſcâ & vomitu ſerè animam ruſtauerit.

Hi ergo, & ſi qui alij paris ſublimitatis montes, in ſupremâ regione habere vertices videntur, vbi aër viciniâ cæli, & exhalationibus ſeruientibus plurimùm calet & extenuatur. Fruſtrâ igitur Bened. Pererius cap. 6. Gen. diſp. 9. conatur aſtruere, nullos in vniuerſo montes eſſe, qui cacumine mediam aëris regionem excedant. imò diſp. 10. dubitat, an aquæ diluuij, quæ 15. cubitis, omnibus ſub cælo montibus fuerunt altiores, ad mediz regionis nubes pertigerint: quia è nubibus, in fine etiam quadraginta dierum, cùm altiſſimæ fuerunt diluuij aquæ, depluit, tamquam ex altiori loco, in montes & diluuium. Verùm Libro 5. rationes eius diſſoluemus, vbi de diluuiis agimus.

Dico Quintò: Suprema regio deorſum videtur terminari circa quartum à terrâ milliare. Ratio eſt, quia ibi media incipit, vt arti-

articulo sequenti patebit. Habet igitur suprema regio 48. milliaria Italica profunditatis. Ex altitudine enim 52. miliarium, quousque scandunt, vt plurimum, summi halitus, detrahenda solum 4. sunt pro mediâ & infimâ regione, vt iam iam ostendemus.

ARTICVLVS II.

De quantitate mediæ, & infimæ regionis.

Cardanus lib. 17. Subtil. negat nubes etiam excelssimas duobus millibus passuum à terrâ vnquam eleuari: cum verò pluit, & demississimæ sunt, vix putat 500. passibus abesse. Hinc sequetur, infimam regionem, quæ à terrâ ad proximas nubes extenditur, solos 500. passus altitudinis habere; mediam verò, 1500. tanta enim erit intercapedo inter imam & summam nubem. Verùm hæc mensura Cardani nimis brevis est, vti Posidonij nimis ampla: nam existimauit *non minus 40. stadiorum* (id est, Plin. lib. 2. cap. 23. *quinque miliarium*) à terrâ altitudinem esse, in quâ nubila ac venti *nubésque* *proueniunt.*

Dico ergo Primò: Conuexa, siue suprema pars mediæ regionis, quatuor circiter miliaribus Italicis abesse videtur à superficie terræ. Argumentum meum est, quoddam montes quidam, altitudinis perpendicularis miliarium quatuor, quandoque cano vertice visantur. Igitur nubes, materia earum niuium, eousque perueniunt. Antecedens probari fortasse exemplo Atlantis in Africâ potest, quem Dion altissimum montium (falsò tamen) appellat. Nihilominus excelssima eius iuga perenni niue albertia, non multò breuius, quàm quatuor miliaribus à plano terræ fortassis atolluntur. Nam Suetonius Paullinus, quem Consulem se vidisse Plinius scribit, decimis solum castris in verticem eius peruenit. Lib. 5. c. 1. nec tamen per ardua illa & inhospita iuga, quæ à mortali nullo, vt testis est Dion, adiri possunt, extraxit exercitum.

Ætæz etiam cacumen niuale, nec supra mediam regionem est. cum tamen Francisc. Maurolycus Abbas Messanensis in Sicilia, & Ætæz accola, affirmet, ex eo subiectum mare Mediterraneum ad 200. miliaria adspici. vnde Snellius in Eratosthene colligit 40. circiter stadia perpendiculi, siue miliaria quinque. Detrahimus ergo vnum milliare propter refractionem (nam oculus è vertice montis, per aërem vaporosum mari incubantem, & speciem refractam, longius, & partes aliquas superficiæ maris infra horizontem visibi-

lem

lem conspexit) & remanebunt milliaria quatuor. Ac profectò non multo humiliorem *Ætnæ* verticem, inde etiã intelligitur, quòd *Snellius* ab oculatis testibus se cognouisse dicat, fumum & fauillam *Crateris* eius è portu *Meliteni* palàm videri. vnde conficit, altitudinem $3\frac{1}{2}$ stadiorum esse, id est, iterùm milliarium paulominus quatuor.

Dico Secundò: Infima superficies medix regionis, 500. circiter passibus, siue dimidio Italico milliari, à terrâ distat. Nubes enim proximæ, quales sunt atræ illæ & pluentes, vix longiori intervallo diuiduntur à nobis. Liqueet experimento subeuntium Italix *Alpes*. Deinde notavi aliquando in nube pluuiosâ & supra verticem meum tonante, intervallum temporis, inter tonitru & coruscationem fulminis, parfermè esse cum spatio, quod inter flammam tormenti maioris & crepitum intercedit, explosi ex distantia dimidij milliariis. Vide plura Libro 2. vbi tormenta nostra cum fulminibus comparamus.

Exinde autem apertè colliges, medix regionis profunditatem esse milliarium $3\frac{1}{2}$.

Dico Tertio: Profunditas infimæ regionis dimidij solum est milliariis, Tantulam enim iam ostendimus intercapedinem terræ & propinquissimæ nubis.

Solet autem altitudo huius regionis definiri resultu radiorum Solis à terrâ. putantur enim vulgò radij non altiùs quàm ad imam & concavam nubium superficiem resilire. Itaque plerique sic finiunt: Infima regio est pars aëris, quæ à terrâ versus cælum porrigitur, quatenus radiorum Solis reflexio pertingit.

Multi tamen hodie censent, eam longè altiùs, & ad ipsam etiam Lunam peruenire. Si enim Luna, & Venus, ceterique Planetæ, qui corpore opaco & terræ simillimo sunt, lucem Solis ad nos vsque tam vberitè reflectant, cur terra vicissim vsque ad ipsos reicere non possit? Credo equidem, quòd si oculus quispiam in orbe lunari foret, globum terræ & aquæ, instar ingentis sideris (nam terra ferè quadrages est Lunâ maior) à Sole illustrem conspiceret. Species igitur visibiles splendoris exciperet: quæ aliud non sunt quàm radij luminis, vt in Libris de Animâ demonstrabimus.

Itaque propius verum erit, si affirmes, infimam regionem sursum finiri, vbi radij Solis à tellure reflexi, ita deficiunt & languent, vt nihil aut parum radij directi calefactionem adiuuare queant. Ibi autem nubes conrescere, & vapores redire ad naturale frigus inci-

incipiunt. Siue potius (vt ex intimo meo sensu dicam) ibi primæ nubes stant, & ascensum vapores finiunt, vbi aërem infimā regione & se leuiorem, aut vnus ponderis, inueniunt. Alibi enim vbique natura hanc seruat legem, vt leuiora tam altè scandant, donec medij in quo mouentur partem minoris ponderis, aut æquilibrem reperiant.

ARTICVLVS III.

De figurâ regionum aëris.

Dico Primò: Concaua superficies infimæ regionis est pænè rotunda: & qualis conuexa globi terræ & aquæ, quem proximè amplectitur & tangit.

Dico Secundò: Conuexa verò eius superficies, est figuræ promodum oualis. Nam talis est concaua superficies mediæ regionis, cui conuexa infimæ se conformat, quia vndique contingit. Idcirco autem concauitas mediæ est oualis; quia exhalationes & vapores in Zonâ torridâ magis rarefcunt, & altius scandunt, quàm in frigidis & temperatis. & hinc in istis vtrimque Mundi verticibus, id est, sub polis propius terræ incubant nubes, nec ad dimidium totum milliare distant à superficie eius. paullatim verò, & molli quodam cliuo per temperatas in torridam ascendunt: vbi concauitas altissima est, & veluti gibbus ac media crassities figuræ oualis. Vnde sequitur, nubem è Zonâ torridâ per temperatam, sub polum, ventorum flatu expulsam, perpetuò crassescere, & descendere versus terræ superficiem. Quæ omnia primò aspectu, magnâ verisimilitudine blandiuntur, abeuntque non proditâ difficultate, quam tamen benè inspecta, celant.

Nam licet vapores sub polis, vt pote calore languidiore resoluti, densiores sint; aër tamen per quem scandunt crassior etiam & pinguior, quàm sub Zonâ torridâ est: igitur æquè altè ascendunt, atque vapor Torridæ tenuior, per aërem rariorem. Vbi enim est æqualis proportio corporis leuioris ad medium grauius, æqualis etiam erit ascensus. Vt si statuas totum spatium inter Lunam & terram aquâ plenum, eodem modo in summam aquæ superficiem suber eniteretur, atque tenuissima exhalatio per aërem tanto aquâ rariorem. Igitur ratio aliqua necessariò reperienda, quæ ostendat vaporem torridæ, raritate longius superare aërem infimæ regionis, eiusdem Zone, per quem in mediam regionem ascendit, quàm

Zonæ frigidæ vapor aërem suum excellat. Causa est in maiori æstu torridæ. Quia enim ibi angulis rectis, aut propè, radij terram incidunt, & in seipsos reflectuntur, multiplicatâ in angusto luce, acerrimè vrunt, & exhalationem ac vaporem, antequam adscendant, celerrimè in maximam raritatem dissoluunt. Sic ignis magnus & valens, iniectum pabulum in flammam tenuissimam sine fumo statim absorbit; paruus verò aut lentus fumat tantùm, & sine flammâ, aut certè malignâ, pigram suscitât exhalationem. Sed quare pariter non tenuatur ab eadem causâ infimus Zonæ torridæ aër; vt eadè sit proportio vaporis huius Zonæ ad suum aërem, quæ vaporis Zonæ frigidæ ad suum? Quia, credo, corpora densa, vt terra, & aqua, calorem densiorem & magis inculcatum, quàm aër Zonæ torridæ, recipiunt. & hinc vbi calor sic multiplicatus vincere potest subiecti sui densitatem, magno & subito impetu dispergit in amplissimam raritatem. In subiecto autem fluxo & raro, qualis est aër, minus virium habet; & molliter solum fundit, non dissipat nihil obnitentem materiam. Hæc res tota inclarescere potest, per profusissimam, & pænè momētaneam rarefactionem pyrij pulueris, iniecto igne. Longè enim laxius rarefcit & discingitur illa materia, quàm vicinus, & flammæ contiguus aër. Terra verò & aqua frigidarum Zonarum languidè tepescunt radio solari, nec ferè amplius tenuantur, quàm terræ circumfluus aër, qui & à naturâ suâ & à Sole etiam aliquantam habet raritatem.

Ex quibus quoque satis intelligitur, infimam regionem, eodè etiam loco, qualitatibus vertentis anni variari. æstate enim altissima est, hieme summissior. Possunt tamen etiam ardentissimo Sole humillimæ esse nubes. quales atræ illæ nimborum æstiuorum, aut fulminum parentes, quæ humore multo grauidæ, & antiperistasi caloris constipatæ, in infimum aërem feruore anni tenuatum, altè succumbunt.

Dico Tertiò: Conuexa superficies mediæ regionis videtur etiam oualis. Si enim in torridâ vapores scandant altiùs, quàm in frigidis & temperatis: ergo dorsum mediæ regionis gibbo quodam ibi in supremam regionem assurgit. Talis etiam est concauitas huius supremæ regionis, quæ dorsum illud gibbosum cingit. conuexitas verò eius rotunda est, siue fornicem cæli, siue concauum alicuius sublunaris ignis proximè contingat. Concauitas enim ignis etiam existimatur sphærica; quia omnes vndique partes æquis viribus nituntur sursum.

ARTICVLVS IV.

Qualitates regionum aëris.

Qualitates primæ aëri naturales adhuc in incerto sunt. Aristoteles facit naturâ calidum, Stoici & Cardanus frigidum, Turnebus neutrum, sed omnium ex æquo capacem. alibi arbitramur, spero, hanc litem. Nunc de qualitatibus regionum eius, siue ex à naturâ, siue foris veniant, dicam.

Dico Primò: Suprema regio, ab exhalationibus feruidis, eò se per medias nubes transcribentibus, vel liberè cælo sereno & in nubi scandentibus, calida est, & sicca. vicinia deinde cæli & siderum, sine villo supernè nubium obtentu, calorem eius auget. Eleganter Iouianus:

*Vltima torrenti semper sitis vsta calore,
Flammæ consuevit vagos inuoluere tortus.*

Hinc refert Solinus, eos qui in Olympi cacumen ascendebant, solitos fumere spongas plenas aquâ, ad suctum, & temperandam aëris feruentis respirationem. Negauit tamen antè verticem Olympi penetrare in supremam regionem. Certius ergo exemplum in altissimis Peruiæ montibus habemus, vbi Iosephus Acoſta, cum tenuissimo ibi aëre ferè vnâ exspirauit animam. Ex hac supremi aëris qualitate rectè coniecit Scotus in 2. d. 17. q. 2. planitiem Paradisi non fuisse excelsiorem mediâ regione; quod quidam contendunt. In Paradiso enim ver perpetuum, & summa aëris temperies fuit. Vnde nec cacumen eius nubes attingit.

Diſto Secundò: Media regio humida est & frigida, à vaporibus ibi pendulis. Patet experientiâ peregrinorum tranſeuntium per Alpes, & mediam regionem, in Italiam. Conimbricenses tamen frigus illud à Deo olim productum, & iam conſeruari credunt. Sed Deus in talibus effectibus vti conſuevit ministerio causarum ſecundarum. Itaque potiùs à vaporibus ſolùm, eò scandentibus, aër ille frigeratur. Sed quid si cælum sine nubilo sit, inquires, aberitne ab eâ regione frigus? Planissimè. redibitq; tantùm postea, cum vaporibus, aut è terrâ ſubeuntibus, aut adductis ventorum flabris. Exiſtimo enim hîc & ibi sparsim mediæ regionis frigus radio ſolari infringi, eamq; diſſipatis nubibus quandoque intepeſcere; donec aliæ algentes ſuccedaneæ in locum pulſarum aduenerint. Non aſſentior tamen Ludouico Coronello (is Philo-

Lib. 7.
Phyſic.

Sophus Nominalis est, & Hispanus, quod mireris; qui raro addicti Occamistis) qui sentit sub torridâ nullum esse frigus mediz regionis, neque ob intolerantiam caloris vllas ibi nubes coagulari. Sed fallitur. quia à centum paullo amplius annis hæc scribebat, quando nondum omnibus satis erant noræ pluuiæ & diluuiæ, quæ sub ipso etiam Æquatore iuundant, quando Sol est in Æquinoctiis & capitibus eorum perpendicularis.

Nullibi autem, quàm circa montes, frigus mediz regionis & nubes sunt pertinaciores. Terræ enim montanæ & cautium rigor, vaporis ibi coagulum adiuuat, & ita continet, vt circa totum annum nubila verticibus incubare, aut ipsos coronare cernantur.

Dico Tertio: Infima regio, omnes qualitates primas vicissim recipit. Iouianus rem versu dicat:

Prima æquè patiens est frigoris, atque caloris,

Alternâsq; vices alternâ vice rependit,

Vere tepens, æstate calens, eadem horrida brumâ.

Causa huius vicissitudinis penes reflexionis varietatem est, quâ radij Solis obliquiori angulo, hieme, quàm æstate incidunt in terram, & resiliunt in altum. Angulus enim incidentiæ par est angulo reflexionis, vt in speculis experiri licet. Hinc æstate Sol vertici nostro magis ad motus, angulo rectiori terram irradiat, & reflexus ab eâ radius in directum pænè recurrit; eaque vtriusque radij propinquitate & coetu calor vberior prouenit. Vel si alia imago dicendi magis allubescit: Sol hieme, etsi in Apogæo & vicinior nobis, obliquo tamen radio terram impingit. & quia montes, ædificia, plantæ, & infinita alia sunt, quibus terræ superficies exasperatur, umbras innumeras reiciunt in latus vnum illustrata à Sole. umbræ verò omnes lumen frangunt aut debilitant, ne tantum valeat in calorem. & hinc etiam partim est, vt vespere ac manè, quando umbræ adultiores, æstus mollescat & relaxetur. Per æstatem autem, quia Sol nostro Zenitæ propinquior, montes, & quæcumq; in superficie terræ eminent, magis à vertice despicit, & vndique in orbem ferè illustrat, detersâ circumcircâ omni umbrâ. Vnde etiam loca quæ hibernum Solem sine umbrâ excipiunt, vt montium latera, & cliui, & parietes ædificiorum, satis incalescunt, niuesq; fortè adhærentes, statim exerente se Sole contabescunt. Ita Cardanus lib. 4. Subtil. rationem concinnandi hortum ostendit, qui totâ etiam hieme olera & fructus educat. pariete scilicet mobili, & ad eleuationem & depressionem Solis sic composito & modu-

modulato, vt angulis semper rectis incidentes radios excipiat, & in subiectum horri fundum regerat & disseminet. Nescio an non simili olim artificio Entellus ille apud Martialem, vuas suas hibernis mensibus alebat. crystallo etiam vites inclusisse videtur, vt iniuriam cæli defenderet, & ad multiplicandum deinde refractione lumen, & incrementa caloris.

*Qui Corcyra vidit pomaria Regis,
Rus, Entelle, tua præferat ille domus.
Inuida purpureos vvat ne bruma racemos,
Et gelidum Bacchi munera frigus edat;
Condita perspicua viuus vindemia gemmâ,
Et tegitur felix, nec tamen vualatet.
Femineum lucet sic per bombycina corpus:
Calculus in nitida sic numeratur aquâ.
Quid non ingenio voluit natura licere?
Autumnus sterilis ferre iubetur hiems.*

Martial.
lib. 8.

Breuitur igitur, calor æstate, quàm cetero anno, flagrantior, quia à causâ calorificâ maiori & lumine magis conferto venit. Lumen verò maximè multiplicant reflexiones; quæ æstate plures ad idem aëris punctum, quàm alio tempore, fiunt. Hinc enim etiam, vbi Sol vallem aliquam, inter nudas præsertim cautes, illucet, in immensum quodammodo augetur calor, quia vndique ad eadem puncta aëris, à cautiū & saxorum superficie, radij reflectuntur, focosque vbique constituunt.

ARTICVLVS V.

Quomodo radius Solis directus non impediat nubium in mediâ regione concretionem.

SCotus in 2. d. 17. q. 2. duas causas priuatiuas affert frigoris medix regionis: carentiam caloris producti à radio Solis reflexo, qui tam altè non resilit, & carentiam producti à directo. Sed cur radius iste à cælo directè in nubium tergum deiectus, non eas tepescit saltem, aut etiam dissoluit? Quia veluti, lumen gemmarum, putrium fungorum, piscium lucernarum, non calefacit, imò Lunæ frigefacit, inquit doctissimus Fortunius Licetus l. 2. de Nouis astris cap. 65. ita radius Solis directus vi calorificâ caret: calefacitque solâ reflexione, atterendo aërem, humoremque exprimendo, vt ignescat. Verùm, boni stomachi eum esse oportet, qui

tam facile hæc concoquat. Ego certè fateor me infirmiorē. Nam radius directus eiusdem cum reflexo speciei est; cur non ergo cale etiam faciat? Nec attritionem illam, & expressionem humoris ex aëre intelligo. radij enim corpora non sunt, nec tam dura, quàm silex & chalybs, ut mutuo affricu aër medius & deprehensus ignescat. deinde quis eos sic collidit?

Thomistæ quidam se omnibus molestiis defunctos putant; si credant lumen Solis, non secundum gradum ultimum specificum, quo calorificum est, sed secundum gradum tantum generalem qualitatis in nubes recipi. Sed gradus genericus & specificus in eodem indiuiduo, in vnam omnino essentiam coalescunt, nec diuelli queunt. Non potest igitur radius lucis abiicere gradum specificum in nubibus, & eum deinde in aëre infimæ regionis resumere. Locutio tamen sic tolerari potest: & ita D. Thomam explico: Lumen non exercet omnem effectum in nubibus, quem alibi potest; non enim calorem ibi fundit. atque ita gradus luminis specificus & calorificus ibi ex parte saltē otiosus est, & veluti non esset. sed otij huius causam inuestigamus.

Alij passim huc confugiunt: Vnico tantum radio, eoque directo, mediam regionem penetrari; infimam, duplici, directo ac reflexo. Creduntne se extra litem? non sunt. Sic enim in rixam possunt retrahi: Radius à cælo ad terram vniformiter difformiter, ut loquimur, remittitur & languescit: igitur in mediâ regione, quàm infimâ, plenior & intensior erit. Sed rem ad calculum deducamus. Sit in supremâ regione, quæ propinquior cælo, intensus ut 6. in mediâ, ut 5. in infimâ, ut 4. in superficie terræ (vnde fit reflexio) ut 3. Quia autem reflexio debilitat lucem, ut demonstrant

Vitell. l. 5.
th. 5.

Optici, non redibit eâdem intensione sursum, quâ in longum, sublato terræ obstaculo, propagatus fuisset. decreuisset autem directæ protractus, à tertio vsque ad secundum gradum. ut ergo debiliior sursum reuerberetur, oportet solum reflecti ut vnum. Ita enim etiam pila lusoria impacta in murum, minore impetu resilire solet, quàm transuolasset muri profunditatem per foramen, si quod ibi fortè incidisset. Compone igitur iam radium directum quatuor graduum infimæ regionis, cum radio à terrâ reflexo vnius gradus, ex utroque simul lumen quinque solum graduum concinnabis; quot sunt scilicet in radio directo mediæ regionis. Ergo lumen in infimâ regione non est, quàm in mediâ, ad calefaciendū potentius. Sed in infimâ dissoluit vapores, ergo in mediâ tantumdem valebit.

Hoc

Hoc tamen experientia longè refellit. quia media regio manifestè frigidior, quàm infima est, & in eà sic coagulantur nubes, vt concretio radio solari discingi non possit. Dico tamen Primò: Sicuti tota catena & circulus mediæ regionis non vbique est in pari frigore: ita potest hic & ibi sparsim, breui aut longiori tempore, totum illud insigne frigus, quo sic vaporem eò scandentem adstringit, perdere. Id sæpè viridi, & defæcatissimo ab omni nubilo cælo reor accidere. Cur enim necesse semper vaporem ibi adhærere, qui aërem illum frigeret? certè arenosis illis & arentibus Africæ desertis nullæ incubant nubes, nisi aliunde adductæ ventorum flatibus. Si verò ibi catena nubium fracta est, cur densitas aëris remollescere & fundi non potest icta & terebrata radio directo Solis? cur etiam exhalationū siccarum & pænè ardentium, quæ illac in superiora traiciunt, feruorem non sentiat? cur vndique completæntis & dorso imminenti supremæ regionis æstus? Inò si rem ad viuum, & Mathematicam præcisionem, refecis: radius directus per mediam, sed serenatam & innubem regionem, traiectus, ibi, vt antè iam diximus, quia vicinior suo fonti, vberior; & magis calorificus, quàm per infimam regionem erit. quamquam fortasse discrimen sensui manifestum esse non possit. Nam sat credo, etiam multorum milliarium distantia, radium aliquà parte intentionis defecisse; intelligi sensu non valet. Pulchrè Seneca: *Qui Lib. 4. c. 11. Nat.*
dicis altiore montem, quia Solem propius excipiat, magis calere debere; idem dicere potest, longiorem hominem citius quàm pusillum debere calefieri, & citius caput eius quàm pedes. At quisquis Mundum mensurâ suâ aestimauerit, & terram cogitauerit tenere puncti locum, intelliges nihil in illâ posse ita eminere, vt caelestia magis sentiat, velut in propinquum illis accesserit. Nimis Stoicè & rigidè tamen hoc. Quid si enim Solem in Emphyreo (cuius comparatione Orbis Lunæ cum incluso Mundo elementari, instar etiam est puncti) constituas; nonne Luna magis actionem Solis, quàm terra sentiat?

Dico Secundò: Nubes mediæ regionis opacitate suâ radium Solis sic debilitant, vt in calorem inualidus sit. Non enim quodlibet lumen calefacere potest, sed certa intensiōis mensura necessaria est: aut saltem, licet naturâ suâ calorificum sit, in tali subiecto tamen nihil omnino, aut quod sentiri & æstimari debeat, efficere valet, ob repugnantiam insignem frigoris. In infimâ verò regione nubes non consistunt, quæ opacitate radium strangulent, & veluti extinguant: sed aër ibi totus, si extra nebulam est, pellucet; vapore

crassiori quidem quàm sunt fumi nubium, vt Lib. 5. ostendam, intertextus, sed diaphano tamen, quique radium frangat quidem, sed non reiciat. Præcipuus tamen infimæ regionis æstus, non à radio directo, sed innumerâ à diuersis terræ superficibus, & radiorum sese in omnibus æris punctis interfecantium, reflexione, vt artic. proximo dixi, profluit. multiplicatis enim per reflexiones varias, & in vnum foculum concurrentibus radiis, certum ex speculis incendiariis est, calorem & ignem accendi. Et hinc liquet, non rectè à nobis antè positum esse calculum, dum tantumdem luminis in mediâ regione, quantum in infimâ colligebamus. Nam reflexiones ab infinitis terræ asperitatibus radios in eundem locum conuiciantibus, veluti totidem paruis speculis, in immensum infimi æris lumen auctum cunt. Ideo enim à sapientissimo Opifice terræ superficies sic exasperata. vt, inquam, lumen variis repercussionibus vbique in nodos se colligeret, fuculosque innumeros accenderet, qui plantis alimienta in terrâ coquerent, & vitali eas calore animarent.

Si tot in ære infimo foculi sunt, inquires, cur eum calore suo non soluunt, & rariorem ære mediæ regionis faciunt? Faciunt, siue dubio. & veluti in lagenâ humore plenâ partes quasdam & atomos perpetuò scandentes, alias descendentes aspicias: ita in ære qui infra nubes est, pars circa terram, & bi calore laxata fuerit, sursum in nubes, aut quousque aliam eiusdem leuitatis inuenerit, perpetuò subit, desidente alterâ quæ plus proni habuerit. Nam subita illa frigora, quæ alij in cælestibus influentis ferunt, à me æri mediæ regionis algido, & in terram subito decumbenti (nullo etiam manifesto flatu) dantur. vt Lib. 4. licebit cernere.

ARTICVLVS VI.

An superior æris regio raptu calî circumducatur.

Nihil vulgatiùs in Scholis nostris, & omnium ferè libris, quàm Elementum ignis, & supremam æris, motu primi mobilis cæli Lunæ impresso, ab Ortù ad Occasum quotidie circummagi. Verum, quid alij faciant, nescio; ego certè olim & semper tricas, & quidem intricatissimas reperi in hoc motu. Estne enim tractio, an pulsio, an vectio iste raptus? Non tractus; quia quæ se trahunt, per asperas superficies, vel vinculo aliquo nexa esse debent. calorum verò superficies, vt omnes fatentur, glaberrima est. Non etiam

pulsio;

pulsio; quia impellens, locum alterius intrare nititur: ideo enim loco compellit cedere. at superficies cæli in eodem semper circumcisè spatio se gyrat, nec aëris aut ignis locum affectat, vt cogat inde cedere. Quæ vehuntur etiam, aut vinculo quopiam, aut pondere suo affigi vehiculo debent. Sic equus currum alligatus vehit, & hominem grauitate suâ in curru defixum. Deinde, vt experiri cum Galilæo licet, vase rotundo in eodem spatio circumactò, inserta candelæ flammula non exstinguitur, imò ne vibratur quidem: ergo signum est, aërem inclusum, in quo candela flagrat, non rapi in orbem, motu superficieî concavæ vasî. Quibusdam sufficit respondisse, ignem, aut aëra cælo subiectum, raptari, vt cælum inferius à superiori proximè ambiente. Sed in isto etiam par est, aut etiam maior difficultas; quam in Libris de cælo, Deo fauente, extricabimus.

Itaque quispiam neget aërem illum motu cæli sollicitari. quod ab iis longissimè est recedere, qui Oceanum etiam eodem raptu ab Ortum in Occasum volunt abire; vt Libro 5. referemus. Sed præter auctoritatem Aristotelis, etiam Cometarum infra Lunam motus me trahit, imò ferè euincit, vt aëri sublunari motum illum relinquamus. nimis enim pertinaces sumus, si nullum Cometarum, qui cottidianâ periodo ab Ortum ad Occasum circumueiunt, esse Lunari orbe inferiorem, asserere perseueremus. Videntur autem isti Cometæ, ab aëre in quo natant, circumuectari.

Quis ergo motum illum aëri facit, si cælum non imprimit? Intelligentiam hîc alligare, nimis fortasse frigidum; nec pro philosopho, qui in vltimâ solùm desperatione, in hæc latibula confugere debet. An vim magneticam inferere magis placet? sic enim ferum, etiam sine contactu, magnes trahit. Sed hoc etiam asyllum est solis desperabundis. Deinde vim istam per totum cæli forniciem diffusam esse oportebit: ergo maximè efficax erit, aëremque etiam hunc inferiorem, & quæ in eo pendent nubes, in orbem cottidianum circa terram ager.

Alius ergo modus est; si aërem supremum fornici cæli, tamquam, vt sic dicam, centro inniti leuitate suâ statuas. Veluti enim lapis grauitate superficieî terræ premens, in quâ solùm (non aliter defixus) iacet, vnâ circumferretur, si ipsa centrum suum circuiret; ita fortè ad raptum superficieî cæli, incubans & leuitate eam premens inferior aër, ab ipsâ in orbem portabitur.

Verum nec hoc valde allubescit. quia sic premi ab elementis
C leui,

leuibz cælum non existimo; nisi fortè maximâ & insolenti aëris aut ignis raritate intumesceret, sine alterius partis condensatione, Mundus elementaris. Sed id non solet. nam ideo tam obediens & facilis in densitatem est aër, vt statim in vicino se colligat & astringat, vbi in parte aliâ rarefcere, & plus spatij accipere contigerit. Deinde non semper sic aër cælum sequeretur; sed solum cum raritate dissolui contingeret. Elementa autem leuia non incumbunt naturaliter cælo, ipsumque obnituntur in altum leuare, quia iis debitus non est cælorum locus. lapis verò nisi terræ sustentaculum subiectum haberet, præcipitaret se lubenter ad centrum.

Quò ergo vertimus sententiam? Huc: vel difficultate oppressus, pedem non moueo. Dic, Planetas ocysissimo illo raptu, quo se cotidie per ætheris liquidi curricula torquent, medium quod secant & propellunt, raptare etiam in orbem secum. quod non tam rigidè miraberis, si gruum, columbarum, aut sturnorum, gregatim volantium turmas, aërem quoque ante se agere cogites: si deinde, præter septem notissimos ingentis molis Planetas, astra etiam Medicea, Borbonia, & innumera fortassis (imò vix dubito) minora alia, in eodem æthere turmatim volare & circumcurrere. Asperitas quoque quorundam Planetarum ad hunc ætheris impulsum valere aliquid potest. rotunditati enim, quæ globos in orbem terit, minus aër resistit. repugnat verò contumaciùs angulosus, magisque vicissim frangitur & propulsatur ab ipsis. Nec necesse est, ætheris raptum ad orbitam Lunæ statim finiri: quia iure & vinculo continuitatis, aër, siue ignis, qui infra est, aliquousque sequi valet. Fortasse etiam Lunæ tot montes & verrucæ ab Opifice dati, vt aërem inferiorem, his veluti vncis & retinaculis iniectis, secum abriperet. quod Fortunius Licetus nuper credidit. Si aliter autem raptus aëris sublunaris expediri nequit: ecce mihi noua machina ad diffingendam orbium Planetarum soliditatem. cuius antea numquam in mentem venit.

CAPVT III.

De caussa materiali meteororum.

ARISTOTELES, & vniuersi omnes post eum, excepto vno Paracelso, materiam omnium meteororum in duobus halitibus constituit; in vapore, calido & humido, qui Græcè ἀτμός, & exhalatione, calidâ & siccâ, quæ ἀραθυμίασις. calidi sunt, à calore externo eos resoluente, & contra naturam. vapor à naturâ humectus, quia aquâ præfertim, & corporibus mixtis humidis, aut succulentis; exhalatio sicca, quia terrâ præcipuè, & mixtis arentibus, extrahitur. Vnde halitus vtrique communis nil est aliud, quàm substantia leuis quæ è corporibus grauib. virtute caloris rarefacientis resoluitur. Talem autem terrâ & aquâ exhalari manifesto experimento deprehenditur. aquam enim lacuum, & fluminum, item terram imbre madefactam fumare, agros etiam sitientes & hiucos, Sole ictos, tenuem quemdam & velut igneum halitum exspirare, oculis cernimus. Nebula etiam, vbi radio solari, victo rigore interpit, manifestè in altum resurgit. id quæ imbrium & humoris est signum. Certum igitur, pluuiam, vapore quem nebula fert & succollat, conrescere.

Paracelsus tamen pluuias, ventos, & omnia meteora vult siderum fructus esse (sic enim loquitur) vt arborum, poma, & stas temporibus effundi. Hinc etiam stellas, phialas & cucurbitas appellat, in quibus sulphur, sal, & Mercurius, quæ vniuersorum meteororum ei materia sunt, continentur. Sed hæc plusquam Chymica sunt, & ægroti veteris mera somnia. Centum enim etiam annis, talis materia in terram nondum è stellâ aliquâ fixâ defluxisset. Nec reddi ratio solida potest, cur non eadem meteora promiscua sint omnibus anni temporibus. Verùm dubitationem habet, è quibus corporibus vaporetur hæc meteororum materia.

ARTICVLVS I.

An ex terra substantiâ etiam resolui possint exhalationes.

DE aquâ, & ceteris liquoribus, res omnibus confessa: quia olas subiectis ignibus fumare, imò vacuari; lacus æstiuis Soli-

bus cibi cernimus. Terræ tamen vltos halitus extrahi negat Plato, Bodinus, & hodie quidam alij.

Et res his rationibus tegi potest. Primò, quia terram decrefcere non videmus diutiffimè expofitam Soli; fed folùm arefcere, extracto humore qui continebatur poris. vnde diffoluitur tantùm in puluerem, qui omni humore exfucto, femper eadem quantitate perfeuerat. Sicuti ergo in animali venæ mēfenterij fuccum dumtaxat vtilem ad hepar rapiunt, partibus terreſtribus & facutinis demiffis in fentinam & aluum: ita Sol è terrâ humorem tantùm imbrium fecundum, aut fuccum aliquem oleofum ad ignearum impreffionum generationem, nihil de ſubſtantiâ detrectando, videtur exfugere. Sic etiam plantæ terræ humorem, non terram vellicant. vnde ſiccitatibus videmus exarefcere.

Secundò: Ignis cineres conſumere, quia humore carent, numquam potest; ergo nec terram, quæ naturâ ſuâ eſt ſicciffima.

Sed hæc numquam me cogent Ariſtotelem deferere. Igitur de ſubſtantiâ ipſâ etiam terræ Sol aliquid in materiam meteororum decerpit.

Probo Primò: Quia mixta inſigni etiam ſiccitate prædita, vt thus, puluis pyrius, fulphur,

Perf.

Rugoſum piper, & pallentis grana cumini,
& vniuerſa aromata ſuas exſpirationes habent: cur non & terra?

Probo Secundò: Quia aqua cæleſtis, & nix liquata, multum ſedimenti & terreſtris limi habent; eo enim fundum valis altè ſatis oblimant. igitur terrena materia cum vapore exhalatur in nubes.

Tertiò: Ventorum aridorum, qui à mediterraneis & ſitientibus ſpirant, materia ſicca & terreſtris eſt.

Quartò: Lignorum fumus magnâ parte ſiccus & terrenus eſt; vt patet ex fuligine quâ caminos illinit. ergo etiam è ſubſtantiâ terræ ſimilis exhalatio reſolui potest. Quiſpiam etiam fortaſſe idem è materiâ meteororum ignitorum conſidere putabit. hæc enim ex humore aqueo & crudo nequeunt ſtammari. Verùm, neque etiam ex ſiccâ & meriſſimâ terræ ſubſtantiâ; ſed humore aliquo potiùs oleario & pingui: quem Sol tamen è terrâ in aquam poris conceptam diffolutâ & fatiſcente, calore permifcet, & ad pinguedinem iſtam perducit. vnde aliqua ſaltem terræ pars in ſuccum illum corrupta, in altum exſpirat.

Sed obiecta relienda ſunt. De primo, fateor humorem intra poros terræ conceptum, obediētiùs longè, quàm ſiccæ terræ partes,

tes, dissolui & rarefcere . nam experimur omnes liquores modico etiam calore statim fumare , & in auras diffundi . Ita humor linteï, viso statim igne , expirat in vaporem , linteo , quod sentire possis, ne hulum diminuto . Causa videtur esse in mollitie, aut infirmitate etiam vnionis integralis talium corporum , aut denique in quadam rarefcendi proprietate , nondum adhuc satis hominibus notâ . Nam idem humor, qui cum mollis & fluxus esset , igni vaporanti illico respondebat, postquam in metallum, lapidem, aut crystallum dirigit, contumax est, & difficillimè obedit . Sic igitur etiam terra non facillè se exhalarî sinit, nisi humore aliquo mollita & subacta fuerit . tunc enim, vt lib. 2. Meteor. cap. 4. & alibi sæpè Aristoteles, liberaliùs in suas etiam exhalationes , non in solos humos vapores se resoluit . Nego itaque terram decrescere . sed pluuiâ, spiritu è visceribus ascendente , & summis deinde partibus alligato, & post addensationem continuato, stercoratione etiam & lxtaminibus, reparatur . Puluis etiam diu insolatus & excoctus, sine dubio minor est . vbi verò singulæ arenulæ ac atomi , ad minima, vt loquimur, naturalia peruenerunt, difficilîus aliquid carpi videtur : aut quia particulæ metu præsentis corruptionis, dissolutioni pertinaciùs resistunt ; aut quia vnio integralis , vt in lapidibus & crystallis vsu venit, longâ percoctione facta firmior . in rarefactione autè fortasse intercedere oportet aliquam dissolutionē integram partium . Exemplum etiâ suctûs mesaraici retorqueri in cōtrarium potest . Nam venæ illæ etiam aliquas siccorum alimentorum humore potulento maceratas partes alliciunt : aliàs enim nihil de cibis solidis facefferet in substantiam animalis, totumque in excrementa abiret . Similiter plantæ non purum putumque aquarum humorem, sed terrestri sicco fermētatum & incoctum attrahant .

De cineribus, Bodinus incorruptibiles , & omnium corporum naturalium materiam primam esse credit . nam omnia igne tandem destrui, solis exceptis cineribus, apparet . Sed tamen etiam ipsos ignibus diuturnis carpi, & magnitudinem pondusque decrescere, experientia affirmat . Reliquæ verò partes, quæ in tenuissimam scobem & farinam dissolutæ pertinacissimè flammis repugnant, atomis & veluti minimis quibusdam naturalibus constant, in quibus humorem particulas alligantem ignis sic decoxit, vt vix calore diduci valeant . Cineres enim corpus aliquod mixtum ignibus generatum esse videntur : vt aded mirum non sit, ab eodem , & iisdem qualitatibus non facillè dissolui, à quibus esse acceperunt .

ARTICVLVS II.

An vapor & exhalatio specie differant ab elementis grauibus, quibus extrahuntur.

THimon lib. 1. Meteor. q. 9. Tartaretus, aliiq̃ue affirmant. Probatur: quia incredibile est, formas terræ & aquæ remanere sub tantâ materiæ raritate & leuitate, cum naturaliter densitatem & grauitatem appetant. Deinde, spiritus ex animalibus, plantis & ceteris mixtis resoluti, ab ipsis specie dissentiunt. igitur nec vapor cum aquâ & exhalatio cum terrâ consentient.

Dico tamen Primò: Si elementa sint corpora physicè simplicia (id est, nullo materiæ & formæ substantialis cœtu coalita) vt multi Græcorum existimant; probabilius est, vaporem adhuc esse nudam aquæ, & exhalationem terræ, substantiam. In hac enim sententiâ, elementa naturaliter incorruptibilia sunt. & licet suscipere aliquam corporis mixti formam valeant; videtur tamen sapius nondum superinducta fuisse, quandoquidem in naturam & proprietates elementorum tantâ pronitate relabuntur. Id ergo quod vaporem & exhalationem vocamus, mixtum aliquod ex elemento antea graui, & nouitiâ formâ substantiali mixti non est; sed ipsa nuda substantia elementaris, vitiata accidentibus peregrinis.

Dico Secundò: Etiam si cum Aristotele nostro, & sensu ferè communi, elementa ex materiâ priori & formâ substantiali compingamus, verius est, vaporem aqueum, formam aquæ, & exhalationem terrenam, formam terræ, adhuc retinere. De vapore, res certior: quia fumus vapidus ex ollâ scandens & operculo adhærens, in aëre etiam feruido aut tepenti, in aquam reuertitur, nullâ ibi manifestâ causâ secundâ præsentē, quæ tam citò ex vapore valeat regenerare aquæ substantiam. Idem etiam ex omnibus distillationibus & sublimationibus Chymicorum potest ostendi, ac facillimo reditu æstiu vaporis in rorem. De exhalatione fluctuo magis. quia raritas illa tam discincta & dissolutissima longissimè abiuit à naturali terræ densitate. Sed nihil tamen refert. quia eadem forma maximam aliquando qualitatum repugnantium diueritatem perpetitur in suâ materiâ. Nónne enim aqua naturâ suâ frigidissima, ingenti quandoq; calore, incolumi tamen formâ substantiali, effruescit? nónne eadem naturaliter fluida & liquens, in glaciem alligatur & rigescit? nónne contrâ, metallum, durum

à na-

à naturâ & consistens, igne soluitur & liquefit? Minus igitur iam mirare, terram saluâ formâ substantiali sic in fumos diffuere; quidquid re rideat Bodinus. Sed constatne, terrestres exhalationes aliquando ad terræ densitatem & naturam redire? Fateor, experientia nebulosior est, quàm in vapore. Tamen in aquâ pluuiâ, & niuali, limus qui subsidit, terræ lutum videtur, in quod se redierunt refrigeratæ cum vapore exhalationes. Fallitur enim Thimon, qui partes terræ densas etiam num & graues, in nubes à succollante spiritu rariore subuehi credit. Fallitur Plinius, qui vapores in altum, piscium etiam examina, imò lapides baiulari. Tamen dispersus enim, & languidè scandens spiritus, tantum virium non habet.

Lib. 11.

cap. 1.

Ad Primum, ostendimus iam aliorum exemplo, formam terræ à raritate illâ exhalationis non necessariò statim interfici.

Ad Alterum, existimo plurimorum etiam mixtorum vapores & exhalationes, formâ non differre ab ipsis. Sic vapor Mercurij, Mercurius adhuc est; cum à sublimatione se redenset, & ad ingenium reuertatur. thuris, sulphuris, & infinitorum mineralium exhalationes, veterem speciem seruant. Difficulas grandior est, si viucentibus fumi illi extrahantur. vapores enim & humores florum & plantarum viuere non videntur post distillationem; cum tamen antea partes plantarum essent, & vitam haberent. Itaque opus aliquo discrimine. Sunt multi plantarum succi, quibus ut sanguine nutriuntur. hi exanimis sunt, & venis earum expressi, speciem non mutant: magno argumento, quòd in medicamentis per multos annos eandem vim purgandi & alterandi corpora retinent, quam in ipsis plantis habuerant. sic spiritus etiam, & sudores tertie concoctionis in animalibus residui, speciem suam per auras secum differunt. Si verò vapor aut exhalatio, partium viuenticum resolutione generatur, in homine & animalibus perfectis illico, & in ipsâ dissolutione integrali partis, vitâ extinguitur: quia anima talis in materiâ abscissâ à roto, & præsertim tam rarâ, non potest durare.

In plantis verò, & animalibus imperfectis, potest, saltem breui tempore. paullo post tamen funeratur in cadauer.

Ex inanimatorum partibus etiam quandoque ignis halitus differentes specie gignit.

Ita vinum in aquam vitæ sublimatum, amplius vinum non est. quod ex vi illâ admirabili caloricâ, quam deinde pertinacissimè retinet,

retinet, ex leuitate etiam quâ ceteris omnibus liquoribus superesse nititur, satis intelligi potest.

De causâ formali meteororum, dicemus speciatim in pertratione singulorum. nunc vno verbo, & vniuersè dico, esse aut figuram, aut localem motum, aut aliud accidens quod cum materia coit, illud accidentarium compositum, quod appellamus meteorum.

CAPVT IV.

De causâ efficiente meteororum.

CAUSAS efficientes proximas, quæ formam illam accidentariam inducunt, vnde essentiz complementum & nomen habet meteorum, postea dabimus. Nunc remotam inuestigemus, quæ resoluit vaporem & exhalationem, omnium communem materiam.

ARTICVLVS I.

Georgius Agricola & Lydiatus nituntur ignem subterraneum facere principem auctorem vaporum & exhalationum.

DVplici ratione, terrâ & aquâ exhalari aliquid potest: vel à supposito igne calefaciente, vel à Sole & cælo supernè impendente. Vtroque modo fieri constat. quia & multi ignes subterranei sunt; & nihil euidentius, quàm terram madefactam fumum exspirare irradiante Sole. Sed controuersia est, ab utrâ causâ plus materiz in meteora resoluatur.

Georg. Agricola lib. de Causis subterraneorum, maximam & præcipuam halituum copiam à subterraneo igne vaporari credit; nihil verò, quod vllâ ratione tot meteoris sufficere possit à Sole. Hunc etiam acriter contra Peripateticos defendit Thomas Lydiatus Anglus, in libello de Origine fontium. Munimenta inspiciamus, quibus hæc opinio fidet.

Inprimis suppono, plurimos & maximos sub terrâ ignes ardere: quos obscurius calidi plurifariam fontes, Ætna, Veluuius, Heccla, & tot alibi montium crateres & Vulcani flammæ in cælum vomentes, euidentius produnt. De quibus Aristotelem, siue alius
est

est auctor, in lib. de Mirabil. auscult. & Vitruuium lib. 2. c. 6. alioſque potes conſulere. Tales etiam plurimi in Americâ nuper inuenti, vt lib. 3. cap. 24. Hiſt. Indic. vidiffe ſcribit Iosephus Acoſta. Montes ſunt altiffimi, inquit, in plano vertice, camino ad radices vſque per immenſam profunditatem pertuſi. Aliqui ſumum tantum, alij flammam, alij per interualla vtrumque, quidam etiam cineres, & id ab annis centum, & tempore immemorabili eructant. Alibi etiam in fundo camini, ſine flammâ aut fumo ſic ardet ignis, vt avarus quidam, inquit Acoſta, ſuſpicatus aurum eſſe, lebetem per ferream catenam demiferit, quam momento panè temporis conſlauit & abſumpſit ignis. Si tot ergo locis ignium emicantium perpetua tot ſæculis ſunt incendia, credibile eſt alios ferè vbique eſſe ſubterraneos ignes, qui ſi non in apertas flammâs, ſubtiles ſaltem exhalationum fumos per venas & rimulas in apertum exſpirent & materiam meteororum. Videtur enim terra inſtar animalis eſſe, quod focum & fontem caloris habet in corde: à quo ſpiritus per arterias hac illac per totum corpus, in extimam vſque cutem, & denique foras per poros effunduntur. Ac veluti in animali, calor naturalis viſcerum, tepidos vapores ac exhalationes non tantum per os & nares, manifeſta ſpiracula; ſed per infinitos alios cæcos meatus, quibus tota cutis cribro crebrius perforata eſt, ſuſpirat: ita terra, præter igniuomos montium crateres, tenuibus vbi que ſpiraculis pertuſa eſt, quibus ſe etiam in auras exhalat.

Secundò: Viſ calorifica Solis, non altiùs in terram, quàm pluuialis aqua, & arborum altiffimarum radices, penetrat, id eſt ad duos circiter paſſus, ſiue decem pedes, vt Lib. 5. c. 6. art. 2. oſtendimus. Ex tantulâ autem profunditate Sol pro tot diu noſtrique ſine ceſſatione ſpirantibus ventorum flabris, naſcentibuſque infinitis aliis meteoris, materiam, niſi nimis parcam, elicere non poteſt.

Tertiò: Magna pars ſuperficie i terræ ſiluis, plantis, ædificiis, lapidibus tegitur: ex quâ proinde nihil; aut vix hilum Solis calor decerpere valet. conſtat enim etiam minimâ vmbra Solem frangi, & terram refrigerare. Ex reliquâ autem parte nudatâ ſummi non eliciuntur ſuffecturi vniuerſis meteoris.

Quartò: Aqua ſtagnans, & Soli multis diebus expoſita, vix tandem tepeſcit. ergo Sol eleuare non poteſt tot vapores, vt ſatis ſint maximis illis & torrentiſſimis pluuiis, quæ menſes ſæpè totos, & aliquando annos edurant.

Quintò: Non reſoluitur ex ſuperficie & ſummâ cute Belgicæ tellu-

telluris, exhalatio sulphurea & nitrosa, quæ fulminibus, & pluribus ignitis meteoris necessaria est. Cum igitur Belgium etiam fulminet, materia est visceribus, non superficie terræ, petenda erit.

Sexto: Nocte & hieme non pauciora, quam die & æstate, meteo-
ra videmus. igitur materia non attrahitur à Sole, qui nocte nul-
las, hieme imbecillas vires habet. Imò qui sub polis habitant, me-
dio anno, quo Sole carent, non carent meteoris.

Vltimò: Idem experientiâ quadam Clarissimi Viri, Medici ac
Philosophi excellentissimi, Thomæ Fieni, huius Academix Ar-
chiatri, firmare possumus. Qui è littore Batauico, sereno & amœ-
nissimo cælo, quondam Oceanum prospectans, vidit è mediâ ma-
ris superficie subitò emicantem vaporem, capite humano vix am-
plio-rem: qui perpetuo tamen effluxu, breui temporis spatio, seren-
itate pulsâ, densissimâ nebulâ totum impleuit cælum. Igitur sub
terrâ, & fundo maris ignes aliqui latent, qui sæpè aliàs tales fumos
in cælum expirant.

ARTICVLVS II.

Defenditur Aristoteles. Agricola & Lydiatus reijciuntur.

Aristotelis tamen nostri sententia est, Solem esse principem
causam, & maximè vniuersalem, vaporum & exhalationum.
Vbique enim eius meminit; ignis subterranei, parcissimè. Libro
tamen Meteor. 2. c. 3. ab igne isto saporibus infici fontes, & cap. 4.
exhalationem ventorum, in parte gigni affirmat.

Et est inprimis satis certum, multorum ventorum materiam
excitari à Sole. Anniuersarij enim omnes flatūs, qui statis ferè
diebus aut mensibus adspirare solent, à Sole manifestè reguntur.
Sic namque Prodrōmi, Etesix, Ornithix quotannis ferè velut
ad conditum redeunt. sic vere & æstate flatūs antelucani, omni
pennè die sub auroram ad nos reuolant; primi videlicet tepore
crepusculi, surgente, & molliter deinde relabente, & refundente
se halitu.

Secundò: Sæpè post imbrem, vt notat Aristoteles, sequi solet
ventus. nec aliâ re, nisi quia terra humecta & mollita, modico te-
pore superueniente, reddit obedientiùs & faciliùs mixtos exha-
lationibus vapores.

Tertiò: Materix nimborum, & fulminum, euidenti experi-
mento, leuantur à Sole. Nam ideo, vere præsertim & æstate, post
magno

magnos calores sæpè fulminat, & effundunt se nimbi. quia, inquam, Sol præcedenti ardore, plures vapores & exhalationes attrahit, quàm possit digerere.

Quartò: Oculisetiam ipsis cernimus primo manè nebulas & vapores è mari, paludibus, fluminibus, vallibus subcuentes. & hoc secuturæ pluuiæ non mendax sæpè signum habemus.

Quintò: Si in campos æstate torridâ, Sole feruentes, oculos intendamus, subtilissimum vbique fumum exhalari deprehendimus; per quem medium conspectæ agrorum glebæ tremunt & vibrantur: veluti muri & lapides platearum solent, si per exhalationes, quas in publicis supplicationibus expirant nostræ faces, aspicimus.

Sextò: Confessum etiam est, matutinum rorem à Sole resorbiri. quod Scriptura quoque de mannâ Hebræorum fatetur: *Cùm in caluissit Sol, liquefiebat.* & alibi: *Statim ab exiguo radio Solis calefactum, tabescebat.* ac deinde vaneſcebat in auras.

Septimò: Qui in Americâ sub Æquatore habitant, perpetuos & profusissimos imbres, cùm Sol in æquinoctiis, & vertici impendet, habent; ideoque incolæ tempus illud anni sui hiemem appellant. Causa autem non in ignibus subterraneis est, sed haud dubiè in Sole: qui infinitos pæne è subiecto mari vapores simul haurit, quos perpendiculari etiam & præſentissimo radio nequit dissipare.

Solem etiam esse causam huius effectûs magis, quàm ignes subterraneos, vniuersalem, sic potest ostendi. Quamlibet partem superficiei terræ subdiualem sex menses totos singulis annis illustrat & calefacit. hoc tantùm discrimine: quodd in Zonâ torridâ, & duabus temperatis, diem noctemque intra 24. horarum spatium alternet; in frigidis verò sub utroque polo, diem vnum perpetuum sex mensium faciat. Igitur ex omni terræ & aquæ ambitu halitus euocat. ignis verò subterraneus, non vndique & per totam terræ superficiem in aëra se expirat, vt iam iam patebit.

Ad Primum ergo, libenter damus, ignem è terræ & magnæ maris visceribus, pluribus locis in cælum suspirare. Nec enim eruditissimo Turnebo, in lib. de Calore, planè acquiescimus. qui, *Omne, inquit, calorem è calo proficisci certum habeo, eiusq; perennem & iugem esse fontem Solem, reliquis tamen stellis in partem conferentibus.* & deinde: *A medio terra centro se promit & quoquo versum diffundit frigus, vs à cali culmine se calor deorsum demittit.* Nam calorem

etiam aliquem terræ spiraculis imputamus. Sed ista tamen spiracula rara sunt: nec vlla satis manifesta in Belgio, nisi fortè circa calidos Aquisgranensium fontes. Similitudo etiam terræ cum animali, non conuenit. Animal enim vbique calet, nec vlla pars eius interior est actu frigida, vt Medicorum experientia docet. Terra verò vndique ferè sub cute suâ (æstate præsertim, quando plurimè tamen halitus expirantur, & infra duos passus, quò celestis calor non peruenit) absolutè alget. Non mirum igitur, calorem animalis vndique per poros subtile aliquid, cuius odore canes heros suos & feras internoscent, exhalare, terram verò plurifariam nil simile pati. aliàs vt hominis, ita terræ superficiem, calore & spiritu interaneorum se per cutem transfundente, ardescere, aut intepescere ferè semper experiemur.

Deinde, quàm altè vbique defossi sunt ignes illi subterranei? Certè eum ex puteis & fossis carbonariis ac metallicis, quæ magis ab aquâ frigent, quàm ab igne caleant, apparet insignis eorum profunditas. Cautè igitur Io. Dondus, Philosophus olim Patavinus, ad triginta tota milliaria infra terræ superficiem abscondit. ne scilicet metallicas venas conflarent, aut amburerent, inquit, arborum radices. Sed quis tam credulus, vt per triginta milliarium crassitiem, spiritus illi vbique incolumes possint se in aëra nostrum extricare? sæpius profectò in viâ tam longâ adhærebunt, aut rigore terræ, vel subterraneorum aquarum extinguentur.

Denique niues nostræ, quæ tepore minimo tabescunt, manifestè vbique statim, subeuntibus totè terræ venis spiritibus, liquefient. Sic enim in animalium villis, hominum vestibus, circa arborum truncos, celeriter soluantur aut tabescunt. quia etiam arbores teporem quemdam & spiritum naturalem exhalant, quem niues diu non ferunt. Scio, reponent, terræ poros frigore ambientis aëris & iacentium niuium constringi, ne spiritus subterranei valeant eluctari. Videmus enim fumare terram, si effodiatur hiberno tempore, & niuem, quæ in agrum recens inaratum ceciderit, citò diffuere, quia partes terræ infra spiritu multo tepentes aratrum inuertit in superficiem.

Fateor etiam profectò, terræ poros, & humorem, si quis ipsis inerat, gelu sic alligari, vt halitus inclusi non reperiant exitum. Nego tamen id futurum, si isti ignibus subterraneis, vt volunt, exhalantur. Ascenderent enim noctibus diebusque agmine perpetuo, & plurimi confertissimi que circa summam terræ superficiem ag-

grega-

gregarentur; quia obstructis aut conniuentibus terræ poris libertas euolandi retunderetur. Vnde frequenti appulsu ibi conglomerati & restagnantes, terram inflabunt, & meatus ad exitum subaperient; niuesque superiacentes in tabem, & aëra totum inferiorem in teporem remollient. Sic enim pori animalium hiberno frigore contracti, ambulatione & motu spiritibus intus agitat, etiam usque ad sudoris eruptionem relaxantur.

Exhalationes igitur quibus terra arata fumat, natæ sunt circa eius superficiem à Sole, quando vires ad eousque penetrandum habuit, vel in aëre à frigore nocturno aut alio deprehensæ, in terræ venas compulsæ fuerunt. Quod inde liquet: quia si fodias altius, fumum inde nullum exiurientem percipis. Nec omnis etiam aruus ager æquè halat; sed ille maximè, qui multo fimo & lætamine satur, sæpeque exercetur. Fimeta enim, ut agricolæ sciunt, plurimo spiritu ècrementis animalium turgent, & fumant. Terra etiam magis exercitata, fistulosior est, & idonea, hiatque magis recipiendis intra poros haliçibus. Spiritus deinde inclusus, aliquatenus seipse amplificare, quia partes aliquas terræ, aut pinguis humoris intra meatus eius concreti, tepefacere & dissolvere, potest. Ita namque spiritus fœni mutuo contactu & confluxu se inuicem calefaciunt, ut faciant quandoque incendium. Non igitur necesse est credere, omnes istas exhalationes, quas terræ exspirare aliquando cernimus, aut à suppositis ignibus, aut immediatè esse à Sole.

Ad Secundum dico, ex decem illis terræ in profundum pedibuseductas exhalationes, ventis & meteoris omnibus ignitis largiter sufficere, si plusculum illud supplementum adiicias, quod è visceribus terræ afferunt subterranei ignes. Ratio à D. Augustino lib. 2. cap. 4. in Genesim, peti potest. quia quoduis continuum partibus infinitis constat, quæ sine fine rarefcere possunt in maius, & spatium amplius occupare. Quid ergo magni miri, si solidæ terræ particula in amplissimam exhalationem, aëre inferiori longè rariorem leuioremque, diffundi valet? Ecce enim granum vnum pyrij pulueris (quis credat?) flammatum, in spatium 125000. maius dispergi VVillebrordus Snellius se expertum affirmat. Deinde, non habeat sine continuum & materia terrestris partes infinitas: admittendæ tamen plurimæ erunt, in corpore densiori sese penetrantes, quæ per rarefactionem extra mutuum situm distrahantur in spatium longè diffusius. Sed quare terræ tergum non tandem

exinanitur, vellicatis, & in sublimē abreptis tot cottidie eius partibus? Petam vicissim ab agricolistis: Cur terræ viscera non erogantur & absumuntur tot intestinis depasta vbique incendiis? Respondeo igitur, facilius quàm ipsi: vapores & exhalationes in terram recidere, rursusque in eam reuerti; vt denuo releuari, & perenni circulo iterum repluere, & ad nos valeant relabi. Respon- sionem ad hoc secundum argumentum implebunt, quæ iam ad- demus.

De Tertio. Verum est, ex terrâ inumbratâ siluis & ædificiis non tantum à Sole extrahi, quantum ex apricis. attamen radius, aliunde saltem, in umbras percussus (nisi planè Cimmericæ sint) modicè eas frangit & tepescit. Verè & eleganter, id est, vt Soler, Seneca: *Loca quæ aliquâ iniquitate natura ita clausa sunt, vt Solem accipere non possint, illa quoque nubilâ & tristi luce calefiunt, & per diem minùs, quàm noctibus, rigent.*

Lib. 1.
c. 9. Nat.

Deinde, umbræ frequenter se cum Sole gyraunt: vt lux pleno ali- quando radio illustret quidquid superficiæ terræ ab umbrâ, cir- cùm arborem fortè aut domum se vertente & fugiente Solem, occupatum fuerit.

Denique ex plantis ipsis aliquid sublimari, inde liquet, quod ni- mio Sole flaccescant, ac exsiccantur. ex odore præterea, quem vnâ cum spiritibus exhalant, ærē quē vniuersum cum lubricitate aut noxâ animalium implent. Hinc enim horti & siluæ in pestilentia petuntur: & olim tali periculo suasæ à Medicis Principi Com- modo lauræ siluæ, quia halitu suo lucem abigerent. Fructus etiam plantarum latissimè & confertissimè spiritum dispergunt: vt iu- menta quæ aromata vehunt, sæpè etiam adigantur in insaniam. A lapidibus quoque ipsis aliquid extorqueri satis intelligitur: quia ve- rustate faciscunt, & exsucto omni humore dissoluuntur. Greges deinde animalium & armenta, & homines ipsi, præsertim qui vi- no, cereuisiâ pingui, aut alio spiritali potu se largiter inuitant, non parum fortè in nubes & rem meteorologicam expirant. Camini etiam domorum in frigidis regionibus facile rependunt & pen- sant obstaculum umbræ, quod ædificia Soli obiciunt.

Virgil.

Et iam summa procul villarum culmina fumant,
inquietabat ille. Ita profectò, fumant totam aliquando nubem, aut, si tam altè non statim ascendat, nebulam. Manè & vesperi caminos, Leodienses ac Montenses præsertim, adspice, quando nouo carbonario igne recalcere incipit focus; mentior, nisi me- cum

cum dicas, halitu illo tam copioso aliquid posse addi nubibus.

Nigranti piceus sensim caligine vertex

Sil.lib.4.

Voluitur, & pingui contorquet nubila fumo.

Hoc etiam valdè æstimandum: Maris, lacuum, fluminum superficies vbique ferè sine umbris Soli esse expositas: quæ tamen terræ aquis nudatæ magnitudinem faciliè adæquant. Hinc enim immentis vaporum, imò etiam exhalationum copia euocari potest. Nam aquæ marinæ, & pleræque omnes aliæ, terrestrium halituum miscellâ iniquatissimæ sunt. relabuntur enim in eas supernè plurimæ exhalationes; alibi quæ etiam è fundo veniunt, aut deorsum aluco limus humori confunditur. Igitur etiam ex aquis, terreni halitus aliquid à Sole sorberi potest in altum. Et hinc à mari, etiam ubi nullæ Insulæ eius interpellant vnitatem, venti afflant; licet exhalatione molliori, quàm à terrâ; vt retulerunt nobis Indici nautæ. Nam exhalatio terrenoeducta ferocior est, & magis procellosa.

Nec omittendum, quòd radius solaris altiùs multo in aquas, quàm terram, penetret. *Sol enim, ait lib. 2. cap. 42. Plinius, perspicuus urinantibus est, in quamlibet profundam aquarum altitudinem.* Nimium tamen, & falsum hoc est. Nam piscatores vnionum maris Pacifici iuxta Panamam referunt non infra quindecim cubita aspici à se Solem. Idem adserunt vrinatores Indiæ Orientalis ad Ormutum, vt Ludouicus Barthena mihi testis. Verùm ex tantâ saltem ferè profunditate, præsertim circa torridam, halitus à Sole resolui è mari, & educi possunt.

Circa Quartum, multi mecum olim decipiuntur, qui feruentes solum, aut sic tepentes vt digitus immersus persensiscat, ollas fumantes vidimus. Potest enim reverà tenuis vapor, & qui visum omnem effugiat, aquâ expirare, etsi nullus teporem eius valeat percipere. Calorem etenim non sentimus, nisi intensior fuerit illo, qui organum tactûs nostri contemperat. Potest autem aliquis remissior, ad vaporem fundendum & exhalandum sufficere. Et nõnne linteum madens, frigido autumno aut hieme, suspensum etiam extra venti flatus, Sol exsugit? tange tamen ipsum, teporem nullum tactus agnosceret. Nõnne etiam illos ipsos lacus, quos ætate tepescere vix affirmas, Sol tamen ebibit?

Quintum etiam falsum sumit. Certè enim in Belgio ex omnibus pænè ruderibus, & stabulis animalium, halinitrum, id est, materiam pulueris pyrii educimus. Chymici etiam nostri è rore per distillationes aliquam nitri, & salis ammoniaci partem eliciunt, quam

quam Sol procul dubio summâ tellure vnâ cum roscido vapore extrahit. Itaque terra etiam nostra, halinitri ferax est, & materiæ fulminalis. Sulphuris quoque: cuius nuper etiam apud ocellum vrbium & Orbis, Antuerpiam nostram, venam satis vberem & beatam, repertam omnes scimus. Si quâ autem in parte halinitrum & sulphur Sol parcius extrahit, rariùs Iouem fulminantem sentit, aut aliunde materiam aduehunt flatus.

Sextò Respondeo, noctibus apud nos rorem, pluuiam, fulmina, &c. generari ex halitu quem dies antè proxime lapsi vaporauerint. Terra quoq; diurno Sole calefacta, teporem etiam in noctem seruat, reliquiasque halituum quasdam exspirat; vt incendiorum, postquam deflagauerint, cineres solent. Hi autem nocturni spiritus pestilentiores sæpè diurnis creduntur: vt crassius ille & ater fuliginis, quam cædela recens extincta spirat, vapor, nidore suo & noxiâ qualitate magis nares ac cerebrum offendit, quàm si eo se aleret, venenique malignitatem discuteret viuens flamma. quomodo etiam pestiferorum halitus nocentiores sunt, calido adhuc & à vitâ fumante corpore. Vnde minus periculi habet, *decem etiam lan-
gentes inuisere*, inquit lib. 2. cap. 4. Cosm. noster Gemma, *quàm
semel adesse mortuo, præsertim vbi recens cadaver exhalat, aut etiam
illis adesse propius, qui primùm è domo funebri prodierant: quia pestis
fomisem in veste circumferunt*. Qui etiam in Sphærâ stante, siue sub polo habitant, medio anno quo Sol infra horizontem est, meteora, præsertim niues, sentiunt, de materiâ quam Sol longo & pertinaci dimidijitidem anni die vaporauit. Nec enim halitus in altum sublatus, statim necessariò totus & vniuersim relabitur, aut consumitur à Sole; sed multos dies, imò menses potest pendulus in sublimi fluctuare. Venti etiam à Zonis temperatis in frigidas reflantes, vaporem & exhalationem aliunde sublimatam adducunt. Stellæ deinde, circa polum præcipuè Arcticum, maximè illustres, conferre fortassis aliquid insensibilis teporis valent. Luna tamen magis: quæ singulis longæ illius noctis mensibus, dies circiter 14. supra eorum horizontem visitur. Ipsa enim, præsertim pleno aut tumidiori orbe, femineo & imbecilli radio, lenit tamen, quantum nos etiam experimur, noctis rigorem.

Nimio tamen acumine exerrat eruditiss. Medicus Franciscus Valesius cap. 26. Sacræ Philos. dum regiones sub polis temperatioris circumiacentibus esse contendit. Quia, inquit, regio Arctico polo subiecta *vincit proximas ac reliquas Septentrionales*
plus

plus dierum longitudine, quàm vincatur reſtitutione radiorum.

Verùm cum experientiâ pugnat. diuturnâ enim illâ ſex menſium nocte totus diei antecedentis calor extinguitur. imò non ſola nox, ſed magna etiam diei pars apud ipſos hiemat. nam Hol- landi, exitu etiam menſis Iunij, mare ſex pedum altitudine con- glaciatum inuenerunt. Cauſa, penes longitudinem noctis, & quia ſoli ibi Aquilones, exulantibus mollioribus & tepentibus ventis, regnant. Audi Exercit. 37. Scaligerum: *Hicme, qua decem ſanſe menſes, quaſi pauimento ſolidata maris ſuperficies. aſſate perpetua ca- ligo, qua pomeridianis horis vnâ aut alterâ vix diſcuſſa, mox redin- tegratur.*

Sed addit Valeſius, numquam ibi veriùs toto anno eſſe noctem, ſed diem ſolùm, aut crepuſculum. cùm enim eorum horizon inci- dat in Æquinoctialem, Sol numquam altiùs, quàm 23. paullò am- pliùs gradibus demergitur: quanta ſcilicet eſt intercapedo Æqua- toris & brumalis Tropici. crepuſcula tamen durant, inquit, etiam cùm Sol 30. gradibus depreſſus eſt infra horizontem. Verùm à ſcam mate & vero hoc abit. Circulus enim crepuſcularis 18. ſolis gradibus deſcribitur infra horizontem: quam diſtantiâ vbi Sol tranſiit, lampades omnes crepuſculorum extinguntur. Deinde frigida ſunt omnia crepuſcula, niſi dies proximè feruidus præceſ- ſerit. Experientia denique illa pulchra & rariſſima Clariff. Thomæ Fieni, probat ſolùm, quod etiam vltro damus, ignes aliquos ſub fundo maris viuere, & halitum quandoque per totam aquæ pro- funditatem in aëra noſtrum ſe transfundere. Sed recuſamus ta- men, ignes ſubterraneos omnibus aut plerique terræ poris in cæ- lum reſpirare. Igniculos etiam, radicibus præſertim montium ſpar- ſim & rarè ſuppoſitos, non reſello. Tales quippe, thermas plurifa- ciunt nobis tepefaciunt; imò frigidorum etiam fontium ſoli fa- ciunt, aut ſaltem adiuuant generationem, vt Lib. 5. oſtendemus.

Hoc denique habe, & finio: Non ſcandunt vapores & exhala- tiones, attracti virtute aliquâ magneticâ Solis, vt Scaliger credit; ſed diſſolutâ elementi denſitate, ſponte ſuâ mouent pedem, ſiue ſuccollantur à propriâ leuitate.

LIBERTI FROMONDI
 METEOROLOGICORVM
 LIBER SECVNDVS:

De Meteoris ignitis.

CAPVT I.

Materia & forma ignitorum.

CAUSSA materialis transiens meteororum ignitorum est ἀραδυσίασις seu *exhalatio idonea flamma*. Hæc enim est, quæ inflammatione corrumpitur in ignem : qui est materia pernianens huius meteyori . Vt autem exhalatio flammam, saltem visibilem, concipiat ; debet esse viscosa aut pinguis. quæ enim omni humore oleari carent, vt cineres, candelarum fuligines, &c. non recipiunt inflammationem. Hinc sequitur, materiam istam, non esse puram putam terram in fumos exhalatam. mera enim terra, arida est & omnis pinguedinis expers. macerari ergo eam antè oportet humore aliquo pingui, poris eius, virtute caloris solaris aut alterius, incocto ex aquâ pluuiali, & partibus terræ in eam fatiscentibus. Deinde bona, & fortasse melior materix horum meteororum pars, ex mixtis, vt sulphure, bitumine, plantis, animalibus resolvitur.

Forma meteororum igneorum, vt talium, sunt *accidentia quadam, & præsertim situs, aut motus materix, qui meteyoro tribuit nomen*. A situ enim & figuratione, aliquod lanceæ, aut trabs, &c. à motu, ignis fatuus, aut capra saltans, &c. appellatur. Forma eorum substantialis, est forma ignis, si exhalatio sit tota incensa. aliàs enim potest meteorum maiori parte constare exhalatione adhuc crudâ, quæ lumine partis accensæ perfundatur & resplendeat.

Aduerte, tamen multa sæpe haberi pro ignitis meteyoris, quæ reuera

uerà non sunt: sed vel corpora sunt suapte luce fulgentia, vel ligna putria fungi que putres, vel sideris alicuius reflectunt lumen, ut trabes illæ, & luminosi tractus, qui nocte concubiâ, post extinctas omnes crepusculorum reliquias, ab horizonte occiduo aut Boreali, subito euibrantur, aliquando etiam usque ad Meridianum. Imò Robertus Fluth, Anglus scriptor, affirmat se quondam ignem fatuum noctu secutum & allecutum: & materiam inuenisse non igneam, sed viscosam & lubricam, compactam in modum spermatis ranarum, distinguentibus nigris & exiguis maculis subalbidam, quæ vice speculi redderet stellarum lumen. Causa efficiens proxima, non omnium ignitorum eadem est: diciturque ea in singulis. Initium autem ab iis, quæ in infimâ regione circa tertiam generantur, faciemus. deinde per mediam ad supremam ascendemus.

CAPVT II.

De meteoris ignitis infima regionis.

ARTICVLVS I.

De Igne fatuo.

HUNC ignem & alios similes Plin. lib. 2. cap. 37. dicit in Naturæ maiestate abditos, & incertâ ratione ori. Nos eos tamen, quantum Deus & meditatio dederit, è latebris istis extrahemus. Ignis, qui vulgò fatuus, etraticus etiam, aut ambulo, solet appellari.

Materia eius, exhalatio pinguis & viscosa: forma, saltus ille in modum hominis fatui. Causa exhalationem incendens, in difficili est & obscuro. Tres possumus imaginari. Prima, saltus ipse exhalationem conficiens & attenuans. sic enim eam ad formam ignis (à causâ primâ, quando secunda deest, producendam) disponit. Deinde, antiperistasis nocturni frigoris. hæc enim exhalationem densat, & partes subtiliores, in quibus fortasse est aliqua scintilla ignis quam interdum Sol accendit, in centrum, aut in angustum cogit: ibique mutuo contactu se calefaciunt, & ab vnâ reliquæ incendium rapiunt. vel certè etiam totam exhalationem Sol ante occasum incendere potuit; noctuque demum, extincto maiori lumine, apparere cœpit. Sicuti enim astra non minùs interdum, quàm inter noctu lucent, etsi non distinguamus: ita omnia ignita meteo-

ta die iuxta ac nocte generari valent, licet lumine Solis nimis vberi perfusa, inter diem non conspiciantur. Tertia causa, antiperistaltis nubium esse potest; quæ stellæ cadentes & fulmina etiam accendit. materia enim fatui in nubibus fortasse fuit, indeque expulsa, in infimo aëre tamdiu fluctuat, donec tenacitate digesta, tota deflagrauerit. Hæ causæ etiam accommodari possunt Castoribus, Helenis, & id genus aliis.

Causa saltus fatui, sunt rores nocte in eum recidentes, & deprimentes, contra quos leuitate suâ resurgit: fluctus etiam & inconstantia aëris: denique, prout densatur frigore, aut calore rarefcit, succumbit, aut in altum resilit.

Locus ubi frequentius apparet, paludes, cloacæ, cœmeteria, patibula sunt. quia ibi copia halituum pinguium, quos loca vliginosa, & mortuorum cadauera expirant. Tempus, æstas maximè, quando Solis efficacior ad soluendas exhalationes potentia; vel autumnus, quando terra incendio æstatis adhuc fumar, & Sol satis validus ad eliciendos, non absumendos, halitus. Hæc enim vnica videtur ratio, cur omnia meteora ignita magis autumnino, quàm aliâ anni tempestate frequenterentur. Durant autem fatui ignes aliquot etiam horis: quia licet perpetuò partes exhalationis subtiliores exspirentur, aliæ tamen contumaciores aduersus flammam, paulatim accenduntur, & (vt fit in candelâ) decedentibus succedunt.

Flammulæ istæ in Germaniâ & Belgio rariores, quàm in Hispaniâ, Africâ, & circa torridam, sunt. In montibus Hispaniæ viatores sæpè plurimas simul vident, in Æthiopiâ campi toti nocte ipsis, ceu stellis, nitent.

Quia verò in materiâ lentâ & tenaci ardent, aliquando signa militaria, aut viatorum hastas apprehendunt. *Vidi*, inquit Plinius, *nocturnum militem vigiliis inherere pilis pro vallo*. Et, *Gylippo Syracusæ perenti, visa est stella super ipsam lanceam consistisse*, ait Seneca. Nuper etiam ante decretoriam illam Pragensem pugnam, narratur Illustr. & Inuictissimi Tribuni Legionis illius VValonica, verè fulminatricis, D. Guiljelmi Verdugi vexillo ignis talis insedissee: idque augurium aliquod infecutæ mox ingentis illius victoriæ fuisse.

Solet sequi fugientes, aut fugit insectantes, quia aër ei pro vehiculo est. aër autem versus tergum inambulantis, motu vacui, affluit, ducitque secum suspensam in eo flammulam: vnde videtur sequi. fugit verò, & quidem euidentius, quia aëris fluctus & vndatio quam ambulans facit, eam propulsat & abigit. vnde magis equitem

Lib. 1.
cap. 37.

Lib. 1.
Nat. c. 1.

quitem quàm peditem fugit: ille enim maiorem aëris fluctum ante se agit. Ad flumina autem curiosos, aut turbatos, sequentes ducit: quia aqua crispâ, & sæpè fluctuante, superficie attiguum aërem secundo alueo deducit, in cuius locum alius, ignis fatui fortè vector, defluit. Ad concauitates etiam & alia præcipitia; quia fortasse ventus ab eminentioribus repulsus eò se gyrat & deuoluit. Adde, certum & expertum esse, malos Genios in perniciem mortaliū aliquando hunc ignem dirigere. Ostendo id manifesto exemplo cuiusdam mei affinis, qui mihi sæpè denarrauit. Redibat is nocte oppido Viseto Haecuriam, natalem meum locum, æquali inter Leodium & Mosæ-Traiectum distantia. & ecce medio campo circumuolant eum subito tres quatuorve fatuæ istæ faces. perterritus abiicit se illic in terram. permanent tamen illæ, & vno aut altero passu ab eo distantes, fixæ & immobiles circumlucunt. Cū diuīus terræ inhæreret, & inuocaret Dei opem, absiliunt inde dimidio ampliū milliari. Exsurgit tum quasi liber, videtque transuolasse Mosam. sed ecce vix duos aut tres passus confecerat, reuolant derepentè, & cingunt vt priūs. ibi ipse maiori terrore in terram recidere, & pertinaci procubitu tam diu fatigare, donec rursū sine reditu diffugerent. Nihil certius, quàm talem motum non casu, sed ab Intelligentiā aliquā directum fuisse.

Vulgus etiam fingit, animas Purgatorij esse, quæ vagentur circumdata, & alligata, hoc expiatorio igne. Et auget suspicionem, quòd aliquando videantur voces quasdam edere. quia forsitan pars materiæ densior, concepto intus & intecto spiritu rumpitur, & cum crepitu dissilit: vel quia nocturnus ros cum stridore flāmulam incidit, vel quia ipsa secando aëra sibilum facit. ipse etiam Genius aliquando rector, fingere voces ad terrorem aut dolum potest.

Id verò quod Robertus ille Fluth in manus nactus, vt in fine cap. præcedentis narrauimus, non ignis fatuus, sed gluten fortè aliquod in aëre concretum fuit: delapsū enim in terram ante se affirmat, quod ignis ille fermè non solet. vel fortassis reliquit alicuius stellæ cadentis fuerunt, quas ignis in talem substantiam decoxerit: sidusenim aliquando cælo lapsū vidisse se, Clariss. Vir D. Petrus Castellanus, Medicinæ & litterarum Græcarum Professor, Vir tam fide dignus, quàm Medicinā, & omni politiori litteraturā inter Academiæ nostræ eruditissimos conspicuus, mihi narrauit, materiamque eius non longè abluisse, ab eā quam Fluth in fatuo suo igne deprehendit.

ARTICVLVS II.

De Castore, Polluce, Helená.

TRes istos ignes, quæ etiam sidera à nautis appellantur, solus loci situs à fatuis distinguit. hi enim terræ, illi mari impendent. vnde aliquis è fatuo & ambulone Helena fiet & sexum mutabit, si ventus è terrâ in mare eum exhibilet. Si duo simul à nautis conspiciantur, Δίος κούρη, siue Castor & Pollux; si vnicus, Helena vocatur. Hispani & Galli circa mare Mediterraneum, S. Hermi aut S. Telmi ignes, Itali, S. Petri & Nicolai, nominant. Duo, felices, & tranquillitatis indices reputantur; vnicus, mali ominis, & tempestatem importare. Temerè tamen, vt credo: & ideo solùm quia Castor & Pollux benefici olim nauigantibus, profligatis toto mari piratis. Helena verò soror, à Paride rapta, calamitosa, & occasio longæ illius & famosæ Trojanæ obsidionis. Cardanustamen lib. 2. Subtil. nritur veram causam reddere. quia, inquit, cum duo, parui sunt, & minimè lenti; alias enim in vnum cossent. Sed frustrâ. Duo enim parui possunt æquiparati vni maiori: & licet forent lentæ ac tenacis materiæ, non ideo statim in vnum nodum confluerent; quia fortè vento aut fluctu aëris non permittuntur iungi. Melius ergo Seneca lib. 1. Nat. cap. 1. vim nullam in numero ponit, sed in quiete solùm & motu. *In magnâ tempestate*, inquit, *apparent quasi stella velo insidentes. adiuuari se tunc periclitantes existimant Pollucis & Castorû numine. Causa autem melioris spei est, quòd iam apparet frangi tempestatem, & desinere ventos.* Quies ergo illa in antennis & velis significat status sopiri, & malaciam redire, siue vnus, siue duo, pluresve ignes fuerint. cum verò iactari & discerpi incipiunt, ventos sentiunt prodromos tempestatis. Multitudo tamen etiam materiæ huc refert aliquid. nam exhalationes plurimas, in flatum mox fortè recasuras, ascendisse fatis indicat. & hinc quòd magis vrit, & in materiâ densiore ardet hic ignis, eò maiorem & prælentiozem perniciem affert. vt verum illud Cardani esse possit: *Helena sidus circa malum nauis, quod cadens etiam anea vasa colliquat, certus submersionis nuntius.*

Ceterum, quia Castor & Pollux nautis salutares, aliquando effigies eorum pro *ἑλπίδι* seu insigni figebantur in prora nauis. Veteres enim, vt notat Ios. Scaliger, præter Tutelam, quæ Deus aut Dea in puppi erat, *ἑλπίδι* (à quo nomen, nauis accipiebat)

vt Centaurum, Taurum, Arietem, Anguem, Castorem & Pollucem, in prora statuebant. Hinc S. Lucas Act. ultimo scribit, nauem Alexandrinam, quâ S. Paulus Syracusas nauigabat, habuisse pro
Ἰουλίῳ, Διοσκῶνι, Castorem & Pollucem.

ARTICVLVS III.

De Igne lambente.

Hic ignis est exhalatio tenuis & vncta, ex spiritibus animalium concinnata, & circa crines eorum relucens. Id autem Veteres habebant pro rei cuiusdam & fortunæ ingentis præfugio. vnde ingeniosè capiti Iuli, filij Æneæ, talem circumfinxit Poëta:

Ecce leuis summo de vertice visus Iuli

Aentid. 1.

Fundere lumen apex, tactûque innoxia molli

Lambere flamma comas, & circum tempora passî.

Et Æneas pater:

Nos pauidi trepidare metu, crinemq; flagrantem

Excutere, & sanctos restinguere fontibus ignes.

Sed non erat necesse. Flamma enim illa, innoxia lambere comas solet, vt Poëta antè dixit. Noto etiam, totam pæne ignis istius naturam tribus versibus ab eo signatam fuisse. In primis *apicem* vocat, quia flamma hæc in conum fastigiari solet: subtilissimâ scilicet eius parte citiùs in altum fugiente, & ceteras præuertente, scilicet in apicem densante, vt sic faciliùs terebret, & vincat aëris ambientis resistantiam. Deinde *leuem* dicit; quia flammula est, texta è tenuissimo spiritu. Tertio, *tactum* eius esse *mollem & innoxium*; & hoc ob materiæ tenuitatem. similis enim est flammæ vini ardentis, in quâ fluxa raritas vim amburendi planè discinxit. nam linteum eo madefactum nihil vstulat, contenta solum humorem exsurgere. Quarto, *circum tempora passî*. eadem enim flammula non diu perseverat, sed alia & alia, perpetuo agmine, à spiritibus ascendentibus, in supplementum pabuli venit. Denique, tempus quo tales ignes videri tantum solent, nempe nocturnum (nam die, maius Solis lumen eos hebetat aut prorsus supprimit) egregiè obseruauit. Factum id enim ipsâ eâ nocte, quâ equus ille durateus Troiam cepit. Aliquando tamen, vbi halitus densior & pingui sudore (qualem magnus & improbus labor exprimit) est pernixtus, interdum etiam se, è vicino saltem, videndum præbet. Sic Alexandro in ardore pugne caput scintillauit, sic Tiberij equus quon-

quondam flammigerauit. & de L. Marcio Scipionum in Hispaniâ ultore, Liuius ex Antiâte, *Flammam concionanti fufam à capite sine ipsius fenfu, cum magno pauore circumftantium militum*, feribit. Seruio Tullo etiam Rom. Regi, puero in regiâ cubanti caput artille vifum, creditumque Laris familiaris filium: & ob id Compitalia, & ludos Laribus primum inftituiſſe, affirmat Plinius. Sed verifimile id puero in tenebris eueniſſe. niſi etiam Magicum aliquid interuenerit. Porrò irâ aut vino æſtuantia capita, faciliùs hic ignis circumfulget: quia illis pori aperti & dehiantes, & ſpiritus plures ac magis ignibus idoneos ſuppeditant in flammam. Hinc Alexander quia vinoſus & igneæ complexionis (licet quidam apud Athenæum lib. 12. melancholicum, & ideo ſanguinariũ & crudelem fuiſſe dicat) aptus & procliuiſ hisce inflammationibus fuit. Exiſtimo etiam, non rarè ſpiritum ſine verâ flammâ & igne lucere. Patet id in equis & felibus, quos ſi aduerſo pilo vehementer frices, ſcintillas (nec puto ardentes) excuties. pari ratione, ſi ſaccaro (quod non ſemel ſum expertus) in denſis tenebris cultrum affricies, flammâs perpetuas, vix irritò vllò iſtu, emicantes videbis. habeo tamen, cur dubitem igneæne flammulæ, an lux & albedo ſpiritibus ſaccareis nativæ ſint. Certum enim eſt, multos eſſe ſpiritus qui lucem ſine igne habent. Putâſne Poëtâ, cum Turnum iratum deſcribit,

Æneid. l. 12.

His agitur furis, totòque ardentis ab ore

ſcintillæ abſiſtunt: oculis micat acribus ignis.

intellexiſſe ignem, qualis qui focum noſtrum accendit? Plus ingenij habuit. ſcintillæ iſtæ nitent tantũ, vt nitedulæ & lampyrides, non vrunt. ſunt enim animales aut alij in corpore ſpiritus, quos ira, pudor, & ſimilis alia perturbatio per neruos opticos in tunicas oculorum expellit. Hinc ſtagrantes illi Tiberij oculi, qui cum primũ à ſomno pauiſſent, omnia in tenebris, ceu mediâ luce cernebant. tales etiam ferè Dictatori Syllæ. qui etiam rutilâ comâ, & rubeâ facie inſtar ochræ fuit. quales, fallor, aut citius phantaſticus iſte ignis allambit. fuluus enim crinis fulgines aliquas cõcolores habet, ſpiritusque ruſorum magis ſplendent. vnde & ſudor eorum propius quàm ceſerorum, ad croceum accedit. Tales deniq; oculi flammigantes C. Mario, quibus, ceu geminis facibus, Cimbrum exterruit, quem ad eum in obſcuro carcere trucidandum ſubmiſerant Minturnienſes, vt in Mario Plutarchus ſcribit. Vbi aduertere licet, tres Principes inſigniter crudeles & ſanguinantes, C. Ma-

rium,

rium, Cor. Syllam, & Tiberium Cæsarem, pari oculorum habitu fuisse. Similes etiam canum rabientium in tenebris oculi. Scio deinde, cui à largiori paullò vini Hispanici potu, experrecto, nox visa collucere. & de quadam Comitissa lib. 1. Obseruat. narrat Schenckius, in morbo oculorum, nihil inter diem ac noctem distinxisse; sed omnia per tenebras, vt claro meridie, solitam cernere. Cuidam etiam pestifero nuper Collegium nostrum visum ardere. sed incendium in oculis eius tantum fuit. Asclepiodotus Philosophus in nocte, lucernâ nihil adiutus, libros legebat. Imò, vt iam video, duo Scaligeri, & Casaubonus tandem, si Deo placet, affectant Tiberianos oculos. vt vix me teneam, quin etiam clammem in hoc me mustaceo laureolam inuenisse. Spiritus autem tales clari & luminantes, oculis & poris capitis confertim erumpentes, ignis lambentis speciem facere possunt. Tales etiam fortasse illius Carmelitæ, de quo lib. 8. Variet. cap. 43. Cardanus, cui per annos tredecim, quoties cucullum in occiput reduceret, flammæ erumpebant. Magiam enim fuisse non existimo; quia Religiosus: neque etiam sanctitatem; quia sæpè ad prandia à miraculi curiosis inuitabatur, & ibat: magni autem sancti non tam facile vadunt pransum foras. Aliquando tamen Deus luminosas eiusmodi indes capitibus amicorum suorum circumfundit, sicque vulgò eos pingimus. & S. Ioannes Apoc. 10. vidit *Angelum amictum nube: & iris in capite eius, & facies eius erat vt Sol.* Facies quoque Christi Domini in monte Thabor, resplenduit iuxta aut supra fulgorem Solis. hæc autem coruscatio lucem & puritatem mentis significat.

CAPVT III.

De meteoris ignitis media regionis.

ARTICVLVS I.

De Dracone, & Stellâ cadente.

PARACELSVS ridiculè censet Draconem hunc esse animal igneum, natum in elemento ignis; vt muscas in aëre, pisces in aquâ, vermes in terrâ. dicitque brevis vitæ, vt Salamandras, *genitas, inquit, sine semine, ex putrefactione sulphuris adurentis.* Sed cineres, & reliquæ eius in terram decidentis, satis indicant ignem, non animal,

mal, fuisse. Repellitur autem, ut quidam existimant, hæc exhalatio à nubibus, in quas magno impetu incurrit. Verùm durities nubium non est tanta, ut retorquere deorsum tam valide possit, ut Lib. 4. circa causam efficientem ventorum dicemus. Itaque refrigeratio, quæ exhalatio in mediâ regione aut circa condensatur, & grauior aëte redditur, in quo pependit, vel certè explosio è nubibus, more fulminis, est causa volatus & obliqui delapsus eius. Hanc secundam causam esse frequentiore, probat color ille draconum cæruleus: qui haud dubiè nasci videtur ex mixturâ lucis exhalationis incensæ cum opacâ parte nubis, quam erumpendo sibi implicat & vnâ detrahit. vnde etiam exhalatio valde refrigerata, & tantum non extincta apparet. ut non sit iam mirum, tonitru nullum ab eâ edî, cum languido, frigido, & fracto verberet nubem cædat. sic etiam puluis madens, aut flammæ densioris, fragorem in bombardâ surdum facit, glandemque tardè & cunctanter expellit. Sinuoso autem corpore sunt dracones, eâ ratione, quâ turbines, itidem è nubibus explosi. quia scilicet posterior pars exhalationis grandiore impetum, quam prior, accipit; eamque premendo, arcu quodam aut gibbo in latus auertit. partes etiam nubis aut exhalationis vtriusque appositæ, alarum imaginem, vti scintillæ quædam igneæ circa caput, similitudinem flammæ ore vomentis, facere possunt. Censeo tamen fabulosum, veros dracones ignem (nisi forte in itâ, quod & equi possunt) solitos spirare.

Ex his potest draco volans sic finiri: *Exhalatio pinguis & copiosa accensa, quæ deorsum obliquè cadit è nubibus, similitudinem habens veri draconis volantis*. Forma autem veri draconis, oblonga est, tumente aluo, capite & caudâ gracili. Scaliger Exercit. 183. de Atlantidis, *Solo contactu*, inquit, *dracones Atlantis montis interficiunt. capite sunt & caudâ gracillimi: alui tanta vastitas, vix ut reptoni sint habiles*. alati tamen quidam sunt, & volant. quamquam Cædanius lib. 7. cap. 29. Variet. scribat se Lutetiæ quinque vidisse, *bipedes, alis exiguis, ut vix*, inquit, *volare crediderim. caput paruum, & serpentum capiti simile, color lucidus, pluma nulla, nec pili. magnitudo eius qui alios præcellebat, cuniculi*. Sed hi dracunculi tantum erant. Plinius enim, etiam vicenium pedum, in Indiâ nasci affirmat. Miratur tamen idem, vnde Iuba, Rex ille & Scriptor egregius, cristatos crediderit. nam *Draconum cristas*, ait, *qui viderit, non reperitur*.

Dracones signa sunt pestilentie & morborum. quia aërem multum

eis exhalationibus grauem & infectum esse oportet, vt tantæ molis meteora generentur. Qui deuolantem aspexerit, vulgus credit breuî moriturum. sed vanè. scio enim qui dudum vidit, adhuc superstitem.

Stella cadens, inquit Aristoteles, è nubibus, vt nucleus è digitis compressis, excernitur. Generatur ergo vt draco, & fulmen; sed sine crepitu, qui saltem exaudiatur à nobis. habetq; se ad fulmen, vt glans sclopeti minoris ad maioris tormenti sphaeram. ac veluti ex distantia medijs milliarijs, sclopeti flammulam vides, surdo sonitu; cum flammâ verò tormenti, audis & fragorem: ita lumen fulminis cernis, & audis simul bombum, non autem stellæ exsiliens strepitum. quia exhalatio minor est, nec latâ & sonanti plagâ rumpit nubem. Vt etiam fulmina & dracones vero motu ad terram vsque quandoque decidunt, ita de stellis cadentibus asserit Aristoteles: atque aliquando in flumina delabi. Poëta 1. Georg.

*Sapè etiam stellas vento impendente videbis
Præcipites calo labi, nostrisq; per umbram
Flammæ longos à tergo albescere tractus.*

Et deinde:

*— De calo lapsa per umbras
Stella facem ducens multâ cum luce cucurrit.
Illam summa super labentem culmina telli
Cernimus Idæâ claram se condere siluâ,
Signantemque vias. tum longo limite sulcus
Dat lucem, & latè circum loca sulphure fumant.*

Vbi in fine, ad materiam fulminis sulphuream alludit; ex quâ etiam stella cadens.

Magnam porrò hoc meteorum cum pyrobolis nostris, & id genus ignibus artificialibus, habet cognationem: nisi quòd hos flamma leuet in altum; stellæ verò cadentes, contra naturam & cum iniuriâ ignis, explodantur deorsum. aliàs sæpè in his, vt illis, materia paulatim in ipsâ traiectione incenditur. sed non cum tanto crepitu stellæ in fine dissiliunt; quia materia loculamentum & claustra rumpenda non habet, vt puluis chartâ toties replicatâ pressus & constrictus in pyrobolo. Hoc etiam discriminis est, quòd quò magis pyrobolus flammam rapit, hoc magis festinat in cælum: vbi stella contrâ, incremento ignis tardatur; quia leuitas resistit motui deorsum.

Sed cur cælo sereno plures, quàm nubilo, faces cadunt; cùm ful-

men in magnâ solùm nubium densitate generetur? Negare illud possum. quia fortè stellæ, quas in serenitate putamus cadere, discurrentes potiùs sunt; quatum generatio longè diuersa est, cum è nubibus non excutiantur, sed aliam & aliam materiam inflammando, imaginem tantùm discurrentis exprimant, cum reuerà locum non mutant. Deinde tamen etiam plures sereno cadunt; quia textura nubium tunc tenuior, & proinde faciùs ab imbecillâ stellulæ exhalatione dirumpitur. fulmen verò nubem densam & atram postulat, vt plures exhalationis partes in easdem angustias cogantur, & simul accendantur, maioriq; impetu ac tonante perfringant nubem. Interdiu etiam conspicuæ non sunt, vt fulmina: quia lumen tenuius faciùs Sole tegitur, & nubes deinde illa tenebricosa fulmini umbram & noctem facit, vt videatur. Aliquando tamen vincunt etiam diem. *Nostra certè atas*, inquit Seneca, *non semel vidit diurnas faces, alias ab Oriente in Occidentem versus, alias ab Occasu in Ortum*. Ita sidera dies suppressit: nuper tamen in fine mensis Augusti anni 1625. Venerem solari & purissimo meridie multis diebus aspeximus; cum aliquâ etiam vbique, vt postea audiuius, plebis trepitatione. Cometam enim iterùm aliquem obscœni ominis exultimabant. Primi Antuerpienses viderant, gens ingeniosa, magnanima, altarum & celestium cogitationum capax. Scripsit statim ad me, nuper hâc in Professione Collega meus, nunc nobilis Ecclesiæ Cathedralis Brugenſis Canonici, R^{du} & Eruditiss. D. Ioannes Vander Gouven, S. Th. L. Vir pietate, & scientiâ Theologiæ, Philosophiæ, aliaq; variâ & miscellaneâ planè eximius, suspicatusq; quod verum erat: nempe Venerem matutinam, quæ vno non ampliùs ferè Signo antecederat Solem. Circa perigæum etiam erat, & satis admota terris, vt species amplior se oculis ingereret. *Argumentum tempestatis nautæ putant*, ait Seneca, *cùm multa transuolant stella*. quia scilicet cælum plurimis exhalationibus mox refaturis scatere oportet, in tantâ ignium multitudine. Sideribus etiam deciduis, totidem viros illustres tunc extingui, Antiquitas censuit: quasi cum ipsi denascei oporteret, quæ nata credebantur eisdem natalibus. & huius vanitatis adhuc memoria aliqua tenuis manet apud nostrum vulgus.

Cetera quæ de hoc meteoris possent, communia sunt stellis discurrentibus, aut fulmini, ibiq; dicuntur. Tantùm ergo stellam cadentem definitio: *Exhalationem incensam è nube explosam deorsum, quæ imaginem habet veræ stellæ cadentis*: & ab eo.

ARTICVLVS II.

Quis modus generationis fulminis.

A Vdite quæso Paracelsum cap. 8. Meteor. *In stellis fulminantibus est sulphur in summo gradu, salpetra in summâ pinguedine, Mercurius in summâ contrarietate. Ex his tribus sonitru, fulmen, & tempestates fiunt; quæ maxima totius Firmamenti actiones meteorice sunt.*

Putat ergo ipse in stellis quibusdam Firmamenti, instar mortuorum cauis, sulphur, salpetram, argentum viuum permisceri, & inde fulmen accendi, excussumque ad terram peruenire.

Sed ridiculè. sic enim multis annorum millibus fulmen ad terram non pertingeret: cùm lapis etiam molaris è concauo Firmamenti demissus, vix (si vulgarem Astronomorum de distantia eius opinionem retinemus) 90. annis ad nos vsque decideret. Vnde Vulcanus Iliad. 1. malus Geometer, aut certe, excusâ ei, in lapsu tam longinquo, mente, errauit in tempore; cùm die vnico artificiali, ab oriente Sole ad Occasum, concionatur se è cælo cecidisse in Lemnum.

Sed exhalatio è terrâ in nubes sublata, sine dubio est materia Fulminum. Ostendo vnicâ ratione. quia noctes, quas dies feruens & plurimum in altum exhalans præcessit, maximè fulminales esse solent. Deinde circa montes igniuomos frequentissima sunt fulmina & tonitrua: non aliâ causâ, quàm quia halitus multos & sulphureos expirant in eorum materiam.

De causâ verò efficiente, est quod dubitem amplius. Ea verò duplex est, proxima, & remota. hæc est, quæ exhalationem accendit, illa, quæ accensam deorsum torquet: ipsa enim dat vltimam formam fulmini, qui est motus ille deorsum obliquus & transversalis. Et quidem de causâ halitum inflammante; Empedocles, & post illum Seneca lib. 2. cap. 26. Natural. non existimant ignem in nube generari, sed genitum antè, nubium conflatu deorsum elidi. vnde secundum eos, Sol aut ignis hic in terrâ flammâ illas, antequam ascenderet, fecit. Nec magis mirum, inquit, ignem in humore nubium tenui & roscido cõtineri, quàm sub ipso mari, cuius aqua tantò crassior, longè facilius ignem obruit. Ignem verò subesse mari, probat; quia memoriâ Maiorum mare Ægæum in fumum & flammam ebullit, quæ tandem etiam Insulam totam

congelis pumicibus rupibusque semiustis in altum expulit. Sed ridet hoc Aristoteles: & perinde est, inquit, ac si dicas, aquam, & niuem, & grandinem fuisse antè in nube, non ibi generari cum incipiunt delabi. Deinde sine vllâ atietatione & conspectu nubium sepe fulminat. Denique ex tonitru & subitâ rapturâ nubis, satis intelligitur, ignem ibi repentè generari, ac in flammâ locumque; spatiofiores rarefcere. Plinius lib. 2. cap. 20. docet fulmina esse deciduos trium Planetarum superiorum ignes; & ab eis expui cum crepitu, vt è flagrante ligno carbo. Iouem tamen, qui inter Martem & Saturnum medius, dici præcipuè fulminatorem, quia à Saturno (vt interpretor) frigido, plurimum excrementitij humoris in eum decidit, recipitque à subiecto Marte ardorem quo digerat, & fulmina conficit. Sed sidera vaporibus pasci, antiquum nimis & iam antiquatum est: & cælestium lucernarum deciduæ istæ emunctiones eodem argumento contemni possunt, quo lebetes Paracelsi, quibus salpetram in Firmamento pro fulmine nobis coquit.

Itaque ignis iste fulmineus intra nubem nascitur, non aliunde, supernè, aut infernè, venit. Lucret. lib. 6. à ventis putat accendi: qui ibi tumultuantes,

*Quarentesq; viam circumuersantur, & ignis
Semina conuoluunt è nubibus. atque ita cogunt
Multa, rotantq; canis flammam fornacibus intus,
Donec diuolsâ fulserunt nube corusci.*

Sed ventus generare ignem, aut resuscitare mortuum non potest, sed viuentem, depulsâ fuligine suffocante, pascit.

Dico ergo Primò: Antiperistasis frigida nubis exhalationem feruidam, nondum ignitam, ignire per accidens potest. Ratio est, quia nubes, se constingens, multas halitus & dispersas particulas in vnum locum exprimit, quæ mutuo affricu & discursu se extenuant, & in tantum incalescunt, vt tandem recipiant formam ignis. A quâ causâ propriè efficiente? inquires. Dic tu mihi antè, quænam scintillas, quas attritu chalybis elicis, producat. si das cælum, si causam primam in defectu secundæ, eandem hinc reddam tibi.

Dico Secundò: Sæpè ignea scintilla aliqua in tam spatiosâ nube, & tam latè disseminatâ exhalatione, inueniri potest, quæ reliquarum acervum incidens, incendium faciat. ardentibus enim illis diebus, quos sequi fulmen solet, exhalatio non rarè tota ignea (etq; ob raritatem, flammam nullam videas) in nubes scandit: ibique

que magnà sui parte extinguitur, superstite tamen aliquà scintillâ in spem resurrectionis.

Dico Tertiò: Stellæ etiam discurrentes, & cetera ignita supremæ regionis, in stationem nubium deiecta, exhalationem forte ibi conglomneratam incendere aliquando in fulmen possunt.

Dico Quartò: Causa efficiens proxima fulminis, seu exhalationem accensam deorsum torquens, est impulsus, quem flamma rarefciendo, & intra angustias compressa, ad euadendum accipit. Itaque hic est modus generationis fulminis. Exhalationes multæ sulphureæ & nitrosæ, nubibus antè confusæ, frigore tandem & condensatione vaporis in vnum cœtum conglobatæ, flammam rapiunt, & collecto impetu extra nubis angustias se effractis claustris eiciunt. sicut propemodum pyrius puluis rarefscens bombardâ erumpit, & excutit glandem. Sed non credet Bodinus: nec habet contemnendam rationem.

ARTICVLVS III.

*Damones non esse, vt plurimum, causas fulminum:
aduersus Io. Bodinum.*

FAcilè intellexit Bodinus, quomodo è bombardâ, aut tormento ferreo aut æneo, flamma pulueris tantâ vi exiliret: non quomodo fulmen è nube rarâ & fragili. *Cùm nihil sit*, inquit lib. 2. Theat. *vapore mollius, nihil exhalatione leuius: cùm nullæ sint angustie, quibus aër quasi carceribus quibusdam concludatur, sed patentissimis regionibus excurrat, quis tam hebes, tam cæcus, qui rationes istas sine risu audire possit?* Itaque putat ipse à geniiis aëris & dæmonibus semper fulmina iaci, & tumultum illum cæli cieri.

Et reuerà, perperam saxea veluti quædam antra, & duros ac longissimi tractus cauernarum fornices in nubibus pendulos, quibus illisa & fracta exhalatio sic mugiat, sibi quidam imaginantur. tales enim profectò ibi suspendi ne momento possunt. imò nubes & totus aër mediæ regionis leuior est aëre infimo in quo spiramus, vt Lib. 5. docebo. Parietes tamen quidam, & veluti claustra in nubibus sunt, etsi non tam dura quàm è metallo. partes enim circumfusæ nubis cingunt stringuntque exhalationis globum, retinentque ne liberè sursum euolet. Quâ ratione, inquis, medium tam fluxæ raritatis id potest? Cogor hic fateri, profectò, exhalationem fulminatricem nihil aut vix leuiorem esse superiori pariete

te nubis: aliàs enim (vt ignis noster per aërem inferiorem) per-
rumpere. Si autem paullo leuior est, longiori morâ tamen per nu-
bem superiorem transiens, aliquantum (in circumferentiâ saltem)
frigescit & densatur, grauataque in infimam nubem recidit. hinc
enim fit, vt hæc pars & fundus nubis maximè, & pænè solus fulmi-
net. nam rarissimè excelsos illos vapores iacere ignem videmus.
sed nigri illi & viciniissimi nobis id sæpè faciunt: quia halitum ex
superioribus nubium ordinibus deorsum expressum, aut pondere
relabentem excipiunt: comprimunt deinde, eousque se densando,
vt etiam aquescant plerumque, & constringantur in pluuiam. vn-
de ferè solemne & perpetuum est, vt in omni fulmine, præsertim
validiusculo, pluat, & nubes exonerentur. imò (attende) post sin-
gulos maiores crepitus, nouam habebis & insigniorem aquæ effu-
sionem: quæ post sonitum quidem venit, sed antè tamen, aut si-
mul inæcepit delabi. simul enim vapor in aquam se restringit, &
exhalatio inter eum deprehensa, & premi indignata, erumpit. plu-
uia tamen tardiùs ad terram venit; quia tonitru celeritùs per totam
profunditatem infimæ regionis speciem sui ad auditum mittit,
quàm cælestis gutta eam traicere possit. Quomodo autem tam
tenuem textum nubium lacerando, tantum fragorem edat, postea
circa fulminalia nostra tormenta, & tonitru, dicemus. Aliàs si ge-
nij foli fulminatores sint, cur nubilo tantum fulminat? cur non et-
iam hieme? certè enim exhalationes dæmonibus deesse non pos-
sunt; cùm omni tempore, aliunde saltem, vbi magis feruidi soles,
colligere valeant.

* lib. lib. 1.
cap. 51.

Sed in *Catilinianis prodigiis*, *Pompeiano ex municipio M. Heren-
nii Decurio sereno die fulmine ictus est*, ait ex Plinio Bodinus.
Certè, sed ideo insolens, & inter prodigia numerari meruit. ac for-
tasse genialis manus fulmen istud misit. quandoque enim fulmi-
nant, vt liquet ex cap. 1. lobi, vbi oues custodesque satan cælesti
igne percussit; sed nego, semper aut passim.

Verum tamen nondum fatis intelligimus, quo pacto exhalatio
non firmiùs quàm nube leui clausa, cum tantâ indignatione & im-
petu, ad terram vsque, contra renisum ignæ leuitatis, se deiciat.
Fracastorius credit, calorè fulminis sic à frigore nubis repelli actio-
ne intentionali, vt loquimur, iaciendo in eum scilicet specie tangi-
bilem. Sed nimis hoc imbecille est iaculum. species enim frigoris
nō est immediatè efficiens impetūs calorem repellentis: nam aliàs
manus v.g. frigida vicinâ candelæ flammam à se palàm auerteret.

Itaque

Itaque cum omnia circumspicio, non video quâ manus Bodi-
ni euadam, nisi per fugam penetrationis. Igitur (vt in tormentis
nostris) flamma in millecuplum & vltra, momento quasi, rare-
scens, ne magnitudo eius magnitudinem nubis penetret, eam quâ
promptissimè valet, dirumpit. Quare non sum mouet, inquires,
cum tam flaccidè renitatur, sitque tam mollis? quid opus tanto
impetu, vbi minimùm impulsâ flammæ se dilatanti aperit? Hic
nodus, non dissimulo, me stringit. Sic tamen dissoluo. Exhalatio
in angustum à nube se vndique stipante contracta, & deinde tota
simul inflammata, tam celeri motu rarefcit, vt vicinæ & contigux
partes nubis, tantâ festinatione decedere ei & diffugere non va-
leant, quin flamma momentaneo ferè temporis puncto, tam la-
tam expansionem postulans, non sentiat se, vehementer etiam,
premi. Hoc enim hic peniculatè cogito. Non solas partes vapo-
ris proximè ambientes, sed etiam longissimè vsque ad finem nubis,
superne, inferne, flammæ resistunt. nam proximæ à fulmine im-
pulsæ, sequentes alias etiam trudent. quia verò vnaquæque non si-
ne pugnâ, etsi leui, loco suo cedit, multiplicatæ tamen tot intra ve-
locissimum tempus, per eandem lineam resistentiæ, tantum flam-
mæ se diffundenti obstant, quantum pauciores in corpore duro
aut densiori, vt v.g. in tubo ænei tormenti. Et hinc ecce videor
mihi reperisse veram & legitimam causam, cur fulmina potissi-
mùm emicent in terram, & per infimam nubis superficiem. Quia,
inquam, in atris illis & humore multo grauidis, terræque proximis
nubibus cuduntur fulmina. vt proinde à cavitare in quâ flammam
concipiunt, ad imani nubis superficiem, minor longè sit distantia,
& vaporis crassitudo, quàm ad conuexam & summam quæ supre-
mam æris regionem tangit. tres enim quatuorve sæpè ordines
nubium sunt, superpositi infimæ nubi, in quâ est officina Vulcani
& fulminis. quia ergo à parte superiori, & lateribus (vbi etiam om-
nia plena nubibus) longior & maior resistentia est, flamma potius
deorsum erumpit. Sed ecce hoc iterùm (dum cogito) progressum
opinionis meæ tardat. Aër namque infimæ regionis densior est
nubibus, vt Libro 5. probabimus: igitur magis fulmini, quàm nu-
bes superne impendentes, obfister. Hoc ergo, quod præcipuum est,
præcedentibus adiiciendum restat. Et signanter considèro, fulmen
numquam deici, nisi pluentibus, aut rorantibus saltè nubibus.
Itaque infinitæ pluuiæ aut roscidæ guttæ, ex superioribus nubi-
bus densissimo & continuo (nec enim in aquam reuertæ, vel mo-

mento temporis, inter corpora leuiora ibi consistere possunt) agmine defluentes, & toto aëre inferiori densiores, flammæ in superiora conanti obstant, & motu etiam suo in terram deducunt. Muginatio mea nihil præterpropter, in quo acquiesceret, valuit excogitare.

Hinc sequetur, vix vmquam, nisi depluentibus aut molli gravitate desidentibus supernis nubibus, fulmen in terram iaci: sed quandoque in cælum, aut latus nubis pertundere, vt verissimum existimo, cum nubes non valde atræ & pluuias tonant. Sed etiam me retinebis, iniecto hoc vnco: Cur aëre infimæ regionis pluyente, aut nebulâ degrauato, exhalatio etiam in eo, hic apud nos non fulminat; cum densitas eius satis magna sit, vt faciat resistentiâ flammæ? Breuiter me expedio. Quia exhalatio in infimo aëre non tam diu hæsitat, vt multa & conferta possit in vnum conglomerari: quod facit in nube. quod etiam ex variis & dissitis terræ regionibus, tamquam in locum communem, plurimæ ascendunt. maximâ enim affluentia opus est ad generandum fulmen. Deinde nubes guttatim, & interuallo aliquo aëris stillicidia discernente, per infimam regionem depluit: tota verò simul & continua (æstate præfertim, & in nimbis illis fulminantibus) in mediâ regione, vbi fulminis materiam vtero gestat, in aquam se, vndique fulmen amplectentem, resoluit.

Aristoph.
in Nubi-
bus.

Ex his liquet, non pessimè Socratem, apud Comicum, Strepsiadem suum docere, fulmen in nubibus nasci,

Οἶον ἰς αὐτὰς ἀνμῶν ἤνεός ματωρεῖται καὶ ἀναλίσσῃ,
Ἐρδδεν αὐτὰς ὥσπερ κύων θυσίᾳ· καὶ πρὶν ὅπ' ἀναλυσῇ
Πήλας αὐτὰς, ἔξω φέρῃ σὺ βαρέα.
Cum in eas ventus siccus subuectus, inclusus fuerit;
Intus eas, tamquam vesicam, inflat: & deinde vi
Frangens erumpit violentus.

Virgil. 9.
Aencl.

quidquid nugator Aristophanes irrideat. Poëta etiam:

— Cum Iupiter horridus Austrum

Torquet aquosam hiemem, & calo caua nubila rumpit.

Caua autem nubila sunt, quia exhalatio in globum & cinnum confluens, cavitatem aliquam & aluum concinnat. In vtroque tamen, pro vento, exhalatio reponi debet.

ARTICVLVS IV.

De fulgure & coruscatione.

Fulgura Antiqui fulgetra dicebant, teste Senecâ; & fulgere, pœ-
nultimâ breui, pro fulgurare. Fulgur autem accidente tantum
à fulmine differt. Pulchrè Seneca: *Eodem modo fit fulgur quod tan-* Lib. 2.
tum splendet, & fulmen quod mittitur. sed illi lenior vis, alimentisque Cap. 17.
est minus. & ut breuiter dicam quod sentio: fulmen est fulgur inten-
sum. id est, impetu maiori vibratum. vnde fulmina pertumpunt
nubem, fulgura diducunt & aperiunt imbecilliori ictu. Iterum,
Fulguratio (id est, fulgur, sumit enim concretim) est fulmen, non in Cap. 11.
terras usque perlatum. aliàs verò sic finit: Fulguratio est aeris dedu- Cap. 18.
centis se, corruentisq; iactatio, languidum ignem, nec exiturum ape-
riens. Vnde intelligitur duplex esse genus fulguris: vnum, quod
more fulminis nubem terebrat & erumpit, sed ad terram non ve-
nit; vel quia impetu non satis valido, vel quia ignis in iactu dissilit,
aut in obliquum nimis se detorsit. alterum, ignem tantum in nu-
berarâ ostendit, non emittit. Sic ergo adæquatè definire fulmen
potes: Fulmen est exhalatio multa & subtilis in nube accensa, &
deorsum ad terram usq; vi erumpens. Hoc verò totum etiam in ful-
gur cadit, si tantum dicas, ad terram non peruenire. Excluditur stel-
la è nube cadens; quia moles exhalationis non est tanta. Draco
verò, non est exhalatio subtilis, sed densa, turbida, & partem nubi
defractam secum deuoluens. ideoq; color impurus, & subui-
dis, non argenteus aut auratus, qualis solet fulminum.

Coruscatio, Græcè ἀσέρον, concretim valet quod fulgur. abs-
tractim verò significat iactum tremuli luminis ab exhalatione in
nube accensa. hic autem iactus, non est localis & proprius, sed me-
taphoricus. est enim reuerà productio tremuli in speciem luminis,
per medium. coruscus enim Latine tremulum significat. vnde
Virgilius *siluas coruscas*, & quidam apud Plautum, *se frigore co-*
ruscum dixit. Coruscatio igitur latius fulminatione & fulguratione
nepater. etsi fulminatio sæpè, non iactum corusci luminis à ful-
mine, sed ipsum fulminis ictum signet. Iupiter enim fulminat,
quos fulmine icit. Tremere autem lumen coruscatione iacula-
tum, videtur, & tamen non facit: quia momento iacitur & extin-
guitur, vnde radius in nubem retrahi apparet. & si noua flamma,
quod solet, fulgurationem iteret, idem videtur rursus exsilire

qui se receperat. vibrari ergo dicas, seu hasta, quam dextera nunc intentat, nunc reducit. hinc Habacuc cap. 3. fulmen, fulgurans Del hasta appellatur. *In luce sagittarum tuarum ibunt, in splendore fulgurantis hastae tuae.* Binam similem fulgurationem inter prodigia anni 1564. refert Cor. Gemma lib. 2. c. 2. Cosmogr. vnam 18. die Febr. mediâ nocte, alteram 7. Octob. *Nube, inquit, illustri qua Luna claris aemularetur, intra limbum obscurum atque sublimidum comprehensâ, alternis excussi radij, alsernis flamma ad singulos ventorum impetus excurrerant. qui subinde velut in hasta speciem dehiscente calo, seu vastâ ingluvie sorpturi terras & maria videbantur.*

Ciliorum etiam & palpebrarum nictus, quas solemus claudere ad ictum coruscationis, auget imaginem tremoris. vnde fulgura etiam nictare dicuntur. & eleganter Lucretius de materiâ fulguris:

Semina qua faciunt nictantia fulgura flamma.

ARTICVLVS V.

Fulminum diuiso.

Longam illam, ex disciplinâ & superstitione Hetruscorum, fulminum diuisionem, in monitoria, pestifera, fallacia, deprecanda, &c. non attingo: & vide lib. 2. Nat. cap. 49. apud Senecam. Aristoteles magis pro Philosopho, duo tantum genera, ἀπλήρως καὶ ὀλιγόρως, *clarum & fumosum*, facit. Primum tenuiore spiritu, alterum crassiore constat. Plinius tamen lib. 2. cap. 51. paullo distinctius, tria constituit: siccum, humidum, clarum. Duo priora non adurunt: sed siccum tenuitate suâ durâ dissipat, humidum tantum infuscat: clarum, mira operatur. nam flammâ lucente & digestæ subtilitatis omnia penetrat, seque per omnes venas insinuat, & accerrimè vrit. Teneris tamen & rarioribus parcit; quia non inhaeret, ac ita citius quàm ut possit amburere, se per poros transfundit. mora enim aliqua ad vrendum necessaria est. nam hinc manus sæpe ducta & reducta per flammam, vix calorem sentit. mollia etiam & rara sine vulnere transuolat, configitque solum cum duris & pressis, quia illa dant, hæc negant facilem transitum.

ARTICVLVS VI.

De admirandis effectibus fulminum.

Primò, Loculis integris ac illæsis constat argentum. id enim Plutarchus lib. 4. Sympof. quæst. 2. narrat suo tempore accidisse

m de xera omz
en, fulguram Da
in splendore su
inter prodiga
gr, vnam i& de
quit, illustra
aque sublimam
ad singulas re
lla speciem deli
a videbantur.
lemus claudere
vnde fulgura
ateri fulgura:

se militi Romæ excubias agenti. Simile est, quodd incolumi vaginâ
gladium fundat. Vetera iam non moror, audite quid M. Antonio
Mureto Romæ contigerit. *Fulmen, inquit, in palatium Hippolyti*
Card. Ferrariensis decidens, ad mea vsque cubacula peruenit. id gladij
qui ad lectum viniuè famulis meis pendebat, mucronem ita colligne-
fecit, ut in globulum conuerterit, vaginâ prorsus illasâ. Inuiolato et-
iam ligno, circa pila ferrum omne destillat, ait Seneca. Quorum
omnium vna causa est in raritate fulminis, quæ per corpora laxa
& fungosa sine iniuriâ momento ferè se transcribat; in densis, vbi
compressæ venæ, hæret, vique se insinuat, & spiritu conferto se per
omnes meatuum angustias cuneante,

Dissoluit nodos omnes, & vincla relaxat,
metallaque fundit. Ex hoc effectu rectè probat Aristoteles, ful-
men non esse (quod vulgus hodie & olim putat) lapidem, sed spi-
ritum & tenuissimam exhalationem.

Secundò, *dolia fulmine exhauriuntur*, vt Plinius lib. 2. cap. 51.
scribit, *intactis operimentis, nulloq; alio vestigio relicto.* Et Carus:

Curat item vt vasis integris, vna repente
Diffugiant: quia nimirum facile omnia circum
Conlaxat, rareq; facit lateramina vasis,
Adueniens calor eius, vt insinatur in ipsum, &
Mobiliter soluens, differt primordia vini.

Per venas ergo ligni, vasi, facili & lubrico transitu, illabitur, & im-
modico ardore vinum statim in tenuissimos vapores dissoluit, qui
per poros vasis, traiectu illo flammæ laxatos, expirant in auras. Si-
mili fulminis potentia VVolfgangus Meurerus in Meteorol. nar-
rat *quemdam Ministrum, in via quâ Lipsiâ itur Torgam, ita subitò*
ereptum ex hominum oculis, vt postea nusquam apparerit. putat e-
nim carnes eius & ossa in cineres & ventos abuisse. Et nescio an
longè dispar Romuli exitus, magnæ & immortalis illius Romæ
Conditoris. Cum enim ad exercitum recensendum, ait Liuius, *con-*
cionem in campo ad Capra paludem haberet, subitò coorta tempestas
cum magno fragore tonitribusq; tam densò Regem operuit nimbo, vt
conspectum eius concioni abstuleris: nec deinde in terris Romulus fuit.
Fulmine igitur dissipatum, aut procellâ & turbine sublimem ra-
ptum oportuit: quod Patres, qui proximi adfluerant, retulerunt
ad plebem.

Fulmini fortasse etiam & casui fortuito dabunt Athei nostri,
decinationem illam admirandam anno 1599. periuri illius Pu-

blicani Gerardimontensis in Flandriâ. cuius miserum cadauer oculis etiam vſurpauit Clarissimus Vir, Medicinæ & omnis Litteraturæ eruditione excultissimus, Petrus Castellanus; descripſitque carmine Eruditiss. Vir Henricus Culens S. Th. L. Pastor etiamnum Gerardimontensis, qui infelicem illum funerauit:

Henricus
Culens in
suis Stren-
uis.

Puluerem humanâ vidi sub mole cadauer:

In tanto nusquam corpore corpus erat.

Omnia puluis erant, iterum dico, omnia puluis;

Et versa in cineres machina tanta fuit.

Omnia puluis erant, ceruix, caput, ilia, nerui,

Ossa; cum pleno ventre, saburra, nates.

Puluis erant crurum tenus omnia: quæ velut iectum

Indeclinato casa fuisse putes.

Sed nocte S. Andreæ, & tempore frigido ac minimè fulminali, id monstri accidit: & eâdem vespertinâ negotium ei fuerat cum quodâ alio tricone, adiuraueratque se nil reculare, verti corpus in cinerem, nisi res quæpiam aut factum, quod in rixam venerat, ita haberet. Audite igitur hæc Athei, & agnoscite vindicem Numinis manum.

Tertium miraculum, planè oppositum est secundo. *Stat*, inquit Seneca, *fracto dolio vinum: nec vltra triduum rigor ille duras.* Oportet autem materiam huius fulminis densiorem esse præcedenti. quia ergo crassitiem suam per venas ligni extrahere non valet, diffingit. Sed cur etiam vinum non dispergit? Respondeo: Sæpius, sine dubio, id facit. aliquando tamen, magno miraculo factum, ut membrana quædam ex viscido humore & exhalatione, aut partim vino ipso, subito percocta, vinum, ceu vter quidam, inuolueret ac retineret. nec dissipat, quia omnem eius impetum retudit & fregit resistentia vas. fit autem illud verissimile, ex eo quoddam tradat Albertus, psyllium frigidæ & viscosæ temperiei, vino iniectum, calore eius reitici in circumferentiam, ibique durari in membranam, quæ sine alio vase contineat vinum. Aliquando etiam non tantum corticem vino obducit, sed ad centrum vsque, perpetuo rigore congeliat. *Vinum autem sic gelatum*, ait Seneca, *cum ad priorem habitum redit, potum aut exanimas, aut dementes facit.* Inest enim fulmini pestiferum quoddam sulphur, aut aliorum spirituum noxiorum miscela, ut ex pluribus aliis effectis probari potest. Sulphur autem in eo est quod præcipue ardet & comburit. nam etiam, si sulphur inflammatum ferro apprimas, ferrum in guttas friabiles statim destillare videbis. Omni verò

fulmi-

fulmini permixtum sulphur, ex puluere nostro sulphureo, qui fulmini planè cognatus, satis ostendi potest. Deinde omnibus fulguritis inest odor quidam sulphureus, vt Seneca, Plinius, & ipsa experientia dicit. Fulmine aliquo simili gelata, sic obriguiffe videntur octo messorum illorum membra: qui in Lemno insulâ sub quercu cœnantes, & fulmine ibi percussi, eâdem imagine quâ discubuerant, exanimati inuenti sunt: vt vnus comedere videretur, alter ori poculum admouere, tertius bibere. *Cumq; omnes nigri essent, imagines totidem statuarum representabant*, inquit Cardanus. Lib. 8.
c. 43. Variet. Ab halitu etiam pestilente & sulphureo forsitan fuit, quod miratur Plinius, *Martiam principem Romanarum, istam gravidam, partu exanimato, citra vllum aliud incommodum vixisse*. Spiritus enim sulphureus intactis, admitabili euentu, ossibus, vitatis etiam partibus matris nobilioribus, per vteri tantum mollietiem, & corculum ac vitalia partus in illo iacentis transuolauit: ideoque hunc innoxiam matre interemit.

Quartò: Fulmineus ignis nullâ aquâ quandoque extinguì valet. Sic Dion lib. 78. sub Imp. Macrino tactum de cælo, ipso Vulcanalium die, Theatrum narrat, nec aquâ fluminali, aut cælesti profusissimâ, incendium comprimi potuisse. fortè bituminosus spiritus sulphuri immixtus fuit. bitumen enim flagrare sub aquis, Lib. 5. vbi de Thermis, dicemus. Tale fulmen cum pluuiâ, cælo euocatum à Legione Melitensi Christianâ (quæ ideo fulminatrix appellata) M. Aurelio Imp. in Quados (qui nunc Bohemi putantur, aut circâ) pugnante, & exercitu toto extremâ siti laborante. vapor enim fulminis torrebantur Quadi, nec vllum in aquâ cælesti remedium erat: alebat enim potius flammâs, leuabatque tantum Romanorum sitim.

Quintò: Plutarchus lib. 4. Sympos. q. 2. negat dormientes facillè ici fulmine. narratque ibi Dorotheus, cuidam domi suæ stertenti pecuniam in crumenâ conflatam, ipso innoxio, fuisse. Philosophumque Pythagoricum fortè obuium, consultum de causâ, respondisse: consuleret deos, se verò nescire. Phætra etiam Regis Mithridatis, appensa lecto, iacta, arseruntque in eâ sagittæ, nescio ipso & dormiente. & aliquamdiu antè, pueriles eius cunæ fulminatæ, perstrictâ solùm infantis fronte. ideoque Dionysius appellatus, siue Bacchus: quia hic etiam fulmine semiultulatus in matre Semele. Causam affert Plutarchus: quia in dormientibus pori aperti & hiantes transitum faciem præbent fulmini. Sed profectò

conuà

contrà est. Extrema enim partes corporis in somno potius rigent & condensantur, calore in centrum & interiora retracto. Deinde dormientium ossa saltem non se aperiunt, & laxantur. Altera igitur ratio eius melior est: nempe, vigilantes sæpè putari fulminatos, qui tamen tantum afflati, corruunt solo metu vicini fulminis & exanimantur. timor verò iste dormientes non tangit. Hinc pastores, ut tonitruum terrorem pecori depellant, aut minuant, gregem sparsum colligunt, & immisso cane compellunt in vnum. societas enim ista leuat metum, qui non rarò trepidum à naturâ & imbellem pecus præne exanimat. Dormientes etiam somno sternuntur, fulmen autem obliquo & transuersali ictu facilius erectos in pedes ferit.

ARTICVLVS VII.

De lapide fulmineo.

Lapis aliquando è nubibus cum fulmine cadit, qui dicitur etiam telum, aut cuneus fulminis: numerarique inter effectus eius potest. Generatur autem ex exhalatione terrestri viscosâ, & humore nubis, quos ardor fulminis celerrimâ transmutatione, in ipso etiam casu (nam graue ibi suspendi aut hærere non potest) permiscet, & in laterem coquit. Talem Cordubæ delapsus, & à se visum, testatus olim Auicenna, ut Auerroës lib. 2. Meteor. c. 2. scribit. odoris erat sulphurei, inquit, & naturæ ammoniaci. Leues etiam plerique sunt, & simillimi pumicibus illis adustis, quos interdum eructant flammivomi montes. Aliquando non lapis, sed ferrum, aut aliud metallum, cum fulmine cadit. Id autem fit, cum sulphuræ exhalationi argentum viuum contemperatum fuerit, ut credunt Chymici. Sic in Persiâ celo coruscante ærea corpora hamatis sagittis similia cecidisse narrat Auicenna, & prope Lurgeam, ferri massam 50. librarum, Georg. Agricola: tentatumque ut inde cuderentur enses, sed materiam fuisse inobedientem, nec igne moliri, aut malleis duci potuisse. De lapide isto seu relo fulmineo silentium apud Aristotelem est; quia, ut Vicomercatus credit, de re hac, postea à compertâ, nondum ei liquebat satis.

ARTICVLVS VIII.

Quæ res fulmini obnoxia, aut ab eo tuta.

Nihil celebratius est, quam alta & eminentia frequentius fulminari.

Aut Athon, aut Rhodopen, aut alta Ceraunia telo

Georg. 1.

Deiicit, —

canit de Ioue Poëta. Hinc quia in vrribus nil excelsius Templo-
rum turribus, sæpissimè feriuntur. altissimæ etiam arborum, quæ-
que in montanis, vt ilex, æsculus, quercus, ornus, fulminibus olim
infames.

Incubuit numquam calcstru flamma salictis,

Claud.

Nec parui frutices iram meruere Tonantis:

Ingentes quercus, annosas fulminat ornos.

In causâ est, obliquitas fulminis. nec enim lineâ perpendiculari,
sed transuersariâ, ad terram venit. hinc facilè incurrit quidquid in
superficie eius eminet, antequam ipsam tangat. Motum autem
istum obliquum Aristoteles, *per diametrum*, vocat. quia similis est
motui quo aliquid per diametrum quadrati in superficie horizon-
tis erecti decurrit. vnde etiam alibi quadrupedes per diametrum
incedere docet. pes enim prior dexter & posterior sinister anima-
lis, est in eâdem diametro quadrangularis figuræ, descriptæ in su-
perficie terræ, sub ventre, inter quatuor pedes eius; sicuti etiam, pes
prior sinister cum posteriore dextro. leuato autem primore pede
dextro ac in terram defixo, sinistrum posteriorem admouet; & si-
militer post priorem sinistrum dexter posterior sequi solet. id est,
pes posterior priorem eiusdem diametri immediatè confectatur.

Obliquitatis verò fulminis hæc ab Aristotele assertur ratio:
quòd leuitas flammæ per vim explosæ deorsum, in cælum resur-
gat, quantum valet: ideoque in transuersum deflectat, motu quasi
composito ex descensu & ascensu recto. Siue, vt eleganter Sene-
ca, *quia natura ignis sursum vocat, iniuria deorsum premit, incipit
obliquus esse.*

Hoc etiam addendum: aërem, quò propius fulmen ad terram
accedit, densiorem inueniri; & hinc difficilius secari, ac in latus
magis magisque detorqueri. ibi enim aër rarior est, quia altior à
terrâ, nec tam contumaciter transicum præbet, quàm alter fulmi-
ni subiectus rectà deorsum.

Tertiò, & principaliter: Quia vnica linea est, quæ à centro nu-
bis, vnde exploditur fulmen, rectà & perpendiculariter in terram
decurrit, infinita verò, quæ circumcirca illam, ad angulos obli-
quos descendunt, hinc longè procliuus est, fulmen angulo obli-
quo, quàm recto, nubem pertundere; ac lineâ aliquâ transuersali,
quàm vnica illa perpendiculari, deiici. Trisulcum hinc etiam di-

H

citur,

citur, quòd pluribus simul foraminibus, & in sulcos diuisa, flamma erumpat.

Veteres autem magno consensu, inter arbores, laurum fulmine tangi negant. quòd mirum, quia non tantum plana, sed etiam montes amat. plurima enim olim in Helicone & Parnasso; indeque Apollini sacra & Musis. Fracastorius lib. de Antipat. putat truncum solum lauri non percuti, quia rotundus admodum, & leuis densique corticis; vt proinde exhalatio ei non facile & tenaciter inhærere possit. eadem enim ratione fulmen vix columnas ledere solet: quia, inquam, rotunditas declinat & eludit ictus. Sic etiam carbonarij nostri Leodienses, ignem suum Græcum, fulminibus planè cognatissimum, innoxij sæpè euadunt, telà benè firmà, & à textore, recenti, vndique recti. hæc enim, quia lubrica, & veluti cerata, & minimè laxa est, flammam illam circumuolantem agrè admittit. Sed amplius putauit antiquitas. Nam Columella folia lauri, gallinæ incubanti, contra fulmen & tonitrua, subicij imperat: & Tiberium Cæsarem, tonante cælo & in fulminum metu, lauro solitum coronari, tradit Plinius. existimabant ergo etiam folia tuta esse à periculo. Mihi opinio hæc inualuisse videtur: quia spiritus quem folia lauri exhalant, contagioni aëris resistit. vnde Commodus Imp. teste Herodiano, consilio Medicorum, tempore pestis, in laureas siluas olim secessit. & in tali periculo etiam lauri ramos affigebant foribus. Cubili ergo etiam gallinæ, in tonitru supponi possunt, ne sulphurei halitus, qui tunc per aëra disperguntur, oua inficiant. & hinc quoque dolis quidam imponebant, ne tonitru liquorem peruerteret.

Alias quæ illa tanta vis lauri, quæ fulmen tam validi impetûs auertat? nulla profectò. & vt absoluam verbo: Vicomercatus, qui initio sæculi lapsi scripsit, à paucis annis, laurum in Italiâ fulminatam, ait. Eadem, credo, vanitas ficum à periculo immunem fecit. Inter lapides, hyacinthum non sentire fulmina, nec hominem qui eum gestet, asserit Cardanus; sed Scaliger & ego ridemus. Vitulum etiam marinum non percuti inter pisces, referunt multi antiqui. & explicant quidam, quòd raritate suâ pellis eius, fulmen transmittat, ideoque lædi non possit. Verum, si nil aliud sit, frustra tabernacula ex pellibus eius facta contra fulmen, vt narrat Plinius, nisi exhalationem repellant. valdè etiam frustra Imp. Augustus

lib. 11.
cap. 30.

lib. 11.
cap. 30.

fuit, qui, vt refert Tranquillus, tonitrua & fulgura paullo infirmius expauescebat: vt semper & ubique pellem vituli marini circumferret

ferret pro remedio; atque ad omnem maioris tempeſtatis ſuſpicionem, in abdiſum & concameratum locum ſe reciperet. Hunc poſtea imitatus Imp. Seuerus, leſticam etiam ſuam tali corio integri præcepit. Aquila etiam non icitur, ait Plinius, & ideo Iouis armiger, & eius fulmen gerit. Sed omnes Auctores ab aliis accepiſſe ſe reſerunt, nec vllus ſibi ſatis fidit.

ARTICVLVS IX.

Cauſſa tonitruī, Anaxagoræ, Senecæ, Paracelſi, Bodini, reieſtæ.

INter effectus fulminis Ariſtoteles tonitru numerat. Anaxagoras fieri illum ſonum putat extinctione flammæ in humore nubis; vt ferrum candens in aquâ ferrariorum ſtridet. Sed ſolum etiam iudicium aurium, quæ de bombo illo ſatis aduertunt nubem rumpi & crepare potiùs, quàm extingui, & trucidari (vt loquitur Lucretius) in humido ignem, ſatis eum reſellit. Aliter Seneca libro 2. Nat. c. 27. *Non quemadmodum, ait, illiſe manus inter ſe plauſum edunt, ſic illiſarum inter ſe nubium ſonus poteſt eſſe magnus, quia magna concurrunt?* Oportet etiam concauitatem concauitati obuerſi, quia auerſa inter ſe manus non plaudunt, ſed palma cum palma collata plauſum facit. Sed fruſtrà: quia nubes corpora mollia ſunt, quæ omni impetui facillimè cedunt, & ſtatim confundunt figuram. ſecus eſt in manibus: ſi enim cavitates complodantur, aër deprehenſus, ſoliditate manuum offenſus, neceſſariò rumpi debet, & ibi trucidari cum ſonitu. Quis etiam in omni tonitru adſpicit nubes inter ſe aduerſis frontibus arietare & concurrere?

Paracelſus verò hîc, vt ubique, miram Philoſophiam dat ſuis Heluetiis. *Strepitus iſte, inquit, reſonat per totum Firmamentum, non aliter ac ſi bomba ſub teſtudine laxaretur. calum enim eſt reflexionis teſtudo.* Quod riſu magis dignum, quàm reſutatione. ſi enim à fornice Firmamenti ad aures noſtras tonitru redire oporteret, multis annis, in tanto cæli à terrâ interuallo, poſt coruſcationem fulminis, ſonitum audiremus.

Bodinus, iterùm dæmonas ſuos tonantes facit, ratione duplici. quia ſereno cælo & innubi quandoque tonat: ergo non ex crepitu ruptæ nubis exiſtit ille ſonus. Deinde, fulgurat ſæpè, & exſiliunt è nubibus flammæ, ſine fragore. igitur dæmones & aërii genij tumultus iſtos cient, quandoquidem nulla alia cauſa ſit in promptu.

Sed viçus difficultate, aut odio Ariſtotelis ei ſolemni & inexpiabili,

piabili, huc confugit. Deinde nihil solidi afferre potest, cur non tam per hiemem ac astatem frequententur tonitrua. dæmones enim omni tempore frangere aërem, aut exhalationes ad tonandum calefacere & disponere, item, si hic desint, ex Zonâ torridâ adducere valent. Cur etiam dies feruidos & sudore diffuentes sequi sæpè solet nox tumultuosa & tonans? certè enim alius etiam noctibus genij turbas istas turbare possunt.

Ad Primam rationem respondeo: Sereno cælo tonat, sed rarè, & inualido impetu. audimus enim tonitru, vt obscures tormentorum ictus ex longo interuallo deficientes. ex altissimis igitur nubibus veniunt: quæ licet rariores & minus opacæ, quàm alix, radios solis transmittant; frigus tamen & densitatem reliquam habent, quibus ardentem & leuiorem exhalationem includant & nonnihil stringant, cogantque crumpere cum sonitu. Si verò pertinaciter affirmes, sine vilo nubilo, tonitru quandoque exaudiri, ausim quidlibet deponere, alterutrum horum esse: Aut terrestria tonitrua, aut extra visibilem nostrum horizontem in nubibus excitari. Terrestria voco, quæ ab exhalatione per cauernas subterraneas se versante & tumultuante, vel etiam effringente sua claustra, efficiuntur. Talia plerumque audiuntur ante terræ motum. Possunt etiam, defæcatissimo apud nos cælo, atræ & hiemantes nubes, quas non videmus, in proximo horizonte esse, ibique cum tonitru fulminare. Quàm sæpè in vicinâ Hannoniâ, quàm sæpè Gandavi (vrbe in toto Belgio, vt mihi videtur, fulminibus maximè obnoxia) nobis hic tranquillis, cælum micat, mugit, & rumpitur? Tonitru igitur inde ad auditum nostrum peruenire, etiam si non coruscatio fulminis, potest. cum enim nubes fulminans, infra horizontis visibilis terminum, & terræ curuaturam sit, lumen eius, quod speciem lineis tantùm rectis iaculatur, videre nequimus: sonus verò etiam per lineas incuruas exaudiri potest. nec distantia semidiametri horizontis visibilis, est nimis magna: quia nauæ Portugalenses asserunt, ex interuallo 50. milliarium in mari audiri tonitrua excitata in nubibus illis, quæ toto anno coronant verticem montis Serræ Leonis in Africâ, qui putatur *Θιων ὄρη* Antiquorum. semidiameter verò visibilis horizontis vix 6. leucas Belgicas, siue milliaria Italica 18. vt Lib. 4. cap. 5. a. 3. dicam. Deinde in famosâ illâ Ostendæ Flandriæ obsidione, tormentorum fragor ad 30. amplius leucas horarias, seu Belgicas, se diffudit. Imò (quod magis mireris) strepitus tympani à 12. leucis in mari aliquando

quando intellectus fuit. Sed fulgurat etiam sine tonitru, inquit Bodinus. ergo exhalatio exsiliens crepitum illum fulminis non facit. Sed nego sequelam. *Quia* (dic tu Seneca) *senior & infirmior spiritus, quo in flammam valuit, non valuit in sonum.* Aut certe, si cum strepitu (quod credo) exiuit, imbecillior fuit, quàm ut potuerit aures nostras impellere.

ARTICVLVS X.

Peripatetica & vera causa efficiens tonitru.

Aristoteles tonitru cum Vulcani, aut, ut alij vocabant, Vestæ risu comparat: id est, cum crepitu quem ligna in igne, spiritu intus rarefacto, & cutem dirumpente, edunt. Hic autè risus in viridi corylo, & folijs iuniperi & lauri est maximè insignis. Lucretius:

Nec res ulla magis, quàm Phæbi Delphica laurus,

Terribili sonitu, flammâ crepitante crematur.

Sed si Aristoteles fulminalium nostrarum bombardarum tonitrua audisset, exilem & puerilem Vulcani risum contempsisset. summa enim affinitas est inter nubium & tormentorum tonitrua, ut postea ostendam.

Itaque verissimum est, nasci tonitru idu illo quo exhalatio aërem & nubem frangit. Sed antè diuidendum est tonitru in *crepans, stridens, & tumultuans* siue *murmurans*. non enim omnium eadem omnino sunt causæ.

Dico Primò: Tonitru crepans fit, quando spiritus intra nubem accensus, & subito latissimè & celerrimo impetu rarefactus, simul & semel nubem effringit & dissipat. exemplum eius rei tenue in castaneâ, non inciso cortice, extra ignem cum bombo & crepitu exsiliente, habemus. maius autem, in puluere nostro pyrio, qui flammatus & rarefactus, tanto fragore, tormenti tubo erumpit. Sed non est similitudo, inquiunt: nam flammâ tormenti, duritiem metalli habet, quâ se allidat & frangat; fulmen verò mollissimam tantum nubem cædit. Fateor, res non est extra difficultatem. Cum tamen omnem lapidem tento & moueo, hoc mihi videtur: Sonitum bombardarum & tormentorum non edī allitione flammæ pulueris ad tubum metallicum (aliàs enim ferreus & æreus tubus differentes & dissonos efficerent sonitus, contra experientiam,) sed flammâ ex angustis tubi in liberum aëra exsiliente, cum quæ disiciente ac diserpente. omnis enim sonus videtur ex

H 3 lace-

laceratione aëris, vel alijs corporis fluidi proximè nasci. Itaque tonitru crepans, istu illo excitatur, quo & nubem & vicinum aërem exhalatio dissipat & displodit. Quòd ex sonitu ignis fodinarum carboniarum, quem Leodieneses nostri appellant Gracum, firmari potest. halitus enim ille carbonarius & bituminosus conferatim candelam fortè incidens, valido & tormentario planè fragore discerpitur, sine allisione ad aliud durum, quod tam insigniter valeat sonare. Quæ verò sit illa vis propriè & physicè efficiens soni, an impetus, an virtus alia somniculosa, quæ impetu excitatur ad agendum, in lib. 2. de Animà, Deo dante, dicturi sumus. Allisio enim illa corporum, item fractio intercepti aëris, sine dubio, tantum possunt esse causæ sine quâ non talis effectus: etiam si passim causas efficientes appellemus.

Dico Secundò: Tonitru stridens fit, cum nubes non vnico istu dispellitur, sed exhalatio successivè incensa, non vniversim, sed per partes & agmine quodam erumpit. sic enim contingit longior sonus, & similis illi quo quis chartam, aut pannum nouum, subito & vehementi impetu discerpit. aër enim celeri motu, in hiatus laceratæ nubis, contrà periculum Vacui, se iniiciens, sequentibus partibus exhalationis, occurrit, discerpiturque in istà rixâ cum stridore.

Dico Tertiò: Tonitru tumultuans nascitur, cum exhalatio per nubem rumpit & discurrit. palàm enim motum illum ex sonitu mobili & fugace intelligimus. aliquando namque per totam nubium curuaturam ab Ortum ad Occasum transcurrit. Laborem etiam eius, ubi in nubem densiorem incidit, & quomodo tardiori gressu obliuiscitur, & vix se expediat, facile sentimus. Fieri tamen quandoque potest, vt vna exhalatio alteram inflammet, & sic videatur locum mutare; quod tamen non facit. Hoc tonitru, vt plurimum, sine coruscatione est; quia exhalatio aut non satis flammæ habet, aut clauditur & supprimitur opacitate nubis.

Ex dictis colligitur, ceteris paribus, insignius esse hoc tonitru murmur, si aduersus, quàm si secundum nubium agmen exhalatur nitatur & decurrat. sic naus aut homo aduerso flumine vadens, magis in aquâ strepit, quàm secundo defluens. ubi enim maior conflictus, ibi etiam vocalior sonitus. Ex quibus omnibus sic finietur tonitru: *Sonitus vehemens ab exhalatione excitatus fractione nubis.* Sed reliqua quædam, quæ ad ipsum, etiam addamus.

ARTICVLVS XI.

Cur demum post coruscationem fulminis, tonitru audiamus.

Fulminis Lucem, nisi fractâ iam nube, videre non possumus. unde laceratio ista nubis, & fragor seu tonitru inter eam excitatum, prius est, aut saltem simul eum coruscatione lucis: & tamen auditur sèper seriùs. Causa est, quia species vibifilis ex quacumq; distantia ab obiecto in oculum momento emicat; species verò soni, tempore & per hæitationem quamdam ad aurem venit. Primo igitur instanti quo nubes rimam agit, & ostendit flammam, videri potest fulmen, quia tam repenti species eius peruenit ad oculum: nondum sentiri potest sonus; quia per gyros quosdam & fluctus aëris, species eius descendit ad terram. Ita enim explico iam temporaneam illam & tardam traiectionem soni, ostendamque latè lib. 2. de Animâ: licet olim cum Conimbricensibus & aliis passim, contemplerim vibrationem istam medijs vsque ad aurem.

Hinc enim est, quòd in maiore sonitu & impressiore ictu, quia celerius crispatur aër, ocyus etiam species veniat ad auditum. Id egregio experimento, Vigiliâ illâ fulminali sancti Laurentij anno 1625. comperi. Nubes enim immobilis, atrocissimè fulminans & tonans impendebat Louanio & meo capiti, idoneaque maximè erat, vt distantiam inter coruscationem & tonitru dimetirer. Cùm crepitus maximi erant, subitò, viso fulmine, cum tremore fenestrarum, totiusque ædificij vibratione, sequebatur tam propinquè sonitus, vt vix vnicus pulsus arteriæ intercederet. In minori autem fragore, duodecim etiam pulsus sæpè numerabam post coruscationem, antequam prodiret tonitru, pulsus verò vnus, est quater millesima, & quater centesima, quinquagesima pars horæ, cùm arteria mea salubriter & moderatè micat. micaciones enim 4450. horæ (spatio curiosè (parux quippe istæ temporum mensuræ vsui sæpè veniunt) computavi. Hoc etiam adnotavi. vbi fulmen sine pluuiâ erat, tunc ictus languidiore, & tardiùs tonitru sequebatur coruscationem. Nempe hoc firmat, quod iam antè docui: arctissimè tunc exhalationem stringi, insignioresque esse crepitus, quando nubes se exonerat, & resoluit in aquam.

Hinc deinde etiam, rudi saltem Mineruâ, mensurare poteris distantiam terræ à nube fulminante, comparando coruscationem & tonitru, cum flammâ & strepitu tormenti maioris, distiti à te ali-

aliquanto interuallo. Ego certè anno 1624. die 6. Septembris, cum Serenissimus Princeps Poloniz Ladislaus venit Louanium, inter coruscationem & sonitum moschetorum, quæ quadrante circiter Belgici milliaris obuiam processerant, interstitium Salutationis Angelicæ, quæ facili 10. arteriæ pulsus implet, numerabam. Paruum ergo nubis tonitru, pari expectatione sequens suam flammam, interuallum nubis æquale (milliarij scilicet quadrantis) significabit à terræ superficie. Sed tonitrua vix solent tam tenuiter sonare: & maioribus potiùs tormentis componenda sunt. vnde angustior est mora temporis inter coruscationem & tonitru nubis, quadrante milliaris à nobis distantis, quàm inter fulgetrum & crepitum moscheti.

Hoc etiam in considerationem adduci debet: Tonitru in aëre rariore iuxta nubes, sonitum verò tormenti in densiore, iuxta terræ superficiem excitari. Hinc enim, quia medium densius, tardius impellitur & agitur in gyros; posito etiam pari ictu & sono, fragor tormenti motu illo per infimum aërem transuersali, pigrius paulld (si Mathematicè rem examines) ad aurem post coruscationem venit, quàm fragor tonitru, qui per circulos in aëre leuiori promptius se diffundentes ad terram descendit.

ARTICVLVS XII.

De effectibus tonitru.

Tonitru, quia sonus quidam est, physicè solam sui speciem efficit. Alij tamen quidam effectus ei tribuuntur: quia causa eorum physica tonitru comitatur, sed est magis occulta & insensibilis; ideoque vulgus, qui sensum libenter sequitur, ei que fauet, tonitruo potiùs adscribit.

Primò, Tuberæ terræ (quæ instar fungorum, & olim in magnis delicijs) gignit. Ita enim lib. 19. cap. 3. Plinius. & Iuuenalis de iis: *Et faciunt lautas optata tonitrua cænas.*

Plutarchus lib. 2. q. 2. Sympof. & Scaliger Exercit. 180. putant terram impulsu aëris & vndatione illâ quæ fit in tonitruo, terram concuti, & superficiem eius ad proferenda tubera laxari. Sed id parum iuuat. præcipuum & præne vnicum est, quodd aqua nube tonante effusa, tepens & spirituum plena ac turgida sit, quæ permixta & maritata terræ, faciliè concrefcit in tubera.

Secundò, Tonitru vinum & cereuisiam musteam ac recentem
acore

acore inficit. Thimon lib. 2. Meteor. quæst. 9. censet id fieri motu aëris, qui in liquorem adactus, eum turbat, ac sursum deorsum peruertit. Sed frustra. venti enim validè spirantes, magis aërem movent, quàm tonitru; nec tamen ideo corrumpunt liquores. Thimoni tamen lib. 2. cap. 48. de Occult. assentitur noister Lemnius: dicitque se ante tempestatem solere vasa sua præmuire, superposità fœci laminà cum sale, aut silicibus. quæ tamen videntur solum opponere fulminibus, non mero tonitruo: *Quia*, inquit, *fulmen eum durissimè conficitur, in eaq; potissimè vim suam exerit*. Thimon non paulò antiquior, narrat suo tempore fragmina vitrorum vasis solere iniici, contra tonitru metus. Verissima nihilominus causa huius effectus, videntur esse tenues quidam laticus sulphurei, & ceteræ fulguris dissiliens reliquæ, quæ per aërem dispersæ, se in omnia foramina & rimas insinuant. vnde optimū remedium est, spiracula cauearum quàm diligentissimè obstruere, & vasa operculare. Cereuisia verò recens & adhuc ab igne tepens, promptius acorem bibit: quia spiritus quibus tota turget, facile rapiunt aëris sulphur & noxam, eamq; vulgare & infundunt toti liquori.

Tertio: Tonitru validum aliquando surdastros fecit. Tympanum enim auris, aëris impulsu rumpit aut laxat. In similem effectum, crepitus etiam tormentorum quandoque valet. & hinc quoque molitores & tympanistæ, obtusi sunt auditus. Pari ratione coruscatio fulminum, aut tormentorum, quosdam olim excæcavit. Narrat enim lib. 1. Obseruat. Schenckius, Præfectum quemdam machinarum in obsidione Metensi, frequenti coruscatione, citra vllam pulueris offensionem, lumina amisisse.

Quarto: Terrore animalibus iniecto, multa per accidens operatur tonitru. De conchis margaritarum parentibus lib. 9. cap. 35. Plinius: *Tradunt*, inquit, *si sonuerit, pauidas ac repensè compressas, quæ vocant physemas efficere, specie modo inani inflata sine corpore: hos esse concharum abortus*. Dicitur etiam tonitru iuuare & incitare ceruarum partus, iuxta illud Psal. 28. *Vox Domini* (id est, tonitru) *præparans ceruos*: vel, vt in Hebræo, *ceruas*. & D. Hieronymus vertit, *Vox Domini obstetricans ceruis*. quia scilicet horrore tonitru concussa effundunt suos partus, aliàs, ob magnitudinem & perfectionem, difficiles. vnde Iob. 39. *Parturientes ceruas obseruasti? incuruantur ad fœtus, & pariunt, & mugitus emittunt. separantur filij earum, & pergunt ad pastum. egrediuntur, & non reuertuntur ad eas*.

Sueton. in
Caligulâ
c. 51.

Homines etiam valdè fulmina & tonitrua expauescunt. Sic olim Parthi tympanis quibusdâ & cymbalis æneis tonitrua mentiti, aciem Romanam exterruerunt, vt narrat Plutarchus in Crasso. Cæsar Caligula, deorum ille aliàs contemptor, *ad minima tonitrua & fulgura conuiuere, caput obuoluere; ad verò maiora, proripere se è strato, sub lectumq; condere solebat.* Quem tamen pauorem vt distimularet, machinam excogitauit, inquit Dio, quâ tonitribus obstreperet; & cælo, tamquam terrestris quidam Iupiter, retonaret. Lapidés etiam contra fulmina retorquebat, Iouemque ad duelum euocabat, inclamans Homericum istud Aiæcis ad Vlyssém: *Ἡ μὲν ἀνὰ τ' ἥϊον ὄρε. Tolle me, aut ego te.* Quod etiam narrat & ridet quis enim tam helleborosum caput etiam non decachinet? Senecâ lib. 1. de Irâ. Homines enim *ἀστραπὴν ἐν πύλῃς, fulgur expelui*, vt vetus adagium habet, excitare possunt, & inanes in cælum minas mittere. A Domino autem *ibunt emissiones fulgurum, & tamquam à benè curuato arcu nubium exterminabuntur, & ad locum certum insilient.* nubes, est arcus; Deus, sagittarius, fulmen, sagitta; scopus, peccator, aut quidquid tangere destinauerit. *Numquid eleuabis in nebula vocem tuam*, inclamat Iobo, *& impetus aquarum operiet te? numquid mittes fulgura, & ibunt; & reuerentia dicent tibi, Adsumus?*

Sap. c. 5.

Iob. 38.

Matth. 25.

Merito igitur veteres illi tenebriones, solum inter deos Iouem fulmine armauerunt. & nos quoties cælorum mugitus audimus, terrorem & reuerentiam veri & magni Numinis concipiamus: recordemurque extremi illius & decumani fulminis: *Discedite à me maledicti in ignem æternum.* O omni horâ vitæ nostræ timendum & horribile fulmen; & quo nocentius & maius nullum metu posse intelligis, si intelligis quid *æternum!*

ARTICVLVS XIII.

Tempus, & signa fulminum, ac tonitru.

Fulgmina sine veris, & initio autumnî, aut æstatis exitu maxime hic frequentantur. Maius enim (vt multis iam annis vidi) cum arbores sunt in flore, & Augustus, collectâ partim, sed non totâ messe, vix vmquam euadunt sine fulgure & strepitu. Ratio est, quia tunc sol multas, & quæ ad generationem fulminis sufficiant, exhalationes educit, nec eas tamen digerit, vt mediâ & flagrantissimâ ætate. Hieme verò, vix quod iactis ad talem effectum esse pos-

possit, extrahere valet, terrâ frigore adstrictâ, aut conuiente. Hinc in Septentrionalibus regionibus rara admodum fulmina, ob eandem rationem, vt narrat Olaus. In Angliâ etiam quoties fulminatum, Inter illius anni prodigia recenset Polyd. Virgilius, Rerum Anglicarum Scriptor: licet cæli Anglicani temperies nostrâ longè sit tepidior, & vt quidam referunt, Italiâ suppar. nubes etiam plurimâ ibi coeunt, ob vapores vicini maris; vt inde fulminum non accidat defectus. Igitur ad inopiam, aut potius qualitatem exhalationum, recurrendum est. Terra enim Britannica, candida tota & cretacea est: nec sulphureas & nitrosas exhalationes exspirat, quales fulmen flagitat.

Vbi autem hiemes tepent, minusque huiemant, circa etiam totum annum (modò terra sulphure fumet) tonare & fulminare potest. Pulchrè Plinius: *Crebra fulmina in Italiâ: quia mobilior* Lib. 1.
air mitiore hieme, & astate nimbosâ, semper quodammodo vernat vel cap. 50.
autumnat. Italia quoque partibus iis quâ à Septentrione discedunt ad
sepiorem, qualis est Vrbis & Campania tractus, iuxta hieme & astate
fulgurat: quod non in alio situ. In Belgio rarissimum est hibernum fulmen: habetque hoc Lemnius pro certo signo secuturae mox ingentis tempestatis.

Signum verò fulgurum & tonitruï instantis nullum colligo probabilius, quàm si dies vnus aut plures antecedentes valdè feruidi, & cælum deinde prætexat se nubibus. vt meritò intempestivas illas flammâs & tonitrua anni 1624. die 12. Nouemb. Louanij fuerim demiratus; cùm præsertim dies multi anteuiissent gelidi & humentes. Sed nesciebam, quid Neptunus & Iupiter in Oceano nostro contra nothum illum Mansfeldium, è Hollandiâ in Britanniam velificantem, molirentur. naufragium enim in illâ tempestate passus, suffocatus etiam diu creditus fuit: donec iterum tandem, diuinâ providentiâ eum differente, emerfit, ad desaltandam, quam malè inchoauit, fabulam.

E fulminibus etiam olim, de variis euentis, lætis aut tristibus, coniectabat augurum superstitiosa natio. vanitates eorum non opus hîc refellere: quibus nec ipsi Romani, qui aliquid amplius ingenij & Minorum habent, satis fidebant. Hoc solum è Plinio addam: Quod si ab Oriente iactum fulmen, eodem rediisset, summam felicitatem existimabant portendi: taleque ostentum Syllæ Dictatori datum fuit; qui deinde Felicis nomen sibi adoptauit. Sed quæse Felix? quia scilicet tot millia ciuium proscribere, & truci-

Lib. 7.
cap. 43.

cidare impunè potuit. *O prava interpretatio*, clamat Plinius, & *future tempore infelix*! non melioris fors tunc fuisse perennes, quorum miseremur hodie, cum Syllam nemo non oderit? Adde iam lucem pedicularem, quâ infelix eius corpus seipsum erofit, & æstima, quàm felix & verax fulmen illud fuit.

ARTICVLVS XIV.

Tormentorum nostrorum, & fulminum comparatio.

Bombardæ & fulminalia nostra tormenta, Germanus Monacius, Bertholdus Schunarsus, vel malus genius, in perniciem generis humani reperit: vel fortè ars ex Oriente allata. nam in Iaponiâ & Regno Chinenti, bombardæ iam in vsu veteri erant, cum eò appulerunt Lusitani. Quidam etiam nolunt rem hanc esse nouitiæ inuentionis, sed verè nobis cognitam, ex illis verèibus Pœtæ 6. *Æneidos*:

*Vidi & crudeles dantem Salmoneæ pænas,
Dum flammæ Iouis, & sonitus imitatur Olympi.*

Quomodo enim, inquirunt, fulmen Iouis & tonitru imitatus ille, nisi bombardâ & puluere pyrio? Sed non existimo. sequitur enim paullo post:

*Demens, qui nimbos, & non imitabile fulmen
Aere & cornipedum cursu simulabat equorum.*

Videtur enim Salmoneus ille quadrigis vectus, strepitu rotarum, & ætatis equorum calcibus, tonitru imitatus. fortasse etiam creant machinam & tonantem, vt Caligula, in curru habuit: quod videtur Suidas insinuare. ardentes etiam faces, vt par Ioui à suis haberetur (Rex enim, an tyrannus, in Thessaliâ fuit) instar fulminum in obuios quosque è curru per medios volante iaculabatur. Veneri tormenta aliquot ex Germaniâ nacti, anno 1380. prius ad Fossas Clodias, contra Genuenses vsi sunt, vt narrat Guicciard. lib. 1. Histor. & Platina in vitâ Urbani VI. Sed vsum aut famam paullo vetustiore faciliè ex Petrarchâ colligo, qui in Dialogo quodam bombardarum meminit. Petrarcha verò anno 1374. viuere desiit.

Pleræque machinæ maiores, teste Cardano lib. 2. Subtil. per quinque millia passuum, 60. ferri libras excutiunt. res profectò incredibilis, nisi experimentum fidem assereret. Imò Rothmannus narrat, Principem suum, V Vilhelmum Langrauium Hassiæ, fecisse periculum in icu horizontali duplicis cartoz, vt vocant; inue-

inuenitq; globum vix intra duo horæ minuta, in terram delapsum esse. Vnuquoque verò minuto, tria circiter millia passuum talis tormenti globus conficit. igitur in exto tantum milliari Italico, id est, post iter duorum milliarium Belgicorum, defecit. Quod tamen, an credere debeam, paullulum subdubito. Ictus enim horizontalis, vt omnes fatentur, maxime omnium imbecillis est; vt fortissimus, cum tormentum mediam eleuationem habet, facitque cum plano horizontis angulum semirectum. qualem situm affabre facis canis nobis representat, cum clunibus insidens, priores pedes, quantum potest, stare facit; & iis, vt solet, semirecte in terram dehis sustentat arduum caput, & primam corporis longitudinem.

Pro quo notandum, duodecim plerumque statui tormenti eleuationes: sic vt vltima & summa sit, quæ os tubi directe respicit in cælum. verum sex solum primæ, seruiunt explosioni. Septem enim sunt species explosionis. Prima est horizontalis: in quâ scilicet tormentum non eleuatur, sed iacet parallelum horizonti. Secunda fit, in primâ eleuatione; & ita deinde vsque ad sextam eleuationem. Breuissimè exploditur globus ictu horizontali, longissimè in sextâ eleuatione: adeo vt Alex. Capobianco sextam eleuationem statuatur in viribus duodecuplam ad situm horizontalem: vt si pila, 10. stadia ictu horizontali pererret, antequam in terram cadat, in sextâ eleuatione, 120. conficiet, si eodem tormento & puluere vtaris. Ludouicus tamen Collado, (cui Adrianus Romanus noster in suâ Polemicâ magis fidei) experimento in falconettâ pilæ trium librarum à se factæ, hanc differentiam constituit.

Eleuatio.	Ratio virium.	Differentia.
0.	368.	0.
1.	594.	226.
2.	794.	200.
3.	954.	160.
4.	1010.	56.
5.	1040.	30.
6.	1053.	13.

Nicolaus Tartalea eleuationes singulas in duas dissecat, & vniuersum 24. ponit. vnde duodecimam, quæ aliorum sexta est, validissimam constituit. expertum verò se affirmat, pilam quæ è duo-

decimo eleuationis puncto, ad pedes 1972. excussa fuerat, demisso ad decimum punctum tormento, 100. pedes longitudinis perdidisse. Tota hæc inter istos exploratores differentia, à magnitudine vel longitudine tormenti, aut qualitate vel quantitate pulueris venit. Infinitis enim exemplis constare (contra quorundam, inquit, mendacium) asserit Biringuccius, tormentum breuius, eodem puluere & globo onustum, per amplius spatium pilam eiaculari, quàm aliud longius; modò totus puluis inflammetur, & vniuersas vires colligat in tubo.

Pulus autem sit ex tribus, halinitro, vel potius, salpetrà (nam hanc à halinitro Veterum distare, probat Exercit. 104 Scaliger) ex sulphure, & carbone. Non idem autem sumitur pro maioribus & minoribus tormentis. Si enim sclopetum puluere illo crassiore machinarum oneraueris, vix ad decem orgyas glandem excuties, ait Biringuccius: si minuto sclopetorum puluisculo, machinas franges. immensa etenim flamma, momento ferè temporis, ex eo accenditur, cum vnumquodq; pulueris granum, flammam (Snellij experimento) 125000. se maiorem spargat. Pro maioribus tormentis accipiuntur tres partes halinitri, vt docet Biringuccius, duæ partes carbonis, & vna sulphuris. Pro mediocribus, quinque partes halinitri, vna sulphuris, vna cum dimidiâ carbonis. Pro bombardis minoribus, decem partes halinitri, vna sulphuris, & vna carbonis ex virgis nucis auellane. Quidam, vt celeriores puluerem faciant, & intendant ictum, singulæ cuique libræ sulphuris, vnciam vnâ Mercurij seu argenti viui admiscunt; alij libræ halinitri, quartam vnciæ partem salis ammoniaci. quidam etiam, ex Colladi præcepto, puluerem in tubo, hastâ transigunt ad accelerandam inflammationem. Porro vis præcipua pulueris est in halinitro, quod à sulphure promptè accensum, puncto ferè temporis vniuersum deflagrat sine vllo cinere.

Porro Cardanus pondus pulueris postulat ponderi sphaeræ excutiendæ æquale: Biringuccius duas tertias partes dicit sufficere. Et hanc proportionem à fusoribus nostris Mechliniensibus seruatiâ audio, cum de nouitio aliquo tormento experimentum sumunt. si enim sphaera 30. librarum fuerit, tubo 20. libras pulueris infundunt. Sed quid hinc pro fulmine nostro accipimus? Inprimis, materiam sulphuream & nitrosam pulueri pyro & fulminibus communem esse. omnibus enim fulguritis odor sulphuris inest. spiritus verò nitrosus ad celeritatem inflammationis facit, est-
que

que principalis causa, cur exhalatio angustiarum impatiens tam impotente impetu effringat nubem. Quædam acida etiam vaporis qualitas incitare quandoque fortassis idem potest, cum acetum pulveri tormentario infusum, vires magnas addat & impetum, ut affirmat Libavius Epist. ad Rulandum.

Præter similitudinem in materiâ, est alia in modo explosionis: quia utraque sit per subitam rarefactionem materiæ, unus intra tormentum, alterius intra nubis cauum. Sed in hoc grande discrimen: quod flamma fulminis (excepto rarissimo euentu, quo lapis fulmineus iacitur) sine alio telo sit; flamma verò pulueris, pilam excutiat: ideoque plerumque magis nocet quàm fulmen. Imo nunc subit mirari, quomodo fulmen in terram vsque, id est, per 500. amplius passus, quibus nubes quandoque abest, deiici valeat cum tantâ noxâ & strage. flamma enim pulueris densa & conferta, quam interdum videre possis, vix longius vno pede (curiose animaduerti) profilit ex ore moscheti. quâ ratione igitur illa flamma cælestis huc vsque venit? Si fulminaret, ut puluis aureus aut calx Martis, deorsum, facile intelligeremus: nunc verò sursum aut in obliquum se iacit, ut puluis noster nitrosus. Ut illud autem de pulvere aureo capias, hoc etiam accipe. Ex purissimi auri rammentis paratur pulvis, qui radiis maximè solaribus, aut modico igne accensus, nõ sursum, ut pulvis tormentarius, sed rectè deorsum, cum maiori etiam boatu, & viribus decuplo potentioribus, fulminat. itaque si in mensâ accendatur, eam pertundet. Sed fulmen cæleste, tam pretiosâ exhalatione non constat. Itaque præter hæc, nihil quod afferam, habeo. Materia fulminis sæpius viscosam & tenacem aliquam partem permixtam habet, in quâ spiritus ille tenuior colligitur & coërcetur, ne motu dispergatur & diffusetur. sic etiam è tenaci quadam pulueris fuligine, circulos quosdam è moschetis & maioribus tormentis, se per longissimum aëris tractum conspirare & gyrate videmus. Deinde tantus etiam esse impetus potest, ut purus & liquidus flammæ spiritus, aërem ad terram vsque conglobatus terebret. Res etenim rara tota, & fluxæ liquiditatis, maximo impetu, etiam cum naturæ renisu, iaci potest. Patet, ubi vapor leuis in pila aëreâ rarefactus vehementi flatu, per angustum foramen se deorsum expirat. Audi etiam Libaviu: *Domus Cyprum in purum excoquitur, antequam perfectum sit, si inieceris aliquid aque, prorumpit ex catino motu violentissimo, prostermitque & verberat quidquid attingit.* Puenlem etiam historiolum, quæ nudiusquartus,

tus, dum hæc commentor, accidit, nisi puerile sit, allinam istis chartis. tenuia enim quædam sæpè rebus maximis affundunt lucem. Philosophiæ in Collegio nostro studiosi quatuor aut quinque, atramentum in poculo satis grandi, & faciliè 32. vnciarum capace, infuso largiter vino ardenti & aceto, apud ignem coquebant, operculato etiã orificio, ne respiraret. cùm ecce subito tonitru rarefacta materia poculum rumpit, & per omnes cubiculi parietes valido impetu dispersa, vicinos aliquot Æthiopas fecit, & grauiter ambussit. illi repentino fulmine attoniti, & se inuicem respectantes, vix diu pòst spiritum & sanguinem receperunt. nempe reuerà quiddam fulmini affine poculo inerat: vinum enim ardens, sulphuris vicem & halinitri simul implet, cùm facillimè accendatur & rarefeat in inmensum. additum etiã acetum, tamquam altera halinitri portio: quia puluerem etiã tormentarium incitat, vt antè monuimus ex Libauio.

Lib. 1.
cap. 34.

Denique, vt semel finiam, quod Plinius de fulmine narrat: *Neminem tangi qui prior videris fulmen, aut tonitru audieris*, de tormentis nostris fulminalibus etiã verum est. Hoc enim, credo, tantùm voluit Plinius: cùm videntur fulmen, posse nos euitare, quia venit è longinquo: quando verd tonitru audimus, serum iam ferè esse de periculo cogitare; quia iactus fulminis, ante aut cum sono peruenit ad destinatum. si ergo ante sonitum icti non fuimus, eo audito sumus extra periculi aleam. Non ausim tamen vniuersim promittere securitatem. ocyor enim quandoque est strepitus, quàm telum. In bellis nostris, acies pedestris, vbi coruscationem tormentorum videt, procumbit in faciem. Marchio Vastius cùm ab Inuictissimo Imperatore suo Carolo V. præmissus esset, vt exploraret è propinquo situm vrbis Arselatenis in Prouinciâ, maiori globo traiectus erat, nisi absiliisset vbi conspexit flammam. Idem euenit Laurentio Mediceo Iuniori, Catharinæ illius Mediceæ, rot Regum in Galliâ matris, parenti, in Italiâ ante Mondolphum.

Hoc etiã ante abitum adiciam: Si verum est quod Seneca, Plinius, & alij expertum dicunt, fulmen non altiùs quàm quinque pedes in terram descendere; longè profundiorẽ noxam esse nostrorum tormentorum. sphaeræ enim terram intrant etiã ad vigesimum pedem. Verùm tamen hæc inæqualitas oriri potest ex nimia distantia nubis à terrâ: viresque fulminum futuræ fortaassis aliquando pares aut supra, si locus explosionis non longiùs abesset, quàm tormentum.

CAPVT IV.

De Procellis.

ARTICVLVS I.

Quæ caussa procellarum.

CAUSSÆ procellarum eadem penè omnes, quæ fulminum. Materia enim est exhalatio, sed paullo tamen crudior. forma, explosio illa è nubibus, & motus deorsum. caussa efficiens, antiperistasis frigoris nubium, & quas antè dedimus fulmuit. finalis, etiam eadem: metus scilicet & reuerentia Creatoris, præter alias quasdam.

Procellas vocat Plinius repentinos flatus, aut ventos procellosos. eorum tamen ortus multum ab it generatione communium ventorum, atque à fulminibus propius absunt.

Tres species enumerat Aristoteles, Ecnephiam, Typhonem, & Præstera. *Ecnephias est exhalatio copiosa, tota simul extussa è nubibus magnâ vi deorsum, sine gyro & inflammatione.* Crudam ergo oportet exhalationem esse, & aduersus flammam, contumacem. calorem tamen magnum habet. quomodo enim aliàs tam subitò rarefceret, & disploderet nubem? Nam difficit verius, inquit Plinius, quàm rumpit nubilum.

Typhon, Latine Turbo, est exhalatio copiosa, explosa è nubibus sine inflammatione, sed cum gyro deorsum. vnde Turbo nil est aliud, quàm Ecnephias quidam vertiginosus & gyrans. vnde hac circulatione, partem aliquam nubis defringit, secumque deorsum rapit & versat, inquit Aristoteles. Huius porro vertiginis duæ possunt esse causæ. Primò, si duplex sit ordo nubium, & superior extundat, inferior verò retundat exhalationem. sic enim pars exhalationis posterior priori reflexa superueniens, cum eâ rixatur, quia vna abire, altera redire contendit. impetus tamen deorsum fortior est & magis intentus: atque ita pars posterior priorem detrahit, in rixâ tamen, & cum aliquâ vertigine. Secundò, exhalationem sine circumgyratione explosam incurrit deinde ventus aliquis transuersalis, circumagitque vsque ad terram.

Præstera est Typhon inflammatus. Longâ enim vertigine, quâ par-

tes inter se conflicantur, Turbo concipit flammam, & transit in Præsterem. nam

Lucr. l. 6.

*Fis quoque, ut interdum venti vis missa sine igni,
Ignescat tamen in spatio, longoq; meatu.*

Exploditur verò sæpè Præster,

Idem.

*In mare de celo tamquam demissa columna.
monstrum maximè formidabile nautis.*

ARTICVLVS II.

Procellarum effectus.

Idem ferè sunt qui fulminis, nisi quoddam procellæ, crassiore spiritu non ita penetrent sicuti fulmen, sed frangant potiùs, turbent, & disiciant. Turbo præterea rapidâ vertigine locum ex loco mutans, ait Plinius, nauigia contorta frangit; & percussus, correpta secum in cælum refert, & sorbet in excelsum. Compefcitur tamen, inquit, facili remedio, infuso in aduenientem aceto, cui est frigidissima natura. Nautæ in nostro Oceano potentiori & tutiori vtuntur remedio: tormenta enim in aduentantem explodunt, vt globo, & aëris impulsu, exhalationem dissipent. torquet autem se & circinat longissimè per superficiem maris, specie aliquot modiorum calcis dissolutæ in fumos. Simpliciores nautæ dæmonem (quod etiam Bodinus, qui dæmones vbique fatigat, credit) fumum illum intus animantem & rotantem existimant. Aedificia quoque & ingentes arbores turbinibus sæpè eradicantur, & animalia in sublime abripiuntur. quomodo fortè olim abreptus ille vitulus, quem repluisse narrat Auicenna. nimis enim vitulus sim, si putem in nubibus generatum.

ARTICVLVS III.

Præfagia procellarum, & tempestatum.

Tempestas, quando in malam partem sumitur, Ecnephas, Turbines, Præsteres, ventos etiam omnes validos, aëris inferioris tranquillitatem & statum turbantes, fulmina, & grandinem procellosam, comprehendit. Plurima autem sunt tempestatum præfagia, quæ apud Virgil. lib. 1. Georg. apud Plin. lib. 18. cap. 35. & Lucanum lib. 5. vbi Amyclas nauta (cuius tuguriolum Cæsar solus & ignoratus, interopellâ nocte pulsar) traiectum Adriatici, per

per omnia signa tempestatum, frustra dissuadet. Sed aduerte, pieraque omnia non tantum turbines, & cetera quæ amplectimur nomine tempestatum, significare, sed simplicem etiam pluuiam, aliaque nubium miscilia. Sunt ergo signa sæpè satis certa mutationis auræ, & vaporis aut exhalationis supernè relapsuræ; sed non perinde, an id in specie Ecnephiz, an venti communis, an pluuiæ, &c. futurum sit. Ea autem in duas classes separabimus. Alia enim ab inanimatis, alia ab animantibus sumi possunt. Hæc sunt in primâ classe:

Si Sol in nube oriatur, aut occidat. si parelij eum cingant. Hoc ab Arato est, illud à Virgilio:

*Ille ubi nascentem maculis variauerit ortum
Conditus in nubem, mediòque refugeris orbe,
Suspecti tibi sint imbres.*

Georg. 1.

& Amyclas apud Lucanum:

Nam Sol non rutilas deduxit in aquora nubes.

Quod verò Virgilius de sole, medio orbe refugiente, addit; clariùs Plinius: *Sol concavus oriens pluuias prædicat. Si nubes*, inquit etiam, *solem circumludent, quantò minus luminis relinquent, tantò turbidior tempestas erit. si verò duplex etiam orbis fuerit, eò atrocior.* Denique, *si ante ortum radij se ostendent, aquam & ventum significabunt.* Idem fiet, si ipse etiam orbis solaris, aliquanto maturius, quàm proximis diebus, in conspectum venerit. Hoc enim, adagiale istud Gallicum, fundamentum habet:

*Femme qui parle Latin,
Enfant qui boit du vin,
Soleil leué matin,
Ismais n'auront bonne fin.*

A Lunâ quoque præfagia quædam sunt. Si in exortu radios in Austrum & Boream dispergat. si cornua crassa & inflata habeat. si insolenter palleat, aut erubescat. Si Planetæ micent, & fixæ supra modum lasciuræ sint & scintillantes. Si faces per aëra solito densius volent.

*Sæpè etiam stellas, vento impendente, videbis
Præcipites calo labi, noctisque per umbram
Flammarum longos à tergo albescere tractus.*

Virgil. 1.
Georg.

Horum omnium vna ratio est, quia indicant multos vapores aut exhalationes pendere in aëre, quæ materia sunt meteororum hiemantium, & spargentium tempestates. Sol enim, Luna, & omnia

sidera per medios vapores refractè conspecta, ampliant speciem; per exhalationes verò, purpurant aut irrufant. subliunt & scintillant, ascensu, descensu earum, ceteroque discursu & gyratione per aërem.

Dices: Nubes in quâ v.g. sol exoriens surgit, ad limbum horizontis, & procul nobis abest: quomodo igitur illa potest in verticem nostrum recidere? Respondeo: Quas putas tam longè diffitas, vix sæpè distant dimidio Belgico milliari. patet ex vapore qui impressam tenet Iridem: cuius cornua horizonti insidere videntur, cum tamen non rarò paullulum ultra nos attingant terram. Deinde tota semidiameter horizontis visibilis in superficie terræ non est 6. milliariibus Belgicis longior, ut Lib. 4. ostendemus. nec longè ultra hanc distantiam possumus in cælo videre nubem. Sol etiam exortivus, vapores obidentes horizontem, rarefacit & dispergit aliquando vsque ad axem horizontis, & nostrum verticem. Denique vapor circa Finitorem, significat alium etiam passim fluctuare per totum aërem, à sole mox exorituro eleuandum, & recasurum.

Animalia quoque hæc signa habent. Si gallinaceus aut anas frequenter & temerè cantet interdiu. si grues reuertantur, aut dimissiùs volent. si cygnos, anseres, anates

Virgil.
1. Georg.

*Certatim largos humeris infundere rores,
Nunc caput obiectare fretis, nunc currere in undas,
Et studio incassum videas gestire lauandi.*

si boues cælum suspicientes olfactent, aut se contra pilum lambant. si porci lasciuientes stramen & manipulos ore discerpant. si feles barbas lauent. si pecora indecorè exultent. Homines etiam, aut callo pedum digitos præter solitum vrente, aut podagrâ, aliisque vitiis admonentur tempestatum. Lemnius etiam lib. 3. cap. 3. de Occult. affirmat fatuos, & quibuscumque mens vacillat in Belgio, magis loquaciter & turbulenter per compita discurrere, tribus etiam diebus ante tempestatem. Causam illorum reddere tentauit Virgilius:

Lib. 1.
Georg.

—— *Vbi Iupiter humidus Austris
Densat, erant quæ rara modò; & quæ densa, relaxat:
Vertuntur species animorum, & pectora motus
Nunc alios, alios dum nubila ventus agebat,
Concipiunt. hinc ille animum concentus in agris,
Et lata pecudes, & ouantes gutture corui.*

Itaque in densitatem & raritatem corporum, quæ ex aëris tempe-

rie

rie nascitur, reducit lasciuia illam & motus animalium. Sed hoc latius explicandum, & addendum aliquid est.

Dico igitur, ante tempestatem, & cum iam multæ nubes, aut vapor in aëre incipiunt cogi, humorem non paucum, deorsum, non quidem guttati in pluuias, & vt percipi facile possit, sed instar aëris densioris, aut roris continui, perpetuè defluere. id enim necessarium est, simul atque vapor, minimâ grauitatis adiectione, aëris, in quo pensilis fluctuabat, superauerit æquilibrium. Hic ergo, quia tenuissimus est, in animalium poros & cutem facile penetrat, & titillando aut morsicando ad saltus inconditos, aut voces, sollicitat. quædam etiam se lambunt, vt humorem illum titillantem detergant. facilius autem bruta, quàm homines, eum sentiunt, vel quia corpora mutationibus & iniuriis cæli magis obnoxia habent (& hinc etiam non omnia æquè patiuntur, & præstigiunt,) vel, vt Beuerus noster lib. 1. Meteor. quia instinctu & impetu naturæ in perturbationes & motus abripiuntur, quos in hominibus frænât & componit ratio. Per illam etiam causam expediri potest, quod narrat Plinius, Trifolium inhorrescere & folia subrigere contra tempestatem: affirmatque Io. Porta, se expertum lib. 10. Villæ c. 25. Nerui enim quibus folia eius intenduntur, aut relaxantur, frigore & qualitate humoris contrahi possunt, & folia surrigere. Et sic etiam mirabile illud extrico, quod visum à se assecuerat Rondeletius: Corio scilicet vituli marini ventorum mutationes indicari. Austro enim affante pili emicant & inhorrescunt: Boreâ verò redeunte ita reflaccescunt, & in planitiem desidunt, vt nullos esse putes. Hic deinde vapor torulenti, supernè defluens, & tempestatum aut inbrium prodromus, omnium plantarum æstas, post siccitates, odorem irritat. quod sæpè in Orualâ sum expertus, quæ ante imbrem, aut vesperi, quando refluere incipiunt rores, longius multo & incitatus odorem spargit.

Hæc eadem causa, cur fores acrius strideant, ligna in igne crepitent, fungi circa lucernas concreuant ante tempestatem.

Ceterum in periculo procellarum aut fulminis pulsantur campæ apud Christianos, quia Benedictione vim quamdam acceperunt ad abigendos demones, qui sæpè tempestatum auctores. Ventilatio etiam aëris auertere, aut hebetare aliquantulum potest impetum fulminis.

CAPVT V.

De Meteoris suprema regionis aëris.

Cum exhalationes sæpè leuiiores vaporibus sint, haud dubiè nubes, & in supremam aëris regionem transcendunt, ibique in varias meteororum imagines accendi possunt: quales caprae, trabes, bolides, faces, dolia, clypei, stellæ discurrantes, &c. Caue tamen existimare, hæc ita supremæ regioni affixa esse, vt similia, in mediâ (vbi raræ in eâ nubes, aut nullæ sunt) aut infimâ exoriri nequeant. Fax enim, inquit Plinius, *Germanico Casare gladiatorium spectaculum edente, præter ora populi, meridiano transcurrit.* Alia etiam incendia non rarè ad terram veniunt: aded vt nuper lintea sub dium expansa Louanij vstulauerint. Hæc autem quæ flammam vsque ad terram ferunt, verisimile est, è propinquo rapuisse. Potest tamen, vt è nubibus, aut supremâ etiam regione descenderint; vbi præsertim incendium vastum est, aut materia tenax & ignium tolerans. Ita olim inter acies Mithridatis & Luculli, calo repente diffisso, ingentis dolij flamma, coloris argenti fusi, ait Plutarchus in Lucullo, in terram decidit.

Omnia verò hæc meteora, eadem imagine & exemplo definiri debent. vt, Capra saltans est *meteorum igneum suprema regionis, figurâ & subsultu similitudinem habens vera capra saltantis.* Trabs est *meteorum igneum suprema regionis, situ materia in longum porrecta & sacentis, habens imaginem vera trabis.* & ita in ceteris. Causa igitur eorum materialis, est exhalatio flammans. formalis, figura, aut motus, qui proximum fundamentum similitudinis sit, cum re aliâ, cuius meteorum adoptauit nomen. finalis, purgatio aëris, aut respectus Numinis, & mortalium terror. efficiens, sol & astra, aut scintilla aliqua alterius ignis exhalationem fortè incidens. attritus etiam & confusio halituum; maximè, si suprema regio se, & vniuersa in se pendentia, cum cælo gyrat in orbem.

ARTICVLVS I.

De Caprâ, Trabe, Pyramide, &c.

Seneca fatetur ignorare se, cur Aristoteles globum quemdam igneum, capram appellarit. Sed ipse non fuit primus nomenclator.

clator. & à barbula, & floccis circumpendentibus, lasciuique saltu, nomen sine dubio accepit. Flocci autem illi penfiles, partes exhalationis pauld rariores sunt, & in speciem lanarium floccorum intercisæ. Saltus potest esse verus, potest etiam tantum apparere. Verus erit, si spiritus rarior materiam densiorem identidem leuet, & subito destituat, expediens se & euanscens. apparens verò, si flamma corporis densior & vberior, illicd se in barbitium, anteuentalisque caproneas, & crinientes vndique villos eiiciat; & iis statim deflagrantibus & dissipatis, iterum se (idque sæpius interpolatis vicibus) in corpus exhalationis recipere appareat. Capram Lunari magnitudine visam, Paulo Emilio bellum aduersus Perseum Regem Macedonum gerente, narrat Seneca. *Nos quoque, inquit, vidimus non semel flammam ingentis pile specie, qua tamen in ipso cursu suo dissipata est. Vidimus circa D. Augusti excessum simile prodigium: vidimus cum de Sciano actum* (id est, mors ei à Senatu decreta.) *nec Germanici mors sine denuntiatione tali fuit.* Verum non hæc omnia capris, sed quædam trabibus, aut facibus, cometisve elementaribus adnumeranda. De excessu Augusti Dion: *Sol totus defecerat, magna pars cæli ardere visa, ligna ignita de calo visa cadere, crinitæ & sanguinolentæ stella fulserant.*

Trabs oblonga & iacens esse debet: aliàs si stet, columna potius erit. Trabem olim conspectam, cum Lacedæmonij classe victi, Græciæ imperium amiserunt, narrat Plinius. & à fido teste nuper audiui, autumno anni 1625. ingentem trabis molem, intempestâ nocte, ab Occasu exortam, paulatimque ad cæli culmen euectam, Lunam clarissimè splendentem infuscasse. De trabe etiam admirabili anni 1560. quæ per duas horas arsit, vide Gemmam lib. 2. cap. 2. Cosmog.

Pyramis ab aliis vocatur ignis perpendicularis. erecta autem hæc flamma apparet, latiorq; in basi, sursum in conum & turbinem abit. describit eleganter, & simul caussam talis figuræ scribit Iouianus:

— *Leue in ærium se tollis acumen
Consurgens, grauiora suo se pondere ad immum
Detrudent, donec cubet sub imagine flammam
Concipit, & rutilus micat inter sidera conus.*

Sic etiam in lignorum & candelarum flammâ, partes grauiores infra alias sidunt, leuioribus in pyramidis conum effugientibus.

Stipulæ ardentes fiunt, cum exhalatio longè lateq; sparsa, & subinde relucens, speciem stipularum in agris flagrantium representat.

Cly-

Clypeus etiam ardens & in orbem scintillans, ab Occasu in Ortum, Marianis temporibus, visus transcurrere, Plutarcho teste.

Fax nomen est generale, & in stellas discurrentes, & cadentes cadere potest. Plinius in lampadem, & bolidem diuidit. Lampas *vestigia longa facit, priore parte ardente: bolus verò perpetua ardens, longiorem trahit limitem*, inquit. vnde etiam patet, vtramque appellationem in stellas discurrentes & cadentes competere. nunc enim lampadis, nunc bolidis formam adoptant.

Lib. 1.
cap. 16.

Stellæ discurrentes serenâ ferè solùm & sidereâ nocte visuntur. Non exploduntur è nubibus, vt cadentes, sed per materiam in supremo aëre in longum expanfam discurrere apparent; cùm reuerà locum non deferant, sed flamma vna alteram continentem accendat & suscitet. sic flamma candelæ ardentis, in lychnum candelæ extinctæ & adhuc fumantis, descendere videtur, sicut Aristoteles, si hanc illi ita supponas, vt funius in flammam incidat. pari modo ignis per stupam, aut puluerem pyrium, inuitatus aut abreptus pabulo, imaginem præbet discursantis. Non est autem planè necesse, totam exhalationem continuam esse: quia vna pars aliam non longiter remotam per aërem interuallarem incendere potest; vt in stupâ igni ferè attiguâ cernimus. sed in naphthâ euidentius: in quam vndecumque visam transiliunt protinus ignes, inquit Plinius. Sic Medea pellicem, filiam Regis Creontis, à lasone superinductam cremauit, coronâ eius sacrificantis naphthâ illitâ, & raptâ ignibus. Sed cur stella semper rectâ discurnit, cùm incredibile sit materiam flammæ numquam in obliquum disponi? Respondeo, sæpius tortuosam esse; sed distantia obliquitatem celat, nec è longinquo apparet, vbi hinc inde semita diuertit & se torquet. vidi etiam hisce oculis non semel, stellas istas, non directo limite, sed hac illac vagas & palantes, veluti etiam tractum tenuem à tergo relictum, statim se dilatare, & vtriusque spargere.

Sed quæres iterùm: Cur semper transuersim discurrent? Nego id esse perpetuum. est tamen solemnus. quia si exhalatio rectâ sursum deorsumve commeet, & vertici nostro imminet, stare eodem loco defixam apparebit. si autem à vertice absit, ascendere aut descendere videbis. sæpius tamen descendere: quia à parte superiori & cælestibus propinquiore exhalatio promptius incendium rapit. ibi enim leuior, & purior, magisq; ignea, & viciua flammæ. Si etiam halitus dispositura horizonti parallela fuerit, & pars prima, media, ac vltima æquali interuallo à terræ superficie distent;

nisi

nisi motus in verticem & zenith nostrum tendat, parebit ferè descendere in fine: quia linea recta altior oculo, parte illà semper depressior & propinquior terræ videtur, quæ propius ad Finitorem accedit. Quantæ inolis, inquires, oportet stellas istas esse, vt hinc eas conspicimur? Respondeo: Satis grandis, præsertim si in altissimâ parte supremæ regionis sit inflammatio, quæ sententiâ Vitellonis, & ferè communi, s. z. circiter Italicis milliariibus absistit à terrâ. quæ distantia est ter ferè longior, quàm semidiameter horizontis visibilis, seu linea quæ ab oculo nostro extenditur ad punctum in superficie terræ remotissimum, quò mitti à nobis visus potest. Nihilominus, quia fax in tenebris, etiam per totam illam horizontis visibilis semidiametrum, ex Pharo aliquà oculos nauigantium facillè incurrit, non est necesse, multis partibus faces nostras amplitudine flammæ superari ab illis celestibus. Ratio est, quòd faces per tenebras nostris conspèctæ, vicinum aëra perfundant radiis, criniantque se denso satis lumine, quod maiori Solis iubare non dilutum, simul cum luce facis ad aspectum venit.

Sed alius præterea videtur esse stellæ discurrentis generationis modus: si nempe vero discursu se traiciat, nec tamen nubes eam, vt stellam cadentem, extundat. quid enim verat, exhalationem, materiam affluente, & in nodû visco fortasse suo se alligante, grauata pòdere suo reflueret? De talibus canere mihi iam videtur Virgilius:

— Calo ceu sepe refixa

Aeneid. 3.

Transcurreunt, crinèmq; volanti sidera ducunt.

Ecce enim affixa cælo, deinde refigi, & transcurrere dicit: ergo flamma instar sideris veri eodem loco fixa primùm conspiciebatur, deinde absistit. & hinc est, vt puris & sidereis noctibus tam numerosos stellarum populos videre putemus; cùm faculæ sparsim interlucantes (quas postea refigi & delabi etiam cernimus) pro legitimis astris fallant.

Motus verò earum in fine plerumque tardior, vel (vt in pyrobolis nostris artificialibus) quia materia in fine deflagrauit, & spiritus ignei molem ferentes, partim expirauerunt. quod verum est, si exhalatio se in cælum rectà vel obliquè euibrauerit: vel (si deorsum est motus) quia aër versus terram perpetuò occurrit densior, densiusque ac per lineas centro viciniore, ideoque propius sibi admotas, halitus aquei & terrestres in contrarium scandunt. vel tertio, quia materia motu dissilit, aut rarefcit, vt pigrior in fine ad casum sit. vel denique, si exhalatio à vertice nostro pari celeritate,

tate, & lineâ ad superficiem horizontis parallelâ, abscurrat: ratione tamen opticâ, retardari parebit, quò longius abiuerit, motus; quia æquales portiones illius lineæ quam decurrit, minores videantur quò longius recedunt à nostro vertice.

Intelliges, quid velim, si magnæ alicuius aulæ tigna in tabulato trāsuerſaria ſuſpexeris. quæ enim directè ſupra caput ſunt, ampliора lacunaria aperire & magis à ſe diſtare, quàm remotiora, apparent.

Querēs tandem, an columnam illam ignis Exod. 14. quæ 40. annos filios Iſrael traduxit per deſertum, meteoris igneis accenſeamus. Franciſcus Aguilonius lib. 5. Optic. nubi iſti, in imaginem columnæ ab Angelo conformatæ, putat ignem diuinâ virtute inſuſum, prohibitâ tamen vrendi facultate, vt in rubo, & Babylonica fornace. Sed nil vſus tam inſolenti miraculo. Exhalationes ergo ſagittantes potiùs erant de materiâ meteororum, quas Angelus ſingulis noctibus collecto nouo ſupplemento reparabat.

Denique hoc præcedentibus auctarium adiicio. Stellas diſcurrentes, & id genus tranſuerſos ignes, in prodigiis & maleficis ſignis habitos à Veteribus, & iuxta Cometæ fuiſſe. Oſtendere poſſum infinitis exemplis. Sufficiet vnum à Poëtâ Pompeiano.

Lucan. l. 5.

*Ignota obſcura viderunt ſidera noctes,
Ardenſemque polum flammis, caloſq. volantes
Obliquas per inane faces, crinemq. tremendi
Sideris, & terris mutantem regna cometem.*

Sed quantam hæc ſigna mereantur fidem, dicemus in Cometis Libro ſequenti.

ARTICVLVS II.

De Galaxiâ.

A Ristoſoteles galaxiam, ſeu circulum lacteum, permifcet meteoris ignitis ſupremæ regionis. Parmenides, partes Firmamenti denſiores, & ferè ſtellantes, Democritus legitimum ſtellarum infinitam congeriem exiſtimauit. Tres iſtæ ſententiæ de veritatis principatu certant, ceteræ fabulares palam ſunt. vt eſſe lac Iunonis, ore Mercurij in cæli pauimentum abiecti effuſum, aut partem illam vſulatam & ſignatam incendio Phaëthontis: & alia id genus ſomnia. nec longè probabilior etiam Theophræſtus, qui duorum hemiſphæriorum compagem & commiſſuram, ac veluti cicatricem dixit: quaſi ſcilicet Deus integrum Firmamenti orbem, per

per diuifa hemisphæria, vt nostri tornatores solent, excauare, & deinde plumbaturâ ferruminare, debuerit.

Qui verò partes Firmamenti rariores, & illac efflorescentem Empyreï lucem crediderunt, non tam inepti, veri tamen non sunt: vt à nobis dicenda satis docebunt.

Dico Primò: Via lactea, non est congeries exhalationum in summâ aëris regione incensarum. Ita Auerroës, & passim omnes Peripatetici, qui deserunt hîc suum Aristotelem. Probatur duplici argumento. Primò, quia incredibile tam immensam exhalationum molem tot annis, circa totum cæli ambitum, perpetuè eâdem imagine durasse. reliqua enim meteora constantiam illam non habent, sed figuram infinitis modis euariant. deinde, quæ terra, quæ maria in quotidianum tot ibi deflagantium exhalationum pabulum tam diu sufficiant? Secundò, omnes qui vbiq; & ab omni æuo de galaxiâ scripserunt, easdem planè & circumcisè Firmamenti stellas intra eam includunt, & per Geminos & Sagittarium deducunt. Hinc colligimus, nullam pati aspectûs diuersitatem siue parallaxim: quam tamen satis grandem experiremur, si in regione elementari infra Lunam, & non in altissimo æthere, haberet stationem. Auerroës etiam fatetur, se Cordubæ in Hispaniâ, & Marochi in Africâ, in eodem prorsus Lactæ margine Aquilæ stellam adspexisse. quod in illâ ciuitatum istarum distantia facere non potuit, si galaxia intra Mundum Elementarem tam depressa foret, tamq; insignem haberet parallaxim.

Sed dum hæc muginor, ecce prodit in lucem præclarum opus Eruditissimi Viri Fortunij Liceti, Philosophi Patuini, de Nouis astris: in quo cap. 56. libri 2. contra hæc tela tueri & retinere conatur Aristotelem, animo quidem grandi & à me laudato, sed non pari euentu. Duas ab Aristotele galaxias, vnam cælestem, alteram elementarem, agnitas credit. cælestis est tractus ille cæli, infinitis stellulis, quas Aristoteles Sporades, id est sparsas, vocat, instratus & luminosus. Præter hunc est, inquit, simillimus ei directè in regione elementari suppositus, è tenuissimorum halituum flamine contextus. Sed cur hic non subit aspectûs diuersitatem? Quia, ait, tam rarus est ignis, vt vix, sine galaxiâ cælesti, per eum, Sporadum suarum radios traiciencie, sit visibilis. Verùm faciliè retrahi potest ex hac fugâ. Nam quod vix videri potest, reuerà videri potest. aliàs enim quo alio sensu, quàm visu, circulum illum elementarem deprehendemus? Itaque parallaxis sine dubio eum proderet: fietq; vt

vt galaxia elementaris nunc ab hac parte, nunc ab alterâ galaxiæ cælestis apparear. cùm enim cælestis galaxiæ margo qui prior oritur, prior etiam occidat; sequitur, alium marginem, post ortum eius, spectare horizonrẽ orientalem, & alium spectare occiduum, ante eius occasum. cùm ergo & in ortu & in occasu galaxia elementaris infra cælestem & horizoni propior, propter aspectus diuersitatem, apparear: vno tempore infra illum marginem cælestis galaxiæ, alio infra alterum erit. quod affirmari sine risu non potest. Cur etiam flamma illa elementaris numquam figuram hic aut ibi turbat? cur pro copiâ aut raritate exhalationum ascendentium colorem non incendit aut relaxat? quæ causâ marem sub easdem semper stellas colligit? An vis quædam Sporadum magnetica, & spirituum attrahens? Sed nimis hoc quæsitum & metaphysicum est. vt quid enim pari semper mensurâ, cur non altius & in cælum vsque trahit? Adde, quidquid galaxiæ videmus, moueri, & quidem æquo passu cum sideribus cælo adhærentibus: suprema verò aëris regio, aut non sequitur, aut tardiùs, cælestes motus. galaxia igitur in eâ pensilis, relinquetur, parebitque singulis diebus, more Planetatum, aliquousque reciprocasse in ortus.

Dico Secundò: Nec galaxia est pars Firmamenti perpetua & densior, quæ tamquam continua Zona cælum cingat. Et quidem non cerni in eâ solem, vt speculo, scitè refellit Aristoteles: quia cùm in visione speculari, angulus reflexionis angulo incidentiæ par esse debeat, non semper eodem modo sol in galaxiâ appareret, quandoquidem non vnum semper ad spectum ad eam retineat. imò aliquando serenissimo & viridi cælo non videremus, quia species solaris à speculo isto reflexa, extra oculum nostrum caderet. Verùm, nec esse partem cæli, quæ perpetuam sine interpolatione densitatem & lucem habeat, iam patebit.

Dico Tertiò: Galaxia est instar Zonæ innumerabilibus gemulis, angustissimis distinguendis interuallis, intertextæ. Totam enim illam Viam eiusmodi sidereis lapillis statam, nuper nobis atundo Barauica ostendit. Vnde alia causâ quærenda non est, vbi certam hanc habemus. Facile autem intelligi potest, quare vnum & continuum Lac istud appateat. quia videlicet, et si per singulas stellulas lux illa intercisa sit, & media spatia interpellent vnitatem; ex longinquo tamen, nisi Telescopij beneficio, discerni non valet. Ita centum nocturnæ faces vicinæ sibi, sed tamen diuissæ, imaginem procul aspectæ mentiuntur vnius continui ignis. quip-

quippe interualla breuiora sunt, quàm vt distinctè cerni possint; & teguntur insuper aspergine vicinæ vndique lucis.

Sed obiicit doctiss. Licetus: In capite Orionis, Præsepi, Pleiadibus, acruos stellarum, arundine illà suâ faberrimâ, detexit nuper Galilæus; & tamen nullam ibi galaxiam repræsentant. Igitur pars cæli continua est, non discreta stellatim. Sed hoc Galilæi inuentum potius galaxiam nostram asserit. Nam nebulosa illa in capite Orionis, imaginem nubeculæ alpentis habet, quæ non longè à galaxiæ Lactæ abludit. Est autem (quod antiquitas nesciit) vnus & viginti stellarum nodus. Præsepe etiam, seu nebulosa inter duos asellos in imagine Cancræ, subalbida nubecula est, quam concinnat 40 amplius minutissimarum stellarum cinnus. Veluti ergo hic vnum confusum & nubilo quasi implicitum lumen, non interualla siderum, cernimus: ita in galaxiâ vsu venit. Vbi verò stellæ plures in vno grege, maiusculæ sunt, vt in Pleiadibus, aliarum minuscularum interiectarum luculas offuscant; vt manifestè spatia media inalbare non valeant. sicq; in Pleiadum cœtu 6. aut 7. stellæ singulares & seorsim apparent, viridi aut cæruleo, non aperte lactescente, inter eas interuallo. Ita etiam Luna cùm satis est illustris, & Cancro aut Sagittario admota, galaxiam infuscat, candoremque eius, vt sæpè vidi, euanescere facit. Fieri etiam potest, vt minuta quædam siderum, vt sic dicam, puncta, sparsim per totum cæli fornitem collucentia, etsi plura fortè in gregem coierint, lucem tamen tam validam confundere non possint, quæ ad oculum sub imagine nebulosæ, aut galaxiæ, veniat, nisi iuuante & rapiente speciem eius tubo.

Sed, petet curiosior aliquis: In quo præcisè & adæquatè subiecto, est candor iste quem cernimus in galaxiâ? Respondeo: In stellulis partim, partim citra ipsas in propinquo medio, vbi radios satis densos & vberes tricant & confundunt. hoc enim etiam modo, maiorum siderum lucès cerni, alibi docebo. Ego etiam in Libello, quem de Cometâ anni 1618. cum Clar. Medico & Mathematico D. Thomâ Fieno, scripsi, huc illuc coniecturam meam versans & mittens, diuinabam fortè galaxiani cingulum quoddam solutile esse, pluresque eius gémulas. quandoq; in vnam grandiorē, & nouum aliquod sidus (quale famosū illud Cassiopææ, Cygni, &c.) confluere. quod etiamnum probabile existimo, cum fluctu tamen nunc maiori, vt faciliè colliges ex Libro sequenti.

Ceterum galaxiæ circulus perfectus non est, sed multis partibus

defleat & torquet, veluti semitæ in agris. alibi etiam duplex triplexve excurrit, vt iuxta Olorem, vbi latissimus. Verum etiam est, quod Aristoteles asserit, intra quàm extra Tropicos esse angustior. sed non firmiter inde collegit, ex halitibus contextam esse: quia scilicet sol inter Tropicos nimio ardore spiritus extenuat & absomit, vt proinde galaxia ibi ieiunè & malignè alatur. Verùm hac ratione, autumno & aliis partibus anni, quando densius ascendunt exhalationes, oporteret galaxiam ampliorem & vberiorè fieri: sicuti tum etiam cetera ignita pleniora sunt, & magis frequentantur.

Si verò me interroges, cur extra Tropicos galaxia amplior, dic tu mihi antè, cur in hac quàm illà cæli parte plura aut illustriora sidera defixerit Deus. prior demisso capite abibis, ego deinde sequar. quàm multorum enim fines nos latent! Posidonius tamen, ne hic obmutesceret, Extra Tropicos, inquit, galaxia maior, & densiores stellarum greges sunt, vt regionum illarum frigus & rigor sideribus minoribus molliretur, quando sole non satis possunt. Quod non perinde ridendum, ac istud Plinij lib. 18. c. 29. *Circuli Lactei defluuiis, velut ex vbere aliquo, sata cuncta lactescere, duorum siderum observatione, Aquila in Septentrionali parte, & in Austrinâ, Canicula.* Quæ tamen verba ad probabilitatem aliquam etiam reduci possunt, si vicinæ galaxiæ sideribus, similem Aquilæ & Caniculæ influentiam tribuamus.

Hoc denique bellum satis, nec insuper habendum, quod Iosephus Acosta lib. 1. Hist. Ind. c. 2. sæpè adspexisse & admiratum se dicit: Circa polum Australem; galaxiam mirificè splendescere, multisque locis, inaculis ferrugineis, instar Lunæ deficientis, distinctam esse: fixasque & immobiles eas perseverare. Quid autem ex sunt? Dic, partes cæli sine sideribus transparentes, aut plurimas fusi vel subrui luminis stellas colligatas in vnum nodum.

Finio, si id etiam accipis. Alia præterea, veluti circuli Lactei segmenta, dispersa esse aliis quibusdam cæli regionibus, extra famosam istam, quæ totum ambitum suum implet, galaxiam. hinc quidam tres aut quatuor galaxias memorant. dehniri verò illa potest: *Circulus luminosus, ex minutissimis Firmamenti sideribus concinnatus, ipsumque, per Geminos & Sagittarium in duo hemisphæria diuidens.*

Ignis: supremæ regionis meteoris Aristoteles etiam Cometas permiscuit. sed tractatio eorum plenior est, quàm vt huius Libri modus eam capiat. Itaque, in totum Librum tertium diffundemus.

LIBERTI FROMONDI METEOROLOGICORVM

LIBER TERTIVS:

De Cometis.

PAVCA de Cometis à Veteribus cum magnâ curâ scripta habemus. serò & serò magis hanc rem aggressi Regiomontanus in Cometâ anni 1475. Vogelinus in altero anni 1532. Gemma Phrysius, & filius eius, Corn. Gemma. Sed parum adhuc effecerunt, si cum sequentibus componantur: & præsertim cum Tychone Braheo, de No- uâ stellâ Cassiop. & in Cometâ anni 1577. post & cum ipso infiniti alij propemodum turmatim concurrerunt, vt ex hoc mustaceo etiam ipsi laureolam peterent. Sed plurimos excitauit Cometa iste nuperus anni 1618. de quo Keplerus, Snellius, Cysatus, Clariss. & Ampliss. Vir D. Erycius Puteanus, Clariss. Vir & Academiæ nostræ Archiater D. Thomas Fienus, cuius onerariæ ego cymbam meam alligavi. & sine ferè numero alij. sed nouissimè, & satis ampliter Eruditiss. Vir & Clar. Philosophus Patauinus, D. Fortunius Licetus, & Doctiss. ac Clar. eiusdem Academiæ Mathematicus D. Io. Camillus Gloriosus; & ante eos paullò, Clar. Viri, & perillustres Equitis, Scipionis Claramontij Antitycho. qui tamen omnes in varias sententias abièrunt, & litem adhuc in plerisque sub Iudice reliquerunt. Nos, quod verisimilius post tot illustria ingenia, & fortissimas rationes, subterhabitis (ne Liber hic supra aliorum molem monstròse se inflet) leuioribus, in synopsis & aspectum dabimus.

Primò autem de causâ Cometarum materiali ac formali, deinde de efficiente & finali, denique de effectibus & præfagiis agemus. Quia verò definiti materia Cometarum, sine loco generationis eorum, non potest; ideo de isto in antecessum, aliquid.

CAPVT I.

De loco generationis Cometarum.

ARTICVLVS I.

*Cometa quidam caelestes sunt, ex minimâ
quorundam parallaxi.*

Hoc enim à Mathematicis, & præsertim Tychone, & Keplero, nuper sic probatum, vt pudeat non credere. Multis verò argumentis id conficiunt: sed vnum validissimum est, & sine quo fortasse alia contemni, aut eludi possint. Id verò est parallaxis, siue diuersitas aspectus: quâ colligunt, sidus, aut quoduis aliud in aëre pendulum, eò altius à terræ centro eleuatum esse, quò minorem habet parallaxin. De parallaxi autem tota in Libris de Cælo, Deo dante, plenius dicemus. nunc, vt sine figurâ Mathematicâ (cuius exemplum tantisper à Tychone, aut Clauio in cap. 1. Sphæræ, fumere, si lubet, potes) Mineruâ saltem pingui, quantum ferè iam satis est, capias;

Nota, duplici viâ inueniri posse Cometæ parallaxin.

Primò, ex eodem loco terræ, considerando cometam in duplici situ, vno eleuatiore, & altero depressiori. cometa enim qui circa Meridianum v.g. alicui stellæ fixæ iunctus apparet, deuergendo cum ipsâ versus Occasum, paulatim magis magisque ab eâ elongatur, si longè infra eam in aëre pendeat. ad eò vt linea visus, cometam transfigens, in partem Firmamenti infra stellam fixam casura sit, cui tamen circa Meridianum propinquissimus cometa apparebat. vnde cometam viciniorẽ horizonti, quàm stellam, iudicabis. Axioma enim perspectiuum est, *Cometam aut sidus semper à parallaxi deprimi.* Quod vt ostendant expressius, præter lineam loci visi (quæ à centro oculi per cometam, in octauam sphæram tendi debet) aliam loci veri imaginantur: quæ à centro terræ, iterum per cometam, in sphæram octauam transit. si cometa citra aut vltra Meridianum fuerit, duæ istæ lineæ se interfecabunt in centro eius, modò tamen etiam cometa humilior stellis fixis sit. Angulus autem intersectionis eò obtusior & maior erit, magisque

quelocus visus à loco vero distabit, quò cometa terræ vicinior erit.

Secundò, è duobus locis distantibus, vt v.g. Louanio & Pragâ, eodem temporis articulo, aspiciendo cometam. si enim dependeat in aëre longè infra Lunam, radij visus aspicientium, qui se in cometæ centro decussabunt, per valdè sensibilem distantiam diuercabuntur, & à se abibunt, antequam ad fixarum orbem perueniant. vnde ipsi eundem cometam sub diuersis Firmamenti partibus conspiciunt. Facile me intelliges, si pilam è fornice templi, paullo profundius in aëre pensilem cogites: & à duobus simul conspici ex oppositis templi angulis. pila enim ista vni aliam fornici partem tegere videbitur, quàm alteri.

Hæc facula tibi sic leuiter accensa, sublustriora quæ iam ostendam, faciet.

Dico Primò: Multi cometæ minorem quàm Luna parallaxin habent: ergo altiùs à terrâ eleuantur, & inter cælestes planetas curricula habent. Sequela est euidens intelligenti parallaxin. De Antecedente est totum dubium. Sed probatur in cometis annorum 1577. 1580. 1585. 1590. 1593. qui in Tychonem obseruatore, rerum cælestium, quotquot à Ptolomæo huc vsque vixerunt, consultissimum, inciderunt. Nec Rothmannus etiam, V Vilhelmi Langrauij Hassiæ, & insignis etiam Mathematici, Mathematicus, Mæstlinus Mathematicus Tubingensis, aliique plures, qui, omnes à se ad examen parallaxeos vocatos, reppererunt, quàm Lunam, habuisse minorem. Idem fortiter & impressè in cometâ anni 1607. & 1618. asserit Io. Keplerus, Mathematicus Cæsarius, & discipulus Tychonis. idem Clarissimi & Præstantissimi Viri Thomas Fienus, Erycius Puteanus, Cysatus, Snellius, Piso, Rhodius, &c. tunc iudicauerunt. Pauci tamen, in veteri de Cometis tantùm ignitis opinione defixi, nihil se mouerunt; quorum aliquos videbitis articulo sequenti.

Dico Secundò: Noua sidera sine caudâ, sine barbâ, sine vllò crine, omni æuo, in cælo inter sidera etiam fixa nata sunt: quidni caudata etiam, barbata, crinita possint? Antecedens per varias historias deduci potest. Septima Pleiadum tempore Homeri, aut belli Troiani, nulla fuisse putatur, eùm sex solæ, Iliad. λ. in poculo Nestoris insculptæ fuerint. postea tamen Simonides apud Athenæum lib. 11. M. Varro, Plinius, & omnes passim septè effecerunt. septima tamen iterùm iam excidit: nam Telescopium Galilæi nupeream cernere non valuit. Verùm non existimo Pleiadum gre-

gem vñquam senis astris fuisse numerosiore. Fabula verò de septimà, nata ex errore & allucinatione oculorum. cum enim lubrici admodum & lasciui sint luminis, angustissimiq; disperman- tur intervallis, oculus in earum distinctionem intentus, & aciem brevissimo traiectu ab vnâ in aliam versans & commutans, facile speciem alterius, in medium inter duas proximas spatium, secum defert, putatque septimam, aut quandoque etiam octauam cerne- re. Id ita habere, experimento cuiusque (certè tamen meo) con- stare potest. nam aliquando septem, & paullo pòst sex, & iterum septem aspicio. minora etiam quædam sidera, quæ numero 40. vi- cinissima Pleiadibus numerat Galilæus, aliquid fortasse adferre possunt (sed vix credo facere) ad illius septimæ speciem.

Certiora nouorum siderum exempla, inter omnia quæ cele- brantur, sunt, illud quod Hipparchus suo tempore deprehendit, vt lib. 2. c. 25. narrat Plinius: deinde famosum Cassiopææ anni 1572. de quo tam multa Corn. Gemma noster, & Tycho Braheus: ter- tiò, quod anno 1604. in Sagittario fulsit: quartum anno 1600. pe- ttori Cygni enatum, etiam num adspicimus. Hæ omnes stellæ sine parallaxi, & orbi fixarum insertæ & inoculatæ fuerunt; quando- quidem pari cum ipsis passu, eodemque loco defixæ incesserint ab Ortui in Occasum. De quibus plura admetiri, in Libros de Cælo differimus. Sed vide vt argumentum illud à parallaxi infringere, aut eludere quidam conati.

ARTICVLVS II.

*Argumentum parallaxeos frustra eludunt Scaliger,
Claramontius, Galileus.*

Scaliger Exercit. 79. confitetur, cometas quosdam minorem subire parallaxin, quàm Lunam, etiamsi illi longè infra ipsam in aëre pendeant. quia cometa, ait, sequitur naturam & motum sideris, quod exhalationem attraxit, & suspensam tenet. Sed vide, quomodo Rothmannus in Cometâ anni 1585. eū trahebat. *Verum- enimverò, inquit, mi Scaliger, hac tua subtilitas (quo honore aliquoties Cardani subtilitates dignaris) scuticâ digna est. Homerum, optimum & ab omnibus probatum poëtam, contumeliosè Graculum appellas; hic quo nomine te appellem? Sed cum contra ignorantem principia non sis disputandum, te prius Mathematicis corripiendum & erudiendum tradam, vt ab iis discas, quid parallaxis sit, & vnde. Hac si didiceris,* faci-

facili mihi tecum contentio erit. quin tum ipse errorem suum ad pudorem usque agnosces; nec cometas supra Lunam, in sphaeris Planetarum habere negabis. Nimis tamen leuere hæc & acri dente. Mirum tamen est in tanto Viro, nesciuisse, quid parallaxis. Alicubi, recorder, Erasmus nostrum, *sotius naturæ ignorantum* facit. certe ipse Mathematicarum (quæ tamen necessaria Philosopho) parum gnatus fuit. Videte enim, quoties A, B, C, D, & mathema aliquod in Cardano occurrit, ab eo, vt à viuus carbonibus, abstinētem manum. Neque tamen per hæc, summi Viri magnitudinem detrectare est animus: sed Philosophos monere, quàm sine Mathematicarum rudi saltem fulcimento, facilis sit in errores inexcusabiles pro lapsus. Dialogus etiam, Problema, qui de grauium ac leuium motu, & Puerpera, qui de animâ, non significat tantam in Erasmo naturæ ignorantiam, quantam ei Scaliger offundit.

Sed ad diuerticulum, & demus (quod non ex animo tamen facio) Scaligero, astrum aliquod vi magneticâ Cometam in aëre suspensum gubernare; poterit certe, ne à recto tramite aberret, corrigere, non eripere parallaxin, vt intelligenti definitionem parallaxis liquet. Fac enim à sideribus fixis ad Lunam vnicum eontinuum & rigidum orbem esse, cui vniuersa omnium celorum astra infixæ sint; non ideo Luna minorem, quàm nunc, sentiet parallaxin. si enim à Meridiano cum aliquâ stellâ octauæ orbis directè superpositâ, in Occasum declinauerit, statim diduci ab eâ apparebit, & aperire parallaxin. si ergo cometa infra Lunam est, regatur, non regatur ab aliquo astro duce, quod excelsius sit quàm Luna; fieri tamen omnino nequit, vt parallaxis eius sit lunari minore: in quo deceptus est Scaliger. Verum maius negotium facessit Scipio Claramontius, qui duobus libris Antitychonis sui, cometam anni 1577. quem Tycho tot rationibus in æthereâ regione supra Lunam firmauerat, in aërem retrahit. Parallaxin enim lunari ampliore habuisse, ostendere conatur, Tychonenq; nunc calculum malè ponere, nunc refractionem, quæ parallaxin turbabat, non satis considerasse, & id genus alia: quibus non pauci credituri fortassis erant, nisi Kepleri Hyperaspistes Claramontio maturè abrogasset fidem. Innumeros eius numeros & computus, infinitum sit, nec pro modo huius Libri, conari refellere: melius quàm equidem possim, & egregiè id egit Keplerus: quem adi, si lubet, in Hyperaspiste. Hoc solùm addo: Nisi Tychonis organis & fabrico illi Sextanti credimus, omnium fides abiicienda erit. Nemo

enim à Ptolomæi temporibus, aut fortè numquam, fuit, qui maiore curâ rem istam machinalem curauerit. Ex gre ecenim solidissimo, & ingentis magnitudinis, ut omnibus etiam minutis sat ampla & iusta spatia aperiret, machinas fabricauit. In Geometriâ etiam & Astronomiâ, sui temporis facile Princeps fuit; & cæ re à Diuo, & Augustissimo Imp. Rudolpho ex Daniâ in Bohemicam Aulam aduocatus. Nec fuit etiam tam infans Tycho, vel nesciuerit refractiones attollere sidera, quæ parallaxis deprimit; vel eas in observationibus suis, ubi fortè parallaxin aliquid inturbarent, non attenderit. Itaque, sicuti in constituendis distantis, & ordine Planetarum, quem deinde adfirmare eclipses, parallaxis valuit; non video cur eadem etiam cometas cum Planetis componere, & de ordine eorum statuere non possit.

• Vnde nec nobis contemptus Bodini satisfacit, quo hac solùm ratione ætherios cometas abiicit, quia doctrina parallaxium incerta est, inquit, nec vlla earum differentia reperitur supra Venerem. Non enim tam incerta & fallax est, modò à viris eruditis, & concinnis organis administrata fuerit. Nec verum etiam illud, quod de Venere adiicit, In Sole namque & Marte manifestum est discerniculum parallaxis.

Sed istos dimittamus. Guiduccius ex Magistrî sui Galilæi sententiâ aliter eludere hoc argumentum parallaxeos nititur: sed nititur tantùm, non facit. Ut parelij, halones, aut irides, inquit, sub cælo sunt & ferè apud nos; tamen nullam in iis obseruamus parallaxin: quidni idem esse poterit in cometis sublunaribus? Aliquid & multum diceret, si comete (quemadmodum halones) lumen Solis essent, per totam nubem vel ætherem sparsum, quod aliud aliudque in distinctis partibus nubis, è dissiris terræ locis appareret. nam quòd halo parallaxin non videatur pati, sed semper eodem ambitu sidus medium coronare, siue sidus altum, siue depressum sit, causa est, quia non vnus idemque halo est, qui à Meridiano, cum sidere versus occasum descendit. aliàs, si idem perpetuò foret, iuxta horizontem occiduum maximâ parallaxi sidus non iam amplius in eius centro, sed supra ipsum totum, aut longè vicinios segmento superiori appareret. Cometa verò non est talis *ἑμφαις*, seu meteorum appetens; sed *ὑπόστασις*, & corpus lucidum, quod sine comite sidere idem transfertur de loco in locum. cum motus ei sæpè sit à Meridie in Septentrionem, aut retro; quò sidus cæleste nullum, motum dirigit.

Eodem modo se expedit, & aberrat (vt iam recorder) Eruditiſſ. P. Dominicus Bañes 1. par. quæſt. 66. art. 2. in difficultate nouæ ſtellæ Caſſiopææ: quam in aëre ſublunari (ne cælos ſuteretur corruptibiles) pendendiſſe, nec parallaxin, vt in halone, notari valuiſſe, ſatis diſſuſe, propoſitâ etiam imagine, docet.

ARTICVLVS III.

Cometæ quidam celeftes etiam eſſe colliguntur, ex motu proprio ſub eodem circulo maximo.

ITa colligit Tycho, aliique poſt eum. Quis enim exiſtimet ſtammecum cometam aëri ſupremo, vt inſimo ſolent ignes fatui, innatantem, tam composito proprio motu incedere, vt vix latum, vt ſic dicam, vnguem abeat à tramite circuli maximi, totum cæli forniciem in duas partes æquales diuidente? Tot namque halitus ingiter ſummam aëris regionem incurrentes, vix poteſt, vt nō frequenter vibrent, & fluctu etiam aliquo iactent, cometæſque aërios circulo incepto depellant. Sed accurrit Claramontius. & primò negat motum proprium cometarum per circulum maximum circuire. Verùm facile repellitur, ſi ſidera fixa obſeruentur, ſub quibus cometa anni 1618. per Libram, Booten, & Vrfam ereprauiſit in circulum Arcticum. ſemita enim illa, vt hîc Louanij tunc notauiſimus, vix, niſi paullulùm fortè in fine, exerrauit à ſegmento circuli maioris. Idem Lincij in Aſtriâ Keplerus, Ingolſtadij in Bauariâ obſeruauit Cyſatus. & cùm etiam ſub eadem aſtra ſingulo quoque die direxiſſe curſum, ab vniuerſis tantâ locorum intercapedine diſſiſis, viſus ſit, non potuit, niſi exiguam admodum, ſubiſſe parallaxin. Similem in circulo maximo, contra raptum primi mobilis, reciprocationem habuit anni 1577. comètes. ſingulorū enim dierum ſegmenta, protrac̃ta eandem, per mediam cæli curuaturam, ad eclipticam habuerunt inclinationem, vt olim oſtendit Tycho: teclamante tamen poſtea Claramontio; ſed compreſſit eum Keplerus. Secundò tamen, ne nimis ſit pertinax, dat Claramontius, motum iuiſſe ſub circulo maiori; nec propterea tamen cometam inter Planetas in æthere fuiſſe. & rationem affert, quæ plurimum ingenij habet, ſed parum veritatis. Omne graue, aut leue, inquit, circulariter motum, neceſſariò per circulum maximum mouetur: quia graue directè ſemper adſpicit & nititur in cẽtrum, leue directè ſurrigit ſe à centro in mediam ſphæræ curuatu-

ram. Ita enim verba eius, pauca & perplexa, explico. Itaque cometa in summo aëre pendulus, aliquantulâ, quam adhuc retinet, gravitate, tertiam lineâ despicit, quæ rectâ tendit in centrum. vnde si circulariter impellatur, in circulum maiorem ibit, qui totum tetraë globum, & (quod inde confectarium est) cælum ipsum videatur secare in duo hemisphæria. Sed quàm id non sit necesse, ex omnibus cometis patet, qui raptu primi mobilis, nunc Æquinoctialem, id est, circulum maximum, nunc parallelos ad alterum Tropicorum declinantes, id est, circulos minores, describunt. quæ autem ratio est, cur gravitas potius motum eorum proprium per circulum maximum ditigat, quàm motum raptûs, ab aëre (ut patet) cui inequitat, communicatum? quando cometa anni 1618. à Tropico Capricorni ad Æquatotem motu proprio venit, cur ibi non adhæsit, circulumque illum eundem maximum identidem repetiit, non interfecando eum, & pedem vltra promouendo versus Cancrum, vsque ad ipsum etiam Arcticum polum? Sic enim Io. Baptista Benedictus Epist. ad Andr. Prouanam docet, nauim in mari versus Æquatotem semper declinate, & remotis tetraë impedimentis eò delapsuram, perpetuoque ibi circuituram globum. quamquam nondum intelligam quomodo id futurum sit, etiamsi terra tota obruta sit aquis, & aquæ elementum raptum primi mobilis sequeretur ab Ortum ad Occasum: Quæ enim causa mouens, nauem ad Æquinoctialem & mediam illam globi aquei circuituram adduceret? Aqua enim à Tropico Cancri v.g. eò, naturali gravitatis impetu, non defluet, cum nulla ibi lacuna, neque aqua cento, quàm sub Tropico, vicinior futura sit. Itaque vnda nauem sub Tropicum circumducet, neque inde, nisi vento aut aliâ vi expulsa, discedet. Sed *impetus naturalis corporum motorum, semper in superficibus circularum maiorum sunt*, ait Benedictus. Sit ita sanè. verum motus ille nauis sub Tropico ab aquâ vehente, naturalis non est. non enim est descensus quidam, cum toto tempore periodi retineat patem distantiam à gravitatis centro. Fateor alias, motus naturales grauium & leuium, fieri per circuli maioris diametrum, si recti sint, (lapis enim directè in centrum cadens, ab vno puncto cæli recedit, tenditque in aliud directè oppositum) si verò ab impedimentis obliquitatem aliquam contrahant (ut cum lapis per recti planitiem, vel æquabilem montis deuexitatem probabitur) diriguntur necessariò sub eiusdem maioris circuli circumferentiam. Sit enim mons, qui à Septemtrione deuegat in Meridiem,

diem, graue è vertice eius demissum, sub Meridiano (qui circulus maior est) decurret, eique motu suo subtendet veluti figuræ oualis segmentum. Ratio est, quia nititur, quàm rectissimè potest, ad centrum.

Sed hæc neque Benedictum, neque Claramontium vel hilum iuuant; nisi ille ostendat Oceanum sub Æquatore esse depressiorem (quod quidam tamen affirmant, quia plures ibi vapores Sol feruidus & torrens attrahit) quàm sub Tropicis; hic verò, aërem supremæ regionis, in quo natat cometa, vel ipsum cometam densiorem grauioremque esse aëre ad quem motu proprio fluit, aut leuiorem: sed tunc motus proprius non erit circularis (qualem tamen Claramontius statuit) verùm rectus sursum aut deorsum, vel traiectorius & transuersalis. Itaque sicuti motu raptus, cometa sub polo Arctico breuem circellum circa axem Mundi, cum eodem semper ad centrum terræ respectu, circumcurrere potest; ita quantum est ex parte grauitatis aut leuitatis eius, nil veat quin motu proprio ab Occasu v.g. ad Ortum eundem circulum conficere valeat. Finio igitur, & statuo probabiliter, Cometâs illos tam composito nec fluctuanti sub eodem circulo maximo, motu proprio labentes, in regione ætheriâ, non tam turbidâ & vacillante quàm est ista sublunaris, circumagi: aut si ibi etiam exhalationes sunt, quæ ætherem quandoque fluctuant, non potest ex tanto intervallo error, quo cometa à circulo maximo excidit, notari.

Aduerte etiam, si cometæ proprius motus (ut plerique hæcenus existimauerunt) apparens tantum sit, & instar stellæ discurrentis; parte scilicet vnâ exhalationis alteram inuitante, & rapiente eius flammam; vix probabili colore defendi posse, motum istum leges circuli maioris obseruare. nam exhalatio & nouus cometa inflammandus à veteri, non solum antè, sub eodem circulo maiori disponi, sed etiam ad latus vtrumque, & vndique potest materia illa circumfundi. Igitur verum potius in cometâ, etiam sublunari, motum agnoscere oportet. A quâ verò causâ fiat, & an circularis sit, infrâ dispuagemus. Si autem ab Intelligentiâ aliquâ esse (& huc etiam satis inclinât Tycho) quis affirmet, facilè sic per circulum maximum ibit; sed versari eum in elementari regione, statim parallaxis proder. Vides ergo, parallaxin vnicum penè fulcrum esse, quod Tychonis & recentiorum de cometis cælestibus opinionem sustentat. Nam etiam sine vllâ Intelligentiâ Cometæ elementaris vortice, defendi posse eius apparentem sub circulo maximo

ximo progressionem (modò trajectoria, non circularis sit) postea ostendemus.

Quid ergo hoc toto Articuli circuitu effecimus? Hoc. Si motus Cometarum proprius, circularis est, quod Claramontius, cum Tychone, & aliis statuit; non iturū sub eodē circulo maximo, si in Elemēto aëris turbido & vacillāte pender, nisi Angelus eum ducat & gubernet. Si verò motus ille transuersalis sursum est, & trajectorius, magis tamen etiam obnoxius turbationi erit, proniusque à circulo maximo deerrare apparebit, si in aëre, quàm si in æthere sit.

ARTICVLVS IV.

*Ex ortu & occasu cometarum colligi, quosdam saltem
supremam aëris regionem longè excedere.*

Libro primo, ex Vitell. & aliis, altissimos terræ halitus, qui videri à nobis possunt, 52000. passuum, id est, 13. ferè mill. Germanica, non excedere diximus. Verū statuamus, inquit doctissimus Cysatus lib. de Cometâ anni 1618. cap. 3. ad 20. milliaria Germanica illam altitudinem extendi, & cometam elementarem tantâ intercapedine à nobis abesse. fac deinde oriri: totum arcum visibilem, quem supra horizontem nostrum describit, duarum horarum spatio percurrer, nec eum ampliùs illo die videbimus. quod de cometâ anni 1618. & plerisque aliis ridiculum & contra sensum communem est: cū pluribus longè horis conspicui fuerint instar legitimorum siderum, & adhuc sine occasu ex oculis euauerint, suppressi abundiori luce orientis Solis. Tam breui autem tempore occasurum, ostenditur ex eo quòd vix ad 6. milliaria Belgica visus noster in superficie terræ se extendat. & licet nubes, & supremam aëris regionem, sine inque altissimarum terræ exhalationum, aliquantum vltra illam distantiam cernere valeamus; arcus tamen nobis conspicuus circuli, distantia 20. milliarium Germanicorum à terrâ, descripti, tantus nō est, quin duabus solū horis percurri poterit. nam 24. graduum & 28. minut. est. vnde vnâ horâ & 48. minutis absoluetur; quandoquidem integrum circulum 360. graduum tempore 24. horarum exambiat. Itaque duabus & viginti ampliùs horis, ex illis 24. reliquis, conditus infra horizontem visibilem, abditos circuli sui arcus decurrer: transiolarique per apertam nobis cæli faciem, vt nubes propulsæ ventorum flabris solent, vnus alteriusve horæ spatio. Quòd autem astræ
inter

inter ortum occasumque tam diu supra horizontem & in oculis nostris iter agant, causa est penes ingentem eorum à terrâ distantiam. quò enim longiori interuallo circuli circa terram describuntur, eò maiores arcus visibiles nobis ostendunt. Deinde linea etiam, ut vocant, visualis, ab oculo emicans, à puncto terræ longissimè distito quem videmus, infra istam terræ curuaturam perpetuò descendit, quia origo eius (id est, nostrer oculus) eleuata est supra terræ superficiem, altiorque est puncto illo remotissimo quem restringit. Et hinc quò longius versus Mundi circumferentiam educitur, eò prolixius infra horizontem, quem in terrâ nobis circumscribimus, decurrit.

Vnde quia multi cometæ parem cum astris supra horizontem moram traxerunt, probantur etiam non inferiorem habuisse altitudinem.

Hinc etiam patet, quàm meritiò posteriores Astronomi, ut Regiomontanus, Vogelinius, & alij, qui cum Aristotele nostro omnes cometæ sublunares existimabant, tot tamen eos milliaribus à terrâ remouerint. Nam Regiomontanus cometam anni 1475. nouem terræ semidiamentris, siue, eius computatione, 8200. milliaribus Ger. Vogelinius cometam anni 1532. millibus passuum 4686. Germanicis verò milliaribus (quorù singulum quodq; 4000. passuum habet) 1171. attollit. hæc autem excelsitas omnes halitus illos solemnes & crepusculorum lampades longè infra se relinquit.

ARTICVLVS V.

*An Aristoteles Cometæ caelestes, & nouitia in calo
astra, quandoque gigni existimauerit.*

ITa putat Eruditiss. Licetus lib. 5. de Nouis astris cap. 41. ex lib. 2. de Calo cap. 7. vbi Philosophus ait, *stellæ esse ex eo corpore, in quo lationem habent.* ergo sunt quandoque nouæ ex materiâ ætheris, vel orbium in quibus mouentur. Nam stellæ illæ veteres, coaræ sunt suis orbibus, non factæ ex aliqua eorum parte. Secundo, & clariùs, c. 8. *Astra esse spherica, consentaneum est mihi,* inquit, *generanti ea ex tali corpore, id est, caelesti.* Vides ergo, ait Licetus, astra quædam generabilia esse: non autem æterna illa, sed alia ex materiâ calis subinde concinnata. Vellem hæc esse vera, & Aristotelem trahi posse in consensum. sed vereor, frustrâ tentari. Quis enim non videat, hæc ingeniosè quidem, sed anxie conquisita ad

illinendum ori Philosophi hunc colorem? Sine dubio enim loquitur de omnibus astris, etiam illis antiquissimis, quæ semper in cælo suspicimus. hæc autem constare dicit materiâ suorum orbium, quorum sunt partes, sequæ *ea generare*, id est, genita docere, ex corpore, siue materiâ, cælesti. non tamen sic ut pars aliqua cæli rarior densata fuerit in astrum: sed astra cum ceteris orbium partibus genita sunt ab æterno (Aristotelis, & falsâ, mente) actioneeductuâ, ut loquimur, quam sæpè generationem vocamus, licet per eam nulla materia præexistens, à priuatione ad formam transiret: quod accidit, quando materia nullò reali momento temporis formam suam antecedit. Hæc ergo loca non sufficiunt ad infuscanda clarissima testimonia Aristotelis, ubi toties cælum clamat quintam essentiam, ingenerabilem & incorruptibilem esse: probatque, quia tot iam annorum circuitibus, nulla generatio, nulla corruptio, nulla accretio, nulla detractio animaduersa in sideribus.

Nec alia loca quæ Licetus affert, pro cometis cælestibus, prebunt acuius.

Primò, Lib. 1. Meteor. cap. 1. affirmat cometas oriri in loco lationi siderum maximè vicino: igitur non in supremâ aëris regione, inter quam & cælum interiecta est ingens profunditas Elementi ignis, inquit Licetus.

Sed id palàm à mente Philosophi abit. Cometis enim galaxiam, & *ἡ πορφυρά φάσμα*, ignitas imagines iungit, quas pariter in eodem loco sideribus maximè propinquo nasci dicit. nec tamen eas, sine dubio, supra totum aëris Elementum extollit. Itaque summum aëris fastigium, ad motum proximè sideribus dixit, aut quia nondum; determinauerat, an aliquod ignis Elementum interiectum esset, ut putat Vicomercatus; aut quia inter regiones meteororum feraces, illa est maximè contermina sideribus; aut denique, quia nullum aliud sub orbe Lunæ, Elementum ignis credidit, quàm aërem fumosis & ardentibus telluris exspirationibus scatentem, ut Lib. 2. docuimus.

Secundò, Lib. 1. Meteor. cap. 7. *Quando, inquit, in inferiori loco principium consistentie fueris, per se apparet Cometæ: quando autem sub astrorum aliquo errante vel inerrante consisteris exhalatio, tunc cometes fit horum aliquod.* Vbi duplicem cometam videtur distinguere, vnum solitarium, procul à sideribus, in regione elementari infra Lunam; alterum supra Lunam, immediatè circa aliquod sidus, quod exhalatio erinit. Sed hoc intemperamentum euertitur
proxi-

proximè sequentibus. *Non enim*, inquit, *apud ipsa astra coma fit: sed quemadmodum area circa Solem & Lunam, &c.* Sicuti ergo area, siue halo, non in cælo, sed in nubibus vel aëre est; ita coma illa & crines, qui astris fixis, aut errantibus quandoque sparguntur. Discriminat tamen hanc comam ab area: quod hæc per ἀνύλασιν, siue reflexionem, à nube aliquantum distante, ceu speculo; coma verò non sit lux astri visa reflexè in nube, sed color ipsius vaporis aut exhalationis mixtim cum radio sideris quem incorporat & bibit. Cùm autem Aristoteles ait: *Tunc cometes fit horum* (siderum fixorum aut errantium) *aliquod*: significat ipsum astrum induere cometæ similitudinem, quia à suppositâ, in aëre longè inferiori, exhalatione videtur criniri. Sed quid ergo postea addit? *Quando iuxta stellam facta fueris talis concretio, eadem latatione necesse est apparere moueri cometen, quâ stellam, cùm autem per se seorsim confisterit, tunc videtur relinqui.* *valis enim est latio Mundi circa terram.* Putat Doctiss. Licetus clarissimè indicari genus vnum cometarum iuxta & inter sidera in ipso cælo, quod careat parallaxi, id est quæ pari passu videatur incedere cum vicino astro; alterum verò, quod in aëre profundissimè infra cælum versetur, relinquaturque motu siderum, & latam ac euidentem patiaturs parallaxin. Vicomercatus autem, & alij plures hanc formant sententiam: Cometa, cùm *iuxta sidus*, id est, altissimè à terrâ eleuatus, & intra ipsam ignis sphaeram, videtur motum sideris assequi, propter celestem Elementi ignis conuersionem: cùm autem *per se*, id est, longè à cælo & sideribus, in aëre scilicet, statim supra nubes constiterit, tunc ab astris ocyùs prælatis relinquitur; quia aër in quo fluctuat, pigre cæli raptum consecratur. Et fauent profectò quæ deinde subiiciuntur: *Talis enim est latio Mundi circa terram.* id est, latio Mundi ignei & aërei, est velocior in altissimâ sui parte, quæ est ignis.

Verùm omnes isti interpretes videntur mihi extra oleas abire. Agit enim disertè Aristoteles de distinctione cometarum qui vera quidem sidera, sed comantia aliquo halitu sublunari, ab iis qui per se seorsim à sideribus proprio igne ardent. quàm enim violentum est, ὅταν δὲ οὐστὴν καὶ αὐτὸν, *quando concreueris per se*, interpretari, *quando procul à cælo*! planus autem & verissimus sensus est, *quando separatim ab astro concreueris.* de astro namque aliquo singulari, non de toto cælo, loquitur. Itaque hæc mens Philosophi. quando coma ex radiis in vapore vel exhalatione subiectâ, circa verum sidus apparuerit (quo modo Aristoteles olim coxam Canis, nos

anno 1618. Venerem, & nuper anno 1624. Arcturum comantem aspeximus) non videtur deferi, nec pati parallaxin; non quia fit in cælo, & circumhiget proximè rotunditatem ipsius sideris, sed quia cum ipso, ut halo (cuius etiam similitudinem adducit) solet, æquo passu incedit, aut potius sic apparet, & reuerà tamen non facit. veluti enim non idem est halo, sed alius aliisque perpetuà serie in diuersis vaporis superficiebus depingitur, ita non una coma cum sidere circumambulat, sed diuersi halitus oculum & sidus interfusi, diuersam rapiunt. quando verò crines illi, radij siderum in vapore aut exhalatione tumentes, non sunt, sed ignea lampas seorsim ab omnibus sideribus, in summo aëre supra nubes visitur, relinquuntur ab astris, & manifestam subit parallaxin: quia *salua est latitudo Mundi circa terram*, ut superiora rapidius ferantur, præferriq; videantur iis quæ oculo propinquiora. quod tamen, si fatendum est, non ubique habet veritatem. Nam cometa aërius cum sidere aliquo exoriens, infra ipsum (quia parallaxis deprimet) apparebit, paulatimq; ascensu ad Meridianum se illi propius admovebit: in descensu verò ad Occasum, etiam præuertet; quia iterum, parallaxi se diducente, locus visus infra verum manifestè cadet. Quid ergo? An Aristoteles hic parum Opticus? nolim fateri. est enim, ubi etiam cometa inferior à sidere relinqui appareat. ut si ante occasum prius, & deinde post exortum, utrumque aspicias. sic enim cometa primò occidentalior, & ante sidus, qui postea tamen, quasi prælaro sidere, in vtriusque ortu, retrò & orientalius erit. Ratio est, quia & in ortu & in occasu, parallaxis cometam oculo propinquiorem, deiicit, & horizonti magis admoüet. Itaque verius longè, Aristotelem cometas aut nouitias stellas, excelliores Lunari orbe numquam agnouisse. Incredibile enim est aliàs tam parçè de iis locutum, & vnicò solùm ac obscuro verbulo obiter tetigisse. Deinde sidera, & cælum totum ex duro concremento (quidquid Eruditiss. Licetus contrà responsitet) ac τὰ ἀστὲρ ἰνδὸ θύμῃ τῆς κίρκους φέρονται, *astra infixa orbibus ferri*, lib. 2. de Cælo c. 8. non per liquentes aliquos ætheris campos, affirmat. quod tamen fieri, pænè necessarium est, si cometas & noua sidera in cælum attollimus.

ARTICVLVS VI.

Cometas aliquos, sublunares esse.

HOc enim saltem reddamus Aristoteli nostro, qui vniuersos Homines docuit sub Lunà nasci. sed nondum nouum in cælo sidus

duſ Hipparchus, nondum cometam ſupra Iouem Proclus, nondum ſupra Venerem Albumazar, nondum Tycho, Rothmannus, aliſque, hoc & elapſo ſeculo, pene infiniti, variis ſpartim cæli regionibus, viderant; nondum altitudines eorum ad exactas parallaxis leges vocatz, aut ſatis examinatz erant.

Nolim tamen pertinaciam Tychonis, qui nullum, niſi cæleſtem, cometam vniſquam fuiſſe pertendit, ſectari, neque tot eruditiffimi viri, Ariſtoteli, Ptolomæo, Regiomontano, Vogelino, aliſq; ſine fine, glaucomam obiicere. quamquam de cometâ illo anni 1475. Regiomontanum allucinatum contendat Tycho, & mendosa demonstratione 6. gradus parallaxeos collegiſſe. & certè ſic factum vehementer addubito. *In motu enim eius proprio quidam fuiſt diuinum, Geometricum, ætherium & cæleſti corpori conſentaneum ſupraq; ſortem penitus elementarem. vt ait lib. 1. c. 8. Coſmocris. nolter Gemma.*

Alij tamen cometæ quidam per varia tempora & hiftorias ſparſi, videntur fuiſſe elementares. vt ille inprimis, qui, teſte Ariſtotele, ſub Ariſtri imperio, ſaltus quosdam fecit, & tertiam cæli partem occupauit, propeq; Orionis Zonam eſt diſſolutus. Audi etiam lib. 54. Dionem, de cometâ Agrippæ, generi Auguſti, mortis prænuntio. *Cometa, inquit, cum multos dies Vrbi imminens apparuiſſet, in faces abiit.* & Senecam, de eo qui Attalo regnante, initio apparuit modicus, deinde ſuſtulit ſe, diſſiſiſſeque, & vſque in Aequinoctialem circulum venit; ita vt illam plagam calis, cui Latæa nomen eſt, in immenſum extentus aquaret. Quidam etiam, vt narrat Sozomenus, olim ſupra Conſtantinopolim, ad terram vſque pependit. & Plin. lib. 2. cap. 35. Licinium Syllanum cum ſuo comitatu vidiffe, ſcintillam cælo cadentem creuiſſe paullatim in Lunæ amplitudinem; in cælum deinde iterum receptam, factamq; Lampadem, id eſt, vt planè apparet, cometam Lampadiam. Iouianus Pontanus, de alio à ſe viſo circa Booten:

*Ngm memini quondam Icaro de ſidere lapſum,
Squallentem præſerre comam, ſardoq; meatu
Flectere ſub gelidum Boreæ penetrabilis orbem.
Hinc ruruſum præſerre caput, curſuq; ſecundo
Vertere in occaſum, ac laxis inſiſtere habenis,
Donec Agenorei ſenſit fera cornua Tauri.*

Hic igitur initio, comâ præeunte in Boream ibat, deinde in occaſum iter, ſequente crine, conuertit, iuxtaque Taurini contabit.

cur autem hunc aliosque existimem elementarios, statim edicam. Quid plura? anno 1470. cometa, quasi nubes, longissimis capillis, totum Zodiacum Idib. Ian. decurrit, ait lib. 2. Theat. Bodinus. & pauldè antè, anno 1450. alius romphææ similis, plenum & tumentem Lunæ orbem subiens infuscavit. Cometæ etiam anni 1543. cauda euolavit, & riuum, in quem delapsa, exhaustit, ut narrat Sennertus. & Scaliger Exercit. 79. affirmat cometam sui temporis visum delabi. & Claudianus:

De rapru.

*Præceptis sanguineo delabitur igne Cometes
Prodigia rubens.*

E simili cometâ deciduo, natam Phaëthontis fabulam putat Vico-mercatus. quamquam ad Sodomæ & Gomorrhæ incendium referat Tertullianus.

Lib. 2.
Apum
c. 3. au. 9.

E cometarum denique sublunarium materiâ, formata videtur crux illa, olim à Thomâ Cantipratano conspecta. *Ego, inquit, fidelium nouissimus, antequam piissimus Ludonicus Francorum Rex, anno ab Incarnas. 1246. crucem transmarinam susceperet, crucem in calo ex clarissimo & sidereo lumine vidi. nec recolo me decentius & operosius formatam crucem umquam sub aliquâ materiâ vel figurâ vidisse. octonos habere cubitos in longitudine mihi planissime visum est. serenum calum erat valdè, & sine aliquâ nubè.*

Sed cur omnes illos cometas, elementares decernimus? Respondeo: Partim, quia motu turbido & incondito, partim subito incendio, & latissimâ diffusione, aut lapsu etiam in terram, vel ofuscatione Lunæ satis naturam igneam, aut aliter elementarem ostendunt. atque ita nobiscum Keplerus (qui hic à Tychone Magistro, in parte abiit) Mœstlinus, Thaddæus, Rothmannus, Licetus, alijque sentiunt.

Signum etiam ferè manifestarium Cometæ sublunaris est, eius immobilitas. Si enim summus æther, ab Ortu in Occasum cælo obsecundat, aut in sequelam inuitus trahitur (ut non pauci rentur) necesse est inter nubes, aut proximè eas, cometam illum defixum esse, qui tam est pertinax, ut nullo sollicitetur motu. Talis fortasse Xiphias siue Gladius ille, quem tam diu, ante excidium, Hierosolymis inhæsisse narrat Iosephus. Et profectò, si in summâ æris regione, aut etiam infra, capras saltare, stellas discurre, faces aut dracones volare facimus; cur non etiam igneos cometas, quos sola incendij pertinacia, aut figuræ discerniculum ab illis diuidit, damus? cur non deinde fieri potest, ut exhalatio à Sole, aut alio astro per-

perfula, cinem sine incendio ducat, aut spargat comam?

Itaque, si me audietis, hoc statuum: In toto inter nubes & primum cæli fornicem interuallo, coiri posse cometas. nulla verò cæli cameratio citra fixarum orbem occurrit, vt bellis validisque argumentis impressè mihi Vir Magnus, Thomas Fienus, in Cometa anni 1618. adseruit. Vnde nulla eccentricorum soliditas & durities obstrigillare & officere valet cometarum, per Planetarum curricula, traiectionibus. Cometa igitur aliquis circa nubes, & in vicino stat: alius sublimior est, & in spacia etiam elementi ignis (id est, aëris, à cæli viciniâ, & adustis terræ halitibus, æstuantis) vt ille anni 1475. quem celebrauit Regiomontanus, se penetrat. tertius Lunâ excellior, circa Mercurium aut Venerem expirat. est, qui ad Solem, Martem, Iouem, aut etiam Saturnum, & culmen ætheris adspirat. qui Lunam & nos interiecti (quia in loco proprio elementorum) elementares, qui lunarem orbitam & fixas intercurrunt, ætherios, aut cælestes nuncupamus. Inter Mercurium & Venerem, Cometam anni 844. Albumazar, inter Venerem & Martem (systema enim Tychonicum iam placet, quod Venere Solem includit, & illam proximè infra Martem locat) Cometam anni 1577. Tycho, & nostrum anni 1618. Cysatus, inter Martem & Iouem, Cometam anni 1580. iterum Tycho, & Mœstlinus, inter Iouem & Saturnum, Cometam anni 1585. Rochmannus immitit. In fine enim, inquit, omnem imaginem parallaxis amisit, quam aliàs, etiam dimidij minuti, emendatissimo Sextante facilèprehendisset.

CAPVT II.

De materiâ Cometarum.

ARTICVLVS I.

Materiam sublunarium Cometarum esse terræ & aquæ halitus.



UÆ enim promptior & probabilius asserri potest, quàm ea, quæ ceterorum ignitorum, & tot alias in sublimi pendantium imagines subit? Sed discrimen aliquod intericiendum est. Nam Cometæ sublunares, alij criniunt tidus, alij scorim liberi palantur, aut stant eodem loco defixi. Priorum materia, est, sine dubio, exhalatio

tio aut vapor, in quo sideris radius se multiplicat, & in comam tricat & confundit. Verùm eiusmodi Cometæ non toti, sed comadumtaxat, sublunaris est: melior enim pars, sidus nempe ipsum cincinnatum, est in cælo; posteriorum etiam materia, saltem transiens, est exhalatio ignibus idonea, si cometa vero igne ardeat: si autem non ardet, sed nodus quidam illustis, & radiorum triæ sunt, iterùm halitum pensilem pro materiâ subiectâ habent. Eruditiss. Licetus partem etiam Elementi ignis censet quandoq; densari in Cometam: & hanc esse causam, cur autumnos frequentissimè Cometæ, quia tunc exhalationibus Elementum istud incrementa rapit, seque densat potius, quàm deorsum, depresso aëre, protuberet. Sed vix assentior, tantâ densitate cogi à se ignem, ne descendat, cùm raritatem tantopere amet, videamusque pulueris flammam vndique in orbem, & deorsum etiam, ac cum descensu ignis, rarefcere. Deinde sic omnibus prædè autumnis, nec solum particulam vnâ (vt sic dicam) ignis, sed quantum inter Tropicum Cancræ & circulum Arcticum est, oporteret in Cometam concrefcere. Scaliger verò Exercit. 79. negat vllum Cometam igne constare, sed omnium materiam, halitum crudum esse, & à Sole tantum, an alio sidere, perfundi. Causam dat Bodinus lib. 2. Theat. quia nullæ siluæ facis esse possunt diu alendo tanto corpori. Verùm, si exhalationes instar Troiæ & ciuitatis ardentis, non raro in nubibus visuntur (qualia prodigia, initio Belgicorum tumultuum, sæpè à se conspecta narrat in Cosmocrutice noster Gemma) nescio cur ita metuat, ne pabulum Cometam deficiat, Bodinus. Talia enim incendia Troiana, parçè & malignè dispensata, diu sustentare Cometam, præsertim non altè eleuatam nec amplum, valent. Cogita etiam, multum vaporis admixtum oleo exhalationis, quam tenuiter è venis sorbet, & allambit ignis, nec quidquid in Cometâ cernis, flammam esse; sed vaporem, & partem exhalationis adhuc crudam & incendi contumacem, igneâ solum luce inclusæ flammulæ colorari, & defines fortasse alimentorum sumptus vereri. Deinde, sicuti cùm flammâ facis per caliginem noctis visâ, multum luminis simul in aerem vicinum protuberantis, radiosque ignem coronantes cernis: ita non solum Cometæ lampadem, sed circumfufum vnâ lumen vides, tumidioremque coniectas; quàm reuerà sit.

Si verò omnes Cometæ sublenares lucent tantum, cerebrati radio solari, nulli ardent, vt Scaliger credit, extinguerentur illapsi in
vmbra

vmbram terræ, vt in nocturnis nubibus vsu venit. oportet igitur aut vltra vmbræ eorum, in altissimo æthere esse, aut ad latus, aut in vmbrâ, propriâ igneâ an aliâ luce, fulgere. Licetus etiam lib. 4. cap. 23. contendit Cometas quandoque eclipsin pari: quia erubescunt, vt Luna in eclipsi. item à Venere & Mercurio, qui semper circa Solem, sic totâ nocte illustrari possunt, vt deliquium & Solis absentiam non sentiant. Sed hæc vnâ operâ nubes totâ nocte illustres nobis efficerent. Itaque Cometarum rubor, à materiæ opacitate, non eclipsi, est: vnde non soli rubent, qui ex aduerso Solis, in vmbrâ terræ consistunt. Venus etiam & Mercurius non in eo semper aspectu sunt, vt videre, & luculâ aliquâ aspergere Cometam à terrâ inumbratum possint. Versum deinde Homeri producit Licetus: sed non amplius affirmat, quàm Cometam nunc nubibus condi, nunc rursus emergere; nihil de eclipsi. Sed quis tamen nobis satis ediceret, an Cometæ elementares quidam in vmbrâ terræ numquam passi deliquium? Nemo, credo, poterit, in tanto hæcenus scientiæ huius & obseruationis neglectu. Et profectò, cùm ratio affirmet, aliquos, sine materiæ conflagratione, rapere posse radium Solis, etiam tales haud dubiè obtenebrescent & extinguuntur, si in vmbram impeerint, venientique in oppositionem Solis.

Si qui verò id non patiantur, aut supra vmbræ conum & celestes sunt; aut, si infra, lucent propriis ignibus.

Verùm, qui potest, inelamant, vt exhalatio tanta ex terrâ aquaue resoluatur, quæ ex tam immani à nobis intervallo cernatur, & in confinia etiam Lunaris orbitæ subeat, quæ Copernici calculo à terrâ abest 51. terræ semidiametris: Hæc aliquando aëris profunditas, fateor, despecta turbationem mihi fecit, vt negarem halitus è terrâ in vicina Lunæ posse scandere. Sed reputanti postea, quàm blenni ergo & stupidi illi Veteres, Plinius etiam, Seneca, & alij, qui sidera vaporibus tam certò putauerunt pasci, si vsque eò nullâ ratione pertinere valuerint; quàm exiguus deinde titio, amplum exhalet fumum, & puluisculi tormentarij granum in flammam intumesceat 125000. se maiorem, subiit altius in hanc rem me demittere, & introspicere, si qua via reliqua esset, reducendi Aristotelem in aliquam saltem huius scienæ partem, toties iam à recentioribus explosum.

Demus itaque, Aristoteli Cometarum celestium numquam venisse in mentem: hoc tamen etiam ei reddamus, sublunares fu-

inosis terræ halitibus aliquando concrefcere, siue ardeant, siue splendcant tantum, perfusi ab astris, & præsertim Sole, in toto spatio quod hinc expanditur ad Lunam. Exhalationem, inquires iterum, ad tot terræ semidiametros ascendere? Ita dico. & cogita, quæso, mecum, quàm multæ quotidie nubes, sine sensibili aquarum dispendio, in altum vaporentur, quàm longi & continui ventorum flatus, sine terræ detrimento. Profectò, si nubium ille circulus Orbem terræ vndique præcingens, extollatur in Lunæ altitudinem, speciem explicabit lunari longè ampliorem; cum terra nubibus tamen illis inclusa toties sit Lunâ maior. Adde, iam non opus esse tot fumis, vt imaginem crinitæ stellæ tam angusti ambitus expriment: cum præsertim exhalationes in immensum ferè rarefcere & discingi oporteat, vt tam altè subeant. nisi enim toto aëre sublunari rariore & leuiore sint, nunquam ascensu eum transmitterent. Et hinc existimo, nubem circumferentiæ oppidi Louanienfis parem, in tantam raritatem posse diffuere, vt adæquet amplitudine totam Brabantiam, imò Belgium. imò (quid dico?) si vera est Peripateticorum textura continui ex infinitis, potest sine termino & sine in maius diffundi. Audi D. August. lib. 2. cap. 4. de Genesi, probantem, supra cælos sidereos, quos fluxos & liquentes putauit, suspendi posse aqueum vaporem. *Super illud cælum, inquit, potest minusioribus gustu leuior halitus humoris extendi, qui pondere cadere non cogatur. ipsi quippe (Philosophi) subtilissimâ ratione persuadent, nullum esse quamlibet exiguum corpusculum, in quo diuisio finiatur, sed infinitè omnia diuidi.*

Sed ascendant sanè ad Lunam terreni halitus, minimè pertinax aliquis dicet, nemo tamen tam Argus, qui eos hinc videbit, vt nec Elementum ignis aut aëris ibi, propter fluxam raritatem, nullus vmquam aspexit. extenuatio enim illa partium, & dissolutissima raritudo visus aciem transmittit, non tenet infixam. Hoc telum olim etiam timui, nunc pænè contemno. Nam eludi potest, distinctione raritatis ab opacitate. Fieri enim potest, vt corpus altero rarius, plus tamen opacitatis obtineat, videaturque vbi alterum lateat. sic nubes aëre infimo rariore leuioreque, vt Lib. 5. ostendam, in mediâ regione conspicua, quia magis opacæ, sunt, lumenque reflectunt; nec tamen grauiorem denfioremque inter nos & ipsas aëra cernere, ob perspicuitatem, valemus. Ita ergo exhalatio in aëris fastigium euecta, retinere opacitatem nonnullam potest, quâ visendam se præbeat. Cui rei profunditas ipsius etiam plurimum

mum conferet. nam sæpè, vbi duo, tres, decem, aut centum palmi eiusdem profunditatis, opacitatem notabilem concinnare nequeunt, aliquot tamen centeni aut milleni faciunt aspecti per eandem lineam. distantia etiam auget tenebras illas & opacitatem: manifesto exemplo nebulæ, in quam acies nostra è propinquo figi non potest, potest è remotiori. Hoc denique magnitudini Cometarum adiiciendum: Non tantum, vt antè etiam monitum, lumen opacitati exhalationis incorporatum cerni, sed simul quod circà per aliquod spatium in orbem vbertim refusum. Hoc est, quod in hanc rem adnixus, valui. da tu, si plus potes, & reddemus gratiam.

ARTICVLVS II.

Cometa caelestes, sidera non sunt ex illis Mundo coeuis. Aduersus Chaldaeos, Senecam, Cardanum, Fracastorium.

HOs tamen non valdè longè reiicio, quia Viri eruditissimi etiam hodie ab ipsis sentiunt, & rerum caelestium, aliarumque plurimarum scientiâ Clariss. Vir Thomas Fienus, in Cometâ anni 1618. nouam iis & egregiam (licet ludenti nec pertinaciter inhzrenti calamo) probabilitatis speciem fecit. Illi autem censent, Cometas caelestes, astra quædam per ætherem inter Planetas palantia esse, quæ vel ingentibus epicyclicis se in aspectum nostrum demittant, reuocentque (quomodo Cor. Gemma sidus Cassiopeæ anni 1572. ex altissimo æthere descendisse putat) vel radiis solaribus & die plerumque (vt Mercurius) tecti & suppressi, aliquando tamen longius in noctem & oculos nostros excurrunt. Igitur certas esse, licet hætenus ignoratas, siderum istorum leges, & ad constitutum ire redireque existimant. *Veniet autem tempus, auguratur Seneca, quo ista quæ nunc latent, in lucem dies extrahat & longioris aut diligentia. veniet tempus quo posteri nostri tam aperta nos nescisse mirentur.* Sed vix est, vt credam, Magne Sapiens.

Cardanus lib. Subtil. 4. globos sideres per ætheris campos vagos & errantes credit, qui non semper faciem illustrem (quod in Lunâ etiam cernimus) obuertant terris, caudæque eiiciant traiectioni radio Solis. Vel, inquit, minuta quædam astra sunt, quæ, nisi delectatissimâ cæli facie, latent. Fracastorius amplius audet, & cælum nouum Cometarum infra Lunarem orbem nobis fabricat. Multa aduersus istos dici possunt. hoc vno tamen videntur refelli, quodd Cometz etiam caelestes, figuram & colorem in fine ita va-

rient, vt manifestè cernas pallefcere & in mortem diffolui, non abire incolumes à nobis. expirant enim quidquid habent viuæ lucis, luridi tandem & informes; manentque veluti cineres & claræ reliquix præcedentis cuiusdam ignis, aut digeste exhalationis. Hoc etiam aduersus Senecam est, quòd sensim in descensu Cometarum speciem ampliari oporteret, si ex culmine ætheris paulatim defluant in Planetarum regiones. Aliter tamen omnino res habet. nam plerumque statim maximi sunt, & deinde carpuntur, detrectantque, non ampliant suam molem. Deinde, post mortem Demetrii Syriæ Regis, ante bellum Achaicum (Seneca ipse est testis) magnitudine etiam solari Cometes fulsit. talis verò, non nisi longissimo tempore, & per omnium stellarum magnitudines decrefcendo, semper interim coruscus & rotundi capitis (quod paulominus scio non factum) ex oculis se subducere potuit. Id verò deinde Cardano: obstat quòd si Cometæ fungoli capitis, transmittent omni tempore radium Solis, caudatumque aut barbaturum plurifariam æthera toto anno videbimus. Quod etiam addit de stellulis, sereno apparentibus, latentibus nubilo, non potest estimari: quia & Cometæ satis ampli, & pluuiis etiam noctibus sepe conspiciuntur. Sed lib. 1. Variet. cap. 1. mutat Cardanus: & docet, Cometam, nodum quemdam luminis esse, è multis stellarum in vnâ cæli particulam confusus & interfecantibus se radiis, transfixum deinde (vt candelæ flammam) radio Solis. Sed motus Cometæ hanc causam respuit. cur enim noster anni 1618. ad polum Arcticum ascendere vilis? certè nullis tunc aut viquequam altris in illam cæli plagam iter fuit. deinde plurimæ, vbique ætheris, radiorum conspirationes & interfectiones sunt sine Cometis.

Fracastorius etiam frustrà est, cum suis nouorum orbium infra Lunam machinationibus, quia multi Cometæ Lunâ excelsiores: & infinitos fabricari oporteat, cum alij Cometæ in Austrum, alij in Boream, Ortum, Occasum, & quoduis horizontis punctum, motu proprio discedere valeant. singulis autem qui in diuersam abeunt cæli regionem, singuli & distincti dandi erunt orbes.

Sed ante huius Articuli clausulam, etiam accipite quid Bodinus de Cometis. Democriti, inquit, sententia in mentem mihi venit, vt existimem Cometæ esse illustrium virorum mentes, quæ posteaquam innumerabilibus sæculis vixerunt in terris, tandem obitura, (vide Politici stulticiam) vs omnia quæ oriuntur, occasum minantur, extremos peragunt triumphos, aut in calum scillaturo quasi splendenda

da sidera renouantur. ac propterea sequuntur fames, morbi populares, ciuilia bella: quasi ciuitates ac populi ducibus illis optimis & gubernatoribus, qui diuinos furorcs placabant, defererentur. Noli irasci, ride mecum Lector hunc Philosophum Rabbincum, & Peripateticomastigem.

ARTICVLVS III.

Nec Cometas esse plurium stellarum se in vnam conglomerantium cœtus.

VETERUM quidam, vt Anaxagoras, Zeno, Democritus, quos Aristoteles refellit, Cometas, multarum stellarum glomeramina esse contendebant, & in partem eos hodie Cysatus Ingolstadtensis Mathematicus, & Licetus Philosophus Patavinus, sequuntur. Plurima enim sidera frequenti agmine per ætherem errare & palari, Medicæ circa Iouem, Borbonia circa Solem, satis euincunt. Medicæ autem, quaterna nouitia astra circumludentia Iouem, in Familiz Medicæ decus, Galilæus Florentinus appellauit: maculas istas vagâ & errante eclipsi Solem sublabentes, Regiz Borboniorum genti, Ioannes Tarde Gallus dedit. Hispani, quasi scientiz siderali minimè dediti, & curarum ab illo Magno suo Alphonso longè diuersi, nihil dum pro suo Rege in cælo repererunt. Insulas fortasse in Oceano malunt. & profectò; nemo, credo, paullò indigentior est, qui simplicem in bulgâ ducatum, quàm sidera centum in æthere volantia, habere non præferat.

Sed intra oleas. Astra igitur talia, inquiunt, errabunda quandoque in cœtum eundem & consortium incidunt, apparentque iam vniuersa & conglobata, quæ singula & dispersa ob paruitatem latebant. vbi etiam contigux omnes & compressæ stellulæ istæ fuerint, Cometa caluus, imberbis, & simius erit: si verò malè cohesæ, & per interualla radius solaris transitum inueniat, caudæ symmate aut barbâ insignis, vel aliter acersécornes & intonsus apparebit. Atque ita rem habere, duplici experimento confici certò, vt videtur, potest. Primò, quia Nicephorus lib. 12. cap. 37. Cometam quendam, ex plurimis stellulis circa vnam grandiotem, vt apes circa regem, confluentibus, coaluisse scribit. Deinde, ne hic fortè tergiversetur, ecce ipse Cysatus, caput & nucleum Cometæ anni 1618. in plurimas stellulas & scintillas cælestis lucis, quale cingulum Orionis, & Medicæ comites Iouis, discessisse, per tubum Opti-

cum, diu & multis aliis testibus, aspexit. dubitatque an Anaxagoras & Nicéphorus illum stellarum confluxum, Democritus digressum & dissolutionem, simili etiam tubo olim non viderint. *Fuisse enim, inquit, usum tubi Optici antiquis etiam Astronomis familiare, testatur Liber vetustissimus, in Bibliotheca Monasterij Scheurenfis, scriptus ante 400. annos. quo in Libro inter cetera schemata, etiam Astronomus per tubum Opticum in calum intentum, sidera consemplans visitur.*

Nihilominus Aristoteles olim, & Seneca hanc opinionem acriter oppugnavit, duorum Cometarum (præter alia) exemplo; quorum unus ante bellum Achaicum solari disco æqualis, alter Attalo regnante, totum cælum, instar Lactæ, ambitu suo cinxit. quantâ ergo stellarum istarum confluge, ad tantum orbem concinandum, opus erit? Si autem tot vagi greges per æthera palantur, singulis præne momenti aliz in alias incurrent, numerosumque comitatum facient: sicque frequentissimi, qui tamen tam rari, Cometz erunt. Scio tamen reponi posse, Cometas illos ex elementaribus fortassis fuisse; & posteriorem, firmate suo & caudâ, non ipso corpore, cæli ambitum circumligasse. Verum sine dubio est, ingentes etiam Cometarum orbis in cælis quandoque effulgere: neque tam levi declinatione vim & ictum huius argumenti posse vitari. Sed quid ais, Seneca, de famoso illo, & omnium mortalium oculis custodito Cometâ, qui ortu suo Helicen & Burim merisit? certè enim in duas stellas abiisse Ephorus commemorat. *Non magnâ molitione, inquit, detrahenda est auctoritas Ephoro; historicus est. Quidam incredibilium relatu commendationem parant, & sectorem aliud acturum, si per quotidiana duceretur, miraculo excitant.* & deinde: *Ephorus non religiosissima fidei, sæpe decipitur, sæpe decipit.* Siccinè tamen per conculcatam boni fortassis viri auctoritatem transis? retrahi certè potes, exemplo Cometz prodromi mortis Agrippæ sub Augusto, quem Dion (nisi hic iterum tamen Græcam fidem accuses) in facies (& quid, nisi stellas?) discessisse scribit. potes certius, oculorum Nicephori & Cysati fide.

Rationem tamen Senecæ contemnere non possum: nec istam Aristotelis; quod non aliquando tantum, sed semper oportere Cometas cælestes, in stellas spargi & dissipari. Hæc etiam me ab illâ sententiâ valdè auertit; quod videam Cometas fere semper totam plenitudinem initio statim habere, non sensim & particulatim incrementa attrahere. id tamen non fiat, si stellatim & minutatim

ratim tota moles coëat. vtenim duæ tresve primùm apiculæ circa regem suum conuolant, & aliæ deinde plures pluresque conglomerantur, donec impleant totum globum: ita Cometæ multis diebus & mensibus (tardienim ferè siderum proprii motus esse solent) magnitudinem suam colligent. Multi deinde parui Comætarum globuli passim in toto æthere, & longè facilius quàm vnus aliquis amplior, aceruabuntur: quia procliuius erit, stellæ sex aut septem hic, decem aut duodecim ibi, quàm vniuersas in numerosum vnum gregem confluere. Adde, insolens esse, vera sidera iter in Septentrionem vel Austrum, etiam vsque ad polos, quod quidam Cometæ faciunt, intendere. & denique color ille rubidus & flagrans, & in senio luridus etiam & nigrescens, satis significare videtur, non argenteo aut cælesti stellarum lumine coiuisset, quali albicat & lactesoit galaxia; sed in incetiori alio, & in terrestribus veluti fumis laborante, & semisuffocato. Scio tamen mihi reponendum: sidera quædam ibi interuolare maculosa, quorum concreto aliquid quodammodò rapuit terrææ sordis; quæque radium solis malignè bibant, & opacitate nimia declinent in roborem, aut pænè etiam in nigrorem infuscent. tales enim tenebriones illi, & maculosi histriones, qui Pyrrhichen ducunt circa Solem.

Sed argumenta, quæ aduersus illam Cometarum structuram attulimus, fallor, aut satis ostendunt coniecturæ huius debilitatem. & deinde licet Planetæ omnes, Planetarumque satellites, in parte à Sole auersâ caligent, in aduersâ tamen egregiè, & luce magis digestâ & amœniori, quàm vulgus Cometarum, splendant. quod in Iouis comitibus, & faculis macularum Solis (sic facies satellitum Solis illustres, & ad Principem suum respectantes, quas circa extremum eius marginem molli laterum inclinatione ostendunt, iam vocamus) manifestè apparet. rident enim lætâ specie, non lugubri & funestâ terrent.

Sed quid ergo oculis Nicephori & Cysati facimus? an excutuisse, & collyrium damus? Non est opus. Ab illo incipiamus.

Nego igitur Cysato, Nicephorum vidisse per tubum, aut aliter Cometam illum examine paruorum stellarum coiuisset; non quia cæcus, sed quia sine oculis & vitâ, tunc fuit. Nicephorus enim iste trecentis vix annis à temporibus nostris abest, Cometa mille ferè & trecentis. igitur hic mille propemodum annis illo senior fuit. Nam circa annum Christi 390. & tempora cædis illius famo-

famosæ Theſſalonicenſium, ſub Theodoſio Imp. exortum ſcribit, Scriptor verò ipſe vix eſt, vt annum Chriſti 1300. dudum antecelſerit, vt de Epiſtolâ Hiſtoriz dedicatoriâ liquet. Ab alio ergo, fortalſe etiam ſimili, Græculo, & fluxæ fidei (vidi enim Annales Cardinalis Baronij, & neminem, per totam Tomorum ſeriem, ſæpiùs vapulantem Nicephoro) Cometæ illius Theodoſiani hiſtoriam accepit.

Sed demus eſſe veram. reuſo tamen, ſcintillas illas quæ Cometæ maiorem circumfluxerunt, ſidera fuiſſe: quod patet vel ex ſolo motu, qui perturbatus & inconditus fuit, non compoſitus & cæleſtis. nam vndique, vt teſtatur, ad Cometam aduolabant, vt apes ad ſuum ducem. Vnde in Ariſtotelis fauorem obedientiùs Cometa iſte trahi poteſt, quàm Democriti & Cyſati. flammulæ enim elementares, & veluti fatui ignes, aut exhalationes ſolâ luce perſuſæ, fuiſſe videntur. Quodd verò fortalſe etiam dioptrico tubo vſum Democritum & Nicephorum addubitat Cyſatus: ne faciat. nam id non ſilrent. & res iſta plus famæ habuiſſet, ſi olim paſſim cognita eruditſis. Poteſt tamen (& ita etiam ſentio) vt fuerit duobus aut tribus; quod ex lib. 17. Portæ ferè conſtat. & nuper in Hannoniâ, inter veterem cuiuſdam Caſtelli ſupelledilem, dioptricus tubus repertus narratur, æruſinoſus & multæ antiquitatis. Hollandum tamen, aut Genium Hollandi ſpecie (fratrem tamen ſuum Iacobum Metium fuiſſe, contendit Adrianus Metius, Franeckerenſis Mathematicus) qui à Ioanne Lipperſein, Middelburgenſi opifice, cauum & conuexum ſpecillum fieri curauerat, repertorem ſcribit Hieronymus Sirturus, anno 1609. Opifex autem, cùm vidiffet Hollandum adducentem & reducentem ab oculo vitra, vt inueniret punctum concurſus, ſtatim pro ſe ſimilia concinnauit: & primo pulcherrimæ artis experimento obſtupefactus, & vitra tubo condenda ſuſpicatus, munus hoc Principi Mauritio deſert. *Inde tanta rei nouitas, inquit Sirturus, per totum effunditur Orbem. & plura alia finguntur ſpecilla, ſed nullum ei contigit melius & aptius priore (ego vidî & traſſauî.) adeò vt dicas non artes ſolum, ſed ipſam Naturam omnia conferre, vt magni Principibus inſeruiant.*

Part. 2. c. 1.
Teleſc.

Verùm, quid iam Eruditiff. Cyſati Teleſcopio reſpondemus? Nolim planè offundere caligines. Nec do tamen etiam, congeriem Planetarum vidiff: licet fortalſe quofdam cæleſtis exhalationis radiantes nodos, ſolutiles, & in ceteri ætheris raritatem poſtea diſſolutos. de quibus plura ſtatim Articulo v. 1.

ARTI-

ARTICVLVS IV.

*Non omnium celestium Cometarum materiam,
esse terrestres halitus.*

Affirmant tamen Rothmannus, Galilæus, Guiduccius, & quidam alij. Probant, quia *υπερμακρὰ* & exhalationes videmus sæpe altâ & concubiâ nocte, à Sole profundissimè infra horizontem demerso illustrari: igitur in altissimo æthere, supra vmbra terre conum, aut circa latera, prope verticem pendet. lumen enim non raperent, si caderent intra vmbra. si verò halitus terreni in cælum vsque scandunt, cur non hinc omnium Cometarum materiam sumimus? Et nocturnos illos splendores extra noctem & vmbra esse, hoc etiam indicio coniectamus: quia æstate præsertim se ostentant, & in Septentrione: cum scilicet Sol versatur in Signis Borealibus, & vmbra terre in Austrum declinat, & maius ætheris spatium versus Septentrionem denudat, datque sub radij solaris ictum. Deinde, nos antè terræ halitus ad Lunæ regionem admissus, cur non (si etiam atque etiam rarefcent) altiùs, & in Planetarum superiorum circos euehimus? nullum enim in orbibus eccentricis obstaculum esse potest, quos antè liquefcere fluereque iussimus. Aut certè si à propriâ raritate & leuitate eò vsque eniti non valent, dicamus, cum Rothmanno, humeris Angelorum subuehi, ad terrorem mortalium, & ostentum.

Verùm id non satis philosophum est: & Deus caussis magis naturalibus uti amat, etiam vbi homines ad reuerentiam sui, aut scelerum pœnitudinem permouere talibus portentosis effectibus solet. Quod tamen me à sententiâ Galilæi valde abstinere, est nouorum astrorum in altissimo æthere & sub ipso Firmamenti fornice generatio: videntur enim cælestes Cometæ ex eadem, aut proximè affini materiâ esse. astra verò illa, vix attrahi possum ut credam, concinnata ex halitu elementari. nam excitatissimus ille, & argenteæ radiorum comâ lasciuens, sideris Cassiopeæ fulgor, clamat se in materiâ nobiliori, & à se fortasse lucidâ & radiante, flagrare. Ut enim exhalatio terrestris ad Firmamentum, aut orbitam Saturni ascendar, infinitum pœnè rarefcere oportet: vnde si lumine perfundatur, non tam acriter id reflectet, quàm nubes albicans in mediâ ætris regione. Si dicas, halitum accensum esse, & flammâ suas vibrare. non tamen sic euadis: quia ignem illum

sine fine rariorem esse altero, qui Lunam allambit, necesse erit, & proinde non satis conspicuum: quântò minùs, tam petulantè flammigantem? quæ terrestrium exhalationum etiam supplementa sufficere potuerunt, ad ignem toties Orbe terræ ampliorem, anno toto & triente, alendum? Si nanique quævis stella primæ magnitudinis genties ampliùs, terræ & aquæ globum mole superet, quid dices de nouâ illâ Cassiopææ, quæ amplitudine omnes primæ magnitudinis longè viciet? Stet ergo fixum, aliam materiam quærendam pro astris nouitiis, quàm elementarem.

Igitur & hæc Cometis cælestibus, præsertim illis excelsissimis, & amœniori ac Veneriâ aut Iouiali luce fulgentibus idonea, maximeque probabilis erit. Video negari posse, noua sidera reuerà noua, sed vetera esse, quæ aliquando in conspectum se demittunt, & deinde reciprocant ac refugiunt in altum. Sed ratio, cur antè negauimus Cometæ id facere, etiam in astris nouis hoc refellit. Paulatim enim descensu isto incrementa fumerent, nec sine colorem mutarent, vt in mortem pallescere, infuscari, & satis manifestè expirare appareret. quod tamen in Cassiopæano factum, Gemma notauit.

In Cometa anni 1618. c. 6.
Deinde, vide quousque exhalationes terrestres furcillet & abiciat V Villebrordus Snellius. *Fingamus*, inquit, *vniversam hanc aëris regionem, qua undique circa hunc terræ globum* (ad 52. Italicorum, seu 13. Germanicorum miliarium altitudinem) *circumfunditur, totam, inquam, illam atmosphæram* (id est, vaporum siue halituum terræ expirantium sphæram) *in vnâ aliquam sphæram contrahi & conglobari, ea tamen Cometa corpus nequaquam suâ mole exaquarebit.* Computat enim globi terreni diametrum triplam esse, ad diametrum globi qui ex toto illo aëre trium regionum, sine rarefactione vllâ aut condensatione, compingeretur, & proinde globum terræ ad aërium, proportionem habere, qualem 27 $\frac{1}{2}$ ad 1. Multi autem Cometæ propius accedunt ad terræ magnitudinem, præsertim excelsissimi illi qui circa orbitam Martis aut Iouis suspiciuntur. Cauda etiam Cometæ 1618. cum longitudo 50. graduum, & latitudo trium aut quatuor fuit, si rotundetur in globum, aliquoties millies terræ sphæram vincet. quàm ergo improbabile, imò insanum, imputare tantam molem terræ exhalationibus? Hi Eruditiss. Snellij clamores, fateor, me non nihil feriunt, sed non perinde, ac ratio prior, deducta è nouis astris. Facile enim contrà reclamet Galilæus: non opus esse, vt exhalationem in glo-
bū

bum vnum contrahas, sed posse complanari, vt nubes; sicque visibilem diametrum multò longiùs, quàm si exhalatio sphærica foret, extendi. Deinde halitus sub eadem densitate, quam in suâ atmosphærâ obtinent, ad sidera non ascendunt, sed largiter expandi & rarefcere debent. vnde Cometas inter Planetas versantes, cum amplitudine exhalationum circa terram hærentium, & quidem in vnum globum restrictarum, malè comparat. Sinamque tota atmosphæra in illam raritatem, quam halitus in æthere summo pendulus habet, diffunderetur, sine comparatione amplior, quàm nunc, esset; & si in vias Planetarum scanderet, maximæ calî parti subrederetur, non tantùm parua stellæ aut Cometæ imaginem ostenderet. Caudæ deinde molem de halitibus concinnatam negabit, sed radorum solarium falcem per caput Cometæ traiectionem dicit.

Ad rationem & experientiam Rothmanni & Galilæi, nego, splendores illos intempestâ nocte, circa horizontem Septentrionalem, subitò relucentes, in halitibus terrestribus, qui in vias Planetarum ascenderint, plerumque hære: sed vel in celestibus, quos fortè expirant Planetæ; vel esse trabes aut stipulas longè infra Lunam ardentes, vel astrorum nocturnorum lumen in vaporibus densioribus incorporatum. Ita enim aër Ponti, Aristotele teste, quia suâ crassitie nocturnum stellarum splendorem combibit, auroram opulatur. Vel denique (quod super omnia probo) radius Solis vaporì infra horizontem condito insertus, in vaporem alium aut exhalationem nobis conspicuam, intra vmbra terræ refringitur. Maximæ enim & insolentes circa horizontis limbum refractiones aliquando eueniunt. Sic Hollandi anno 1596. cùm circa Zemblam nouam, & vltimam Thulea, in perpetuâ medijs ferè anni nocte, nauigarent, Solem 17. totis diebus, ante legitimū, quo supra horizontem emergere debuerat, tempus, conspexerunt. consulti verò doctissimi quique Mathematici, in multitudinem & crassamentum vaporum illarum regionum, imaginem Solis refringentium, retulerunt. Rothmannus etiam ipse, Epistolâ ad Tychonem, scribit se Venerem quondam, toto penè horæ quadrante, vidisse quasi stationariam, nec motu primi mobilis se promouentem. duobus etiam gradibus supra horizontem apparuisse eleuatam, cùm exacto calculo, totidem esset infra. quod sine dubio, refractionis opus fuit. vnde dissoluto aut abactò vapore, dicit momentò imaginem eius infra horizontem suppressam euanuisse.

Ad alterum, dico, ascensum terrenorum fumorum ad Lunæ orbitam, imò altiùs, si fortè supra ætherem rarefcat, vtrumque tolerari posse; sed nego, ad omnium Cometarum cælestium, præsertim altissimorum illorum, & sic radiantium, materiam eos sufficere. De minutis autem quibusdam, fuscis aut pallidis, nec longè excelsioribus lunari semitâ, nolim pertinaciter pugnare.

ARTICVLVS V.

Neque cælestium Cometarum materiam, esse partem fluidi ætheris in nodum contractam & addensatam.

ERuditissimus Licetus, infinitis pænè sententiis laboriosè & doctè refutatis, tandem in illam Tychonis, aut in partem eius, discedit, quæ mihi etiam, septimo abhinc retrò anno, lib. de Cometâ anni 1618. ferè allubescēbat, nunc fatis displicet. Volunt, partem ætheris fluidam & raram, in nodum densiorem alligari, qui radio solari traiectus barbam promittat, aut trahat caudam. Probari potest: quia vt aër apud nos ita quandoque densatur, vt lumen solis forbeat & coloretur; cur non etiam vertex & nodus fluxû illius substantiæ, in quâ Planetæ circumgyrantur? Si quæras de causâ condensante, respondi anno illo 1618. esse frigus: nullam quippe aliam promptiorem videbam. Reiecit tamen id Licetus, quia nullum inter sidera potest esse frigus, cum omne à terrâ & aquâ proveniat.

Duplicem ergo aliam causam excogitavit. Prima est, motus Planetarum, qui rapidissimâ vertigine ab Angelis rotati, æthera ante se propulsum densant, vt aues, inquit, volantes, aërem; & naues velificantes, vndam. Altera est, natura & forma substantialis ætheris, quæ materiam suam radiis solaribus rarefactam, ad densitatem, vbi potest, reducit. appetit enim, vt putat, æther densitatem, & impetu naturæ in eam se contrahit, vbi radiis siderum se extricare contigerit.

Sed vtraque hæc causâ non magno opere videtur posse refelli. Prima, quia motus localis rei duræ per medium fluidum volantis, non potest ita condensare, vt de causâ motûs proiectorum, aduersus Dandinum & alios alibi ostendemus. auis enim aërem propellens, non valet ita addensare, vt ille qui per syringem in folle luforio eum constipat & intendit, quia habet quod diffugiat, & se recipiat, sine insigni suâ vel alterius condensatione. nam vnus loco pulsus,

pulsus, alium deinde submouet, & hic etiam alium catenatim. Ne tamen minimo impulsu totum Elementum aëris vacillare oporteat, aliqua in singulis partibus accidit condensatio; sed tam tenuis & dispersa, ut in vnaquaque sit insensibilis. Similiter naus potius in spumas rarefacit, quam vel ferè hilum condenser aquam. hanc enim condensationi valdè contumacem esse, patet, quòd ne frigore quidem intensissimo & durissimè glaciante, vix ac ne vix contractior fiat, cum glacies neque densior neque grauior aqua fluente sit, cui innatat. Scio tamen, quid Licetus lib. 2. cap. 14. doceat. rem videlicet aliquam densiorem non esse grauiorem seipsa rarefacta: affertque exemplum in metallis, quæ liquata tantum idem ponderis, quantum dura & consistentia, habent. Verum mollities largiter à raritate, & durities à densitate distinguenda est. plumbum igitur liquefactum mollius, non rarius, est consistenti: ideoque nullum reperire est in pondere discrimen. Non esse rarius, liquet, vel ex formâ illâ, quâ infuso plumbo sunt glandes iaculatorum: quæ enim liquato impleta, eadem plenissima manet, ubi induit à refrigeratione. signum igitur est, frigore intra formam non contrahi & addensari. Deinde licet daremus Liceto, ætherem, Planetarum traiectione, colligi in nodos & densari; densitas tamen ista non esset tam pertinax, ut aliquot menses edurare posset, & quamdiu viuunt Cometæ. aër enim hic motu condensatus, statim, ubi solido nullo stringitur & tenetur, in raritatem suam resiliit. Sed fortasse hanc primam causam à se imbecillem, secunda iuuabit. Non facit tamen. Si enim ab intrinseco & naturæ impetu æther ad densitatem redit, & in eâ, quantum valet, se firmat & continet: ergo circa Mundi polos, ubi radius solaris inualidus concretionem impedire non potest, perpetua nubes, & Cometa circulo Arctico æqualis apparebit.

Secundò, singulis noctibus æther nobis impendens ad densitatem suam redibit: quia Sol longissimè abest; imò, ut alibi affirmat Licetus, extremus radiorum eius mucro ad oppositam eclipticæ semitam non pertingit. alia autem sidera sæpè non tantum habent lucis, ut dissoluere ætherem possint, & distingere ne condensatione se recolligat. Hoc quippe solum accidere potest in plurimorum astrorum cœtu, & magnis Planetarum coniunctionibus, quod significat etiam ipse Licetus. nam ideo magnis coniunctionibus Cometæ plerumq; nasci docet; quia æther aliquot Planetarum in vnum conspirantibus radius solus & rarefactus, cœtu

dissoluto acrius se densat & in Cometam alligat, vt aqua post calefactionem facilius & durius in glaciem rigescit.

Tertiò, non capio, quomodo radij siderum substantiam ætheris rarefaciant, si æther (quod credit Licetus) est incapax caloris. Nam, quidquid dicat, radius proximè non videtur efficiens raritatis; sed calorem producit, qui deinde subiectum suum disrarat & fundit. ideo enim glacies, pellucens & plena solaris luminis, non statim, sed pedetentim, calore incrementum, tabescit. Igitur nihil, quod stringat ætherem in Cometam, video, præter frigus illud à me disputatum anno 1618. nisi Angeli condensantis manum implores, aut ad occultam, quæ sine frigore condenseret, influentiam fugias, teque in hoc ignorantiz asylo abscondas.

Cur tamen etiam frigore & condensatione ætheris fieri Cometam, minus iam placeat, hoc est: Quia quidquid addensatur, in eodem medio succumbit, & descendit profundius. Cometæ ergo, increbrescente paulatim condensatione, mollior subsiderent. cum tamen contrà sit, & primo ortu demississimi sint, & deinde perpetuò in altum scandant.

Deinde stellæ, si quæ sint, frigidificæ, ætherem è regione Soli oppositum semper conducent & densabunt; quia Sol ab eo longissimè abest, & satis diu. mouetur enim illa ætheris pars ab Ortum in Occasum ex aduerso Solis, donec hic se illi admovent, proprio & tardo regressu, ab Occasu in Ortum.

Adde, promptius in vmbreis Planetarum, quos altrimsecus Sol illucet, & circa senem & frigidum Saturnum, ac præsertim acronyctum & Soli oppositum, exorituros sic Cometam. quæ omnia experientia refellit.

ARTICVLVS VI

Cometarum celestium materiam è sideribus fortè exhalari.

Quid enim aliud iam eligam? ceterum nihil mihi reliquum feci. Scio tamen hic mihi clamores paratos, ab iis præsertim qui celestia corrumpi, crementa aut decrementa sumere, negant. sed per Deum immortalem, probabilius aliud nobis reponant, & beabunt. ego enim iam Cometam in maximis & abditissimis Naturæ miraculis pono.

Inter autem varias meas coniecturas in Libello Cometæ anni 1618. vna erat, halitus fortasse quosdam, vi præsertim Solis, Planetæ-

netarum corporibus expirari (quod Copernicanis videram non omnino displicere) & inde materiam esse cælestibus Cometis. Ipsa enim similitudo materiæ talis cum exhalationibus terrestribus, quibus formantur Cometæ sublunares, colorem aliquem veritatis statim facit. Secutus deinde nuper Camillus Gloriosus, qui cap. 4. libri 7. de Cometis, egregiè hanc opinionem confirmat, nisi quodd Solem, cum Snellio, se in illos macularum fumos putat nocte dic- que expirare. cum enim astra ista Borbonia, siue maculæ, latissimæ & numerosæ sint, si Solis visceribus eructentur, metuo profecto ne breui se euisceret, & totus erogetur. Solem itaque inter Planetas, ab hac expirandi lege excipio. quia magis immortalis hæc publica Mundi lāpas esse debuit, ne eā extinctā, esset sine lumine.

Itaque, vt perueniam quod tendo, hoc præstruendum, & in eam sententiam abeundum, quæ cælos & sidera è materiâ sublunari compingit, vt corrumpi aut decreescere, generari aut accrescere, quandoq; valeant. Nec difficilis venia: futurus hîc est noster Aristoteles, qui lib. 2. c. 5. de Cælo, ait, *Τὰς μὲν ἀπεριστέας ἀνδραγίας ὅταν τις ἐκτὸν ἄνθρωπον, τὸν ἡμέτερον ἔχον διὰ τοῦ ἀπρίσκειν.* Si quis certiores necessitates affectus fueris, gratias agere oportet inuenientibus. & cap. 3. se excusat, quod ἀβήρωδες, ἔχοντα τὴν τὴν αὐτοῦ διὰ μάλλον τὴν τὴν συμβεβηκότων ἀνθρώπων πλείον, πάντως ὀλίγω ἔχον διὰ τὴν αὐτοῦ, *eminus, non ut ipso loco: multò verò magis, eò quodd eorum, quæ calis accidunt, per paucorum sensum habeamus, incertam & vacillantem cælestium inquisitionem faciat.* Non vult igitur hic in sua verbæ pertinaciter iurari, paratus etiam ipse melioribus acquiescere. Nos vero Christiani, quid propius rectiorem Sacrarum Litterarum interpretationem accedat, curiosè circumspicere, quàm in vnum Aristotelem oculum defixum tenere, debemus. Et quidem pluri- mi Genesîs Interpretes, ac inter eos, Beda, S. Hieronymus, S. Cyrillus, S. Clemens lib. 2. Recognitionum, existimant, initio Mundi, totum spatium inter terram & Empyrium, impletum fuisse aquis, & partem earum duratam in Firmamentum, sidera, & orbes, si qui alij, cælestes. Vnde Vir longè Eruditissimus, Ludouicus Molina, in Opere 6. dierum, disput. 5. *Ex Scripturâ Sacrà aperit colligi arbitramur, inquit, materiam calorum (si Empyrium excipias: de quo contrafactum probabiliter defendi posset) conuenire in specie cum materiâ verum sublunarium.* docetque etiam concretos ex aquâ: Serrarius in 2. Petri 3. contendit, aduersus Franciscum Suarez, cælos sidereos extremo die solvendos: nec esse cur Scripturam non tam propiè

priè accipiamus, nisi anticipatam tantum Aristotelicarum quarundam, quæ faciliè solui possunt, rationum opinionem. & Doctiss. noster (sic conterraneum appello) Cornelius à Lapide, in cap. i. Genesis, ostendit Sacræ Scripturæ esse magis conformem. Hoc statuto, cum materia siderum, iam qualitatum elementarium sit capax, cur aduersus eorum expirationes, tam contumaces simus? Certè dum cogito, omnes Planetas corpora opaca, & in parte à Sole aversa terræ simillima esse, dum montes, & yalles, totiugesque cæsuras, verrucas, & tubercula in Lunâ, per Arundinem nostratam aspicio, minus mirari eos incipio, qui cælestem quamdam terram esse dixerunt: & quidni etiam addam, fumare istam radio solari, & in vicinum ætherem se expirare?

Verùm aliqua sunt, quæ me non leuiter conturbant. Primò, cur non iam tot annis cernimus figuram siderum deprauatam, & molem decreuisse, continuâ illâ expiratione? Deinde, mollia sic, non dura & adamantina esse oportebit; aliàs enim non carperentur actione Solis. sed cur ergo non dissiliunt tam rapido circa Mundum rotatu? Tertio, venti & pluuiæ etiam ex eadem materiâ, in Orbe illo sidereo nascentur: quod inuisum, inauditum, incredendum. Hæc, vt verum fatear, me acriter vrunt.

De primo tamen Clariss. Virum, Thomam Fienum, in eruditissimo Cometâ anni 1618. audiamus. *Possunt, inquit, maxime generationes & corruptiones, maximeq; permutationes in calo fieri, etiam si à nobis non conspiciantur. hoc visus nostri debilitas, & immensa cali distantia faciunt. nec magis permutationes aut generationes vllas in hoc Mundo inferiore videremus, si in calo Luna essemus constituti (in quo tamen nunc, propter viciniam & propinquitatem, admirabiles quotidie fieri animaduertimus) quàm modò videmus in calo.*

Et Ampliss. ac Clar. Vir Erycius Puteanus in elegantissimo & bello de eodem Cometâ Libello: *Homines & bruta, arbores & stirpes, vrbes & ades oriuntur & pereunt; imò, vt pereant. Sed quantilla hæc, si tamquam membra Orbis censeantur? Manent interim regiones & maria, montes & flumina, passimque, tamquam non mutetur, moles heret. In calo, quidni ad eundem modum varietas ludat? cogita minuta multa, & panè infinita, partim generari, partim corrumpi quotidie; sed humanis oculis nequaquam comprehendi. Minuta? imò, & magna quedam; rariùs tamen, quia magna sunt. Quid igitur? non ideo aut calum esse calum desinit, aut astra, astra. Omnino licet mutetur terra, Mundus tamen, Mundus est: Mundi enim pars quadam à*

Dea constituta. Sic mutetur celum, permanere tamen Mundus potest: pargenim Mundi & celum est. Breuiter ergo, Planetarum orbes detrimentum, aut mutilationem aliquam pati possunt, & patiuntur, etiamsi ex tanto intervallo id oculis non sentiamus.

Ad alterum, assero Planetas corpora dura, sed non adeò vt nihil inde radius Solis carpere valeat, aut exsugere. & lapides enim hic ac metalla detreſcantur, & aliquid abiiciunt de pondere, si diu insolentur. nec tamen Planetas duritiei tam contumacis existimo. Neque mirum, raptu illo non dissilire; quia ne Cometæ quidem tam rati & fungosi dissoluuntur. imò spumarum globos, incolumes portari ac defluere videmus, secundo & satis rapido flumine, nec nisi serò dispergi. Ratio igitur est, quia Planetæ, Cometæ, & æther vehens, fluunt in eandem Mundi partem, ab Ortus scilicet in Occasum. de motu altero, Planetis & Cometis proprio, dicemus, quod satis erit, postea.

De tertio, negare malim pluuias vñquam è halitibus Planetarum ibi concreſcere, nisi cum Keplero, & quibusdam aliis, affirmantes, in Lunâ ingentia, quæ vaporari possint, maria esse. Verum fumos tantum sicciore, non insigniter ad pluuiam humidos, extrahi autumo: quia Planetæ sicci & rigentes sunt, non humentes & fluxi. Sed an in ventos possint halitus eorum relabi? Dico, in regione illâ tot siderum luminibus feruidâ, difficulter fortasse ita posse frigore densari, vt magno, & in flatum valente impetu, queant defluere. Itaque sæpius erit, vt molliter residant, quàm præcípites & torrentes deuoluantur. Verum, quò tunc recident? ad terramne, an ad Planetam suum singuli, vnde extracti sunt? Si hoc postterum fiat, hoc commodum nacti erimus. quòd habeamus, vnde scire detrimentum, quod passi fuerant Planetæ per illam expirationem. vt enim terra se reparat per vapores & exhalationes, quæ in eam relabuntur, ita Planetæ facient. Sed tot centra gravitatis, quot Planetæ, sic statuenda erunt; vt cuiusque scilicet vñdique partes in suum, non in alienum nitantur. quâ ratione, longè promptius fuerit intelligere, quomodo ingentia illa corpora naturali libramento, in summo illo æthere dependeant sine lapsu. In quo sensu, aut prope, magnum Copernicum iam video. *Equidem existimo, ait lib. 1. cap. 9. Reuoluit. gravitatem non aliud esse, quàm appetentiam quamdam naturalem partibus inditam à divinâ providentiâ Opificis vniuersorum, vt in unitatem integritatemq; suam sese conferant, in formam globi cœcuntes. quam affectionem credibile est etiam*

Soli, Luna, ceterisque errantium fulgoribus inesse: ut eius efficaciam, in ea, quæ se representant, rotunditate permaneant; quæ nihilominus multis modis suos efficiunt circuitus.

Vel si pertinaciter contendis, siderum gravitatem eiusdem esse rationis cum elementari, omniaque in terram niti; docti, sidereas quandoque exhalationes eoque defluere, donec ætherem aut aërem se graviorem inueniant: quomodo validè satis reiicies?

Historiæ etiam quædam in cælestium exhalationum probationem attrahuntur.

Septem continuis noctibus post cæsum in Curiâ Dictatorem Cæsarem, resplenduit Cometes, & circa totum illum annum Sol lugubri & pallidâ facie semper fuit: adeo ut malignâ, nec satis calorificâ luce, vix vllos terræ fructus perducere valuerit ad maturitatem, ut in Cæsare scribit Plutarchus. & Poëta Princeps:

Georg.
lib. 1.

*Sol tibi signa dabis. Solem quis dicere falsum
Audeas? ille etiam cacos instare tumultus
Sapè mones, fraudemq; & opera sumescere bella.
Ille etiam extincto miseratus Casare Romam,
Cum caput obscurâ nitidum ferrugine texit,
Impiâq; aternam simuerunt secula noctem.*

& lib. 15. Metamorph. ille ingeniosus, de eadem exde:

*Arma, ferunt, inter nigras crepitantia nubes,
Terribilesq; tubas, auditaq; cornua calo,
Pramonuisse nefas. Solis quoque tristis imago,
Lurida sollicitus præbebat lumina terris.*

Anno etiam Christiano 1547. quadriduo, à 24. ad 28. Aprilis, Sol ubique mæstâ & ferrugineâ specie illuxit, ut narrat Keplerus. quod, ut iam in mentem venit, Galli trahere possint in funestum Apollini (in quo Poëtæ Solem intelligunt) & omnibus Litteratis, fatum Francisci primi, qui pridie Kal. Aprilis eodem anno, in Arce Rambuleranâ excessit.

Hebetatio autem ista radiorum Solis, per totam Europam, & latius fortasse visa, videtur in altissimos, & Soli propè admotos, latitus reiicienda. qui enim infra Lunam eum subtexunt, nisi immensam latitudinem occupent, non possunt, propter aspectûs diuersitatem, in toto vno hemisphærio se illi obtendere. Video tamen hîc maculas solares, siue astra Borbonia, culpari posse, quæ insolenti concursu & multitudine se Soli obiecerint. Aliquando enim

;& simul visuntur: quidni potest, vt (sicet euentu raro) etiam 50. aut plures? Nec statim etiam transuolant; sed quædam decimo, quædam vndecimo, aliz duodecimo, aut decimo tertio die diametrum Solis traiciunt.

Sed antequam discedam, non dissimulabo quid etiam me habet sollicitum. Dixi initio, Solem veriùs nil exhalare, aut certè nimum. quomodo autem, cùm materia eius caloris capax sit, & in tantà abundantia affluentissimæ lucis, oporteat etiam esse feruentissimum? si verò sic ardet, cur non etiam se in ætherem expirat? Dic tamen, aut habere temperiem calori repugnantem, aut si calet, duritiem tam obstinatam esse, vt nil sinat detrectari. Nec id in cælo mirum. Audi Plinium de terreo adamante. *Inuicta vis* Lib. 37.
(adamantis) *violentissima natura rerum, ferri ignisq; contemprix,* cap. 4.
hircino rumpitur sanguine. De ferro tamen negat rei gemmarie peritissimus Scriptor, Anselmus Boëtius Belga. quippe malleo frangi affirmat: sed ignis tamen iniurias ita perferre, vt viuidior & præstantior, nil diminuto pondere, eximatur. Item, ex amianto lapide molli & friabili texuntur mappæ ignibus inuolabiles. olimque Regum inde tunicæ funebres fiebant, vt cremata cadauera à rogi cinere separarentur. *Ardentes in fœcis conuiuiorum ex eo vidimus mappas,* inquit Plinius, *sordibus exustis splendescentes igni magis, quam possent aquis.* vidit & Baptista Porta Venetiis. Quidni ergo simili corpore, & minùs etiam ignibus obnoxio, Vniuersi illa lampas esse possit; *vas*, inquam, *illud admirabile, opus Excelsi?* Eccl. 43.

ARTICVLVS VII.

Quomodo è halitibus caelestibus concinnandi ætherci Cometæ.

HOc est quod palleo, quòd quis non prandeat, hoc est. res enim Per.
perplexissima, & omnem ferè couatum eludit. sed cùm aciem vndique verso, nil probabilius video, quàm si Cometæ caelestes generatione minimum à sublimaribus distent. Ascendunt igitur propriæ leuitate per vastissima illa ætheris spatia halitus Planetarij, & in lucidam nubem coeunt, quem vocamus Cometam. Rarissimi ergo sunt, cùm tam altè, & ad fornicem ipsum Firmamenti quandoque, effugiant. quid tum? videri tamen, & reflectere lucem possunt; quia cum opacitatis aliqua mixtura sunt. Innumera ergo halituum istorum superficies, per longam & multorum milliarum profunditatem, sibi inuicem vltro à citroque lumen red-

dentes, & sic multiplicatum deorsum relicientes, speciem illam stellæ flagrantis, aut coruscantis, faciunt. Ingentis enim latitudinis & profunditatis nubes animo deformanda est, per quam radius solaris hæc illæ errabundus, & cum modicâ saltem vbique reflectione se contorqueus, tandem in caudam aut barbam plerumque euadit: ita tamen, vt in profunditate tantâ, sat lucis amittat & relinquat, vt ipsa se eo tingat, & reflectat ad speciem. Cur igitur non magis frequentantur, inquires, Cometæ, cum verosimile sit, ætherias ibi nubes, vt ærias circa nos & terram, toto anno pendere? Negare tamen id possum. quia terrâ & aquâ molliores sunt, ideoque Soli halitus euocanti magis obediunt, quàm sidera, duri & contrumacis habitûs. Deinde exhalationem amplissimam esse necesse est, vt hinc à nobis tam dissitis conspiciatur. quod estimare ex superioribus Planetis licet, qui terrâ maiores, tam angustos tamen in speciem orbiculos explicant. Itaque si in sphæris Planetarum degeremus, plurima fortè cælestium nebularum vellera, toto æthere passim dispersa videremus, quorum iam species euanesceat nimiam spatij intercapedine.

Sed quid de nouitiis fixis, & Firmamento velut inhaerentibus sideribus censemus? in genere ne Cometarum, an seorsim ea habemus? Plenius id in Libris de Cælo arbitramur. Obiter iam dico, è materiâ cælestium Cometarum videri. Ratio est, quia carpuntur, relanguescunt, & finiuntur, vt Cometæ. Fiunt ergo, cum halitus extra omnem parallaxin, ad Saturnum & ultra ascendit, vt iam appareat à solo primo Mobili, sine alio proprio motu, rapi. Ita verò fulget, quia materia cælestis auidè lucem bibit, & sidera fixa è propinquo certatim in eam radios coniiciunt. sæpius etiam in galaxiâ, aut iuxta, visuntur; quia infinitæ ibi Sporades, quæ confusis radiis viam illam lacte inalbant, suâ etiam aspergine vbertim halitum inebriant. Scintillant autem, & ardere videntur, ab eadem causâ, quâ fixæ; propter distantiam, & alia, quæ alibi enarrabuntur. Dubito etiam, an ex ipsis fixis, nihil ad nouarum materiam exhaletur.

Non est etiam perpetuum, nouas fixas Lactæ adseri. Nam Simon Marius anno 1612. vnâ in cingulo Andromedæ, Iustus Pyrgius Lantgrauij Hassiæ Automatopæus alteram in Antinioo, Keplerus anno 1602. aliam in Pisce, Dauid Fabricius anno 1596. in Ceto, sat procul à galaxiâ, nisi caligo aut similitudines eos fefellerint, sunt conspicati.

CAPVT III.

De causâ formali, efficiente, finali Cometarum.

Hæc vniuersa breuiter, & in fasce dici possunt. Forma Cometæ tam cælestis, quàm sublunaris, est figura stellaris & lumen. hæc enim vniuersim fundant similitudinem Cometæ, mobilis, siue immobilis, comantis, siue calui, cum vero sidere. Species deinde singulæ Cometarum, aliquod aliud accidens, vt motum, aut quietem; vel etiam partem integrantem, vt comam, caudam, barbam, adiciunt. Figura autem capitis, licet è longinquo spherica appareat, quia distantia inæqualitates supprimit, & rotundat (quadratum enim, aut triangulare, & omne angulosum, imaginem rotundi procul ostendit) sæpius tamen reuera non est talis.

Causa efficiens proxima, est Sol, aut aliud astrum quod radio suo materiam Cometæ traicit & colorat. Causa verò sitûs, quem in aëre siue æthere habet, est impetus qui halitum in altum abstulit, & in figuram talem concinnauit. impetus verò iste est à leuitate spiritus: vt statim, cum de motu Cometæ proprio, dicemus. Finis Cometarum sublunarium, est purgatio aëris à noxiis exhalationibus; omnium verò, comminatio diuinæ manûs & flagelli imminentis. Quæri tamen potest, & meretur;

ARTICVLVS VNICVS.

An Cometa aliquid præfagiant, & quomodo.

Nihil vulgo magis persuasum est, quàm Cometas malorum prænuntios esse.

Oὐδὲν κομήτης, δὲν ἔ κλονὶ φίλον,

Nullus Cometes, qui malum nullum ferat,

cinebant illi Antiqui. Plinius lib. 2. cap. 25. *Cometes terrificum magnâ ex parte sidus, ac non leuiter piatum: ut ciuili motu, Octauio Consule, iterumq; Pompeij & Cæsaris bello.* deinde ante pugnam Philipensem, post exitum Cæsarem, Virgilius:

Non aliàs calo ceciderunt plura sereno

Fulgura, nec diri toties arserè Cometa.

Georg. 1.

Silius lib. 8.

— non vnus crine cornuſco

*Regnorum emerſor, rubuit lethale Cometes.*Manil. *Numquam ſutilibus excanduit ignibus ather.*Claud. *Et numquam calo ſpectatum impunè Cometem.*

Tria autem publicè illa mala, bellum, famem, peſtem, & priuatim Principum mortem, præſagire exiſtimatur. Vnde cum ſub Annal. 14. Nerone Cometes effuſiſſet, vulgus paſſim, inquit Tacitus, quaſi eo iam depulſo, quiſnam diligeretur inquirebat. ſed cum multi toto eius Principatu exoritentur, vt cladem à capite ſuo depelleret, ſanguine illuſtri ſolitus erat expiare: doctus id à Babilo Aſtologo, vt narrat Suetonius. Inſinitum autem ſit conſarcinare omnes calamitates, omnium Principum exitus, cum hac denuntiatione. Alios antè aut poſt, Romanos Cæſares omitto, Claudium, Vitellium, Veſpaſianum, Didium Iulianum, Seuerum, Macrinum, ſic exceſſiſſe noto in Dione. Aut ſi recentiora magis allu-
In Nero-
ac. c. 36. beſcunt: Anno 1558. Auguſto menſe, Inuidiſſ. Imp. Caroli V. & anno 1618. Decembri & Ianuario ſequenti, Auguſtiſſimi Cæſaris Matthiæ mortem Cometes anteceſſit. extinctus enim hic anno 1619. in Martio.

Quidam tamen etiam fauſti putantur Cometæ. vt ille qui poſt necem Iulij Cæſaris, ludos Veneri Genitrici celebrante Auguſto, horà diei vndecimâ emerſit. eum enim tamquam ſibi fauſtum coli in Templo publicè edixit Auguſtus. Et Seneca, alterum initio Neroniani Principatus (quem lætiſſimum vocat) exorientem, Cometis ceteris detraxiſſe infamiam affirmat. Quid ita? quia, credo, mors Netonis non reſpondit. Sed proſe&ò, vel ideo infauſtiſſimus, quod peſtem illam humani generis non fuſtulerit, & tot illuſtrum viro-
Lib. 7.
Nat. c. 27. rum, & in ijs Senecæ ipſius, eadem non præuert-
erit. Inter fauſtos etiam numerari poteſt ille anni 1607. qui Belgis duodecim annorum inducias tulit. ſed ecce tamen tunc ſtatim arma in Cluiâ & Iuliaco fuſcitata, exitu, ſine herede relicto, defuncti Principis. Ita ſit proſe&ò. ſi Orbem terrarum vniuerſim circumſpicias, lata ſemper alicubi cernes permixta triſtibus: nec vllum credo tam nocentem Cometam fuiſſe, qui nulli Regioni parceret; imò qui multis etiam non potuerit videri noua gaudia attuliſſe.

Sed non in iſtum tamen, puto, ſuam, ſed ad triſtiora, mittitur. Solet enim benigniſſimum Numen, vbi meſura flagitiorum no-
ſtrotum

storum ad plenitudinem venit, & vindictam hinc potius temporariam quàm æternam parat, naturalium istorum effectuum occasione uti, & terrore illo ad pœnitentiam & sui respectum conuertere. Itaque cum Clar. & eruditissimo nostro Thomâ Fieno, in Cometâ anni 1618. nego, Cometam, maximè cælestem, calamitatum physicam causâ (quomodo enim exhalatio illa, siue Sole tantum perfusa, siue ignis etiam est, ex illo intervallo tantum valeat?) non nego tamen, signum ex institutione diuinâ esse; quam omnium temporum historia affirmat. Igitur Cometa res quidem naturalis est, ut Iris; vtraque tamen supernaturalem à Deo significationem habet. Et huc verba D. Damasceni lib. 2. Fidei Orthod. cap. 7. ducere potes. *Cometa Dei imperio certis temporibus constans, rursusq; dilabuntur.* Dicitur enim specialiter effectum illum, etsi naturalem, producere Deus, quem ex mero arbitrio ad finem planè extrinsecum, quod causæ talis effectus creatæ, nullâ ratione aspirare dici possunt, mittit & destinat. ut etiam Genes. c. 9. *Arcum meum ponam in nubibus, & erit signum fœderis inter me & inter terram.* Arcum tamen istum non solus, & digito suo depingit, sine penicillo radij solaris, qui concaussa eius est, & quidem purè naturalis. Aristoteles tamen signum naturale ventorum & siccitatis Cometæ autumat; non quia efficiant, sed quia exhalationes aliz plurimæ & confertæ, quæ vnâ è terrâ (quam arentem ideo & exsuccam destituunt) in aëra scandunt, & miscelâ inquinant. *Inde* Lib. 1. c. 1. *mors imbecillium, inquit Cardanus, qui non exercentur, qui curis vaciet.* multis distrahuntur, qui cibis delicatioribus vtuntur, qui Veneri indulgent, quiq; facile agrotant, & ad senium inclinant, & parum dormiunt. Tales igitur cum sint multi Principes, mori aliquem eorum; in quem omnia hæc magis conuenerint, plerumque contingit. Adde, opinione illâ, quasi noxiæ & in mortem missi, sideris, perturbari aliquando fortè Principes cum iacturâ valerudinis. Sed imbecillæ hæc causæ sunt; & si quid in sublunaribus fortasse valent, in cælestibus Cometis, quæ terræ filij non sunt, nihil possunt. Igitur, aut non potius, quàm turba vilis, occidunt tunc Reges, videnturq; tantum, quia sublimium casus est insignior; aut certè tali ostento nuntiat Deus mortem ab aliis causis, iam iamq; paratis, inferendam.

Porro ad præsagium & terrorem, Cometæ cælestes magis idonei sunt elementaribus. cum enim altissimi & in omnium oculis circulos suos decircinent, latius & ad plures Numinis metum spargunt. Colorem etiam huc referre aliquid putant. atrati enim

aut sanguinantes, Saturninij aut Martiales existimantur, & argenteis illis ac Venetiis nocentiores. Fixæ deinde quibus subrepat, aspectus Planetarum mutus, & Signum ubi ortum & incunabula habuit, non negliguntur. barba denique, censetur mucronem intendere in eam Prouinciam, cui dirissimè minatur. Verùm hæc incerto fundo concepta, nimisquam vacillant. barbam enim casu in illud cæli punctum dirigit, quod contigerit opponi Soli. Sol quippe, caput, & barba Cometæ in eadem lineâ circuli maximi sunt. nequedum satis expertum, an Deus cuspide illâ barbæ, in quam maximè partem defæuitura sit ira, velit ostendere. Sed ad quos ergo pertinere debet metus? inquires. Dico, ad omnes & vniuersos, quia omnes peccamus. est tamen, cur iis crebrius arteria micet, corque palpitet, qui pluribus aut grauioribus sceleribus sunt cooperti.

Hoc etiam festinanti exciderat. reprehendo in manum: & accipe, priusquam me hinc amolior. Doctissimus Keplerus in libro Cometarum anni 1607. & 1618. Cometæ causam turbarum sublunarium censet per sympathiam, quam elementaria cum Cometis & cælo habent. & Sebastianum Lusitanæ Regem à Cometâ anni 1577. stimulat, ut in Africam traiceret & suam perniciem. *Facultas Mundi sublunaris, inquit, Cometam persensisse & obstupescit, unaq; facultates ceteræ omnium rerum sublunarium.* & deinde: *Facultas telluris insolenti Cometæ apparitione consternata, uno terrestris superficiei loco multum exsudat vaporum, pro qualitate illius partis sui corporis. hinc diuturnæ pluuie & eluiones.* Quæ ridenda paullo minùs hîc scio, quia ad istam sympathiam, oporteat vnâ & eandem cæli & rerum elementarium esse animam. item, quòd terram ingens quoddam, & siderum etiam ac Cometarum intelligens, animal faciat, non dubito palàm à modestissimis etiam decachinandum. & reuerà Virille in Mathefi tantus, tam pertinaci tot iam annorum quibus in eo durat, de Telluris animatione & motu, paradoxo, magnam ceteræ scientiæ suæ aspergit libem.

CAPVT IV.

De proprietatibus Cometarum.

RÆCIPVÆ, & quæ in difficultate insigni, sunt color, figura, magnitudo, motus. De colore tamen, vno verbo absoluo. tota diuersitas enim venit à materiæ opacitate aut transparentia. hæc nempe radium Solis resoluit, digeritque in clarum & argenteum colorem, illa astringit, declinatque in ruborem, aut etiam propè infuscat in atrum. A figurâ sumuntur omnes species Cometarum. Aristoteles duas tantum recenset, Crinitum (qui propriè Cometes, sparsis in orbem comis) & Pogoniam, siue barbatus: ad quas reduci possunt omnes, quas Plinius ad decem multiplicat. quicumque enim præne rotundi, proprij Cometæ, alij Pogoniæ quidam vocari possunt. Lib. 1.

Ad Cometen ergo pertinent, *Διονέας*, qui colore electri, & figurâ disci, raros crines è margine mittit. *Πρότιμος*, doliari figurâ, in concauo, fumidæ lucis, inquit Plinius. *Λαμπρόδρας*, facis ardentis æmulus. *Ἰπποδῆς* qui equinas iugas celerrimi motûs, atque in orbem circa se euntes imitatur. *Ἀργυρόκρινος*, argenteo crine ita resplendens, ait Plinius, ut vix contueri liceat, speciemque humanâ dei effigiem in se ostendens. Quæ verba nebulosa sunt. & nescio, an ad Cometen, siue stellam, quæ Magorum ad Christi incunabula dux fuit, referri non possint. Fortasse enim fama, & res, fuit, sub Augusti Principatu, Cometam in Oriente & Iudæâ visum, in quo imago pueruli expressa, quem Christiani dicerent hominem-Deum. Certè, dum cetera cælestis huius Natiuitatis admiranda cogito, hoc non pro maximo, sed in minimis, ducere non vereor.

Hi verò ad Pogoniarum classem spectant: *Ξερίας*, breui & in mucronem gladij fastigiato crine. hic autem omnium pallidissimus est, ait Plinius, & quodam gladij nigrore, sine radiis. *Ἀχρίας*, iaculi modo vibratus, ocysimo significato. De tali Titus Imp. in quinto suo Consulatu, præclaro carmine scripsit. nec alius Cometa post hunc visus Plinio, qui cinere Vesuij suffocatus, breui illo Titi Principatu. *Κεραίας*, cornu speciem habens. qualis fuit, cùm Græcia apud Salamina depugnauit. *Λογχίμος*, hastæ effigie. qualis anno v. c. cccix. Caudatum autem vulgò à Pogoniâ ipso, si-

R ue

ue barbato, non distinguunt. solus enim aspectus ad Solem facit hanc differentiam. Nam si raptu primi Mobilis manè præuertat Solis ortum, barbatus est, quia cincinnus prior supra horizontem assurgit, & spectat in Occalum: vt nouissimus ille anni 1618. Si vero vesperti in hemisphærio nostro relinquatur ab occaso Sole, caudatus erit, & syrma trahet à tergo: vt alter anni 1577. de quo tam multa Tycho. Causa est, quòd cauda, siue barba semper iaciatur in partem Mundi contrariam Soli. Sed hæc crinium & barbarum materia abire debet in longiorem disputationem.

ARTICVLVS I.

Causa barbarum & villorum in Cometis.

Rothmannus, & plerique vetustiores existimant, barbas Pogoniarum, esse tenues & villosos capitis floccos, huic aut illi parti, temporibus scilicet, occipiti aut sincipiti, casu adhærescentes. Keplerus, & Snellius, effluuium quoddam, quo materia capitis se exonerat in partem à Sole auersam.

Dico Primò: Negari non potest, quin in Cometis, tam sublunaribus quàm celestibus, tam ardentibus quàm solâ siderum luce conspicuis, flocci quidam rariores dependere, & crinire capita valeant. Patet exemplo Caprarum: & quia Cometæ omnes in circumferentiâ magis fungosi & lanæares, quàm circa centrum capitis apparent.

Dico Secundò: Caudæ pleræque omnes illæ longæ, barbæ, iacula, hastæ, siue quo alio nomine censeantur, radij solares sunt per cerebrum (vt sic dicam) capitis Cometæ transuerberati. Ita Appianus, vterque Gemma, Tycho, & plerique iam vniuersi. Probatur, quia in omnibus Cometis, qui à centum iam ampliùs annis effulserunt, obseruatum est, caudas à Sole auertisse. igitur signum pænè evidens, radios per medium transadigi, & auersâ parte extendi. Primus autem qui huius rei publicum indicium fecit, ceterisque oculos aperuit, fuit Petrus Appianus, vt Tycho & Gemma Phrysius testantur. hic deinde in octo continenter idem obseruauit. *Hoc enim, ait in Radio Altron. iam inde ab anno 1532. à nobis iugiter obseruatum est, quòd canda siue coma semper rectissima projiciatur in contrariam Soli partem. quod etiam diligenter à Petro Appiano est primò in lucem emissum.* Cornelius Gemma, filius eius, in Cometâ anni 1556. & aliquot aliis, id est, omnibus à se visis, experien-

rientiam patris adfirmat : & vniuersi quotquot huc vsque secuti sunt. imò talem etiam fuisse caudam illius, anni 1475. ex historiâ eius apud Regiomontanum intelligi potest. *Contingebat, inquit, ut statim post Solis occasum, cauda Orientem respiceret : appropinquante medio noctis, respiciebat Meridiem: post medium noctis respiciebat Occidentem.* Similis denique caudæ fuisse videtur iste in Principatu Macrini, apud Dionem. *Sidus, inquit, ab Occasu versus Ortum multis noctibus caudam porrigens, grauem nobis perturbationem attulit.* Sol enim ante ipsum occidens, caudam ei in Ortum intendebat. Quodd' verò non in pluribus id Cometis animaduersum, oscitantia spectatorum factum est, qui de ingenio caudæ & totâ naturâ Cometarum parum solliciti, vix hilum posterorum quærenda adiuuerunt. Nostra demum & proxima ætas cum magnâ curâ rem istam habuit, & ad secururam adminicula transmittet, quibus forte perueniet ad hoc arcanum.

Verùm experimenta quædam regei in nos possunt. Lantgravius enim Hassiæ, inquit Rothmannus, notauit caudam Cometæ anni 1558. decem etiam gradibus deflexisse ab opposito Solis. & Tycho caudam famosi, anni 1577. Veneri, non Soli, directè respondisse : quod Snellius etiam in Cometâ anni 1618. initio saltem, factum affirmat: postea tamen ad Solis oppositum se correxisse. Ita deniq; Michaël Mœstlinus aduertit in altero anni 1580. qui primò deuians, deinde in eundem circulum maximum reduxit se cum capite suo & Sole. Sed pauca istæ exceptiones legem generalem frangere non possunt, quâ se cauda solemniter & ferè constanter auertit à Sole. caussa igitur alia potius quærenda huius varietatis. sicut etsi Sole lucente, acerrimè quandoque gelet, non statim ideo dicimus glaciem à lumine (quod plerumque aliàs caloricum experimur) stringi; sed aliam huius causam solemus inuestigare. Itaque axis caudæ, siue linea ducta per mediam longitudinem, aberrat paullisper in latus, à lineâ quæ è centro Solis per centrum capitis Cometæ, in oppositum circuli maximi punctum tenditur; quia radius propter materiæ capitis profunditatem, & variam opacitatem, auertitur ne exeat directè in oppositum. vnde initio statim id cuenire solet, quando scilicet cerebrum Cometæ maximè opacum est, crudum, & indigestum. vbi autem opacitas se paullisper diduxerit, & laxauerit exitum, radius tunc emicat in directum. Hæc eadem videtur caussa, cur cauda sub principium ortûs Cometæ, non effundatur statim prolixissimè : quia, inquam,

radij solares cunctanter, difficulter, & malignè per obstantia, & nimis adstrictam capitis opacitatem in aduersum eluctantur. postea verò, digestà nonnihil materià, longius se eiacularur: donec halitu rarefcente, & vanelescente, accidatur paullatim, & tandem vnà cum capite expiret.

Quòd autem axis eius aliquando in oppositum Veneris exeat, ideo fortè est; quia Venus argenteà & satis vberi luce, propinqui Solis radium iuuat, vnaque se per Cometæ caput transfundit. Non fuit etiam verum, Cometam anni 1558. tot gradibus à Solis opposito diuertisse. Nam Cornelius Gemma Louanij eodem tempore, quo Lantgravius Cassellis, eum obseruauit, caudamq; paulominus in oppositum Solis spectasse dicit. & Tycho Gemmæ porius credit: suspectatq; Lantgrauij obseruationem, quia Torquetum, quo vsus, vidisse se, & vitiosum deprehendisse asseuerat.

Ex superiori etiam doctrinà, non difficulter intelligi potest, cur aliquando cauda discindatur, & in ramos plures se spargat, quod in illo anni 1577. Cornelius Gemma tradit: aliquando etiam subito in caput retrahatur, & iterum se explodat; vt in nouissimo anni 1618. semel factum, Cysatus affirmat. hæc enim omnia dispositio partium cerebri in capite, item agitatio & motus, quo nunc viam radijs obstruit, nunc rursus aperit, efficere valet. Similis causa Pogoniam in proprium Cometen, aut retro, transformare potest. Ita Olympiade cxiij. iubæ effigies mutata est in hastam, ait Plinius. Genetatur enim vndique in orbem crinitus Cometes, quando radij confertim & vniuersi caput pertundere non possunt, sed hæc illac disperguntur, & rebulliunt in superficiem, eamque coronant. Euenit autem aliquando, vt qui initio materiam non perruperint, postea halitu se dissolvente, viam reperiant.

Alio etiam modo è crinito Pogonias, aut contà, fieri potest: per accessum videlicet, aut recessum à Sole. Si enim Cometes Soli oppositus secundum Zodiaci longitudinem fuerit, sine syrmate aut barbà, capite tantum comanti apparet; qui motu proprio ad Solem paullatim barbam promittere incipit, aut extendere caudam. sicuti retrò, sit vt barba sensim atrondeatur, quò propius ad oppositum Solis accedit. id enim Tycho in Cometà anni 1580. & Rothmannus in anni 1585. notauit. hic enim vbi ad oppositionem peruenit, perfectus Cometes factus, cano capite, dependentibus vndique villis. Ratio esse debet, quòd & radij Solis per tantum interuallum traiecti, debiliores, & si quis est, cinctus per capitis

pitis verticem directâ in cælum è regione Solis exeat, vt non facile à nobis hinc cerni valeat, præsertim si fuerit valdè excelsus. caput enim tum cirro & comæ in altum surrectæ obstat, regitque, ne longitudo eius videatur. quod etiam situs ille stans & in cælum erectus facit. nam columna etiam longissima, si oculo multò altior, breuissima tamen, aut etiam in globum contracta apparet; quia rectitudo eius non satis longitudinem explicat, & omnia superficie puncta sub acutissimis angulis conspiciuntur. Et hinc etiam fiet, vt talis Cometæ caput, caudâ, cœu orbiculari & vndique cingente comâ, inuolutum esse videatur.

Hoc etiam argumentum ferè mihi effugerat, quo olim in Cometâ anni 1618. ostendi barbam radiorum solarium fasce figurari. Die enim duodecimâ Decemb. mirabar horâ nonâ decimâ, & porro ad mediam noctem, ne pilum barbæ sub rotis Plaustrî à me videri, vbi tamen manè prolixissimam conspexeram. tandem verò post mediam noctem, cùm Sol, & Cometa, qui Solem paululum antecedebar, reuerti ad horizontem nostrum ortium inciperent, barba iuxta Plaustrum paulatim redire & fornari cœpit, tenuissimo primùm & albente tractu, vt planè matutina crepuscula solent: qui tamen sensim sumebat incrementum, & incendebatur, quòd propiùs Cometæ caput & Sol ad horizontem & ortum accederent. Dixi tunc, & iam repeto: hoc argumentum nullâ specie eludi posse, quia conficiat, barbam illam radios Solis fuisse per Cometæ cerebrum cuneatos. Nulla enim alia vel apparenter caussa fingi potest. Ideo autem albentes illi barbæ tractus tanto tempore auroram præuertebant, quia Cometæ caput longè altius omnibus vaporibus erat, qui prima manè crepuscula rapiunt: & proinde barbam, quæ tali capite per altissimi ætheris sparia profunde-
batur, necesse erat maturius apparere. quòd enim aliquid excel-
lens est, ed citiùs exoritur, atque in oculos venit.

ARTICVLVS II.

In quâ materiâ lux illa caudæ Cometarum sustentetur.

ETiam hoc difficulter extricamus. Keplerus existimat, effluuium quoddam exhalationum ex capite, per radios Solis in plagam oppositam expelli, idque Cometæ caudam, & subiectum illius lucis esse. Verùm cùm radij, corpora non sint, quæ instar cuneorum adacla, materiæ partem ante se extendant, sed accidentia,

quæ rarefaciendo solum, tenuiore & leuiore spiritu sponte, quâ potest, diffugiente, caput exonerent; non est facile intellectu, cur non vndique, & maximè per partem capitis, Soli vicinissimam, quæ acrius in ingressu radiorum vri videtur, se halitus illi expirent. Deinde, quomodo caput nõ statim excerebratur & euanelcit tam largø, profuso, & perpetuo multorum dierum effluio? Certè enim Cysatus barbam Pogoniz anni 1618. aliquando spatium 445. terræ semidiametrorum, id est 382700. mill. Germanicorum occupasse putat; aded vt totum terrarum Orbem septuagies potuerit circumligare: cùm tamen caput, vnde flumen illud effundendum erat, non supra 550. mill. Germanica habuerit in circuitu. Denique, cur cauda toties capite, vnde expellitur, leuior, non resuspinat se semper & surrigit in cælum?

Alij ergo malunt, inter exhalationes & strigmenta ætheris latissimè, circum diffusa, caput Cometæ incedere, iisque velut innatare. hæc autem licet rariora sint, & magis transparentia ipso Cometâ; reliquum tamen æthera densitate & opacitate vincunt, ideoque lumine Solis colorantur. Sed quare igitur, inquires, color iste non vndique in orbem circa Cometam sparsus apparet, cùm tota illa exhalatio lumine perfundatur? Respondet ingeniosè Licetus: Quia à fronte, quâ Cometa respicit Solem, & lateribus, nimia luce opacitas exhalationis diluitur, vt reliquo ætheri similis videatur: non ita trans Cometæ caput, vbi umbra capitis, opacitatem quodammodò adiuuat, & lumen inumbratum irrufat, vt nigriori, & à circumfluo æthere, discolori specie appareat. Indignor profectò, tam pulchram rationem salutatis mixturæ esse deformatâ. Nam, quantum hic cernimus, nec remissius in umbrâ lumen, specie rufi se oculis obicit. & deinde, cùm Cometæ plerique omnes, orbe solari longè sint minores, umbras iacent pyramidas, latissimas statim à capite Cometæ, consummentesque se deinde paullatim, & finientes in conum. quod tamen minimè respondet figuris caudarum: quæ imagine potius scoparum plerumque visuntur, in exitu capitis angustissimæ, & thyrsus satis gracilem habent, in fine dispersæ in muscarium. Itaque in oppositam totâ diametro sententiam (pedetentim tamen & morosè, vt in anxietate) discedimus. nempe, plurimam & vberimam lucem, à radiis Solis intra cerebrum capitis aggregatis, caudæ infundi dicimus. Imaginem huius refractionis putant quidam habere in globo vitreo solido, aut aquâ pleno, ita radio solari, per angustissimum foramen in conclaue obscu-

obscuratum illabenti, exposito, vt pars radiorum in parietem album incidat, pars margine vitrei globi excipiat: sic enim speciem firmatis non longè à comis illis Cometarum abluentem videbis. Verùm non constat vndique similitudo. nam caput Cometae, solidum quoddam, densum, & continuum non est (vt antè sitis, ni fallor, ostendimus) quod ita lumen aggreget, & ad perpendicularem refringat. condensantur tamen, & in nodum quasi vnum contrahantur radij, propter qualitatem fortasse materiæ caelestis, quæ tenuissimâ veluti scobe & ramentis, infinitisque superficiebus constat, quæ lumen sibi inuicem dant redduntque. Radij tamen Solis non toti in illâ capitis materiâ consumuntur, sed longius in caudam traiciuntur, adiuti insuper & intensi à luce quæ in capite adhæsit. Cauda verò è capite, æquali circiter cum ipso latitudine, emicat, deinde radijs se dissecantibus rarefcit & dispergitur: eo ferè modo, quo cælo guttante & substilto, Sol per quadam nubium foramina, radios & virgarum veluti falces iaculatur, in exitu strictos & compressos, sed paulatim se diducetes & spargentes vsque ad terræ contactum. Sed quomodo in raro & liquido æthere apparere potest lumen caudæ? Quia minima densitas sufficit ad relectendum. color enim ille cæruleus, quem putamus hære in fornice cæli, lumen ab altissimo aëre, siue æthere, ad nos reuerberatum est. quia licet vnaqueque pars illius aëris profunditatis paucum, nec satis sensibile lumen reflectat; vniuersæ tamen simul in summam vnâ, quod facile cerni possit, conferunt. quia verò etiam plurimæ minutæ vmbrae, & minima infinitarum partium aëris opacitas in vnum confunditur, ideo lucem, quæ aliàs candida est, inclinant in colorem cæruleum. Si autem contingat tractum aliquem ætheris vberiori & velut inculcato lumine perfundi, tunc illicò discrimen se proder, & interlucebit ille, candoremque ostendet in cæruleo aut virenti vtriusque ætheris campo.

Sic ergo colorari imaginor caudam illam Cometae. Adde, iam non ambiri Cometam purissimo æthere; sed multos exhalationis rarioris floccos, aut tenuem puluisculum, qui capite expiratur, comitari. hic autem extra caudam Cometae, lumen Solis non ita plene, vt insigniter luceat, bibit; sed siccius & dilutius quàm cauda, quæ & à capite & à Sole abundantius perfunditur. Hæc tamen non omnino mihi mentem implent. sed abeundum tamen iam est vel semifamelicò.

ARTICVLVS III.

Causſa curuaturæ caudæ in Cometis.

Cum ex Opticâ doceamur, ait Keplerus, radios luminosos, arcus non esse, sed lineas rectas; curuatura ſymatis Cometarum in motum materiæ è capite in caudam ebullientis referenda videtur. Sed non mihi. quia veluti fumi & spiritus incendio exhalantes non vno & constanti modo ſinuosi ſunt, ſed in varias ſpiras & figuras ſe torquent: ita caudæ illæ non eodem ſchemate curuæ aut directæ tot diebus permanerent. Cauda Cometæ anni 1618. initio Decemb. cum primùm vidimus, in Auſtrum ſalcata erat, direxit ſe deinde, poſtreimò concavum obuertit Septentrioni, & ſic porro perſeueravit in ſinem. Similis ferè mutatio accidit in caudâ Cometæ anni 1596. & 1580. & 1577. Imò Keplerus lib. Aſtron. Opticæ cap. 6. num. 13. nec ſine ratione exiſtimat, curuaturam & gibbum caudæ, conſtanti lege ad eam Mundi plagam extuberare, in quam tota cauda ab oppoſito Solis deſcedit. *Adde*, inquit, *ut deſexus caudæ à Solis diametro, nihil aliud quàm pars curuatura ſit.* hæc ergo caudæ ſinuatio tribuenda non videtur turbido & incondito effluuiio materiæ è capite Cometæ.

Guiduccius refractioni potiùs imputat: quomodo etiam remus in aquâ incuruus apparet. Sed aliud reperire oportet: nam ſic iuxta horizontem, ubi maior & plenior vaporum abundantia, maxime curuam & arcuatam eſſe oporteret. non eſt tamen: imò non alibi, quam circa horizontem, caudam Cometæ anni 1618. Cyſatus & ego directiorem aſpeximus. rectiſſimo enim radorum tractu ſurgebat, qui paulatim in aſcenſu verſus Meridianum ſe ſalcabat. Nec in hoc tantùm, ſed ſolemne etiam fuit in ceteris Pogniis.

Tycho ergo & Cyſatus cenſent, reuerà caudas omnes rectas & inſeſtas eſſe; arcuatas tamen videri, quia pars vna oculo viciniore, obtuſiori angulo, altera remotiore, acutiori cernitur. Ita enim in tabulato aliquo quod oculus ſuſpicit, pars capiti imminens, altior, quàm alia remotior, apparet. nam oculus in totâ tabulati longitudine duo puncta æquæ diſtantia non reperit; ſed remotiora acutiori angulo, vltimum verò acutiſſimo omnium conſpicit: quod proinde pavimento propinquiſſimum apparet, licet totum tabulatum rectum & horizonti ac pavimento parallelum ſit, ut ex Vitell. lib. 4. theor.

theor. 3. i. sumi potest. Sed hoc difficultatem non exhaurit, imò integram & plenam relinquit. Explicat enim solùm, quomodo pars caudæ horizonti vicinior, depressior & terræ magis admota appareat, curuaturam in Austrum aut Septentrionem deflexam non expedit. Nec causâ ista adhiberi potest curuitati illi, tamen maximæ, quam Cometa per verticem transiens, dum in Meridiano ipso iacet, ostendit. Denique sunt, quibus satis est, curuaturam hanc, similitudine candelæ celeriter per aërem raptæ, depinxisse. motus enim iste, flammulæ pyramidem sinuat, & conum retro reflectit. Sed frustra. sic enim semper curuatura caudæ à lineâ motûs se auerteret. cùm tamen caput Cometæ & caudæ cuspis arcum aliquando faciant circa neruum per quem Cometa incedit. vt in illo anni 1618. vidimus. Item si cauda, radij Solis sunt, defendi ista opinio non potest. Quid ergo dicemus? ignorantiam hîc fatebimur (quod ingenuè faciunt Tycho & Keplerus) & latere etiamnum causam in Naturæ arcanis? Aliquid tamen etiam, ne obmutuisse videamur, coniectemus. Quid si quispiam quandoque, è cælesti aut aliâ exhalatione, lenis ventus barbas illas afflando sinuet? Quod tamen non omnino placet, quia etiam Cometæ caput fluctuaret, & barba in vnâ eamdemq; curuaturam tam pertinax non esset. Quid si igitur (vt in caudis auium, & præsertim picarum, cernere est) quædam radiorum, vt sic dicam, in latere vno pennæ, mediis breuiores, citra finem caudæ deficiant? ibi enim latior, & gibbo quodam intumescere apparebit. Sed cur in alterâ parte sinum facit, & se cauât? Accipe hoc, & abi, neque plumbus interrogas. Quia radij ibi nulli, aut rariores quàm vt expresse, vt ceteri densiores, cerni possint. cavitates ergo apparet, quia luce tenui & semiplenâ pars illa oculos effugit. hinc enim non statim à capite, vbi radij magis compressi & vberiores, sed aliquanto pòst, & circa medium sinus & curuatura insignior se aperit.

Sed quàm neque hoc, neque quidquid aliud prospicio, mihi intellectum in tranquillo ponit! Ite nunc Mortales, & acie illâ diuina rimamini & penetrare, quam vnus etiam Cometæ barba vobis hebetat & obtundit. Verè *mirabilia opera Altissimi, & gloriosa, & absconsa!* Hic fructus Philosophiæ nostræ, & studij quod in omnem Mundi partem mittimus; confessio imbecillitatis, & spontanea intellectus nostri, in tenebras Fidei diuinæ, abiectio, quæ alibi fere vbique sic etiam caligantem experimur. Quid in arcanis illis & abditissimis diuinæ Triadis, Incarnationis, Eucharistiæ,

Prædestinationis, recessibus euidentiâ à me exigis, quam in vno Cometæ, imò tuo crine, mihi præstare non potes? Dic enim, quâ materiâ è mento suspendas illam barbâ? dic, quæ causâ, vbi statim emicuit, ei duritiem istam faciat, & colorem? De hac enim latrâ caprinâ animosè rixantur Galenus & Argenterius, ceteraque columina Medicorum. Quam substantialem formam in barbâ tuâ locasti? fateberis, scio, ignorantiam. Sed audi, quid Magni Medici te fecisse autument. Plurimi inanimam, multi vegetatiuam, Clar. Fienus rationalem etiam animam, putant. I iam nõdua, & isto oculo cælum & Solem postula inspicere. Nec tamen ideo statim effodiendus est, quod faciunt scelerati quidam. humane, inquam, mentis imbecillitatem in mortalitatem eius ducunt; & quasi gratias agere metuant, diuini muneris præstantiam adulterant aut corrumpunt. Ingratæ creaturæ in suum Creatorem! Scilicet, quia Angelis pares non sumus, suppare manere non possumus; sed ad porcos statim, cum sociis Vlysis, descendere oporteat, & intrare haram. Audiamus veracem potiùs & cælestem linguam.

Psal. 8.

Minuisti eum paullo minùs ab Angelis, gloriâ & honore coronasti eum, & constituisti eum super opera manuum tuarum. Ita est, non tam acutum quàm Aquilæ illæ cælestes, quàm Angelis, inquam, cernimus: nocturæ tamen plurima in tenebris nostris videmus; ad quæ non adspirant oculis, & omni cælesti luce capti isti talpæ. Cogita quàm multa de cælo & Mundo, Deo & Angelis, præteritis, præsentibus, futuris, eternitate ipsâ, virtutibus & vitiis, philosophemur, & infinitum inter nos & brutorum genus intervallum despicies, inspuesq; impurissimo istorum Epicureorum ori. Sed eos in libros de Animâ differamus, vbi pluribus vapulabunt: maneant quæ ipsi tantisper, nisi redire malint, inter pecudes & iumenta: digni mediis fidiis, qui cum Nabuchodonosore comedere fœnum, aut cum Asino Apuleiano sarcinas dorso gestare cogantur. nos, homines esse perseueremus.

ARTICVLVS IV.

De motu Cometarum.

Cometarum motus potest esse verus vel apparens. Apparere enim moueri Cometæ elementares & ignei possunt, licet reuerà non faciant, si exhalatio vna aliam accendat; vt in stellis discitur.

currentibus est explicatum. Ita fortasse aliquando Cometæ visi ad terram decurrere, aut subito & diffuso incendio comprehensisse magnam cæli partem: nisi hoc factum tamen, euibratâ derepente & dispersâ comâ.

Veros motus plerique Cometarum duos habent: primum ab Ortum in Occasum, secundum primi Mobilis, & æris siue ætheris in quo natant, raptum; alterum, proprium, ab Occasu in Ortum, aut à Septentrione in Austrum, aut retro, ab Austro in Septentrionem.

Ab Occasu in Ortum Cometa Vogelini anno 1532. & Tycho-
nis anno 1577. reciprocarunt. A Septentrione in Austrum, duo à Senecâ, vnus sub Claudio, alter sub Nerone, conspecti. eodem enim Septentrionis loco enati, Claudianus per Occasum, Nero-
nians per Ortum deflexit ad Meridiem.

Sed plurimi iter intendunt in Septentrionem. Fecit hoc magnus ille sub Theodosio, de quo lib. 12. cap. 37. Nicephorus; alter item anno 1475. à Regiomontano celebratus, & alius anno 1533. de quo Gemma Pater, in Radio Astron. *Vidimus*, inquit, *Cometam anno 1533. in Iulio, ab Hirci sidere secundum viâ Lactea ductum, motum per Cassiopeia sidus, hoc est, simul in præcedentiâ Signorum, & longè in Boream*. Talis etiam ille initio sæculi elapsi visus à Vicomercato (annum non designauit) qui iuxta Virginis Vindemiatri-
cem natus, inde in Septentriones elapsus, voluminibus Draconis implicitus exspirauit. Talis deniq; nuperus & famosissimus noster anni 1618. Et simul obseruo plerosque affectare iter per Booten & Vrsam maiorem. Aliqui etiam iuxta Polum exorti, per medium ipsum transgressi in partem alteram. vt ille apud Claudianum, de Bello Getico:

*Qui primum roseo Phæbi prolatas ab Ortu,
Quâ micat astrigerâ senior cum coninge Cepheus;
Inde Lycaoniâ paulatim expulsus ab Arcto,
Crine vago, Getici sedauit sidera plaustrâ,
Donec in exiguum moriens vancsceret ignem.*

Sed quæ causâ huius proprii motûs? Res iterum in abdito & nebulosa. Vicomercatus tam simplex est, vt putet, ignem Cometæ prioris, quasi per stupam, venâ pabuli inuitatum, longius serpere; generarique nouum perpetuâ serie Cometen, non eundem ex vno in alium locum transgredi. Sed si vniuersim ita est, numquid diu sub eodem circulo maximo Cometa incedere parebit:

sed incerto & fluctuanti motu huc illuc, quò materia vocabit, discurrere, vt volantia sidera solent, videbis.

Rothmannus, nec displicet Tychoni, Angelo hanc curam adscribit, & vnico istu expedit se omnibus molestiis. Et profectò, si Cometæ motu proprio, circulum circa Solem (vt Planetæ, Tychonico, & valde omnibus pænè iam probabili systemate, faciunt) aut circa aliud quodcumque centrum, decircinent, vix post longam fatigationem, aliam causam reperiarn: nisi fingas à propriâ formâ abire in hanc aut istam Mundi partem. sed incredibile est, omnes Cometæ formâ substantiali differre, qui carpunt diuersum iter. Et quidni ergo Angeli qui Planetas regunt, etiam Cometarum (qui temporanei quidam Planetæ) habenas accipiant? Quo fine? inquis. Incerto nobis. & quàm multi alij nos latent? vel certè isto: ad mortalium terrorem, & impendentium malorum metum. Verùm in effectibus istis tam naturalibus, vltimum effugium ad Angelos & occultas causas esse oportet, & vbi nullæ viz, nullæ semitæ aliorum petrumpti possunt.

Galilæus & Guiduccius verò hâc conantur. Cometam rectâ lineâ à centro terræ in cælum à propriâ leuitate portari existimant; nec vllò modo motu circulari, quàm raptu primi mobilis, circumferri. Motus autem ille rectus proprius, habet imaginem circularis: quia quò Cometa terræ vicinior, & maiorem parallaxin subit, eò depressior apparet: cùm verò ascensu parallaxin diminuerit, versus zenith & verticem nostrum se admouisse iudicamus. Imaginem huius rei tenuem, sed facilem intellectu, in alaudâ aue habemus: quæ se rectâ in cælum leuans, speciem tamen sub circulo maximo volantis præbet. vbi enim primùm terram deserit, segmento circuli horizontem tangenti respondet; deinde paulatim ascendendo, reliquis eiusdem circuli superioribus segmentis subuolare apparet. Idem fit in sagittâ rectâ sursum emissâ, ac per axem ipsam horizontis.

Hæc sententia prope verum est, sed nequedum attingit. Nam, vt optimè aduertit Camillus Gloriosus, nullus vnquam Cometa per verticem nostrum transire parèret; quod tamen nouissimus iste anni 1618. fecit. Sequere enim oculo, aut imaginatione alaudæ aut sagittæ illum volatum, & ad ipsum etiam Firmamenti fornixem producere, numquam trans zenith & caput tuum ire videbis. Deinde Cometæ supra Lunam nati, vix vno aut altero gradu progressum promoueunt motu proprio, toto tempore durationis.

Ita-

Itaque verius est, quod Keplero & Cysato nuper visum: Motum Cometarum proprium, traiectionem & transuersalem esse, non circularem aut rectam sursum. Similis, inquam, est traiectionibus illis ignitorum, quæ non lineam ad terram perpendiculari, sed obliquam, & ut Aristoteles loquitur, per diametrum quadrati deferuntur. Probatur, quia hac una ratione, & causa efficiens illius motus, & incessus sub eodem circulo maximo, & quidquid aliud est, quod tam impense omnes admirantur, utcumque sic expediri poterit. Nam aufertur sursum à proprio, & cum quodammodo animante, spiritu Cometa. oblique autem, à simili causa, quæ traiectiones aliarum, ut fulmen & stellæ cadentes, transuersim deuolant in terram. id est, gravitas in capite Cometæ residua, rixam aliquam baiulo & succollanti spiritui facit. itaque lineam transuersariam per ætherem, in altum traiecit, si perpendiculari, & à centro terræ educam non valet. medium etiam secandum, & non nihil fortè resistens, obliquitatem aliquam creare potest.

Eidem etiam circulo maximo subrepere apparet; quia linea illa traiectionis, recta est, quantum saltem hinc ex tanto intervallo cernere licet, & subtensa segmento circuli maioris. Imaginare globum tormenti oblique à cælo Lunæ (ut statue in angulo semicirculo, & sexto puncto elevationis, si vis) in polum Arcticum explodi, omniumque Planetarum vias traicere; sub circulo maximo & mediâ semper Firmamenti cameratione volantem hinc aspiceres, nisi tam parvus esset. existima iam sic traici à propriâ leuitate Cometam, & quod te deducere volebam, tenes. Interea tamen etiam motu ætheris ab Ortum in Occasum fluit, nec dissoluitur, quia æther tenuissimus, & facile se diuidi patitur ac cedit. ita alio magnæ nauis, à prora ad puppim, inambulans, nullum aëris ibi conclusi tenuisum experitur, etiam si hic cum naui in contrariam ambulanti partem tendat.

Inicio autem celerrimi sunt Cometæ; quia spiritibus tunc magis turgent, & viribus integris sunt; quæ paulatim deinde hac illâ, rarefcente à calore & radio solari halitu, se expirant. Quia verò quandoque circa medium plurimi spiritus simul & subito in raritatem dissoluuntur, qui antea pigri & densiores erant, ideo in saltus quosdam aliquando visus se concitasse Cometa. Deinde in principio, cum videlicet terræ propinquior est, æquales partes lineæ traiectionis eius, maioribus circuli in cælo maximi segmentis subteni videntur, ideoque Cometæ caput ocyus mo-

ueri, vt à paullisper etiam in Opticâ exercitato faciliè intelligitur.

Sed quare plures Cometarum in Septemtrionem motu proprio nituntur? Hic hæreo. nec scio quid extricem, nisi hoc sit: Raptus ætheris à Planetis eum secantibus, aut, si mauis, à primo Mobili, ab Ortum ad Occasum, circa Æquinoctialem & cæli medium, quàm circa polos Mundi, rapidior est. & hinc Cometa in æthere Zonæ torridæ natus, & eum traicere sursum obnitens, in latus, vbi clementior raptus, & æther veluti stagnans, sensim deducitur: sicque leuitate Cometæ molliorem transitum veluti quæritante, ad polos Mundi, Austrinum aut Boreum submouetur. nisi hîc iterum ploras, & imploras opem Angelorum.

ARTICVLVS V.

De magnitudine, & duratione Cometarum.

Cometæ primo exortu plerique omnes maximâ mole apparent: & quia terræ propinquissimi, & quia carpuntur deinde, ac rarefcente capite cerebrum & spiritum vitamque postremò erogant.

Si autem veræ sunt hypotheses Astronomorum de amplitudine Planetarum, & inter eorum orbes Cometæ penetrant, non potest, quin hi etiam ingenti mole sint, cum ex tam altâ distantia & diametro satis amplâ & insigni à nobis conspiciantur. Hinc Cometam anni 1577. die 13. Nouenib. cum primùm ab eo visus, eratque apparens diameter 7. minutorum, distantia verò ab oculo, 210. terræ semidiametrorum, statuit Tycho bis ferè Lunâ minorem, habuisseque in verâ diametro, milliaria Germanica 368. Notissimum autem istum anni 1618. Cysatus 550. milliariis Germanicis per ambitum circumscribit. quem proinde duobus vix mensibus quis circumcurrisset quotidiano decem milliarium Ger. itinere. diametro autem eius milliaria Germ. 175. donat. Regiomontanus verò diametrum Cometæ anni 1475. ad 16. milliaria Ger. Vogelinius alterius, anni 1532. ad vnicum milliare & quadrantem, restringit. Sed Tychoni, & pluribus videntur aberrasse in metiendâ distantia à terrâ, ideoque capitella istorum Cometarum nimium circumcidisse.

Longitudo cometæ etiam est inconstans & incerta. Tycho in caudâ sui Cometæ anno 1577. sex & nonaginta terræ semidiametros (quarum quælibet 860. milliaria Ger. continet) Cysatus in barbâ

barbâ anni 1618. cùm prolixissima fuit, quadringentas quadraginta quinque, id est milliaria Ger. 382700. inuenit. vnde septuagies totum terrarum Orbem circumligare per circulum maximum potuit. Suffecit tamen Vogelino, syrmati Cometæ anni 1532. milliaria Ger. 182. dedisse.

De duratione Cometarum, lib. 2. cap. 25. sic decernit Plinius: *Breuiſſimum quo cernuntur ſpatium, ſeptem dierum annotatum eſt; longiſſimum, octoginta.* Mendum tamen hîc ſubeſſe, & litteram C. numero excidiſſe putat Muretus, & Plinium ſcripſiſſe, *longiſſimum, C. octoginta.* Conſentienter ſcilicet magno Senecæ, qui lib. 7. Nat. cap. 21. *Sex menſibus hic*, inquit, *quem nos Neronis Principatu latiſſimo vidimus, ſpectandum ſe præbuit.* Reuerà enim hunc ignorare non potuit Plinius, qui tunc etiam vixit, & omnia ſciuit. dies autem 180. ſex menſium æquant ambitum. Iosephus tamen Xiphiam quemdam toto anno ſupra Ieroſolymam pependiſſe narrante eius excidium. Sed tam pertinax duratio eſt inſolens in Cometis. aſtra verò quæ nouitia, & attonſo capite ſine comâ eſfulgent, vitaliora ſunt. nam Caſſiopæarum anni 1572. ſolidum anuum & trientem, alterum in pectore Cygni annos iam 26. edurauit, apparetque non valdè feſtinare ad interitum. Tota diuerſitas durationis in materiæ contumaciâ, & propinquitate viribuſque Solis reponi debet. tam diu enim Cometes viuît, quâ in materia contra digerentes ſe diſſipanteſque radios continere valet. Nouitia autem ſidera faciliùs fortasſe ætatem ferunt, quia altiſſima, & ipſi Firmamenti concamerationi fermè adhærent, adeoque non pleno illo (vti Cometæ) & torrenti radio Solis, è vicino perfunduntur, ſed extremo ſolùm & morienti mucrone, ac blando mollique Fixarum lacte inalbantur. Porro ætas Cometarum magis ſolemnis, eſt trium aut duorum menſium, aut ſex hebdomadarum. tanta enim ferè Cometæ anni 1475. 1577. 1618. & aliorum paſſim.

ARTICVLVS VI.

Quo tempore anni plures Cometa.

Omibus anni menſibus Cometas quandoque exoriri, ſed plurimos tamen autumno & hieme, hiftoriarum fide oſtendi poteſt. Cauſſa obſcura: & quæ ſine dubio Ariſtotelem pertraxit, vt Cometas omnes, terreſtres decerneret, trabium ſcilicet & caprarum igneos fratres: qui, vt cetera meteora ignita, ideo autumno praci-

præcipuè vifantur, quia multæ tunc æftiuorum halituum reliquæ in aëre etiamnum pendent, quas Sol imbecillus & ad Capricornum recedens, abſumere non valet, aut diffipare ne in vorticem coëant, & Cometæ nodum. Et profeçdò argumentum validum apparet, ac quod terreat primâ ſpecie. Sed benè inſpectum, non facit. Cùm enim Cometæ quidam, etiam circa altiffimos Planetas, & ad ipſum præne Firmamenti fornicem conſiſtant, non poſſunt tam breui aliquot menſium ſpatio, imò neque multis annis, à terrâ, etiam ocyyſſimo aſcenſu, ad illam altitudinem peruenire. Globus enim tormenti rectiſſimâ lineâ & per axem horizontis in cælum exploſus, vix annis nonaginta ad Firmamenti contactum pertineret, etiam ſi horis ſingulis milliaria ducenta peruolarer; cùm tamen centum ſolùm & octoginta faciat. expertum enim eſt, ſingulo quoque horæ minuto, tria circiter ab eo percurri. Vide ergo, quor annos exhalationem terræ tantò ſæpè lentiorẽ, & tranſuerſario, non recto, motu expulſam, impendere oporteat, vt ad iſtam excelsitatem, vel dimidiam, aut quartam eius partem aſcendat. Non igitur ea quæ initio autumnĩ, aut æſtate antecedenti adhuc in terrâ fuit, poteſt in fine illius, aut hieme, tam alta ſuſpici.

Deinde Cometæ quos autumnò hic adſpicimus, non *Διόςκοι* noſtri plerumque & terrigenæ ſunt; ſed è Zonâ torridâ, vt nuperus anni 1618. aut aliunde, ad Septemtrionem veniunt. Igitur ſi exhalatione terreſtri conſtant, non è climate noſtro aut Zonâ hac temperatâ, ſed ex aliâ, vbi autumnus fortè non erat, in cælum aſcenderunt.

Dico ergo Primò: Autumnò plures apud nos Cometæ terreſtres & ſublunares, eâdem de cauſâ, quâ frequentiora meteora alia ignita, ſunt.

Dico Secundò: Etiam Cometæ cæleſtes tunc faciliùs concreſcunt; quia Sol à Signis Septemtrionalibus diſcedens, halitus Planetarum corporibus extractos, in nubem & Cometæ globum ſinit coire.

Dico Tertiò: Aliquando à Sole circa æquinoctium autumnale, & vltà in brumam ſe verſante, euadunt in Septemtrionem Cometæ: quia materia ibi reſoluta, vires radorum citius effugit (Sole præſertim in contrariam partem tendente) quàm diſpergi valeat, aut digeri.

Dico Quartò: Magnis Planetarum coniunctionibus enaſcuntur non rarò Cometæ; quia cœtu illo, & mutuâ è vicinio irradia-

diatione spiritum fortè eliciunt , & materiem Cometarum.

Dico Quintò: Non solùm raptus Cometarum ab Ortu ad Occasum rapidissimus est, quia 24. horis circumcurrit circulum, orbitæ alicuius Planetæ parem: sed etiam motus proprius, quo è Zonâ torridâ v.g. paucis diebus in Septemtrionem elabitur & nostrum autumnum. Quod facillè æstimabis, si perpendas, vnum aut alterum gradum, quem quotidie conficit, in cælis siue circulis Planetarum, multorum milliarium esse spatium.

Finieram, nisi hæc etiam clausula venisset in mentem. Cur motus proprius quorundam Cometarum, in fine, cochleæ instar, se torquet, & paullisper à circuli maximi segmento deflectit? hoc enim Doctiss. Cysatus, hoc Eruditiss. noster Godefridus VVendelinus, Vir ampliore fortunâ dignissimus, in Cometâ anni 1618. notauit. Non existimo, quia plures stellulæ, ex quibus Cometa compactus sit, in vnâ Mundi partem, quàm alteram discedant, vt putat Cysatus (hanc enim Cometæ, è sideribus quæ nunc gregatim incedant, nunc se iterùm dispergant, concretionem iam antè reiecitimus:) sed quia Cometa extremis admotus, euavidus, & vacui ferè capitis, tenui & imbecillo spiritu vectus, facillè se motu raptus, aut ab aliâ causâ, in latus depelli finit. vel certè, quia circa finem reliquæ spiritus se hæc illâc displodunt, aut effundunt, & titubatione agitant velut ebrium caput. Imago huius in pyrobolis nostris est. puluis enim initio multus & accensus rectâ sursum aufert: in fine verò rectitudinem torquet & deprauat.



LIBERTI FROMONDI
 METEOROLOGICORVM
 LIBER QVARTVS:
 De Ventis.

Psal. 134.

Ecclef. 11.

Ioan. 3.



VENTORVM scientiam in difficili & abdito esse significat Regius Psalter: *Qui producit ventos de thesauris suis*. id est, potentiâ Dei secretissimâ, & ditissimâ, quæ numquam exhaustiri potest; vt interpretatur Illust. Card. Bellarminus. & Ecclesiastes: *Quomodo ignoras quæ sit via spiritûs*, id est, venti, & quâ ratione compingantur ossa in ventre pregnantis; sic nescis opera Dei, qui fabricator est omnium. & Veritas: *Spiritus ubi vult spirat, & vocem eius audis, sed nescis vnde veniat, & quò vadat*. Nos tamen quod meditatio & longa observatio docere potuit, enarrabimus.

Ac in primis, quod solemus, doctrinam Aristotelis, & causas ventorum in compendium dabimus: omniaque deinde in disputationem longiorem mittemus.

Causa ventorum materialis Aristoteli, est *exhalatio sicca & cruda*. Formalis, *motus ille transversalis per terram*. vnde quia ventus, compositum quoddam accidentarium est ex halitu & motu illo locali, immobilis (quod mireris) est; quia forma & motus quo constat, transferri idem numero nequit de loco in locum. sola ergo exhalatio, quæ materia venti est, mutat locum. Causa efficiens proxima est illa quæ in halitu producit immediatè venti formam siue motum. Est ergo *impetus quidam*; si verum est, impetum distingui à motu, & esse instrumentum generale omnis alterius causæ mouentis, ad efficiendum localem motum. Ille verò impulsus, vel ex repulso nubium, vel à propriâ exhalationis refrigeratæ gravitate nascitur; vt docebimus statim. Causa finalis est, *euentilatio aeris, & utilitas animantium*. præter ceteros effectus, ad quos, vt fines, adhiberi possunt venti, vt cernere erit infra.

CA-

CAPVT I.

De causâ materiali ventorum.

ARTICVLVS I.

Materiam venti non esse aërem.

PLRIMI Veterum, vt apud Aristotelem & Plutarchum videre est, aërem in materiam ventorum traxerunt. quos postea nuper secuti Cardanus lib. 1. c. 1. Variet. Copernicus lib. 1. cap. 8. Reuolut. Bodinus lib. 2. Theatri, Benedictus Epistolâ ad Pancrat. Melanum. His omnibus placet vetusta Hippocratis definitio, Ventum nil aliud esse, quàm *aëris fluctum*. Et disertè dudum ante ipsos Seneca lib. 5. Nat. affirmat, aëra tranquillum hoc à vento distare, quod à flumine lacum.

Vt ergo aqua lacustris, si per alueum effluere incipiat, fluminis accipit nomen: ita aër silens & stagnans, ventus fiet, si in vnâ aliquam partem impetum ceperit, & spiret. Et profectò ventum aut ventulum sæpè sumi pro fluctu aëris flabellati, non est dubium. Terentius:

Cape hoc flabellum, & ventulum huic sic facito.

quod Græci *πνίγξ* dicebant, vt ad Varronem notat Ios. Scaliger. Imò Aristoteles ipse sect. 23. Problem. consentienter Veteribus, quos tamen in Meteor. refellit, Ventum definit, *αἴρῳ σύρωσιν*, *aëris impulsus*. Et facillimè omnium hanc sententiam defendere possunt, qui ventos omnes etiam ordinarios ab Angelis cieri docent. quis enim tam hebes, vt non facilè intelligat quomodo caelestes illi Æoli aërem huc illuc propulsare, & in ventum exspirare possint?

Aristoteles tamen lib. 2. Meteor. cap. 4. materiam venti exhalationem & vaporem itatuit, non aërem Elementarem. cùm verò in Problem. ventum, aëris impulsus dicit, aërem, vt sæpè etiam in Meteoris, pro spiritu & exhalatione capit, vt rectè in Theoriâ ventorum notat Eruditiss. Romanus noster.

Refelluntur ergo Veteres, & eorum hodie sectantæ, quia fluxus ille aëris transuerfalis, vel naturalis est, vel contrà, aut præter naturam. Non naturalis, quia aër animal non est, vt somniant

In Eunuch.

Stoſci, quod ſponte ſe in omnes differentias ſitûs impellit, ſed corpus inanimum, quod in medio grauiori, leuitate ſuâ ſurſum, in leuiori, grauitate deorſum, rectâ tendit.

Si autem motus ille contra aut præter naturam eſt, ergo ab aliquo extrinſecus impellente fit. Quod autem erit illud? Certi quidam Planetarum aſpectus, & ventofæ influentiæ, inquierit Aſtologi. & lib. 4. cap. 3. t. de Angelis, conſentit Erudiſſ. Franciſcus Suarez. ſi enim Luna mare ab Ortu in Occaſum, Sol tot flores & heliotropia circumducit, cur etiam ipſi, aut certè alia ſidera, non valeant aërem in ventum trahere aut propellere? Sed profectò ſideribus non ineſſe vim aëris attrahicem aut expultricem, inde patet, quòd aliàs omnes venti ſemper aut diuſſimè in vnâ mundi partem inclinarent. ſi enim atraherentur, ſemper ſequerentur ſidera exorientia, ab Ortu ad Occaſum, vt mare Lunam, & heliotropia Solem. ſi repellerentur, ſidus quod vim exſtimulandi aërem in Septemtriones haberet, illorſum omni die, exorientis propelleret. Hoc autem experientia longè reſpuit. ſæpè enim ſub omnibus iſdem ſideribus aër contrariis ventis iactatur. vt hodie flat Auſter, cras eodem horæ puncto Boreas, vt ſæpè obſeruauī, nullâ in vllo ſiderum aſpectu factâ inſigni mutatione.

Theologi quidam malunt ab Angelis concitari & ventilari aërem. Sed eos ab hoc miniſterio remouebimus, vbi cauſam efficiẽtem ventorum diſputabimus. Alij rarefactione aut condensatione huc illuc affluere, & ſic in ventos & fluctus abire: quos etiam ibidem reſellemus. Itaque præter aërem ſpiritus alius, qui per ipſum fluat & terebret, neceſſarius eſt, vt proximo Articulo oſtendemus.

ARTICVLVS II.

Halitum, venti materiam eſſe.

NVlla enim alia ſtatui poteſt, ſi aër elementaris, quem iam antè reieciimus, non eſt. Deinde, venti procelloſi, vt Lib. 2. docuimus, exhalatione calidâ & ſiccâ, inſtar fulminis, generantur; igitur veriſimile eſt, eandem eſſe materiam ceterorum. Tertid, nautæ vehementiſſimos & turbulentiſſimos ventorum circa Promontoria & littora experiuntur, vt Ioſ. Acosta lib. 3. hiſtor. Indic. cap. 8. fatetur. quia ſcilicet halitu è vicinâ terrâ reſoluto conſtant, qui initio & integris viribus valiſſimus eſt, laſſatus verò ſpatio, &

debi-

debilitatus peruenit in altum mare. Vnde Christoph. Columbus, Indiarum ille repertor, coniecit terram vltra Oceanum Atlanticum esse, quia inde venti satis validi & feroces affluerent. Quare, nisi exhalatio materia ventorum sit, nulla causa est, cur Etesiz & alij venti solemnes, certis anni temporibus adspirent. Item, cur post pluuiam plerumque sequi soleat ventus. Terra enim mollita & tabefacta, facilius Soli obedit, & dissoluitur in exhalationes, quæ deinde ventis cedunt in materiam. Exhalatio tamen terrestribus mera numquam est tota materia venti. Multos enim vnâ vapores perplexos & permixtos trahit. aëris etiam aliquam partem ante se agit, sequiturque deinde alia à tergo, vt repleat vacuum. Breuiter, cogita flumen aliquod rapidum aut torrentem in mare incurrere, aquas eius, canali per eas facto longè terebrantem, & vndam ante se propulsantem: & venti per aërem fluentis habebis imaginem. Denique, rubedo cæli, & omnia signa ventorum, indicant spiritus aliquos in sublimi hætere, qui breuî in flatus defluent.

CAPVT II.

De causâ efficiente ventorum.

ARTICVLVS I.

Raresactionem, aut condensationem, causam efficientem ventorum omnium non esse. Aduersus Vitruuium, & Io. Bapt. Benedictum.

CAUSAM efficientem ventorum remotam hîc non querimus. illa enim eadem est, quæ omnium Meteororum: Sol nempe, aut alia causa resoluens exhalationem. Proximam ergo inuestigamus, quæ motum illum obliquum imprimit, qui est vltima forma venti. Et quidem si impetus est qualitas secundæ speciei, & potentia naturalis immediatè efficiens omnem motum localem, vt plerique Louanienses hodie censent, etiam motus ventorum erit proximè efficiens. sed alibi ostendam, impulsus illum non esse qualitatem, sed ipsum localem motum. Volumus ergo nunc scire causam, quæ de vento transuersalem illum impulsus.

Vitruuius lib. 1. cap. 6. putat eum à calote aërem rarefaciente

excitari. & probat hoc exemplo. *Fiunt*, inquit, *Aeolipila aræ*, *caua. ha habent punctum angustissimum, quo aqua infunduntur, collocanturq̃, ad ignem. & antequam incalascant, non habent vllum spiritum: simulac autem feruere ceperint, efficiunt vehementem flatum. Ita scire & indicare licet è paruulo breuissimoq̃, spectaculo, de magnis & immanibus cali ventorumq̃, natura rationibus.* Existimat ergo, vt aqua in pilâ seu sphærâ illâ aræ rarefacta, per angustias foraminis se expirat; ita aërem subitâ rarefactione diffuere in ventum. ideoq̃ue ventum definit, *Aëris fluentem vndam.* Idem ferè Benedictus: *Nec Aristoteles*, ait, *nec alius ex eius fautoribus animaduertit, varum mediante calore, & densum mediante frigore, esse causam ventorum.* Et probat, quia si nubes Solem lucentem subear & obscuret, statim aliquâ aurâ perstringi nos & afflari sentimus. non quia aliqua tunc exhalatio magis adspiret, quàm antè Sole extra nubilum splendente; sed quia aër circa nos subitò à nube inumbratus, se frigore colligit & condensat, quique remotior erat, ad nos conuolat & circumfluit. Et in parte saltem accedit Seneca lib. 5. Nat. cap. 6. *Aliquando per se ipse Sol*, inquit, *caussa venti est, fundens rigentem aëra, & ex denso coactiq̃, explicans.* ostenditque in flatibus antelucanis, qui moueri & extimulari solent sub auroram. quia etiam antequam Sol appareat, *lumine ipso valet*, inquit: *& nondum quidem aëra radiis impellit, iam tamen lacepsit & irrisit, luce pramissâ.* Otto autem Sole, vis eorum relanguescit, quia spiritus nimis tenuatur, & tepore diffunditur. vnde numquam vsque ad meridiem tales auræ producuntur.

Verùm licet Sol, aut etiam Aurora exorients, aëra nocturnum, frigore rigentem & densatum, item vapores & exhalationes in infimâ regione hærentes, in blandam & leuem auram tepore suo relaxet: hæc tamen validissimorum illorum flatuum causa esse non potest.

Probatur Primò: Quia pleno sæpè meridie, v.g. quando aër plenam & totam raritatem habet, quam illo die à Sole accipere potest, repentè existunt venti: nec tamen à rarefactione aëris, quæ nulla est; neque à condensatione, quia suppono etiam nullum ei accedere nouum frigus, quod densaret.

Secundò: Incredibile est, ventos autumnales validos & feroces, qui tantas sæpè edunt strages, solâ aëris rarefactione aut densatione commoueri. Recordor tamen etiam (ne oblitum putes) quantis viribus, fulmina & procellæ è nubibus, flamma pulueris accen-

fa, è tormento, ob subitam rarefactionem, erumpant: sed maxima & ignea, ac repentina rarefactio, item angustiae loci, in quo exhalatio vel flamma constingitur, vehementiam illam faciunt aut intendunt. Aër verò quem in ventos rarefcere volunt, liber & solutus per totam infimam regionem expanditur, nec tantâ celeritate & impetu rarefcit, quantâ flammæ fulminum, aut exhalatio turbine fumida, feruida, & pænè flammans: sed molliter & sine angustiarum vllâ resistantiâ funditur.

Tertio: Æstate, quando calore maximo rarefcit, aut hieme, quando frigore densatur aër, plurimi & acerrimi venti eum exercerent. contrâ tamen est. & plures ac aciores per ver & autumnum discurrunt.

Quarto: In omnem differentiam positionis, sursum, deorsum, antrosum, retrorsum, & vndique in orbem, calore rarefcit aër: ergo quando Louanij rarefcet, Thenenses, qui nobis siti ad Orientem, ab Occasu Zephyrum, Bruxellenses, ab Ortu Subsolanum, Mechlinienses, à Meridie Austrum, Namurcenses, à Septemtrione Boream, Louanio tanquam omnium ventorum istorum centro, spirare sentient. quod tamen palàm falsum. Tam vicinæ enim ciuitates vnum eundemque, vt plurimum, ventum vno tempore habent.

Si verò aëris condensatione venti oriantur: sit ergo iterum Louanienfis iste aër qui condensatur. huc igitur ab Ortu, Occasu, Meridie, Septemtrione, rarior aër confluet, veluti in centrum circa quod fit condensatio: atque ita ab omni parte cæli vndique simul venti nos incurrunt. quod etiam refutat experientia. Si dicas, nunquam contingere, vt Louanij tantum, & non in aliis circa regionibus, sic condensetur: demus hoc, tantumdem enim conficiemus. Itaque totius Brabantiae, aut etiam Belgij, aër gelu constingatur, venti ab omni Mundi cardine in Belgium concurrent: cum tamen vnicum tunc plerumque ventum, vt Boream, aut alium frigidum, regnare experiamur.

Quinto: Venti gelidi & hiemales, vt plurimum, frigus & densitatem illam in aëre producant: ergo prius est, ventum hiemantem spirare, quàm aërem addensari. ac proinde condensatio caussa venti non est, sed effectus.

Denique: Quando aër condensatione colligitur in minus spatium, ille qui circumiectus est, aliquantum quidem se promouet, metu vacui, vt impleat locum, ab eo qui condensatur, relictum; sed

non

non instar torrentis se per aërem illum densiorem effundit; nec, vt venti solent, transcurrit integram regionem; sed in vicino consistit, quia periculum vacui non flagitat motum vltiorem.

ARTICVLVS II.

Motum venti non propriè fieri repulsu exhalationis à nubibus, vt plerique existimant.

Peripatetici pænè omnes ventum à nubibus, aut frigore mediæ regionis, deorsum repelli docent: ideoque motum obliquum esse, quia exhalationis leuitas sursum nititur contra repercussionis ictum, qui rectà deorsum tendit: ex quâ rixâ motus in latus deflectit, & fit transuersalis.

Dico Primò: Nubes non repellit deorsum exhalationem venti, vt paries pilam lusoriam solet. Probat: quia licet exhalatio maximo impetu sursum ferretur; nubes tamen, quia mollis est & rara, non ita se ei obicit, vt transitu arceat. vapor enim nubium, quamdiu non depluit, rarior est aëre infimæ regionis, vt Lib. 5. ostendemus. Itaque ventus potius nubes pertundet, & se transferabrabit, quàm deorsum, impetu præsertim tam valido, resiliet. Deinde, primo statim exhalationis ictu turbabitur & confundetur figura nubis: vnde secunda exhalatio in aliam figuram impacta, in aliam partem quàm prima reflectetur, fietque vt numquam diu ab eodem cæli puncto & per eandem lineam spiret ventus.

Dico Secundò: Nec frigus mediæ regionis habet propriam vim repellendi exhalationem calidam. Probat, quia inter qualitates primas non est talis antipathia, quâ se virtute aliquâ loco motuâ abigant & repellant, vt magnetes aliqui ferrum, aliàs enim calor ignis aquam frigidam statim repelleret, & aqua ignem, ante qualitatum primarum actionem & reactionem: quod non experimur. calor ergo non aliter abigit frigus, quàm calefaciendo & rarefaciendo subiectum eius, dandoque ei leuitatem, quâ fugiat & mutet locum; frigus contrà, refrigerando, densando, & aggrauando caloris subiectum. Sententiam tamen quam iam oppugnamus, quidam credunt esse Aristotelis in libro de Mundo. sed liber iste, sine dubio, Aristotelis non est, vt docti pænè omnes fatentur. Libro autem 2. Meteor. cap. 4. hanc causam reddit obliquitatis motûs ventorum: *Ὅτι πᾶς ὁ κύκλος αἰὲρ συνίπτε τῇ φασγῇ. Quia omnis, qui in circuitu est aër, lationem consequitur.* Id est, licet exhalatio rectà

rectà sursum, vt ibidem ait, feratur, deorsum tamen obliquè retorquetur ab aëre supremæ regionis, qui raptum cæli sequitur ab Occasu in Occasum. Sed Alexandro Aphrodisio, summo Peripatetico, displicuit hæc ratio Aristotelis, & egregiè oppugnat: Sic enim, inquit, omnes venti ab Oriente spirarent: quia à motu illo supremi aëris detorquerentur ad Occasum, cum suprema regio motu cæli rapiatur in illam partem. Adde nunc, in altissimorum montium vertices flatus vix peruenire, vt Sect. 16. Problem. fateatur ipse Aristoteles: quomodo ergo ab aëre, qui ibi incipit in orbem cum cælo verti, deorsum repelli possunt ventorum exhalationes? Deinde, aër supremæ regionis qui sub polis est, languidiùs retorqueret flatus, quia tardiùs circuit motu cæli: cum tamen à Septentrione irruant ferocissimi venti. Denique, probabilius fortassis est, vt Lib. 1. docuimus, vicinum cælo aërem, ne hilum, aut non tam longè saltem à cælo trahi, vt motus descendat vsque ad aërem, qui circumfunditur cacuminibus excellissimorum montium. Itaque Sect. 26. Problem. aliam causam affert Aristoteles, quæ deinde placuit discipulo eius Theophrasto, multisque recentioribus, cum Doctiss. nostro Adr. Romano, lib. de Theoriâ Ventor. Affirmant, exhalationem partibus heterogeniis, vnâ calidâ, subtili ac leui, alterâ frigidâ, densiori & graui, constare. *Cum autem*, inquit Aristoteles, *aliterum sursum, alterum deorsum versus nitatur, & neutrum alterum superet, nec fieri possit vt ibi pendulum hæreat, obliquè ferri necesse est.* Igitur ex rixâ partium eleuantium & deprimentium oritur motus ille transuersarius ventosæ exhalationis. Quia enim leuitas non sat virium habet, vt rectà sursum grauitatem renitentem auferat, nec grauitas, vt leuitatem lineâ perpendiculari ad terram deducat; hinc vtraque iunctis & permixtis viribus, motum lateralem, ex rectis sursum & deorsum quasi compositum, facit. Verùm si tantopere leuitas grauitati resistit, vt tantam curuiatatem in motu venti efficiat, qui potest, vt vehementiâ illâ, quâ domos sæpè & arbores euertit, ad terram se allidat? Deinde, si grauitas absolute leuitatem superat, (quod necesse est, vt ad terram veniat) cur non rectà deorsum potiùs, licet tardiori motu, exhalationem detrahât? Dices: Rariotes spiritus materiæ grauiori permixti, & eam rectà à centro terræ sursum subleuant, impediunt ne recidere possit contra directum eorum nixum, ideoque defluit obliquè in latus. Verùm, licet id intelligi queat, si materia illa venti densior & grauior, solida sit, & impediât, ne liberè transpirent inclusi spiritus: cum ta-

men tota fluxa sit, & motu illo, quo discerpitur & diffluit, laxissimum exitum det omnibus partibus leuioribus; nō satis capio, quomodo contra partium grauiorum propensionem sic renitentur, vt necesse sit motum obliquare. Conimbricenses igitur Tract. 6. Meteor. cap. 3. cū viderent hæc non planè satisfacere, ad influentias siderum recurrunt. Sed antè id reiecinus, artic. 1. cap. 1. huius Libri. Nec etiā Eruditiss. illis Viris vsquequaque placuit. addunt enim: *Verū, vt ingenuè fateamur, hoc vnum (motus ventorum) est ex his, quæ in natura contemplatione, magnā ex parte latent.* Ideoque aliquis fortè inueniatur, qui in Deum immediatè referat, quia dicuntur venti Psal. 134. produci de thesauris eius. Item Amos c. 4. *Formans montes, & creans ventum, faciens matutinam nebulam.*

Sed tales & tam ordinarios effectus non solet operari causa illa prima, sine ministerio secundarum: licet ei passim tribuantur. vt Psal. 73. *Tuus est dies, & tua est nox, tu fabricatus es auroram & Solem. Tu fecisti omnes terminos terra, æstatem & ver tu plasmasti ea.* Diem tamen, & auroram, æstatem, & ver, non facit nisi per Solem & sidera. Alij ergo paulò molliùs & probabiliùs onus mouendi ventos in Angelos reclinant.

ARTICVLVS III.

Angeli non sunt ventorum ordinariorum Aeoli. Aduersus Bodinum, & quosdam alios.

DVbium non est, quin Deus operâ Angelorum vtatur quandoque in excitandis tempestatibus, & insolente motu ventorum. vt Ionæ cap. 1. *Dominus misit ventum magnum in mare, & facta est tempestas magna in mari.* & Exod. 10. *Dominus induxit ventum vrentem totâ illâ die & nocte: & mandâ factô ventus vrens leuauit locustas.* Quæ sine dubio patrata sunt ministerio Angelorum; quos in talibus adhibere solet. Psal. etiā 77. plagæ illæ Egypti vocantur, *immissiones per Angelos malos.* Dæmones etiā permissione, et si non iussu diuino, sæpè ventos & procellas mouent, vt Iobi cap. 1. *Repentè ventus vehemens irruit à regione deserti, & conculsit quatuor angulos domus, &c.* Magi quoque Septemtrionales, ventos secundòs nauigantibus vendunt: & Rex Sueciæ Erricus, vnde cumque collibuisset, status adspirantes pileo euocabat. vnde & ipse, *Pilei ventosi* cognomentum accepit. Aristæus deinde in Græciæ maris Ægæi insulâ, deficientes aliquot annis Etesias, sacrificio Ioui

Ioui peractò, reuocauit, vt auctor Theophrastus libro de Ventis Plutarchus etiam in Lucullo illustre exemplum habet. Cùm Michridates Rex Ponti validà classe urbem Cyzicum premeret, laboraretque cum depellere Lucullus, Proserpina, cui fortè dies tunc festus erat, Aristagoræ, Magistratui vrbis à secretis, nocte apparuit: & *Cras, inquit, tibi cinem Lybicum cum tubicine Pontico committam.* Enigma non intelligebatur, donec luce iniequente, Auster ferox & truculentus à Libyâ adspirans, tempestate commotâ, Ponticam classem & omnes machinas Mathematici Niconidis collisit, & diffregit.

Tales ergo extraordinarij status, sine dubio Angelorum bonorum an malorum effectus sunt. Sed de omnibus alijs etiam, qui ordinariâ lege fluunt, idem existimat lib. 2. Theatri Bodinus, & hic Louanij Philosophi quidam; à quibus aliquando propius, quàm nunc, abfui.

Sed tamen ostendi potest, Primò, ex Scripturâ sacrâ. Psal. 17. dicitur *Deus ascendere super Cherubim, & volare super pennas ventorum.* & Psal. 103. *Qui ponis nubem ascensum tuum, qui ambulat super pennas ventorum.* Curius ergo & quadrigæ diuinæ, sunt nubes; equi vectores, venti; aurigæ, Angeli, quos Cherubim vocat; sagittæ, fulmina quæ è nubibus iaciuntur, vt Illustriss. Card. Bellarminus commentatur. Veluti ergo equi ab aurigis insidentibus, ita Pegasi illi ventorum ab Intelligentiis reëtricibus incitantur. Idem etiam fortasse significatur Psal. 134. *Qui producit ventos de thesauro suis.* Thesauri enim Dei, Angeli dici possunt, in quibus ipse tot diuitias recondidit. Denique Apoc. 7. S. Ioannes vidit *quatuor Angelos stantes super quatuor angulos terra, tenentes quatuor ventos, ne flarent super terram, &c.* Ergo penes eos est ventorum arbitrium.

Secundò: Angeli, opinione Aristotelis & D. Augustini, mouent cælos; quidni etiam idem faciant ventis? certè enim vtilitas quæ animantibus provenit à ventis, flagitare videtur, vt res tanta non committatur nisi causis intelligentibus.

Tertio: Huc trahi potest, quod narrant quidam: in toto littore Peruiano, seu illâ Americæ longitudine quæ mari Pacifico adiacet, duos tantùm ventos, Australem & Occiduum, regnare. Item regiones multæ ventos quòsdam peculiaries & Prouinciales habent, vt Gallia Narbonensis Circium, Apulia Iapigem, &c. quorum causa penes Angelos esse videtur, qui aëra vel exhalationem in

hanc vel illam partem, pro libitu, flabellant. cur enim aliàs non omnes regiones omnes ventos promiscuè sentirent?

Sed hæc sententia displicet. Primò: quia non satis Philosophicum, & imbecillitatis signum est, tam sæpè ad inuitibilium causarum opem, quando aliter potest, confugere. Deinde, nullà certà lege flant venti, sed eodem aliquando die ter, quater, & sæpiùs variant: modò etiam acriùs, modò languidiùs veniunt ab eodem horizon- tis puncto. quæ irregularitas satis significat, non regi immediatè ab aliquà substantià intellectuali, in cuius operationibus constantia maior & lex certior animaduerti solet. Tertiò, cum in omni terræ puncto incipiat aliquis horizon, vbique disponendi erunt Angeli, aut nullibi: cum nulla sit maior ratio vnius horizon- tis, quàm alterius. Quartò, aliqui venti tantùm die, alij nocte, sunt qui vere, aut autumnò, vel alià parte anni flare amant. quorum ratio reddi non potest, si Angeli ventos arbitrio fruantur aut laxant: potest verò, si statuatur alia causa mouens.

Ad Primum ergo fateor cum D. Damasceno, *Angelos curare terra certas partes, præfectosq; gentibus & locis.* & cum D. Hieronymo cap. 28. in Ezech. *Traditas esse Angelis ad regendum Provincias, quasi Iudicibus, ab Imperatore.* & cum D. Aug. lib. 83. q. 74. *Vnam- quamque rem visibilem in hoc Munda habere Angelicam potestatem sibi præpositam.* quod plerique omnes de speciebus rerum visibili- um, non indiuiduis interpretantur. Apoc. etiam c. 14. fit mentio Angeli ignium, & cap. 16. Angeli aquarum. Addamus Angelum aëris & terræ. nego tamen, naturales elementorum operationes plerumque per Angelorum ministerium exerceri. ignis calefacit, aqua frigefacit, aut per alueum fluminum delabitur, sine operâ Angelorum. Præfunt ergo solum elementis ad operationes extraordi- narias per ea exercendas, vt 1. p. q. 110. art. 1. ad 2. docet D. Tho- mas. & secundum modos quibus res corporeæ subsunt diuina regula in ordine ad finem prædestinationis, vt ibi Caietanus.

Ventorum autem status tam naturalis est, quàm lapsus flumi- num, vt postea videbis. Ex illis igitur Psalmis nihil aliud solidè colliges, quàm Deum Cherubinis, velut equis velocissimis, ve- ctum, subitò Dauidi & amicis suis contra hostes opem tulisse, id est, per Angelos extraordinariam fugam aut eadem fecisse: aut excitatis vndique ventis, & motâ tempestate, præsentiam suam of- fendisse, vt pulchrè Psal. illum 17. Iansenius noster interpretatur. Non vult ergo Psaltes, à Cherubinis esse ordinarios & cotidianos

status

flatus ventorum. Adde, ascensum super Chernaîm, ad Hieronymo intelligi de ascensu corporeo Christi super omnes choros Angelorum: & à D. Augustino, de ascensu super plenitudinem scientiæ (hanc enim significat vox Hebraica, Cherubim.) quia Christus charitatem omnem, quæ est plenitudo scientiæ, superauit, dum pro nobis posuit animam. Theauri etiam de quibus Deus ventos producit, non Angeli, sed potentia Dei abdita, sunt, vt initio huius Libri diximus; aut certè loca subterranea & ignota nobis: hæc enim propriè significat vox thesaurus. Patet ex vultu Epitaphio Poëtæ Næuij:

Itaque postquam est Orcino traditus thesauro,
id est, Orco subterraneo;

Obliti sunt Roma linguâ Latinâ loquier.

& Tertull. cap. 47. Apolog. *Si gehennam, inquit, comminemur, quæ est arcana ignis subterraneus ad penam thesaurus, decachinnamur.* Sic etiam sumptit verborum Psalmorum, *Ponens in thesauro abyssos.* id est, Pal. 11. aquæ molem, quæ initio totam terram operiebat, in subterraneis antris & cauernis. Locus etiam Apoc. tantum ostendit, Angelos extraordinario Dei iussu frangere posse, aut incitare ventos.

Secundum argumentum retorqueri potest in Auctores. Angeli enim mouent (si ramentum etiam faciant) cælos maxime regulari & compositissimo motu. nihil verò inconstantius vento. signum ergo est, huc illuc à causâ fortuitâ, non ab Angelis impelli. Nec premit, quod additur, de vtilitate ventorum: quia causæ naturales sunt sic ab Auctore naturæ dispositæ, vt necesse sit ventum aliquando in hanc aliquando in istam partem inclinare; sicque vnaquæque Regio valeat perfari, nisi montes aut alia obstantia flatibus obiciantur.

De Tertio, audiendus Iosephus Acosta Americæ scientissimus & incola. ait enim lib. 3. Histor. cap. 2. 1. litrus Peruanum ab Ortu cingi duabus catenis altissimorum montium (priores Sierras, alios Andes vocant) qui ventos Orientales & Septentrionales arcant. Trans verò illos, in Orientali Americæ parte, perpetuò Subsolanus flat ab Ortu. Non ergo Angeli hanc ventorum diuersitatem faciunt, sed lorice illæ montium. Imò mihi ecce hinc in Æolos istos cælestes nouum nascitur argumentum. Si enim locorum Genij ventos faciunt, cur nullus in montibus illis positus est, qui Peruanis ab Ortu spiraret? utilis certe fuerit is ventus; cum, vt idem Auctor ostendit, eius defectu nunquam toto anno circa

illud lictus pluat. Venti etiam Prouinciales, in altitudine aut humilitatem regionum, obstacula montium, aut plana camporum, an aliam causam, reiciendi, non in operam Angelorum.

ARTICVLVS IV.

Causam efficientem motus ventorum, non esse terræ pulmones. Aduersus Keplerum.

ERuditiss. Vir Io. Keplerus, Mathematicus Cæsarius, lib. 4. Harmonicæ cap. 7. terram ingens quoddam animal esse, multis argumentis & seridò affirmat, quæ per montium crateres & caminos, ceu os aut nares, ventos nobis expiret. Itaque veluti nos aërem, & interaneorum fuligines, ore, ministerio pulmonum, in obliquum effundimus; ita putat ventos à terrâ efflari, vitali actione, quâ pulmones, quos in visceribus ingentes habet, identidem dilatat & contrahit. Quod autem certis Planetarum aspectibus venti aut tempestates commouentur, inde, inquit, est; quia terra sympathiam cum cælo habet, & naturali instinctu siderum posituram cognoscit.

Verum terræ animationem Lib. sequenti, circa æstum maris, & longius in Libris de Animâ refellemus. Deinde, sepè venti ab alto mari, aut partibus etiam mediterraneis aduolant, vbi terra nullos caminos aut insignia spiracula habet. Tertid, plerumque crateres & spiracula montium & terræ, non in latus, sed sursum in cælum spectant: quid ergo spiritus in cælum directè euntes, in latus reflectit? hæc enim est proxima causa motus ventorum, quam tamdiu quærimus.

ARTICVLVS V.

Ventos gravitate suâ in terram defluere, ut torrentes & flumina per alueos.

CAusam enim aliam, post longam meditationem, reperire nullam valui. Probatur Primò, quia pluuia, grando, niues, & alia ferè cæli missilia, gravitate suâ delabuntur, cur non & venti possint? Certum enim est, exhalationes non minùs in nubibus & mediâ regione refrigerare & condensari, quàm vapores: siue à naturâ terræ, quam nondum amiserunt, siue à frigore vaporum & illius regionis. Ergo sublato æquilibrio exhalationes tunc recident, cum

cum in medio liquido & fluente, id quod propensius & grauius est, cadat semper infra leuius aut minus graue.

Secundò: Non in aliâ causâ facile acquiescam, cur autumnus plerumque ventosus, nisi quia exhalationes plurimæ æstate collectæ, tunc refrigescunt, & refluunt deorsum.

Tertiò: Rubedo nubium & Lunæ ventos significat, quia per confertas exhalationes aspiciuntur, quæ paullatim frigore densantur in ventos.

Quartò: Dic quare Sol calore suo comprimat ventos, & meridie non raro sopiantur diurni flatus? quia, credo, insigne frigus & densitas necessaria est ad ventorum fluxum, quam nimius calor impedit.

Quintò: Ideo à polis & frigidis calî cardinibus plures & ferociiores venti, Aristotele & Theophrasto teste; quia ibi plus frigoris spiritum condensans. Hinc etiam fluctus ab Aquilone excitati, simulac ventus posuit, & renuntur & conflagrescunt, vt ex Homero & experientiâ notat Agellius lib. 2. cap. vlt. cum tamen post flatum Austri mare diu permaneat vndabundum. causa est, Aquilonis, frigidioris & grauioris, lapsus in mare magis rectus & præceps. vbi contrâ Auster, quia leuior & obliquior, propellit directè in latus vndam: ideoque diutius impetum & vacillationem retinet, quàm si fracta esset supernè. Fallor, aut idem significauit naturæ consultissimus Poëta:

*Incubere mari, totumq; à sedibus imis
Vnâ Eurasiæ, Notusq; ruunt, creberq; procellis
Æfricus, & vastos voluunt ad littora fluctus.*

Virgil.
Æneid. 1.

Nam eruere mare à sedibus imis, & voluere ad littora fluctus, est ventorum obliquè magis incidentium: quales Eurus, Notus, & Æfricus, qui in Europam non veniunt à frigido cardine.

Sextò: Matutinæ auræ, quæ à fluminibus aut lacubus molliter aspirant, planè videntur esse vapores antè sublatis, & leni frigeratione contracti, pondere suo relabentes. ergo simile erit in ventis illis grandioribus & legitimis.

Septimò: S. Iobum deduco in hunc sensum. *Qui fecit ventis* Iob. 1. 8. *pondus, & aquas appendit in mensurâ* Veluti enim Deus per causas secundas aquis grauib. leuitatem dat, & in nubibus suspendit: ita leuissimæ exhalationi grauitatem & pondus reddit, vt delabatur.

Denique, videtur id sensisse Aristoteles lib. 1. Meteor. cap. 3. negat enim in supremâ æris regione nasci ventos, quia nimius ibi calor,

lor, coagululum & condensationem exhalationis impedit. Deinde lib. 2. cap. 4. docet, Austrum à Tropico Cancrì & Zonâ torridâ facilius ad Septentrionem & polum Arcticum, quàm Boream ad Meridiem & eandem Zonam peruenire. cuius vna videtur ratio, quòd Boreas à polo, rectori lineâ & breuiori in terram, vt pote grauior, decidat; Auster verò calidior & leuior per lineam obliquiorem & longiorem in Septentriones effluat. Et Sect. Problemat. 26. comparat ventum cum aquâ fluminum. vt sicuti in Atho & excelssimis illis montium, nullæ aut parcissimè aquæ fluunt; ita venti ibi rarissimi. causa vtriusque eadem: quia insigne frigus abest, quod & vapores in aquam, & exhalationem in ventum cogat. vnde non pessimè lib. de Mundo Apuleius ventum definit, *Multum & vehemens in vnum coacti aëris* (melius tamen, exhalationis) *flumen*. Venti enim reuerà flumina quædam aëria sunt; quæ tamen non certo alueo feruntur, sed per vastum calispatium, lato impetu, vt eleganter Seneca.

Video tamen, his aut similibus telis oppugnari posse nostram sententiam.

Primò: Cur tam obliquè, & non, vt pluuia aut grando, ad perpendicularum, venti in terram cadunt? Deinde: Cur tam procul per superficiem terræ se euoluunt, vt patet in turbinibus illis, quibus puluis per ingentes aliquando & planos campos æstate contorquetur?

Georg. 1.

Ille volat, simul arua fugat, simul aquora verrens.

cerrè aqua pluuialis delapsa eodem loco adhæret, nisi eam torrens aliquis per decliue prouoluat.

Tertiò: Cur impetu tanto exhalatio aërem secat, cum aqua grauitate longè eam superet?

Quartò: Cur ab eodem cæli cardine tot aliquando diebus aut septimanis cadunt & effunduntur?

Vltimò: Venti passim omnibus dicuntur leues.

Ouidius
Met. 1.

— *Fugis ocyor aurâ*

Ille leui. —

Hæc aliquando visa mihi difficilia, sed non ob quæ veritatem deferamus.

De Primo respondeo, obliquitatem illam venti effici ab exhalationibus aut vaporibus, aut partibus aëris leuioribus, quæ perpetuò in sublimi scandunt, vt statuatur æquilibrium inter partes Mundi Elementaris. cum enim ventus exhalatio, propter ipsas sibi

obuias,

obuias, non possit statim rectà deorsum præcipitari, moræ impatiens, motum obliquat in latus. Quòd etiam conferunt quadam exhalationis partes, leues & nondum satis refrigeratæ, quæ permixtæ & intricatæ vento grauiori, deorsum vi detrahuntur. Denique aër multà & latà exhalatione decedente percussus & resistens, eam declinat & excutit potius in latus, quàm sinat rectà deorsum ferri. vnde etiam quia aër iuxta terram est densior, motum venti magis obliquat, quàm in sublimi. grando verò, aut guttæ pluuias exiguitate & rotunditate suà obstantia facillè secant. etiam si tamen ob easdem causas, vt equidem existimo, earum casus paullisper abeat à rectitudine perpendiculi.

Ad Secundum : Ventus post casum non statim quiescit, quia mobilitate suà à terrâ resilit, & alia exhalatio à tergo præcedentem delapsam in obliquum vrget ac propellit. Iuuat etiam, quòd exhalatio fugientem ante se aerem prosequatur, vt vacuum repleat. potissima tamen causa consistit in impulsionè sequentis exhalationis. quæ si frequentetur plaga, plagæ superueniens in longissimum spatium vrgeret & extunderet spiritum potest.

Ad Tertium respondeo, ventos, qui tantas vires ostendunt, & arbores ac ædificia sternunt, sæpè non ordinarios esse, sed procellosos: qui ab iisdem causis mouentur, quibus fulmina, vt Libro 2. enarrauimus. Deinde, ordinarij etiam, qui à refrigerio exhalationis nascuntur, maximum impetum colligere possunt, & ab insigni grauitate, & à multitudine materiæ, cuius vna pars alteri superueniens impulsu addit, & intendit motus celeritatem. vt enim illa acies maximo impetu ruit, & hostem facillè rumpit, in quâ posteriores præcedentium tergum vrget & propulsant: ita in vento fit. vnde vbi exhalatio prior exitum non reperit, alià à tergo premente, sæpè per obstantium stragem viam effringit. Sic Paschate illo ventoso anni 1606. & morte lustri Lipsij nostri famoso, ventus Occidentalis aræ & porticibus Illustris Monasterij S. Gertrudis Louanij inclusus, nec ab Oriente exitum inueniens, magnam & nouam ædificij molem arietauit, & tandem impulit in plateam. Aqua tamen (fateor) grauior est vento, sed etiam maiori impetu cælo decideret, si conferta, & non guttatim dispersa, prorueret. Aspice vires torrentium, qui non tantum domos, sed integros aliquando pagos, aut regiones proluunt, & mecum dices.

Quarti ratio est, quia quòd principium exhalationis incubuit, & viam secuit, ed ceteræ partes sequuntur. Durat verò pertinaciter

tanto tempore vnus ventus, vel quia exhalatio ibi simul refrigerata, multa est, vel quia alia & alia è terrâ aut aquâ eodem iugiter ascendit, statimque frigore correpta & condensata, eâdem semitâ defluit, quâ præcedens, & aër in illam partem incitatus, ducit. Pterio modo, ventus velut è lacu, posteriori, velut aqua fontana è cauitate subterranâ aërem aut vaporem in aquam perpetuò denstante, fluit.

Ex dictis etiam sequitur, quod notat Theophrastus, ventos initio, & vbi origini propinquiore, magis densos & confertos esse, & frigidiores. vt enim halitus efflatus ore animalis, aut fons in riuum aut flumen se exonerans, in principio compressior est, deinde dispersgitur: ita est in vento. frigus autem augetur densitate & vicinitate frigidatum partium exhalationis: nisi fortè ardentes aliquos spiritus contineat, qui motu excutiantur; & ita ventus refrigescat in cursu.

De vltimo, nulla difficultas. Aura & venti dicuntur leues, sicuti aues; quia celetes. vnde etiam finguntur pennati. Silius libro 1. de Boreâ:

Nunc ipsas alas frangit stridentibus Alpes.

& Iuuenalis Sat. 5.

— *Dum se continet Auster,*

Dum sedet, & siccatur madidas in carcere pennas.

Hinc Ælius Verus Cæsar, teste Spartiano, cursoribus suis alas apponebat, & vnum Boream, alium Notum, & ceteteris nominibus ventorum appellabat. Quidam tamen venti leuiiores aëre inferiori sunt, ideoque ad terram non perueniunt, sed per mediam regionem aëris, vel supremam partem infimæ discutunt. Testantur id mihi nubes, quæ quandoque ventis agitantur, nullo tamen apud nos flante. Item duplex sæpè eorum in contrarium, ab oppositis ventis, agmen est; cum tamen vnicum hic flatum expetiamur.

Lucret. l. 5.

Nonne vides etiam diuersis nubila ventis

Diuersas ire in partes, inferna supernis?

Alter ergo illorum ad terram non descendit.

Scio tamen multis incredibile fore, tantam in vento gravitatem esse, quæ tam validum impetum deorsum faciat. Sed talibus corrigenda imaginatio est, quâ sola corpora opaca insigniter graui reputant. Hi numquam credant, truncum arboris aquâ fluidâ & pellucidissimâ leuiorem esse, nisi vidissent supernatantem: aut aquam marinam, omni fontanâ pellucidiorē, & tamen longè pro-

propensioſiorem, niſi vocaſſent ad examen. neque hodie etiam adduci poſſunt, vt mecum affirmant, aëra inſimæ regionis tranſparentem & inuiſibilem, plus ponderis quàm opacas mediæ regionis nubes habere. Vitrorum etiam ac cryſtallorum perſpicuitatem, & vnâ grauitatem cogitent; & minùs vtramque iunctam mirabuntur in vento. fluiditas enim non repugnat cum pondere, vt aqua, & metalla fuſa faciunt fidem.

CAPVT III.

De cauſâ formali ventorum.

DE cauſâ formali, nihil ferè præcedentibus addo. Forma enim venti ſubſtantialis eadem eſt quæ exhalationis, & vaporis, ſi quis vapor permixtus eſt exhalationi. vnde quia vix aut numquam ventus purâ exhalatione conſtat, multiplex eſt forma eius ſubſtantialis: prout ſcilicet, terræ, & aliquorum mixtorum exhalatio, vapor, & aër, conſuſe in vno agmine venti fluxerint. Forma venti vñ meteorum eſt, ſtatuitur vulgò, curſus circa terram ille tranſuerſalis. hic enim compoſitum accidentarium, quod vêtum vocamus, conſtituit & conſumat. vnde ventus non mouetur nec currit accidentaliter & tamquam ſubiectum curſus, ſed prædicatione eſſentiali: quomodo ſedes v.g. figurata dici poteſt; quia figuram eſſentialiter includit. Cùm ergo ventus exhalatio appellatur, prædicatione cauſalis eſt, huic (ſedes eſt lignum) ſimilis. Niſi tamen quis malit ventum in recto ſignificare exhalationem, & in obliquo connotare ſolùm motum illum tranſuerſalem. Verùm ſic motus non erit propriè forma conſtituens venti vt meteorum eſt; quia non componet id quod in recto denominatur ventus. quod à receptâ loquendi formulâ abit. Hinc non ineptè proriſus, & ἀφ' ὁμοφωῶς verſus iſtos Virgilij admordet Seneca:

— Hic vaſto Rex Aeolus anſro

Luſtantes ventos, temp'eſtateſq; ſonoras

Imperio premis, ac vinclis & carcere franas.

Non intellexit, inquit, nec id quod clauſum eſt, eſſe adhuc ventum, nec id quod ventus eſt, poſſe iam claudi. Nam quod in clauſo eſt, quieſcit, & aëris ſtatio eſt. Omnis in fugâ ventus eſt. Sic ergo nec Vlyſſes habuit vniquâquam ventum in vtre.

Lib. 6.
Nat. c. 11.

CAPVT IV.

De causâ finali ventorum.

ENTIS ventorum, eorum utilitas est, quæ multiplex. Primum, aërem contra situm & putredinem exercent. & hinc causas morborum, & pestem discutiunt, cui regiones stagnantes, obnoxie sunt, nec perflatæ ventis. Notum etiam olim, è cistâ diu clausâ, & apertâ, pestilentiam latè sparsam Babylone. Et Cardanus lib. 1. Varietar. cap. 9. narrat, omnes in Vico quodam iuxta Mediolanum intra tri-duum expirasse, qui adfuerant, dum dux cistæ, 30. annis metu bellorum reconditæ, referarentur, quique res inclusas, etiam dudum post, contrauctauissent. Tantam pestem & noxam contrahit silens nec ullis auris exercitatus aër.

Nubes deinde è mari, lacubus, fluminibus eleuatæ, & suprà pendulæ, ad partes Mediterraneas flatu adducuntur, vt repluant & terram irrigent. vnde absque ventis foret, necesse esset maximam terræ partem sterilescere. Respirationem etiam animalium refrigerant: & iactatione suâ, plantarum radices, vt altius defigantur, & liberius ac laxius eliciant alimentum, iuuant. Vt enim Aristoteles lib. 7. Polit. c. vlt. suadet, pueris permittere ploratum, quia id meatus corporis diducit, & facit ad incrementum: ita arbores ventis agitatæ patentioribus venis & auidius terræ succum bibunt, spatiosiusque adolescunt. Breuiter, nihil certius, quàm caliterrarumque temperiem maximè regi per ventos, hocque vnicum ferè esse serenitatis, aut hiematuri mox aëris signum. Commercia etiam humana permiscet, Oceanumque & totum terrarum orbem peruium venti faciunt. Molas deinde, quas Veteres olim tanto brachiorum labore, circumagunt. *Præterire, ait Cardanus lib. 1. Variet. cap. 10. non possum, quod adeò est admirabile, vt antequam viderem, credere non potuerim. In Italia multis regionibus & in Galliâ passim molendina sunt, quæ ventorum flatibus circumuertuntur. atque adeò vehementi impetu, vt tres equos cum equitibus circumagere possent: adeoque, præsentis utilitate, vt modios 8. Mediolanenses in singulas horas, id est, libras circiter ter mille frumenti molere possint.* Rationem deinde conficiendi ex Hieronymo Girauâ Hispano docet; quam, longum & nimis mechanicum, hic attexere.

In tantâ tamen ventorum vtilitate, noxx quædam & tam graues sunt, vt Seneca dicere veritus non fuerit: *Quod de Casare olim* Lib. 9.
Nat. c. 18. *maiore vulgè dictitatum est, & à T. Liuiio positum, In incerto esse, vtrum illum magis nasci Reip. profuerit, an non nasci; dici etiam de ventis potest.* Obellè! Sed veluti seditiones toties repetitæ Tribunorum Plebis, & factiones Optimatum satis significabant vtiliorem Romanis futuram Monarchiam; ita venti plus commodi, quàm noxx habent.

CAPVT V.

De numero ventorum.

ARTICVLVS I.

Quot, & quibus nominibus recensiti venti.

SCRIPTVRA sacra sæpè quatuor ventorum meminit. Dan. 7. *Quatuor venti pugnabant in mari.* Zachar. 2. *In quatuor ventos cali dispersi vos, dicit Dominus.* Et Veritas, Matth. 24. *Congregabunt electos eius à quatuor ventis.* Hi autem quatuor venti cardinales sunt, à quatuor Mundi cardinibus (vtroque scilicet Polo, Ortui, & Occasu) flantes. præter quos, alij collaterales interiiciuntur. Et quidem, quia infinitæ lineæ à circumferentiâ horisontis, ad centrum, in quo nos sumus, trahi possunt, infiniti etiam venti Mathematicè diuersi, per alios & alios spirationis axes, spirare ad nos valent. ad disciplinam tamen & distinctionem in certum numerum redigi debuerunt. Athenienses olim inter vtrumque cardinalem, vnicum lateronem immiserunt, vt facerent octo vniuersim ventos. In turri etiam marmoreâ octangulâ Tritonem creum versatilem collocarunt, dextrâ manu virgam porrigentem: qui contra flatum cõsultens, supra imaginem flantis venti, lateri turris insculptam, indicem virgam teneret. fuitque hoc Andreæ inuentum, vt lib. 1. c. 6. narrat Vitruuius. Numerus deinde ad duodecimum auctus est; quem recepit Aristoteles, & passim Philosophi. alij tamen valdè concinnè sedecim statuunt: ita vt inter quoslibet duos cardinales, tres alij laterales interlocentur. qui numerus abundè sufficit ad obseruationes & vsus ventorum in terrâ. Nec tamen etiam ferè minor esse potest: quia inter duos cardinales,

manifestè fiat aliquis, qui pari intervallo ab utroque est diffusus, quem tamen Aristoteles neglexit, contentus duobus lateralibus. Nautæ verò, quorum valde interest, quo præcisè statu impleant sua vela, in plura segmenta horizontem dissecant, & in pyxide suâ duos & triginta ventos notant, & observant. Inter enim duos quosque cardinales, septem collaterales interponunt. Nomina putantur à Carolo Magno inuenta; & Belgica sunt. utunturque omnes pene Europæ nationes, Germani, Angli, Hispani, Galli (et si parum in pronuntiationem suam frangant) præter Italos.

Nomina eorum apud Latinos varia, & perturbatè leguntur, dum alij Cæciam, alij Boream vocant Aquilonem: quidam Eurum cum Subsolano, quidam cum Vulturno confundunt. Nos nomenclaturam Phauorini apud Agellium lib. 2. cap. 22. Plinij lib. 2. cap. 47. & Senecæ lib. 5. cap. 16. ferè sequimur.

Itaque Aristoteli à polo Arctico fiat Boreas siue Aquilo, ab Antartico Auster siue Notus, ab Ortus æquinoctiali Eurus siue Subsolanus, ab Occasu æquinoctiali Zephyrus siue Fauonius. Atqui hi quatuor vocantur principales & cardinales, quia à principibus Mundi cardinibus spirant. Duobus versibus sic eos complectitur Iouianus:

A summo Boreas, Notus imo spirat Olympo.

Occasum insedit Zephyrus, venit Enrus ab Ortus.

Qui Boreæ à dextris, Thrafcias, à sinistris Meses, dexter Austri Phœnicias, sinister Libonotus, qui ad dextram Subsolani Cæcias, qui ad sinistram Vulturnus, Zephyri dexter Afrius, sinister Caucurus, appellatur. Aristoteles tamen Libonoti non meminit, Anstrumque sine laterone sinistro reliquit. In obscuro causa est. quia fortè, ut quidam credunt, non insigniter in Græciam spirabat. Sic Belgæ Vulturnum negligere possemus, quia hic imbecillis, & rarissimus. Verùm inter duos quoslibet laterales, tertius, ut antè monui, inferendus est, pari distantia ab utroque cardinali. Itaque inter Boream & Eurum medius erit Boreapeliotes (ut Guil. Casanares vocat, qui 32. ventis nomina Latina fecit) voce ex Boreâ & Apeliore siue Subsolano compositâ: Flandris *Nord Oost*, Italis *Greco* dictus. Inter Boream & Zephyrum Boreolibycus, Belgice *Nord-Vuest*, Italicè *Maestro*. Inter Eurum & Austrum Notapeliotes, quem Belgæ *Zuyd-Oost*, Itali *Syrocco*. Inter Zephyrum & Austrum Notolybicus, apud Belgas *Zuyd-Vuest*, Italos *Lebecchio* aut *Garbino*.

ARTICVLVS II.

Quomodo Indices ventorum describendi.

IN descriptione ventorum, primò inuenienda est linea Meridiana, decurrens directè à polo Arctico versus Antarcticum; cuius inuentio facilis est ex Vitruuio lib. 1. cap. 6. per obseruationem umbræ gnomonis solaris, aliquanto ante & post meridiem. Vel certè potes sic ruditer. Obserua longitudinem umbræ tuæ, cùm datur signum horæ meridianæ, quæ apud nos est duodecima, vel certè umbram stili alicuius tenuioris, ac per eam mediam, ducito lineam à radice stili versus Septemtrionem. hæc enim meridiana erit, nisi horæ perperam regebantur. Aut noctu adspice Itellam polarem per cuspides duarum, si vis, hastarum, aut baculorum in terram interuallo aliquo defixorum. Linea enim iterum inter vtrumque protracta, erit Meridiana. Alia deinde per hanc mediam ad angulos rectos, ab Ortum ad Occasum ducenda. & habes iam quatuor puncta istarum duarum linearum extrema, à quibus flant versus centrum seu punctum intersectionis, quatuor venti cardinales. Deinde pro ventis collateralibus alix lineæ, quæ priores ad angulos obliquos in eodem puncto interfecerint, protrahendæ. vt vna à puncto medio inter Boream & Eurum, quæ à Boreapeliote, inter Zephyrum & Austrum cadat, id est, in Notoliby- cum. Et ita in ceteris. sic vt pro quoque pari oppositorum ventorum vna tantum linea ducatur, quæ sit axis spirationis ipsorum, & à cuius extremis punctis flent in ora mutua, & reslent. Hæc autem omnes lineæ circulo vno circumscribendæ sunt, qui imaginem horizontis habeat, & cuius centrum sit punctum illud in quo omnes ventorum lineæ se decussant.

Talem circulum in villis suis ab agricolis deformari, suadent Scriptores rei rusticæ. Vel potiùs, Andronici illius Atheniensis imitatione, duodecim, aut magis sedecim angulorum turriculum concinnent, angulo quoque prospectante in suum ventum; Tritonemque, aut gallinaceum in culmine, qui rostro angulum ostendat, & inde flantem ventum. Vel si id nimium habet operæ, current saltem operum publicorum præfecti, vt cruces Templorum ita collocentur, vt vna pars transversalis subiaceat loci Meridiano, cornuque protendantur versus vtrumque polum. sic enim altera necessariò monstrabit Ortum & Occasum: habebuntque ab extremis

tremis illarum linearum punctis quatuor ventos cardinales, quorum superfedens gallinaceus index erit. Collaterales etiam inter cornuum interualla, mente designare, difficile non fuerit.

ARTICVLVS III.

A quo horizonte sumendum initium ventorum.

Vitruuius lib. 1. cap. 6. horizontem, unde ventos rectâ lineâ ad nos spirare imaginamur, facit maximum terræ circum: siue est ei horizon naturalis, qui terram in duo hemisphæria æqualia secat. unde, quia octo tantum ventos statuit, dat vnique in circulo horizontis amplissimum spatium, scilicet octauam circuli terrestris partem, quæ secundum ipsum & Eratosthenem est, inquit, *ter millies mille & noningentes trigesses septies mille, & quingenti passus*. Verum necesse non est tot milliana vni vento tribuere; præsertim cum numquam, puto, eueniat, ut aliquis idem ventus à lineâ horizontis naturalis, id est, per totum terræ, quadrantem, ad nos vsque fluat. Alij ergo melius, lineam visibilis horizontis in terrâ sumunt, & inde lineas & axes spirationis ventorum, ad nos, id est, ad centrum horizontis adducunt. Quanta autem sit semidiameter horizontis visibilis in terrâ, siue linea ab oculo nostro ad punctum terræ remotissimum, quod ablatis omnibus montium, ædificiorum, impedimentis videre possumus, est adhuc incertum. Proclus existimat esse 1000. stadiorum, id est, 125. milliarium Italicorum, siue ferè 42. Belgicorum. sed hæc longitudo est quintuplo maior iusto, si oculum non è monte, sed è superficie terræ spectantem accipiamus, ut statim patebit. unde etiam Daniel Barbarus in Vitruuij lib. 8. cap. 3. nimis liberalis est, cum ad 500. stadia extendit. Longè parcius lib. 2. Theat. Bodinus, qui 14. tantum milliaria donat: quousque (putat ipse) apes, cum longissimè ab aluæari ad florilegia & labores euolant. Macrobius lib. 1. in Somnium Scipionis 180. stadia statuit, id est, milliaria Italica 22½ & Belgica plus 7. satis consentienter Alhazeno lib. de Crepusc. qui, cum videns, inquit, *est super æqualitatem terræ, non peruenis visui eius, nisi quasi ad 23. milliaria ab omni parte*. Nautæ tamen nostri parum minuunt, & intra sextum milliare Belgicum, demum emergere summa vela nauium in mari referunt. hos ergo, ut duces certiores, sequamur. Itaque tota diameter horizontis visibilis erit 12. milliarium Belgicorum, siue 36. Italicorum. quæ longitudo triplicata efficiet

efficiet circiter circumferentiæ ambitum, 36. Belgicarum leucarum. In quo si 12. Aristotelis venti ordine disponantur, quisque tres spatij leucas, si sedecim, duas & amplius; si triginta duo (quot solent à nautis) vnam, & quod abundat, obtinebit.

Quæ tamen non sic accipe, quasi omnis ventus à circumferentiâ horizontis illius visibilis inceperit flare, & versus nos recidere. Multi enim è longinquiori veniunt, alij etiam iuxta nos orti sunt, citra illum terminum. omnium tamen flatus in aliquam lineam & axem spirationis, qui ab illâ 36. leucarum circumferentiâ ad nos rectâ protenditur, incidunt, & indidem venire censentur. Idem etiam ventus de vnâ lineâ in alteram transilire potest. vt qui initio secundum axem Boreæ, directè à Septentrione spirabat, in viâ, & antequam ad nos perueniat, in axem Thrasciæ vel alterius collateralis deflectere. Montes enim obiecti, & difformitas aëris secandi, exhalationem hæc illâc detorquet, & motum eius, instar torrentis, turbidum facit & inconditum.

Sed è quanto intervallo, inquires, potest exhalatio eadem ad nos peruenire? Macrobius lib. 2. cap. 5. Somnij Scip. putat, Austrum gelidum, & Boreæ nostro simillimum, esse in suo ortu, feruorem autem contrahere longo per Zonam torridam traiectu. vnde censet, eundem ventum ab vno polo ad alterum, per 180. gradus posse transuolare. Sed hic campus est nimis magnus. probabilior Aristoteles, qui Austrum Græciæ suæ, circa Tropicum Cancrî credit exoriri. Cùm enim ex ipso antè docuerim, ventos instar fluminum & torrentium per aërem gravitate suâ delabi, consequens videtur, vt non ex quantolibet intervallo in nos possint recidere. Duplici autem de causâ fieri potest, vt alius alio longius feratur: vel quia gravitas exhalationis minor est, vel quia locus originis est altior. Prima enim causâ facit, vt linea spirationis sit obliquior, & tardiùs tangat terram. maior autem gravitas per lineam breuiorem, & perpendiculari viciniorem, detrahit habitum. sic lib. 2. Meteor. cap. 4. dicit Aristoteles Austrum longius fluere, quàm Boream. Si etiam exhalatio è loco eminentiori decidat, plus spatij (ceteris paribus) conficere debet, antequam pertingat ad terram. Ex vtrâque causâ venti Australes prolixius quàm Boreales, spirant. gravitas enim eorum minor, quia calidiores & rariiores sunt: & quia exhalatio rarior altius scandit, ideo excelsiori mediz regionis parte cadunt: nisi tamen vapores multi permixti spiritum suppriment & prægrauent. vnde venti Occidentales, qui

ab Oceano Flandrico nobis spirant, maiori pondere Brabantiarum premunt, quàm Subsolani, qui à vastissimis illis & mediterraneis Germaniarum regionibus veniunt. Postquam autem exhalatio in terram cecidit, non statim componitur & quiescit, sed per multas adhuc leucas aliquando ab aliâ superueniente propelli potest. In vento enim valido, & per totam aliquam Prouinciâ generali, imaginari oportet, vnam partem exhalationis in vnam urbem, aliam in alteram sequentem obliquè incidere. vt si pars venti Occidentalis cadat in Brugas, altera in Gandauum fortè ruet, tertia in Bruxellam, quarta in Louanium. ita tamen, vt exhalatio illa prima Brugenfis, ab iis quæ per totum spatium medium decidunt, protrudi valeat vsque Louanium. quæ enim inter Brugas & Gandauum, verticem Brugensem radendo, cadit, eam ante se, aut secum agit vsque Gandauum; Gandauensis deinde vtramque fortè excipit, & rapit versus Bruxellam. Dices, hinc sequi, ventum semper in remoto quàm in propinquo esse longè ampliorem & validiorem. Respondeo, plerumque saltem id esse verum, & ab Aristotele lib. 2. Meteor. cap. 4. assertum; vbi docet, flatus initio inualidos, suppleméta & vires, vt flumina influentibus riuis, colligere in progressu. Bona tamen pars exhalationis deciduæ hæc illæc diffluit, aut montibus, ædificiis, arboribus, aliisve obstantibus hebetata, alteri us cadentis impulsu non sequitur. vnde accidit, vt aliquando longitudo: ne viæ non fiat ei magna accessio. Ibi autem exspirat & immoritur ventus, vbi vltima exhalatio delapsa aliquamdiu voluta fuit per terræ superficiem.

Ex his patet, non posse certò definiri distantiam terræ, è cuius vertice in nos decidit, aut quousque prolapsa euoluatur exhalatio, quod significatur Eisdæ lib. 4. cap. 4. *Vade, pondera mihi ignis pondus, aut mensura mihi flatum venti, aut reuoca mihi diem qua prateriit.* Mensura enim longitudinis axis per quem spirat, reuerà non potest à nobis sciri. vnde Saluator Ioan. 3. *Nescis vnde veniat, aut quò vadat.* Quia tamen *Ætne* cineres, Plinio teste, ad 150. millia pass. inde recidunt: & apud Dionem lib. 66. Vesuuius Campaniæ mons, sub Tito, cinerem Romam vsque, imò trans mare in *Ægyptum* & *Syriam* ructauit; nec videtur cinis vento adiutus ad hæc omnia loca, quæ contraria sunt, peruenisse: ventus è supremâ mediæ regionis parte (vbi *Ætna* verticem habet) tam procul etiam recidere potest, quia sæpè non est grauior cinere. vnde cum 150000. pass. colligant 50. leucas Belgicæ, patet, ventos sæpius ori-

ri vltra horizontem nostrum visibilem, cuius semidiametrum antè tantum fecimus 6. leucarum. & hinc venti & nubes videntur nobis supra horizontem ascendere: cum tamen neutri reuerà scandant; sed nubes circulariter agantur, & venti potius cadant. Imò origo & fons eorum longè vltra 50. leucas abesse potest: quod hinc licet æstimare. Ad fluxum enim facilem & satis pronum fluuiialis aquæ, sufficit alueum intra mille passus vno passu deuergere, & ad terræ centrum inclinare, vt docebimus Libro sequenti. pone ergo fontem venti in supremâ parte mediæ regionis aëris, quam Libro primo diximus 4. circiter mill. passuum à terrâ distare. hinc si parum aquâ illâ fluuiali inclinatione in terram defluat, necessarium 4. millia milliarium in aëre conficiet antequam attingat terræ superficiem. sed tamen ventus sæpè est magis præceps, maximè qui flât à gelido aut humèri tardine. horum enim, vt sic dicam, alueus rectior & magis præruptè decurrit in terram. adde, vix vnumquam tam altam esse ventorum originem: cum summas illas nubium plerumque aspiciamus tranquillas à ventis; vt & verticès illorum montium, qui attingunt circiter mediæ regionis finem. Itaque è mediâ statione nubium, aut etiam proximâ, quæ dimidio tantum milliari abest à terrâ, vt plurimum venti decidunt. quod maximè verum, si à nubibus deorsum repelli deberent. Si autem à dimidio mill. defluat, deuergendo per singula milliaria tantum vno passu, post decursum transuersalem 500. milliarium in aëre, tandem veniet ad terram: quia sunt 500. passus in dimidio milliari. Quidquid sit, vix mihi dubium, quin humidi illi & frequentes Zephyri & Africi nobis ex Oceano Flandrico & Gallico surgant. id enim & qualitas indicat, & assiduitas: quia facilius Sol è mari & humentibus spiritum, quàm è sicco, resoluit. De Austro etiam probabile est, aliquando è mari Mediterraneo huc vsque peruenire. nisi tamen (quod, puto, sæpè accidit) è Prouinciâ, & viciniore Galliâ, imbris propinqui vtriusque maris, Oceani scilicet & Mediterranei, humectâ, spiritus ille pluuius surrexerit.

ARTICVLVS IV.

An eòdem vento naui totum Orbem circumnavigare possit.

Resolutio negatiua clara est ex iam dictis, si de eòdem numero venti exhalatione res sit. vnus enim & idem spiritus sæpè lassatus concidet & exspirabit, priusquam Orbis totius ambitum de-

curretis. Sed difficultas est de vento eodem, id est, qui ab vno eodemque horizontis puncto venit. Petrus Medina lib. 3. c. 6. Mundi sui, de omni vento, sine discrimine, affirmat: Io. Bapt. Benedictus Epist. ad Andream Prouanam, de solis cardinalibus. ait enim, *Fieri non posse, ut naui ab aliquo loco ad alium, breuissimo intervallo ire possit, per gyrum circuli maioris sphaera, vno tantummodo vento eam impellente, praequam in Aequatore, vel in aliquo quouis Meridianorum.* Itaque venti qui per azimutha nauem ducunt, quales sunt collaterales, non poterunt iidem nauem circa totum aquae Orbem circumuehere; sed vnus per vnum azimuthi segmentum, alius per aliud impellet. Sed id non videtur verum. Si enim Boreas per eundem Meridianum subuehere nauem potest, & Subsolanus aut Zephyrus Zonae torridae, per Aequatorem, cur non etiam Caeias per azimuthum suum, quod per Africum, siue ab Ortu aestiuo per Occasum hibernum transit? Quod sic ostendo. Caeias & Africus tam sunt oppositi, quam Boreas & Auster: ergo sicut isti ideo nauem sub eodem perpetuo Meridiano propellunt, quia per eandem lineam rectam Meridiano subtenfam spirant & respirant; ita Caeias & Africus sub eodem azimutho propellent, quia linea spirationis eorum est similiter subtenfa azimutho. Deinde, Meridianus ipse inter azimutha, seu circulos verticales qui transeunt per zenith & nadir polos horizontis, numerari debet. imò azimuthum quod iam ducitur per Caeiam & Africum, Meridianus fieri potest, si, terrâ & aquâ immobili manente, Deus caelum sic transferat, ut poli statuatur in punctis imaginariis vnde iam flant Caeias & Africus. Sicuti ergo tunc venti isti nauem circa totum Orbem, sub vno eodemque Meridiano per polos Mundi transeunte, impellere possent; ita nunc sub eodem azimutho poterunt, qui non est Meridianus ideo tantum, quia per polos Mundi non transit. quid enim ad hoc refert, quòd Boreas ab illo puncto imaginario, vbi polus Mundi realis est, spiret, non autem Caeias, aut alius collateralis? nihil profectò (quantulum videre valeo) cum terrâ & aquae globus vndique pariter sit rotundus. Demonstratio Benedicti longa est: & eadem operâ conficeret, nauem eodem vento numquam sub eodem azimutho, valere propelli ab vno Meridiano ad alterum etiam vicinissimum. quod palam, credo, est falsum. Assentior tamen, non posse id fieri sub parallelo qui non sit æquinoctialis; quia venti per circulos maiores, qui Orbem terrae in duas partes equas diuidunt, spirare describuntur:

tur: omnes autem paralleli, circuli minores sunt, excepto Æquinoctiali. igitur nullus idem ventus ab Ortu aut Occasu veniens, vnamquam circumcurrit totum eiusmodi minorem parallelum: sed omnes, excepto Subsolano & Zephyro, interfecant Æquinoctialem. An ergo, inquires, omnium ventorum exhalatio relabitur per circulum maiorem? Respondeo: Omnino faceret, nisi medium quod ipsa sulcat, inæquale & non vniformis resistentiæ, eam detorqueret. graue enim etiam si obliquè cadens, breuissimâ tamen, quàm potest, lineâ, centrum grauitatis quærir. quod agendo, sub aliquo segmento circuli maioris motum suum dirigit. vnde etiam flumina sic fluunt, nisi obliquitas aluei, per circulum minorem, cursum deprauet & abducatur. Igitur eadem exhalatio derorta, & à circulo maiori aberrans, nauem sub parallelo minori ducere valebit, inquires. Respondeo: Verum est. sed vna eademq; exhalatio huc illuc se torquens & palans, à diuersis horizontis punctis rectâ adspirare videtur; ideoque variorum ventorum rationem induit.

CAPVT VI.

De Ventis anniuersariis.

VENTVS generaliter in procellosum, & non procellosum, diuidi potest. De procelloso Lib. 2. circa materiam fulminum diximus. Non procellosus est, qui vulgariter appellatur ventus, & ab Aristotele definitur, *Exhalationis sicca copia per terram currentis*. Hic vel anniuersarius est, vel non talis. Anniuersarius, à Græcis Etesias dictus, stat statis quibusdam & solemnibus anni temporibus. In Græciâ quidem & plerâque Europæ regione, cõtare à Septemtrione. vnde Aristoteli, Plinio, & aliis Etesias passim dicuntur venti Septemtrionales. Non vbivis tamen indidem spirant. Scaligerum Exercit. 47. audi. *Hic in Gasconiâ, inquit, eos (Etesias Aquilonares) numquam sensimus, sed Austros, tum crebros, tum perniciosos. Quin etiam in orâ Carnorum ad Adriaticum, eorum nullum sensum cepi, sed potius Subsolanos, qui secundo Sole flant, ut loquitur Nigidius, id est, ut obseruauimus, Solem comitantur*. Vbi paullisper etiam resisto super isto Nigidianæ phrasis interpretamento. verba eius sunt ex lib. 2. de Ventis, apud Agellium lib. 2. Noctium cap. 22. *Et Austri anniuersarij secundo Sole flant. vbi considerandum, ait Agellius, nec*

resoluit) *quid sit, secundo Sole*. Non ergo de Subsolanis, sed Austris, loquitur Nigidius: qui flant secundo Sole, id est, vt existimo, Solem comitantur, ad nos motu proprio à Brumali Tropico reuertentem. Etesiz enim Australes & Ornithiz spirant, vt statim dicam, post hiemale Solstitium. sic dicimur secundo flumine nauigare, id est, aquà obsecundante, & comitante nauem.

ARTICVLVS I.

Tempus Etesiarum.

ETesiz Septemtrionales flare occipiunt, inquit Aristoteles, post Solstitium æstiuum, circa exortum Canis. De Cane verò minore siue Caniculâ intellexit lib. 2. c. 47. Plinius. Dicit enim: *Ar-
dentissimo aestatis tempore exoritur Canicula sidus, Sole primam par-
tem Leonis ingrediente: qui dies decimusquintus ante Augustas Ka-
lend. est. Huius exortum diebus octo fermè Aquilones antecedunt,
quos Prodromos appellant. Post biduum autem exortus, iidem Aquilo-
nes constantius perflant diebus 40. quos Etesias vocant.* Vbi tamen non nihil memoriâ lapsus est. anno enim veteri Iuliano, Sol, non 15. Kal. Augustas, sed 18. ingrediebatur primam Leonis partem, die scilicet 14. Iulij, quando ipse Plinius lib. 18. cap. 28. dicit in Ægypto Prodromos incipere; quos tamen, ex sententiâ Cæsaris, decimo demum Kalend. Augusti sentiat Italia. Itaque opinione Cæsaris, in Italiâ non antecedunt, vt antè dixerat Plinius, Prodromi diebus octo exortum Caniculæ, sed sequuntur. Verùm, vt est ventorum inconstantia, præcedere aliquando, & aliàs sequi possunt. Sed stemus, si placet, contra Cæsarem à Plinio, & octo diebus ante ortum Caniculæ Prodromorum flatus statuamus incipere. Cùm ergo Louanij in eleuatione Poli fermè grad. 51. Canicula circa 5. Leonis gradum manè ascendat cum Sole, Prodromos iuxta hanc legem sentiemus primùm circa diem 21. Iulij, quando Sol est in fine Cancrj. Quod verò addit, post biduum exortus, spirare constantius Etesias, non intelligit, credo, post exortum Prodromorum (quod putat in suâ Itag. Maginus) sed ipsius Caniculæ. vt videlicet decem totos dies Prodromi suos Etesias præcurrant, Etesizque 31. Iulij, id est, vltimo ipso mensis die, nobis afflent. Quod quàm sit affine vero, ex hac Tabellâ Anemologicâ à me olim concinnatâ discite. Etiamne tu tam vacuus, inquietis, vt potueris in
bac

hac ventorum perpetuâ curâ esse? Tacete. Tam citò hoc potuit subnotari, quàm vos nasum einungere.

Tabella Anemologica Etesiarum anni 1614.

A Primâ Iulij ad vndecimam, venti Occidentales flarunt sereni.

Vndecimâ, lenis & rorans Aquilo.

A duodecimâ ad 17. Auster pluuius.

A 17. ad 20. molles Aquilonares Etesiar, siue maioris Prodrumi, qui vix valuerunt reddere serenitatem.

A 21. ad 24. Notolibycus, inter scilicet Africum & Libonotum, serenus, intercurrente tamen frequenti nubilo.

A 24. ad 27. Fauonius cœpit, & deinde Caurus, Thrascias, Boreas, Meses, in orbem flatus sibi tradiderunt.

A 27. ad 1. Augusti, Etesiar affluerunt, cum effuso in fine nimbo, fulmine & tonitru, præsertim nocturno.

Die 2. Augusti, Fauonij cum pluuiâ diurnâ & pomeridianâ.

A 3. ad 8. Africus pluuius, & subinde tonans.

A 9. ad 11. Etesiar torantes.

A 12. ad 13. Zephyri primùm, deinde statim Libonotus atrocior, & effusè pluens.

Dubitarunt hic Etesiar, an redire vellent, sed se compresserunt.

A 14. ad 15. humentes Zephyri.

A 16. ad 19. Austri sereni ac ridentes, & verè Leuconoti.

A 20. ad 29. Notolibyci, qui inrer Austrum & Zephyrum, & in Belgio frequentissimi omnium & validissimi.

Die 30. Etesiar respirarunt.

A 31. ad 8. Septembris regnauit Auster.

Dies notauit, nox, quia dormiendum erat, sine obseruatione fuit: sed non puto eam longè abluisse à die.

Ex illâ autem Anemologiâ patet, à 21. Iulij, quando, lege Plinianâ, aspirare deberent Prodrumi, ad 8. Septembris, quando expirat Etesiarum tempus (post enim 10. dies Prodrorum, dixit Etesias constantius perflare 40. diebus) Etesias non fuisse valdè pertinaces, sed variè interpolatos, & raros: imò Zephyros, & qui quadrantem horizontis ab Æquinoctiali ad polum Austrinum tenent, sæpius flatus frequentasse: longissimumq; Etesiarum tempus, sex dierum perpetuorum, à 27. Iulij ad 1. Augusti fuisse.

Sed

Sed ut similitudinem aut discordiam annorum intelligamus, iuuat, nisi tibi qui leges molestum est, alium experiri.

Tabella Anemologica Etesiarum anni 1625.

- D**ie 1. & 2. Iulij Caurus nebulosus & subinde pluens.
 Die 3. Zephyrus Cauro similis.
 4. Boreas & Meses, stillantes & humecti.
 5. 6. 7. Africus cum pluuiâ interuallari.
 8. Caurus.
 9. Zephyrus.
 10. Caurus.
 11. Thraſcias effusè pluens.
 12. & 13. Dies primi æstiuales, cum Boreapeliote, inter Cęciam & Mesen, siccò & feruente.
 14. Eurus vrens.
 15. Zephyrus stillans & tonans.
 16. 17. 18. idem, sed serenatus.
 19. Aquilo Etesias, clemens, feruidus, & nocte tonans.
 20. Zephyrus in nubilo.
 21. idem siccior & feruens.
 22. 23. 24. 25. 26. Thraſcias, Boreas, Meses Etesiaz, calidi.
 27. Zephyrus eiusdem temperiei.
 28. & 29. idem, sed pluuius & fulgurans.
 30. Africus pluens, tonans, & multâ grandine delapidans.
 31. & 1. Augusti, Zephyrus amœnus & ridens.
 2. Augusti, Etesias pluens, & statim siccans.
 3. Eurus serenus, & subito Zephyrus pluens.
 4. 5. 6. Zephyrus similis præcedenti.
 7. 8. Thraſcias Etesias, serenans.
 9. Boreas & Meses Etesiaz, pluuij & tonantes.
 10. 11. & 12. Zephyrus serenus, aut nubilus, & quandoque destillans.
 13. Caurus serenus, sed interuolante nubilo.
 14. 15. 16. 17. Africus siccus, aut subinde guttans.
 18. 19. 20. Zephyrus ei non dissimilis.
 21. 22. 23. 24. 25. Zephyrus & Africus ferè alternis, & qualitate prioribus affines.
 26. Caurus.

17.28.29. Zephyrus per lucida interualla nebulosus.

A 30. Augusti ad 24. Septembris, pertinaces, & vix alio breui subinde statu interpellati Etesiz. qui etiam Louanij 7. Septembris incendium latissimè sparserunt. Cùm enim celebri illo Encenio- rum die, imprudens aliquis igne bombardario stramineum teatrum incendisset, Etesiz Aquilonares in aduersam & Australem plateæ regionem scintillas disflauerunt, & integram duarum & triginta circiter ædium insulam, cum horreis multis plenis, funditus & sine remedio absumperunt. Nos enim hic, vt scias, velut in viridi illà & suburbanà Platonis Academià habitamus, & (vt Lipsius noster in suo Louanio) *Rur in urbe habemus.*

Ex hac porrò huius, in quo scribo, anni 1625. ventosà Tabellà, colliges, Iulio & Augusto æterum Zephyros, & qui inde ad Austrum deuegunt, constanter fuisse Etesis. Prodomos tamen statuta ferè die affuisse, sed 5. tantum diebus tenuisse, à 22. Iulij ad 26. Etesis verò tentasse non semel subsequi, sed inualido conatu, donec tandem toto, penè Augusto à Zephyris pulsus, Septembrem longè inuaserunt. Causam eius fasti, Articulo sequenti red- dere conabimur.

Præter Etesias Aquilonares, sunt alij Australes, quos Aristoteles *Λεωκότρος*, id est albos Austros, alij *ὀρνίθιας*, seu Auiculares vocant, Leucoctoros quidem, quia sereni & innubes, inquit Theophrastus. Auster enim tenuis & inualidus, quales verni illi Etesiz, solet ser- uare. Auiculares autem, quia procreandis auibus maximè faciant, ita vt aues solo eorum afflatu oua concipiant, vt Vicomercatus (non ego) credidit. vel potius ab aduentu auium, vt Plinius. aut etiam, quia venti Australes circa initium veris, aues imbecilli & breuis volatūs (quales coturnices, philomelæ, alięquę è peregrinis) ex Africâ & locis Zonæ torridæ vicinis, reflant in Europam. vnde quia lato Maris mediterranei traiectu, multæ viribus defectæ, & in mare deciduæ, aquis suffocantur, accolæ quotannis piscationem coturnicem instituunt, si credimus Bodino. Hinc à me obserua- tum, anno 1619. rarissimas apud nos fuisse coturnices, quia toto vere Aquilones in Africam respirauerunt. Ornithiz post Solsti- tium brumale, vt Etesiz post æstiuum, incipiunt flare, sed tardius, & septuagesimo demum die, inquit Aristoteles: statu etiam inua- lidiori, & sæpius interpolato. Circa ergo initium Martij nobis redibunt.

LIB. IV. ΠΕΡΙ ΤΩΝ ΑΝΕΜΩΝ ΚΑΙ ΤΩΝ ΑΙΘΕΡΑΙΩΝ ΖΩΩΝ. ART. I.
De Zephyris.

ARTICVLVS II.

Causſa efficiens Eteſiarum.

A Ristoteles & Theophrastus docent, Eteſias Aquilonares eſſe à liquatione niuium & glaciæ ſub vltimo Septemtrione. Toto enim medio anno ſux noctis plurimum niuis decidit, & mare ſic glaciatur, vt Hollandi, dum nuper viam illac in Sinas quæ-
runt, in ipſo Solſtitiali die glaciem totam marinam 6. pedes altam repererint. Non ſtatim autem à Solſtitio Eteſiæ adſpirant; quia longâ morâ Solis (præſertim quia radius ibi eius valdè obliquus eſt & inefficax) tanta concretio debet diſſolui: ideoque non primo ſtatim accèſſu ſideris, ſed paullo poſtquam incepit abire. Canis, & Canicula etiam, quibus tunc iungitur, fortasſe aliquid in commune conferunt ad illam niuium & glaciæ tabem. Ex ſpiritu ergo niuaſi in altum ſublato, & deinde poſt frigerationem relabente, eſt illa materia Eteſiarum. Notavi tamen non vno anno, & præſertim proximis iſtis 1624. & 1625. Eteſias iſtos Aquilonis, non ſemel tantum, ſed bis, velut ad conſtitutum, redire, & pertinaciter ſatis edurare. Primò, menſe Maio, deinde Auguſto, aut initio Septembris, vt antè vidimus. Cauſſa videtur eſſe, prima tabes & liquatio ſummarum aut rariffimarum partium niuis, quæ diu tolerare nequeunt Solis teporem. aliæ verdè denſiores & compactæ, tardiùs obediunt, & aliquantò poſt Solſtitium. Nec enim verum eſt, quod lib. 5. cap. 11. Seneca, menſe Iulio diſpoliata eſſe omnia, aut pauca adhuc iacere ibi ſub niue. Hollandi enim diſſentiunt: cum præſertim plurimi etiâ alibi montes ſe toto anno vix exuât. Et ſunt, etiam ſanè omnia diſpoliata niue, ex aquâ ſaltem illâ multâ & niuaſi, quâ terra illa còputruit, reſolui poſſunt Eteſiæ. Cauſſa verdè inconstantiz eorum, reiicienda, vt facit Theophrastus, in liquationis & reſolutionis diſſimilitudinem, aut quia certè exhalatio aliorum auertitur. ipſa enim in ſublimi pendula, diſfluere in orbem poteſt, & in quamlibet Mundi partem. proniùs tamen è Septemtrione verſus torridam recidit; quia àër hîc rarior & ſolutior, & exhalationi ſe diuidere copianti, facilè obediens. dubia ergo exhalatio, quânam deſluat, potiùs inclinât, vbi inuentura reſiſtentiam minorem. vndique enim exire & ſe exonerare tentat, impellitque partem infirmiore.

Delicati autem & ſomniculoſi à nautis Eteſiæ vocantur, vt ait apud

apud Senecam Gallio, *quod manè nesciant surgere*. vt enim lib. 2. cap. 47. Plinius, *noctu desinunt ferè, & à tertiâ dici horâ oriuntur*. Somnulosi ergo sunt, quos tribus integris horis præuertit Sol exoricens. Sed cur potissimum interdiu spirant? Quia, inquit noster Aristoteles, internoctu aquæ concretæ non liqueſcunt, nec exhalationes funduntur, sed aliquot horis (quando etiam ſiccantur, & diffugiunt rores) post Solis ortum. Sed ecce mihi scrupulus, & lapis totus, vbi omnia plana rebar. Sol enim sub polo, toto illo medio anno numquam occidit, cur ergo etiam nocte nostrâ, quæ ibi dies est, non exspirantur è niuibz illis, & in nos recidunt Etesizæ? Dic ergo, eos qui die tantum spirant, ex vicinâ v.g. Hollandiâ, non ab ultimo polo nobis aduolare. Cum enim venti Aquilonares, vt Aristoteles etiam & Theophrastus nos docuerunt, grauiores & propensiores sint ceteris, non longè cadunt: vnde sæpius in terram decidere oportet exhalationes sub polo eleuatas, & denuò resurgere, vt tandem in nos recidant. Venti enim postquam in terram delapsi, in superficiem eius effunduntur instar inuisibilis aquæ, ibiq; hærent; aut certè, si paulò leuiores, in aëre tamen infimo penduli oberrant & fluſtuant. hinc autem radio surgentis Solis ictu, denuò in sublimie retrahi, & in nubibus refrigerati, longius recidere possunt. Aliàs enim fieri non potest, vt à polo Arctico, spatio trium aut quatuor horarum, per gradus ferè 40. peruenire ad nos Etesizæ, languidi præsertim, vt solent, & remissi, valeant. Dupliciter autem Sol exoricens ventorum affluxum adiuuat: aut excitando materiam, quæ statim in sublimi densetur & defluat; aut aërem nocturnum tenuando, vt facilius in illam partem exhalationi delabenti cedat. Tam citò autem, inquires, exhalatio scandens refrigerat & densatur, vt statim recidat? Ita. Et ne mireris; vide halitum hie in aërem frigidum exspiratum ore animalis, subito sic addensari, vt palàm sit visibilis, & lumen reflectat; cum tamen æstate propter raritatem nemo eum videat. Ceterum Ornithiz Australes tardiùs & interpellati spirant, inquit Aristoteles; quia circa Solstitium hiemale Sol nimis à nobis abest, nec per hiemis rigorem, sæ multas exhalationes ex locis circa & citra Tropicum Cancriciacentibus, ad ventum saltem constantem, excitare valet. Itaque Ornithiz differuntur ad initium sermè æris.

CAPVT VII.

De Ventis Prouincialibus, Apogais, & Auris.

VENTVS Prouincialis est, qui Prouinciā aliquā specialiter, non alias vicinas, perflat. Talis Iapix siue Atabulus in Apuliā, Circius in Narbonensi Galliā, Olympias in Euboeā, Sciron Athenis. Phauorinus apud Agell. lib. 2. cap. 22. Iapiga, pulchro argumento, existimat esse Caurum; quia Virgilius Cleopatram è nauāli ad Actium praelio in Ægyptum Iapige vento fugientem facit. Fallitur ergo nolter Lemnius lib. 3. cap. 3. de Occult. miracul. qui *Vuest Zuyd-Vuest*, inter Zephyrum scilicet & Austrum, medium putat. Circio autem, etiam ædificia quassanti, gratias tamen agunt Narbonenses, ait Seneca, tamquam salubritatem cæli sui ei debeant. Templumque illi, vt benefico, Cæsar Augustus, cum in Galliā moraretur, & vouit & fecit. Hodie etiam & nomen & vehementiam retinet, vt in Notis ad Senecam testatur M. Ant. Muretus. Hic quoque Caurus, aut prope ipsum est, qui in Occidentalibus etiam Nortvvegix & Islandix littoribus omnia euertit, vt scribit Olaus. Galli Picardi, teste Bodino, excoriatores vitulorum appellant: nomenque idem, vt iam intelligo, apud rusticos nostros habet; quia per Martium aliquando debacchans, vitulis fingore necem affert, & corium detrahit. In Hannoniā & Artesiā passim ventum Scorum nominant; quia à Scotiā pænē is venit.

Subsolanus etiam toti Zonæ torridæ dici potest quodammodò Prouincialis: circa enim totum anni circulum molliter spirat. aded vt Ios. Acoſta, diligens rerum Americarum Scriptor, censeat non esse exhalationem, sed aërem motu primi Mobilis in orbem circumuentum. sed raptus cæli, vt Libro primo docui, vsque ad terram non descendit.

Causæ ventorum Prouincialium, inprimis, sunt montes, qui à vicinis Prouinciis auertunt flatus. Ita Circium arcet modicum iugum, vt lib. 2. cap. 47. ait Plinius, ne in proximā Viennā penetret. sic etiam ab Olympo & Ossā Aquilo ita reflectitur, vt sibi ipsi reflect, & nubes inferiores agat in Septentrionem contra seipsum directum, vt docet Theophrastus. Venti autem sic in se reflecti, Tropici, aut Versorij appellantur.

Angu.

Angustiz deinde regionis quam perflat ventus, facere eum possunt magis insignitum & Prouincialem. Inter enim montes v.g. spiritus densior & torrentior est, vt fluxus aquæ in angusto. Pari modo, ventus per rimulam fenestraz in cubiculum inspiratus, appositâ manu, densius & frigidius sentitur, quàm si toto ostio admittas. Denique, vicinia terræ fungosæ, aut perpetuò humentis, item maris, aut insignis alicuius lacûs, ventum inde pertinaciorem & ferociorem, in illam Prouinciâ expellit.

Apogæi, quos Plinius Alcanos, Apuleius Terrigenas vocat, sunt venti è certâ Prouinciâ nati, & in eam recidentes.

Auræ verò, molles quidam & humentes ventuli, è mari, lacubus, aut fluminibus vaporati, & in vicinum refluentes.

Manè autem potissimum exoriuntur, humore in altum, tepore primi Solis, exsucto, ac deinde frigore superioris aëris, leniter densato, & sic per aëra leuiorem relabente, vt Theophrastus & Aristoteles verisimè. Si verò spiritus è sinu aliquo profiliat, Encolpias, quasi Sinualis, vocatur; vt docet Auctor Libri de Mundo.

CAPVT VIII.

De proprietatibus Ventorum.

VARIA, perplexa, & confusanea pleraque ab Auctoribus de proprietatibus & qualitatibus ventorum. Ratio mihi esse videtur, quia quisque patriam suam aspicit, quæ non vbique experitur eodem temperamento ventum ab vno eodemq; cardine venientem. Fabr. Paduanus Philosophus Foroliuiensis affirmat, Eurum in Italiâ esse calidum & humentem, & Austro nostro similem: Fracastorius, Vulturum & vicinos Syroccos, effusè pluuiosos, qui hic sapius aridissimi sunt. & Plinius: *Auster Africa serenus, Aquilo nubilus est.* Iosephus Acosta narrat, inter Equatorem & Tropicum Capricorni, Austrum esse Hispanico Boreæ, frigore cognatum. Itaque, vt omni confusione & perplexitatibus me expediam;

Dico Primò: Naturales qualitates omnium ventorum, quæ exhalatione constant, frigus & siccitas, quæ vapore, frigus & humiditas sunt. Ratiô est, quia probabile est, exhalationem adhuc retinere formam terræ, & vaporem, aquæ; illæ verò qualitates, terræ & aquæ naturales sunt.

Dico Secundò: A terrâ tamen & aquâ, aut aliis corporibus, unde resoluuntur, item ab aëre, & locis per quos traiciunt, varias alias peregrinas qualitates contrahere possunt. Paret, quia hæc omnia contagione suâ alterare & inficere valent exhalationem.

Dico Tertiò: Omnis ventus simpliciter frigidus est. Testor experientiam, & causam efficientem; quam antè docui, esse frigus mediæ regionis aëris, condensans & prægrauans, ut decidat in terram.

Dico Quartò: Alij tamen aliis frigidiores; vel quia per loca algentia, ut Aquilonares, transeunt; vel quia è mari sublati, & infuso per nubes inde vehunt, ut Occidentales. horum comparisonem, Orientales & Austrini, calidi dici possunt. & Aristotelem volentem in hanc mentem adduco, cum Aquilonibus frigus & siccitatem, Austris calorem & humiditatem, Subsolanis calorem & siccitatem, Zephyris frigus & humiditatem, id est, singulis alicuius Elementi naturales qualitates distribuit. Aquilo enim terreus, Auster aërius, Subsolanus igneus, Zephyrus aqueus sic erit.

Dico Quintò: Venti omnes qui exhalatione constant, reuerà sicci; qui vaporem trahunt, humecti sunt. unde qui à mari vel aquis, multum humoris; qui à mediterraneis & arenis affluunt, multum sicci habent. Sed de singulis manifestius aliquid autumemus.

ARTICVLVS I.

Ventorum Septentrionalium qualitates.

Aquilones ubique ferè in Europâ celebrantur algentes & sicci: quia frigida loca permeant, & ex subtilissimâ & aridissimâ niuium frigidæ Zonæ parte resoluuntur. hinc etiam sereni, & corporibus humanis salubres existimantur. Homerus Odysse.

Καὶ Βορρῆς ἀειπρὸς ὄψεως, μέγα κῆμα πλῆνιδον.

Et Boreas serenator ingentem fluctum voluens.

Experientes in Belgio Architecti cum in cæde lignorum obseruant, & magis eos qui paullisper declinant in Ortum. Non minus enim contra teredinem, venti siccitatem, quàm Lunæ, putant referre. Srenat autem, ut equidem existimo, & quia frigore aërem densat, ne facile coire, & in vnâ guttam maiusculam, quæ sat ponderis ad relapsum habeat, confluere vaporis minimæ particule valeant: & quia nubes è longinquo multas & confertas adducit.

cum

cum enim præcipiti casu, tamquam gelidior & densior, in terram se exoneret, nec in longum, ut Austro, spirat, in latus etiam nubium non incurrit: sed vel origo eius infra ipsas & prope terram est, vel si est supra, perpendiculari propemodum lapsu eas incidit, nec inde aspellit procul. Hinc in regionibus à Polo remotis, & ferociâ & frigore longè sibi dissimilis est. & Plutarchus in Sertorio causam temperiei Fortunatarum Insularum potissimam in Aquilonem retulit; qui ed fractus & elumbis, & rigore per spatia calientiora mollito, peruenit. hincque Sertorium sumpsisse impetum, ut relictâ Romanis Hispaniâ, in beatas illas Insulas demigraret, molliorem fortunatamque extra bellicos tumultus interque blandimenta regionis exacturus vitam.

In Belgio tamen Aquilo cardinalis non semper serenitatem, imò sæpiissimè nubes adducit & humorem; ut docuit me longa & certa experientia. Ratio, sine dubio, est, quia à mari Deucalionis & Hollandico nos hic afflat, unde nubes è vaporibus illius Oceani concretas, in verticem nostrum propellit. Manifestius tamen id Thrascias & alij ad Occasum inclinantes faciunt, quia ab ingentibus Oceani Scotici spatiis, ubi Sol etiam præsentior plures nubes euaporat, adspirant. His ventis Boreolibycis annus nuper 1624. & præsens 1625. aliosus, & perpetuò per multos dies profusè pluens fuit, circa æstiuum Solutium; aded ut Solutiali ipso die, frigore panè dirigerim, dum inter Duacum & Valentinas curru fortè vehor.

Longè verò sicciore, & vnici ferè serenatores nostri sunt, Mæses, Boreapeliotes, Cæcias, qui scilicet arcum illum oblidet inter Boream & Subsolanum: quia nobis à siccò fermè & terreno flant. Salubres etiam Aquilones, ubi frigidi & sicci, sunt: quia purum sine nebulâ aërem vehunt, & impuros Austros abigunt. frigore deinde cutem animalium stringunt, & calorem naturalem in interaneis & partibus vitalibus, quæ coquunt alimentum, continent. Et abhinc Septemtrionis populi salubriori corpore & viuaciori sunt; aded ut vegeti & robusti ad annum 80. ait Asclepiades, facillè perueniant: ubi Æthiopes anno 30. senescere incipiunt; quia carne rariori, & calor regionis aperit poros, effunditque spiritum & calorem naturalem. Nec enim quòd Hispani, Itali, & Meridionales, salaciores Belgis, maioris caloris est argumentum. Lepores enim longè prouiores in Venerem, quàm leones sunt, & tamen multò minùs feruent. humor ergo melancholicus magis, quàm calor, acri-

acrimoniam suam videtur acuire & sollicitare Venerem. Abundantiam autem melancholicam in Meridionalibus affirmat tanta furiosorum in Africa multitudo, quibus ubique publice domus constitutæ sunt, ut ex Leone Afro ostendit cap. 5. Methodi Bodinus. & Antuerpiæ profectò plures in furiosam illam domo, Hispanos, Italos, hypochondriacos & furere videas, quam Belgas; qui molliter potius dementiunt, quam furis agitentur. Irascuntur etiam facile Meridionales, sed non ab excessu caloris, at frigore magis, id est calore modico, ut feminæ; quæ Hippocrati *ῥῆναι*, non *θυμώδεις*; feroces, non *ανίμασαι*, appellantur, ut lib. 8. cap. 2. pulchrè docet Laurentius. vel certe à frigore & siccitate in unam complexionem melancholicam colligatis. Salubritatem Aquilonis etiam egregio exemplo M. Varro, ille Rei rusticæ Scriptor, ostendit. Cum enim Corevæ per classem & exercitum grassaretur mirum in modum pestis, immisso fenestris novis Aquilone, & obstructis pestilentibus, ianuæque permutatâ, suos comites & familiam incolumes reduxit. Magnus etiam Hippocrates pestilentiam illi famose, quæ totam pæne Asiam ab humano cultu vastam fecit, plurimam mortalium millia, simili arte enpuit. Vnde Varro lib. 1. cap. 56. de Rusticâ, *Triticum*, inquit, *condi oportet in granaria sublimia, quæ persistentur vento ab exortu, ac Septentrionum regione, ad quæ nulla aura humida ex propinquo locis adspires.*

Vitruvius quoque lib. 1. c. 6. dispositionem urbis Mitylenes damnat. *In insulâ Lesbos, ait, oppidum Mitylene magnificeenter est edificatum & eleganter, sed positum non prudenter. In quâ clivitate, Austri cum flat, homines egrotant, cum Corus, tu siunt; cum Septentrio, restituntur in salubritatem: sed in angustis & plateis non possunt consistere propter vehementiam frigoris.* Similem errorem in ædificatione Hordei novi (oppidum est Venetorum) castigat Dan. Barbarus. quia studiosè sic factum, ut singulæ plateæ ad singulos dirigantur ventos, excipiantque omnes. Præcipit ergo Vitruvius, *Directiones vicorum ita convertendas à regionibus ventorum, ut advenientes ad angulos insularum frangantur, repulsiq; dissipentur.* Maxime tamen omnium admittendi Aquilones (aut in Belgio, qui inrer Aquilonem & Ortum Equinoctialem sunt) & Subsolani. Quod prudentissimè & affabrè servatum in dispositione fori urbis Torracensis nuper vidi. vbi malignis Austris alta & perpetua ædificia obiecta sunt, admissis per magnam platearum amplitudinem Aquilonibus & Subsolanis.

Sed nihil etiam Aquilo nocet? *Tus sim mouet*, ait lib. 2. c. 1. Celsus, *fauces exasperat, ventrem astringit, urinam supprimit, horrores excitat, item dolores lateris & pectoris*. Addit tamen: *Sanum tamen corpus spissat, & mobilius atque expeditius reddit*. Noxas tamen illas per accidens solum, & in corpore humoribus tumido creat, vt ad Celsum Ronsæus docet. Dum enim per poros se insinuat, & humores siccare nititur, ac sollicitat ad expulsiōem, nec tamen valet expellere, corpus frigore suo adstringit, & humorem à capite in fauces & thoracem exprimit. vesica quoque facili frigore læditur & contrahitur, quia exsanguis. aluum etiam suâ siccitate indurat: aliquando tamen etiam exprimendo humores in sentinam illam corporis, citat & præcipitat. vnde Plinius lib. 18. cap. 33. gregem contra Aquilonis flatum pascere vetat. *Clodius enim, ait, leppius q̃ ab afflatu, & aluo citâ pereunt*.

Licet etiam sapius leniat aut extinguat; aliquando tamen etiam incendit pestis ardorem. Miratur enim lib. 2. c. 2. Cosmocr. Cornelius Gemma in acerrimâ illâ anni 1564. Aquiloniâ hieme (quâ etiam *passim*, inquit, *pauperioribus aures, pedes, mannsq̃, decedebant*) pestilentiam Bruxellæ aliisque Belgij locis nil remissile, sed sœuissimè atrocissimè. quia, vt existimat, nimia frigoris adstrictio impediuit sanguinis humorumq̃ transpirationem. In Britannia etiam Scal. Exer. 200. negat esse vinum vernaculum, quia egressum è Leone Solem excipiunt frigidiusculæ Etesiarum auræ, quæ non sinunt vuas perducere ad maturitatem. Et hoc anno 1625. omnem vini spem, aliofi illi circa Solstitium Aquilones, & Etesiz deinde per totum pænè Septembrem secuti, extinxerunt.

Certum quoque est, & à Columellâ notatum, cortices arborum Septemtrioni obuertos, duriores esse, ideoq̃ue in transplantatione, rubricâ signari. & Poëta lib. 2. Georg.

*Quin etiam cali regionem in cortice signant:
Vt quo quaque modo steterit, quâ parte calores
Austrinos tulerit, quâ terga obuenteris axi,
Restituant. adeò in teneris consuescere multum est.*

Sed quâ vi Aquilo omnia sic adurit, & congelat? Non frigore & siccitate, vt vulgus Philosophorum existimat, aiunt Glymici, sed vi quadam aliâ opiatâ & frigidificâ, quæ non sit formale frigus. Et Quercetanus: *Non quia siccus & frigidus, glaciatur, sed quia eius proprietates vitriolata, acetose, & berberizata sunt*. Vtres, sic verba mira.

Verum, stultum est, inquit alicubi Aristoteles, sensu relicto, sectari velle rationem. hoc enim est eruere sibi oculos, quod olim fecit Democritus, vt solâ imaginatione vtaris in tenebris. quare ergo volumus Boream, vt opium & cicutam, frigefacere, & non magis, vt aquam vel niuem? frigore ergo, quod in eo sentimus, refrigerat & addensat, perinde, vt ignis calore dissipat ac rarefacit: indurat etiam & glacie incrustat, si siccitas insignis frigori adsit. Indicat hoc Sapiens ille Elud Iobi 37. *Ab interioribus* (id est, Austro. sic enim mihi interpretatur ipse Iob cap 9.) *egreditur tempestas, & ab Arcturo* (id est Septentrione, vbi sidus Arcturi) *frigus.* & volens significare effectum frigoris Aquilonis, subiungit: *Flante Deo concreuit gela, & rursum latissimè funduntur aqua.* Idem innuitur Psal. 147. *Attitit crystallum* (id est, glaciem) *suam, sicut buccellas. ante faciem frigoris eius* (à quo scilicet aqua mollis & fluens in lapideam glaciem sic duratur) *quis sustinebit?* Quod etiam satis apertè experientiâ probatur: quia expulso per calorem ignis frigore, glacies, nix, metalla etiam pleraque tabescunt & liquantur. Igitur frigore tenebantur antè, & figebantur in isto rigore, ne disfluere partes. Doctiss. nihilominus Valesius lib. de Sac. Philos. c. 50. perseverat negare, Boream astringere aquam frigore, sed efflando ex aquâ ignem, quem putat tenuissimo spiritu permixtum omnibus corporibus; illumque esse, qui liquores omnes fluxos efficiat. Itaque stat & concreuit aqua, inquit, quia Aquilo ignem è poris expellit, qui partes eius fundebat. Sed difficulter persuadebit. Sic enim alij venti, etsi minùs frigidi, passim etiam gelabunt, quia & ipsi se insinuare intra meatus, & flabellare ignem illum spiritalem valent. deinde, substantia venti non tam alte in aquam, quàm congelatio, descendit. & glacies sæpè aquam infrà profluentem sibi frigore alligat, vento ultra summam eius superficiem non penetrante. Denique cur ignis ille leuior, aquâ non expirat; aut cur in eum non collabuntur, & extinguunt partes illæ aquæ fluentes?

Sed ne longitudo ista frigore me percutiat, & extinguat gratiam, vento alio me calefacio feruentiori. Pulsò igitur Aquilone, Austrum induco.

ARTICVLVS II.

Ventorum Meridionalium qualitates.

Auster, & qui circa eum proximè, vulgò calidi audiunt & humentes. Calidi, id est, vt autumo, minùs frigidi: quia ex locis
Zonæ

Zonæ torridæ propinquioribus rectâ ferè & breuissimâ lineâ spirant; ideoque exhalatio & vapor quem vehunt tepidior, tamquam potentiore Solis calore resoluti; & deinde aliquid etiam frigoris posuerunt, longo sæpè per calidas regiones & obliquo transcurso. Cum enim obliquiores ceteris sint, necesse etiam est, vt diutius per infimam & tepentem aëris regionem moueantur, antequam ad terram veniant. Et hinc etiam *Austro*, inquit Plinius lib. 2. cap. 47. *maiores fluctus eduntur, quàm Aquilone: quoniam ille infernus ex imo maris spirat, hic summo.* Humidi verò sunt, quia & multo vapore è mari Mediterraneo & aliis aquis eleuato constant, & maximè, quia plurimas nubes, longo illo transversali volatu, imbrium fecundas colligunt, quæ in capita nostra repluentes, ventum aliàs fortè satis siccum, seu nimis madentem infamant. Ventum enim humidum appellamus, non solùm qui in se humectus, sed etiam qui aridus humorem secum affert. sic pincernam, humidum dicere possumus, qui portat humoris amphoram. Vnde eleganter D. Hieronymus Austrum vocat, *Pincernam pluuiarum*; Plautus, *Imbricum*; Ennius, *Imbricorem*; omnes passim, *Imbriferum*. Nec satis habet, aduehere ipse nubes, sed conuectas ab Aquilone, vel aliis, molli suo tepore regelat & resoluit in pluuiam. sic nubes quæ à Boreâ fortasse exsufflata, sicca pertransiuit nostrum verticem, dum redit, & ab Austro reflatur in Septentrionem, recidit & exonerat humorem. Ratio est, quia, vt aliàs dixisse memini, paruulo illo quem habet tepore relaxat mediæ regionis aërem, vt minutissimæ vaporum atomi in grandiores guttas confluere possint. deinde etiam aërem infimæ regionis fundit & diducit, redditque istâ rarefactione, humore nubium leuiorem; vt proinde, iuxta æquilibrij leges, necesse sit decidere. Omnia contraria facit Aquilo. frigore suo aërem infimum stringit & grauat, & cum qui inter particulas & guttulas pænè indiuisibiles vaporis mediæ regionis interiectus est, sic densat, vt guttulæ leues & inualidæ iungi, & percurrere ad mutuum contactum non possint. Hinc in Belgio, vbi Boreas non rarè pluuius, stillicidia tamen eius plerumque maligna & minima sunt. *Austro* verò *flante imber improbius, & guttæ pleniores sunt*, inquit Seneca. Et vt intelligatis hanc causam esse: Auster hiemalis longè minoribus, quàm æstiuus, guttis depluit. insignes enim illi plenissimarum guttarum & pænè oualium nimbi, cælo tantùm calidiore, & ferè tonante, id est, aëre prorsus in raritatem dissoluto, fiunt.

Tepor etiam Austri manifestè se prodit, cum hiematam & glaciatain Aquilonibus aquam, tam citò & subitò refundit. Quod inter cetera Dei opera admiratur Psaltes Psal. 147. *Ante faciem frigoris eius quis sustinebit? Emitteret verbum suum, & liquesceret ea: flabit spiritus eius, & fluent aque.* Auster verò specialiter dici solet, spiritus Dei, & Meridies sæpè in Scripturâ, sedes Dei; vt Aquilo & Septentrio, diaboli: quia Dei spiritus, similis est Austro. corda enim hominum calefacit, & igne Charitatis accendit, quæ diabolus Aquilonis sui frigore stringit & indurat. vnde meritò spòsus Cant. 4. abigit Aquilonem, & inuitat Austrum: *Surge Aquilo, clamat, & ueni Auster: perfusa hortum meum, & fluent aromata illius.* D. August. epist. 120. ad Honoratum, *Spiritum, ait, inuocat gratia, flantem de Meridie, uetus à parte fœnida & lunis nosta, vt fluant aromata.* Adipiret etiam nobis blandus iste & gratiosus Spiritus tuus, Domine Deus meus. Peruolet rorantibus alis aridum mentis nostræ hortum, vt fragrantia virtutum germinet aromata, quæ tibi molliter spargant odorem suauitatis. Hic etiam ille Charitatis Auster, est quo in portum salutis nauigatur. Spiritu enim amoris ad te itur, Domine. Pandamus, obliquemus & hæc, & illac, & illac, & vndique vela, mortales, vt spiritum istum tam secundum & leniter ferentem colligamus. Ex omnibus, inquam, sonibus creaturis, Patris nostri communis & benignissimi materiam admirationis & amoris colligamus. Nullam propter se, sed in vniuersis Auctorem dissuauemur. Ab omnibus & vndique in cælum exsiliamus: vnde humana, & terrarum Orbem, quem velut ingentem hic suspicimus, tamquam punctum Lunæ cælisque, vt breui pyxide, inclusum, despiciamus: in quâ longa illa, vt putamus, ventorum flabra, angustissimo & indiuisibili panè ambitu circumcurrunt. Non hoc punctum, neque quidquam in Mundo hoc inferiori, pro magno, præter vanitatem, admiremur. clamemusque istud tantum:

— *O quantum est in rebus inane!*

Corn. Cel. Sed à cælo deuolemus rursus in terram. Et de Austri nostri no-
sus l. 1. c. 1. xis, loquere tu Hippocrates Latine. *Auster aures hebetat, sensus tardat, capitis dolores mouet, aluum soluit, totum corpus efficii hebes, humidum, languidum.* Hinc à Græcis Auster *καρφηραπιδος* caput grauens dictus. grauedinem autem istam, & destillationes humore partim, vel calore facit, quo corporum sanguinem, pituitâ, bilem, & omnes humores regelat, fundit, & intendit. Vnde homines passim

passim triftiores & morosiores eo flante cernimus. Magna enim omnino vis ventis in corporum temperiem est, cum per minimos poros in secretissimas latebras se penetrent, qualitemque suam inuehant. & Auster hoc magis, quod calore suo meatus laxiores faciat, sibi que aperiat viam. Lepidum est, quod incola quidam Flandricarum Insularum, quæ vulgò Azores, mihi narrauit. Ibi Austro spirante homines manifeste morosissimos ambulare, pueros tristes & lugubres domi desiderere, nec solemnes amplius eorum lusus aut cœtus apparere in plateis. qui Boreâ resstante statim in alacritatem redeunt, & in publicum læti refunduntur. Hinc etiam fuso & rarefacto humore podagrici altiùs clamant, phrenetici magis frendent; præsertim si vnâ accesserit Lunæ plenitudo. Lennius noster lib. 2. cap. 3. de Occult. mirac. multitudinem in Belgio epilepticorum, qui passim *in compitis*, inquit, *ac triuijs miseranda spectacula hominum oculis exhibent*, frequentibus Austris tribuit. Cornelius Gemma tamen lib. 2. cap. 2. Cosmocrit. asserit, propter humoris assuetudinem, vel quamdam sympathiam, inter pluuias hic commodiùs degi: nisi quod tunc feminæ & pueri, tamquam humidiores, vermibus sint obnoxij. sibi que, ait, sæpè expertum, ira esse. *In diuturnis tamen*, addit, *squaloribus, præsertim si adsit vehemens calor, aut frigus, tum demum Medicorum mœsis vberissima*. Paræus quoque lib. 10. negat, Narbonenses ceteris Gallis alacritate, agilitate, & sanitate corporum esse similes, ob Austrinas ibi tempestates, quæ vigorem & motus corporum tardent, auditum grauent, vertigines faciant, oculos hebetent.

In res quoque inanimas exierit se vis Austri malefica. Granaria putri mucore, & curculionibus implet: lintea in ædibus, locis etiam secretissimis, lodices, chartæ, flaccescunt, carnes marcescunt in putredinem; ferrum etiam ipsum, teste Theophrasto, limæ faciliùs obedit. hinc hiemes Australes pessimæ; quia indulgentiâ cœli fruges & arbores citò nimis in germen euocantur: sequiturque deinde alia florescendi exinanitio, vt inquit Plinius; quæ si per plures annos continetur, exhaurit & enecat arbores. Sic anno 1427. hiemis nulla in Belgio fuit, passimque Nouembri mense arbores floruerunt. Denique sub finem mollis hiemis, sæpè irruunt repentina frigora, quæ adurunt germinationem nimis festinatam. Sic factum profectò hoc anno 1625. post enim desperatam ferè hie mem, Fauonius mensis Februarii profulissimam niuem sparsit: secutæ deinde gelidissimæ aliquot leni Boreâ spirante dies, & præ-

sertim vltima ipsa Februarij, quæ totius anni hiemantissima, & intolerabili pænè frigore fuit; plurimarumque arborum, & maximè iuglandum, nimis properantes ramos, ad ipsum vsque truncum siderauit, annonamque totam in eas, partim saltem (nam alia etiam postea causæ accesserunt) angustias adduxit, in quibus eâ videmus.

Hoc etiam de Austro obseruant venatores: à canibus, eo flante, melius & certius vestigari feras. quia spiritus illi odoriferi quos spargunt, calore fiunt fragrantiores, liberiusque commitant per tepentem & laxatum aëra: vbi contrà, Boreas frigore odorem hebetat, exspiraciones alligat, aut pigras reddit.

Sed quid potest, inquires, vt aër calorem Austri tam faciliè sentiat, cùm frigidum potius experiamur, & antè docuerimus frigore densatum in terram delabi? Respondeo, calorem aliquem secum vehere, sed non satis ad absolutam denominationem calidi (vt Philosophi loquimur,) quia plus frigoris habet. calorem verò eius vix sentimus; quia tactus exuberantias solùm percipit, & qualitates intensiores similibus quas in organo habet. calor autem organi & cutis, plerumque maior & intensior est illo, quem affert ventus. Aër tamen gelidus statim eum sentit, & de rigore multum remittit, quia frigus exhalationis in aërem sibi similem non agit, sed calor solus: qualitas scilicet efficax & actiuosa, præsertim in subiecto satis denso, qualis est ventus. vel si densum negas: dico, calidum, etsi rarum, posse valere in insignem etiam calefactionem, si multum & amplum sit, vt ventus. Causa est, quòd licet singulæ venti partes, aliquod patibile ad lambentes & præteruolantes, parum in eo suæ qualitatis relinquunt; multæ tamen sibi succenturiaræ, plurimum valent. Hæc etiam mihi causa esse videtur, cur Aquilones, aliquot etiam horarum spatio, terram sic & aquam quandoque incrustent. quia, inquam, & exhalatione satis densa (etsi perspicua & transparente) constant, ideoque frigus in eâ acriter agit: & maximè, quia venti partes sese catenatim subsequentes, singulæ aquæ superficiè spississimo agmine distringunt, & breui, aucto ad certam summam frigoris cumulo, congelant. Quòd autem aliquando, nullo vento spirante, gelet, fieri existimo (& firmabo alibi) ab aëre mediæ regionis frigerato, & pondere suo molliter, & sine sensu nostro, ad terrâ subfidente, vt videmus in nebula. hoc enim mihi certius, quàm ad Saturninas quasdam siderum influencias confugere.

Ceterum quàm citò calore, etiam pusillo, aër tangatur, egregiè ostendit fistula illa vitrea psychologica, index clementi & decre-

menti frigoris. si enim vel minimo digito fistulam extrinsecus attingas, statim aër qui intus est funditur & rarefcit, aquamque deorsum premit. Hoc attende, & mirari minues, aërem sic leni Austro liquefcere. Hoc etiam in mantissam accipe. Cur olim in proverbium abiit,

Οὐδ' ὅτε νυκτερινὸς Βορέας ἔϊεν ἵνα τὸ φέη,

Tertia lux numquam nocturno Aquilone laboras?

contrà verò, Auster nocturnus pertinaciùs spirat? fatentur & hodie nostri nautæ. Et celebris ille Andreas Auria, classis olim Genuensium Præfectus, Carolum V. Cæsarem, paratum iam nocturno Boreâ repente exorto, prospero & ferente, in Africam classem traicere, monuit, breui & intra triduum destituendum à vento. Aristoteles Sect. 26. Problem. has rationes tentat. quòd Aquilo nocturnus sit imbecillis, quia ab imbecilli calore ortus: venti autem omnes, inquit, imbecilli intra tridui tempus expirant & finiuntur. Ideo etiam fortasse, ait, quia tertius dies est decretorius. aut denique, quòd more ecneplix & procellæ vniuersim, non particulatim, è nube prorumpit. Nolo Magistrum refellere. Quid si tamen fortassis hoc etiam sit? Exhalatio aëre nocturno & densato, in sublimi, tamquam vallo quodam, circumdata, dubitat quâ potissimum cæli regione se exoneret. & quia aër ille pari ferè densitate vndique in orbem resistit, exhalatio pluribus simul locis se hæc illac effundit, adeoque in vnâ partem parciùs & interruptè fluit. Imaginem huius rei in lacu aliquo tumente & inflato habes. cuius aqua, si canalem certum non reperit, vndique se superfundit. Boreas verò diurnus, quia aërem versus Meridiem rariorem calore Solis inuenit, illac se statim eiicit; diutiusque durat, quia totus exhalationis, vt sic dicam, lacus, per illam vnâ partem longo agmine se profundit. Austri est alia causa. Sol enim die exhalationem eius sæpè, nimis rarefacit, reliquoque aëri refundit & permiscet; quæ nocte demum refrigerata, densitatem & pondus ad labem accipit. Stet ergo firma satis regula nostri Aristotelis. vnâ etiam hæc Plinij: *Noctu Austri, interdum Aquilonem esse vehementiorem.* Lib. 1. cap. 47.

Ego ad Ortum me conuerto.

ARTICVLVS III.

Ventorum Orientalium qualitates.

Ventos ab Ortum calidos & siccos adspirare, vulgò existimant. sed lex ista perpetua non est. Blondus enim & Iouianus, Cam-

Campaniæ Subsolanum, humetem faciunt, & Austro nostro cognatissimum; quia scilicet à vicino mari flatus eius in Italiam sunt. In Asià tamen, & nobis, omnes Orientis venti siccissimi; quia ex aridis & spatiosissimis Germaniæ regionibus orti, per nullum etiam mare aut insignes lacus ad nos spirant. Semper ergo ferè toto anno sicci, æstare calidi, hieme gelidissimi apud nos sunt. Nulli enim omnium magis gelant & acrius stringunt: præsertim Cæcias, qui defleſcūt ad frigidum Septentrionis axem. sic enim cum siccitate insigne frigus coniungit in vnam crasin. Hinc liquet, calorem qui ventis Orientalibus tribuitur, non tam eorum esse, quàm aëris; quia flant per æstatem. habent tamen etiam ipsi aliquid ab æstiuis & ardentibus solibus, qui exhalationem resoluunt. refrigerantur tamen in mediâ aëris regione, vt ceteri: licet tantum frigoris & ponderis non postulent, vt per aërem æstate tenuem & rarum decident, quantum per densum & hibernum. Quod autem affirmat Plinius, Ventos Ortuios diuturniores esse Occiduis: nescio quid viderit in Italiâ; certè in Belgio, omnium pertinacissimè flant ab Occasu, vt vbiq; solent à mari.

Flumina quæ in Ortum cursus habent, salubrioris aquæ putantur; quia Subsolani sicci, & æstare feruentes, aduersi & reflantes, eam discutiunt, coquunt, & perducunt ad laudabilem tenuitatem. In istos etiam ventos, villarum ostia & fenestras dirigunt, Rei rusticæ Scriptores. imò Plutarchus narrat, famam esse, urbem suam natalem Charoneam, quæ olim occidentem Solem ipeſtauerat, à Charone iussam transferri in ortium. Sed quid est, quòd Plinius scribit, *Observatum à meridianis partibus ad Occasum Solis pestilentiam semper ire: nec umquam ferè aliter nisi hieme, nec ut ternas excedas menses?* Et licet legem istam tam generaliter & affirmatè nolim recipere; alij tamen, & experientia ipsa, adfatentur, plerumque ab Ortū versus Occasum, aut ab Austro versus Septentrionem luem incedere, & in illas partes latissimè & atrocissimè se spargere. Famosas illas duas sub Antoninis Principibus, & veteres alias non memoro, adspice truculentissimam istam anni 1450. quæ in Asiâ exorta, per Dalmatiam & Illyricum, in Italiam, Germaniam, Galliam, Hispaniam se effudit, sicque grassata, vt tertia vix mortalium pars ei superstes fuerit. Causæ fortasse aliæ reperiri poterunt: hæ mihi obuiæ, & inuentu faciliores. Longiores sunt, quia obliquiores ob calorem & leuitatem, Subsolani & Austri flatus, ideoque longius aëra pestilentem euentulant. Calore deinde flatus,

Lib. 7.
cap. 50.

humen-

humentem antè à diutinis forte imbribus putrefaciunt, & auferunt in Occidum aut Septentrionem, quò spirant. Subsolano à dextris, id est, ab Ortu Solstitiali, spirat Cæcias; qui Aristoteli & Theophrasto, hoc est, in Græciâ dicitur reflexe & per lineam arcuatam flare, cuius concavum spectet in cælum, quia scilicet exhalatio in gurgitibus fatasse offensa, & in proximas nubes resiliens, eas verius Ortum, & in venti originem reducit. & hinc Græcis adagium, inquit Aristoteles,

Κακὰ ἐπ' ἰαυτοῦ ἔλκω, ὡς ὁ Κακίας νεφέη.

Mala ad se trahit, ut Cæcias nubes.

Hic, ut antè monui, in Belgio aridissimus, & hieme gelantissimus est. vehementiam tamen non habet, nec confertim venit, sed dissolutus, & laciniatus in plures quasi riuos dispersâ exhalatione. sic enim ferè solent, qui è sicco: nam vapor implet, & intendit præcipuè pondus ventorum. Odoratorem fieri putat Democritus arboris fructum, si propendeat in hunc flatum. In hunc etiam opilioes gregem pascunt, cum concipi mares volunt: nam partus masculinos calore & siccitate creditur adiuuare. Simili de causâ Aristoteles in Politicis, iubet, Boreâ aut alio sicco spirante, nuptias celebrari; & Bonum factum, si Luna etiam sicca sit, in interlunio, & Solis cœtu. humor enim abundus calorem hebetat, & femellarum est pater.

Ad Subsolani sinistram, & ab Ortu hiberno, Vulturnus est. In istum apiaria, & vineas Italix, Gallix, spectare docet Plinius. Ipsi etiam Cannensem & famosam illam cladem imputant Romani. nam secundum eum tunc forte flantem, aciem direxerat Hannibal, verteratque in ora Romanorum. Post Luium & Senecam, audite Silium querentem:

*Sternuntur tellure & miles, & arma, tubaque,
Atque omnis retrò flatu occurrante refertur
Lancea, & interdum Rutulis cadit irritus ictus.
Atque idem flatu Pænorum tela secundat,
Et velut amento contorta hastilia turbo
Adiuuat, ac Tyrias impellit stridulus hastas.
Ipse caput flammæ caligine conditus strâ
Vulturnus, multaq; comam perfusus arenâ,
Nunc versos agit at tergo stridentibus alis,
Nunc mediam in frontem veniens clamante procelli
Obuius arma quatit, patuloq; insibilat ore.*

Lib. 9.

ARTICVLVS IV

Ventorum Occidentalium proprietates.

Zephyri nomen, omnium post nata nomina, molliſſimū, blandiſſimum exiſtimat Cardanus: talis eſt ipſe ventus, vbi per æſtatem aut ver, & procul à mari Occiduo ſpirat: nam nobis nimis vicinus & feroculus eſt, in quos primum impetum ſtatim, ab Oceano frangit aut hebetat. Frigidus, vt plurimum, & humectus eſt. vtrumque potiſſimum a marino vapore, quem multum ſecum trahit. Frigus eius mollius longe Aquilonari: mitigatur enim tepore occidui Solis, calorem ei reuulſior, quàm Subſolanis, quia copià vaporis ſuffocatur. Fauonius autem à ſouendo appellatus, putatur. Vere enim nouo ſtare conſuevit, ſubindeq; pluens primum. Solis feruorem temperat, & humori aptiſſime ad generationem miſcet. Poëta Georg. 2.

Parturit albus ager, Zephyriq; tepentibus auris

Laxant arua ſinus: ſuperat tener omnibus humor.

Hanc cauſam Alcimæon habuit, cur Zephyrum faceret patrem Cupidinis. Zephyri vesperti, aut horis pomeridianis, frequentius ſpirant, exhalatione & vapore relabiiam incipiente propter abſceſſum Solis: Subſolani verò ſub auroram aut mane: quia vapor nocturnus, pondere ſuo circa terram deſidens, reſurgit iſtus radii Solis, & paulò poſt frigeratus, reſluit deorſum verſus Occalum, vt Sect. 26. Problem. docet Anſtoteles.

Zephyrus humore ſuo appetentiam cibi comprimit; & manus Auſteri, qui præterea calore ſuo diſſoluit ventriculum. vnde Plinius: *Minus eſurire eo ſpirante creduntur animantes.*

Oua etiam quædam hypenémia & Zephyria vocantur, quæ à gallinis, columbis, &c. generari putantur ſolo Zephyri inſlatu, ſine alio mare. vnde irrita ſunt, & ſine pullagine. quin etiam equas iuxta Olyſſiponem in Luſitaniâ, à Fauonio vitalem ſpiritum accipere, & inde partum gigni pernicioſiſſimum, ſed triennium vitæ non excedere, lib. 8. c. 42. collare ſcribit Plinius. & Virgil. lib. 3. Georg.

Ore omnes verſæ ad Zephyrum ſtant rapibus altæ,

Exceptantq; leues auras: & ſapè ſine vllis

Coniugiis, vento grauida, mirabile diſſu,

Saxa per & ſcopulos, & depreſſas conualles

Diffugiunt. —

Verè mirabile dictu: sed verum hodie negant Lusitani. quia tam perfecta animantia gigni non valent, sine mixturâ seminum vtriusque sexus. Oua etiam illa hypenemia probabilis imaginatione maris formari existimat: s. ova enim pullorum tantum semina sunt: imaginatio autem feminare potest.

Zephyro à dextris & ab Occasu hiberno flat Africus, creber procellis, vt ait Virgilius. & hic egregiè experimur. nullus enim turbulentior & maiori strage Belgium incurrit. Nam vt singulorum pene annorum damna sileam, anno 1558. & iterum nostrâ memoriâ 1606. arbores, domos, templâ passim difflauit aut evertit. Nullum etiam Louanij esse frequentiores statum, vel ex famosa turri *Verloren-cost*, quam Nannus noster *frugiperdam* vertit, intelliges: ab Affrico enim fatiscere & solui incipit. deinde arbores omnes in aperto in oppositum Cœciam inclinant, omnesque agrorum nostrorum arista; nisi Etesiz ante messem quandoque in Austrum auertant.

Porro venti Occidentales hieme niuales sæpe sunt: & quia nubilosi ac molliori frigore, floccos ingentes ac decumanos (vt etiam Australes solent) & verè *niuem sicut lanam*, nobis spargunt. Psal. 147. Boreas verò, Subsolanus, & quicumque cum frigore acri & vrente siccitatem habent, minutiori farinâ nubem eribrant.

Præter autem qualitates istas generales ventorum, aliæ sunt quibuldam in tractibus propriæ & peculiæres, quas afferunt exhalationes ex elemento aut mixtis, vnde extrahuntur. Quidam enim in Americâ, mordaci qualitate ferrum etiam, vt testis Ios. Acosta, excidunt, ferreosque fenestrarum clathros breui tempore decinerant: alij pulices infinitos per mare, per continentem spargunt. Quidam præterea sunt, quæ dici de ventis possint: vt oppositos inuicem à se sterni, nisi vnus depressior, alter sublimior in contrarium fluant: meridiæ, aut pluuiâ sopiri; dissolutâ videlicet nimio æstu, aut impeditâ, ne latissimum guttarum pluuiâlium agmen perumpat, exhalatione. Sed hæc, & id genus, facilia sunt, intelligique, nisi fallor, ex principis nostris possunt. Aliqua etiam vana: vt istud Eudoxi: *Easdem ventorum vices exacto qualibet quadriennio redire*. Cetera fluxa & incerta, nec in vnâ legem & disciplinam (quidquid Veteres conati) alligari possunt. Itaque ab eo, si tamen etiam ventis istam laciniam adtexam, quæ de terræ motu.

CAPVT VLTIMVM.

De terra motu.

TERRA motum omnes ventis subiciunt, tamquam eorum effectum, aut exhalationis, simillimæ illi quæ est materia ventorum. Olim tamen caussa eius tam in abdito fuit, vt Romani, vbi terram mouisse senserant, & ferias supplicationesque edicto imperabant, nomen Dei, vti solet, cui feræ seruandæ, non exprimerent: *ne alium pro alio nominando, falsâ religione populum alligarent*, inquit Agellius lib. 2. cap. 28. Noct.

ARTICVLVS I.

Quæ caussa efficiens terræ motus.

NVlla nobis iam quaestio de motu, quo terra, opinione Pythagoræ & Copernicanorum, cottidie circa centrum, & quotannis circa Solem reuoluitur. neque de libratione, quâ fortasse perpetuò titubat, vt grauitatis suæ centrum, accedente hinc aut inde nouo pondere, restituat in medullium Vniuersi. De pulsu ergo, aut tremore illo agimus, quo concutitur, vt homo in febre.

Antiquissimi Græcorum, hunc motum à fluctibus aquarum in terræ cauis vndantium esse, opinati sunt: ideoque Neptunum *ἐπιστάτην τῆς γῆς* *quassatorem*, & *κυβερνήτην τῆς γῆς* *motorem*, appellauerunt. Sed frustrâ. aquæ enim subterraneæ fluctuatio par esse non potest tantæ concussioni, quæ vt bes. aut montes euerstat, vel nouos erigat in plano. Deinde, maximè post ingentes pluuiarum eluuiões, quando aquæ subterraneæ redundant auctæ cælestibus, existerent terræ motus: quod non videmus. Denique, ignis potius quàm aqua è hiatus emicat, cum terra tremore discessit. vnde faciliè etiam reuocatur Tibales, qui terram instar nauigij putauit in aquis natæ, & nutare cum vnda fortasse eam inclinasset in latus. Fundamentum præterea eius falsum est, cum grauius non superaret leuiori. & deinde terra semper tota moueret, vt naui non partim, sed integra agitur aut impellitur à fluctu.

Ahij malunt, specus subterraneos, & totos aliquando mon-

res incidere, & terræ tremores inde existerc.

Et merito, quoniam plaustris concussa tremisunt

Tecta, viam propter, non magno pondere, tota:

inquit Lucretius. Sed hæc etiam causa nimis imbecillis est & angusta, vt terram tam late concutiat. sæpè enim tota Germania, imò tota pænè Europa simul tremuit. Nec pondera plaustrorum valdè iuuant Lucretium. Si enim via terrena, nec scilicet strata sit, vt in pagis, plaustrum pertransiens, tremorem nullum vicino ædificio incutit, nisi fortasse cameratio plateæ sublit, quæ vsque ad ædificij fundamenta pertineat. In oppidis verò tremunt aliquando propinqua domus, quia strata platearum perpetuo scilicet contigua sunt ædificiis. tota ergo vnum aliquem lapidem premens, & in alium vicinum & attiguum protrudens, omnes deinde catenatum in ædificij murum propellit. Postremo, domus malè nixa, & in aère pendula, facile vibratur. quod in terrâ, præsertim tam latæ & vastæ molis, locum non habet.

Bodinus, vt breuiter omnibus vniuersim molestiis defungatur, & Aristoteli, suo more, calcem impingat, recurrit ad dæmonas *ενοργάνους*. Ratio vnica est, quia alia nulla causa est probabilis.

Dico tamen Primò: Sententia Aristotelis, & verissima, est, spiritum subterraneum causam esse terræ motus effectricem. Probat: quia quoties terra pulsu pertunditur, aut dehiscit, euolant halitus aliqui, sæpè pestilentes, ignis etiam aliquando & cineres. ergo ille fuit, qui terram rupit, & eam suffodiendo concussit. Idem patet ex omnibus terræ motus effectibus. Sed accurrit Bodinus: Non posse sic valere tenuem spiritum, vt vrbes totas quandoque & montes in altum exētiat. Deinde, in locis planis, aquis & irriguis, qualis Ferraria in Italiâ, accidere aliquando maximos terræ motus. Tertiò, hiemè, quando terræ pori gelu constructi, futuros præcipuè: cum tamen Aristoteles asserat plures vere & autumno.

De Postremo respondebimus, vbi tempus terræ motus examinabimus.

Ad Primum: Certum est, potentissimas vires esse spiritus. probatq; Aristoteles exemplo febricitantium, qui extra morbi accessionem debiles & inualidi, vbi tamen spiritus per corpus & neruos diffusi, vix vilis vinculis possunt coerceri. Huc etiam flammæ pyrij pulueris in cuniculis & tormentis, fulminis in nube, vires & impetus admirabiles possunt asserri. vbi enim halitus intra angustias

inculcatus rarefcere, & fe vltà non capere, exēpit, metu pēnētra-
tionis proxima quæque remolitur & iactat, & quando aliter non
valet, effractà vià per vulnus exit.

Pro Secundo, fateor, Ferrariam, quæ anni 1570. tremore ita re-
xata & lacerata fuit, innumeris pānē riuīs & fluminibus irriguata
sed non ideo solo eius subesse non possunt plurimi fēruentes &
conferri spiritus. imò verò tot riuī per abdita subterlabentes, aut
aqua plurifariā alueo excidens, & cæcis cuniculis se condens, ter-
ram illam potiùs fistulosā faciunt, & capacem spirituum. Sed à
quā causā spiritus illi resoluuntur?

Dico Secundò: Magna sæpē eorum pars ab ignibus subterra-
neis est. Probatūr: quia montes & loca igniuoma maximē tre-
moribus obnoxia sunt: vt Sicilia, Lipara, Campania, item loca
thermīs naturalibus tepentia, quales in totā Italiā sunt, Bodino
teste, facile 60. vt proinde non tam impensē mirari debuerit, mo-
uisse Ferrariam à subterraneo spiritu. præsertim cum præter Cam-
paniam, in agro etiam Florentino, Mutinensi, Bononiensi Ferrar-
iaz contermino, crateres quidam igniuomi sint, vt lib. de Thermis
cap. 5. fatetur Fallopius. Igitur vero simillimum est, spiritus illos
quassatores latentibus istis ignibus exhalare. vnde Aristoteles, qui
parcissimē aliās eorum meminit, disertē asserit, halitum terræ mo-
torem esse *ἄρδ' ἢ ἡλίου, ἢ τῆς ἐν αὐτῇ πυρρῆς, ἢ τοῦ ἡλίου, ἢ τοῦ πυρρῆς*, à Sole, & eo, qui in ipsa
est, igne. Huius etiam rei euidens signum est, quòd vix vñquam
montes rupto vertice eructent ignes, nisi præcedente terræ motu.
Paruit in conflagratione famosā illā Vesuij sub Tito, quæ Plinio
Maiori fatalis fuit: patet in plurimis Americæ montibus flammis
uomis, de quibus Acolta scribit. & Auctores fatentur, Siciliam
olim, ante effractum Ætnæ carcerem, sæpius tremuisse, quàm nunc,
vbi viam laxatam habent quā se exonerent subterranei ignes &
spiritus.

Dico Tertiò: Sol etiam halitibus à se resolutis aliquid confert
ad terræ motus. Ita Aristoteles plurimis locis. Reclamat tamen
Georg. Agricola lib. 2. de Ortū subter. Sol enim, inquit, exhalatio-
nes è terræ superficīe extrahit, non resoluit in eius viscēribus. Con-
trā, lib. de Terræ motu anni 1601. Keckermannus, vulgq. vim Solis
altius, in ipsas venas metallicas, penetrare. Saturnum etiam, spiritū
multo intra magnæ matris viscēra generato, plurimum motum
intendere. Verū hęc mihi in incerto & fluctu sunt. & influebas
illas occultas stellarū differimus in Libros de Cælo. Demus ergo
Agri-

Aggredi, selem è dorso solùm terræ, & quatenus vis radorum eorum caliditas ingreditur, exhalationes resolueret, nego tamen, omnia eorum in aërem venire. multæ enim non satis lenes, aut potius satis hiantibus præpediuntur, vel ventis aut aquâ superius in altum condita repelluntur. Deinde, per me licebit, in aërem & sublimè attrahantur, abeantque in ventos: modo postremo residunt, & terræ ponis, aut meatibus grandioribus sese infundunt, nec in vulcera eius redeant.

Certe etiam Aristoteles non vno loco ventos terræ motores facit, ut cum Boream auctorem excidij duarum Achæie ciuitatum, Hælos & Baris, affirmat. pugnabat enim, inquit, cum Austro, passim utrumque terra moueret, & victus intra cauernas terræ se ablatuisset: quærensque deinde regressum, nec reperiens, duas clauas ut res effractæ chafinate absorpsit. Non prius ergo vana Boreæ stantia apud ingeniosum Poëtam lib. 6. Metamorph.

*Idem ego cum subij conuexa foramina terræ,
Supposuiss, serox inu mea terga cauernæ,
Sollicito manes totumq, tremoribus Orbem.*

Eandem sententia Callimænis, nobilis Philosophi, quem Alexander Magnus, æterno crimine, inquit Seneca, quod nulla virtus, nulli bellorum f. l. itas redimet, occidit. qui etiam addit, teiz in aliquando spiritu extinsecus accidente quassari, sicuti nos vento frigido subito perstrichi, quæmur & in horefcimus. Verum terra animi non est, ut spiritu algido in poros penetrante, horrore se contrahat. Sed quâ via exhalatio terram ambiens, eam intrat? Seneca lib. 2. Nat. c. p. 24. negat id per poros & tenuia illa foramina posse fieri. *Nam in nostris quoque corporibus, inquit, cutis spiritum respuit: nec est illi parossus, nisi per quem trahitur.* Agricola amplius audeat: & ne quidem per laxos illos fossarum metallicarum hiatus, ingressum concedit. quia scilicet Metallici in Germaniâ ingentes tolles & spiritalia organa fabricare coguntur, ut supernum & recentem aërem venis subterraneis ad valetudinem inspirent. Sed fallor, aut vterque fallitur. Seneca quidem, quia etiam per invisibiles cutis nostræ meatus aër intrat: ut cum vacuâ vesicâ, spiritus externus, propter periculum vacui, se insinuat, & horrore membrâ concutit. pori etiam terræ, æstate præsertim, satis aperti & hiantes sunt, ut aërem admittant. corpora enim ista fluida & tenuia per minimas etiam rimulas & meandros, timore vacui, in omnes recessus penetrant. Do etiam Agricola, organis pneumaticis sæpè inuocandum

candum in fossas metallicas recentem aërem: non do tamen, numquam consueque decidere venti exhalationem, aut aërem ipsius regionis grauiorem. hic tamen citò corruptipitur, & à spiritui metallico aut alio subterraneo, pigro & silenti, uoxam contrahit, ut meliora peioribus facile vincuntur. vnde nouum & primum identidem inspirare oportet, ut multitudinem sincerioris supprimat, & inquinatior. Non raro tamen, fateor, subterraneus aër nostrate crassior & ponderosior est. quo euentu noster cadere sponte in fossas & cauernas non potest, sed viribus reluctante[m] oportet inigere.

Sed spiritus retrocedet itinere quo incessit, inelamant, nō erumpet foras cum tantâ strage obstantium. si enim per fossas v.g. metallicas patentem hiatum infusus est, ubi preui se senserit, illac redibit in libertatem. Minima enim rimâ, puluis in cuniculis nostris bellicis perdit, aut relaxat impetum. Hoc argumentum me vincit, ut asseram, principalem causam terræ mouentem, esse spiritum sulphureum & igneum è terræ visceribus resolutum, non ventum aut aërem supernè per meatus infusum. probarique potest ex profunditate sæpè ingenti causæ illius motricis, quæ sub fundo maris & radicibus Insularum, imò tam altè aliquando defossa est, ut fornicem alicuius subterranei specus anietando, subilire faciat integram regionem. aquæ etiam puteanæ sulphur resipere solent ante terræ motum, permixtione scilicet spiritus, qui ignibus illis euaporatus, scandit sursum.

An ergo retractamus quod antè Aristoteli concessum? Minime verò. Iuuant enim venti & exhalationes à Sole excitatæ terræ motum, & aliquando etiam fortasse, etiam rariùs, solæ faciunt. ideo enim vere & autumno, & sopitis conditiq[ue] statibus, ut postea ostenditur, crebrior. Nam exhalatio quæ supernè terram ingreditur, alteri confusa & permixta quæ ex ignibus subterraneis ascendit, ubi concalefacta & rixando & seruore eius fuerit, vires in vnum confert, & impetum ad effringendum intendit. Non repeditur autem & reciprocatur per viam quâ se intrulit: vel quia cuius aliquis (ut v.g. terræ labes) apertos antea meatus sepsit, vel quia per longos, angustos, & sinuosos tramites, spiritus se in alueum querendam & locum capaciorem exprellit: ubi multâ luctâ & conficta rarefactus, capi ampliùs tam breui spatio nequit: nec regredi tamen id quod abundat, per tortuosos illos & angustos amtractus, tam celeriter valet, quin totus antè spiritus, inflatus ibi & intentus,

ac mo-

ac moræ impatiens, viam laxiorem facere tentet, & vicina concutiat. Vnde falsum etiam est, puluerem cariturum effectu, si nimulâ alicubi cuniculus dehiscat. nam aliàs flamma bombardæ hærentem glandem numquam excuteret, quia spiraculum peruium, quâ ignis iniectus est, habet, illacque se tota refunderet potius, quam eiacularetur per tubi orificium.

ARTICVLVS II.

Species terræ motus.

AVtor Libri de Mundo, & ex eo D. Damascenus, septem species accidentarias terræ motus fecit. Primus est Epiclintes, siue Inclinator: qui ad angulos acutos latera cauernarum tundit, & superposita more nauigij in vnam partem inclinat. Secundus, Brastes, seu Effruescens, dictus à similitudine aquæ bullientis. hic terram angulis rectis in altum identidem attollit, & deponit. Tertius, Chasmatidis, hiatus aperit. Quartus, Rhectes, vi viam effringit. Quintus, Ostes, vno impulsu euertit in quod incubuit. Sextus, Palmatias, vibrat. Vltimus, Mycetias, cum mugitu venit. Aristoteles tamen duabus speciebus, Pulsu & Tremore, contentus fuit. sed tertiam, Inclinationem, optimè Seneca adiecit. Pulsus est motus, quo terra, instar arteriæ animalis, diastole & systole, vicissim erigitur & subsidit. vel generalius: est qui terram succutit. vnde à Senecâ vocatur Succussio. Tremor enim concutit & vibrat: Inclinatione verò in vnam solùm partem totum onus suspendit. Sufficiencia diuisionis hinc faciliè probatur. Quia spiritus intra claustra fremens, vel rectâ sursum se eiaculando, fornicem cauernæ pulsât; & succussionem ac pulsus habes. vel latus vtrumque alternis & celeriter tundit & retundit; sicque vibratio & tremor erit. vel denique ita vnum latus arietat, vt ad alterum vsque non resiliat; & inclinationem habemus. exhalatio autem (quod restabat) solo tantummodò cauernæ illius, vix terram, sicut ad sensum nostrum perueniat, mouere potest. Septem autem aliæ species, à diuersitate effectuum sumptæ sunt, & ad tres istas possunt reuocari.

Ceterum pulsus Rhectes & effractor, omnium sine dubio est perniciosissimus. deinde, longa & vndans inclinatio, quæ parietes & fastigia ædificiorum extra fundamenti perpendicularum suspendit. Breuis autem & crispans tremor partem inclinatam statim contrario motu in sedem restituit, præuenitque lapsum. vnde Pli-

nus lib. 2. cap. 82. tutissima ædificia censet, in quibus fornices, anguli, parietes alterno pulsû resistunt. *Latere etiam facti parietes, minore noxâ quatiuntur*, inquit. quia, credo, duriores lapides, quales nostri Namureenses, prementibus nihil cedunt: ideoque vnus quis facilius ædificij iactatione eliditur, trahitq; cetera in ruinam. Docet etiam fornices tremoribus resistere. quod abnuuit tamen Keckermannus, exemplo terræ motûs anni 1601. quo omnium penè templorum in Heluetiâ camerationes rimis affirmat deluasse. Sed nec ignorauit Plinius fornicum commissuras tremore, præsertim tam valido, posse laxari. vt tamen homo varicus horizonti insistent, difficilius in hoc aut illud latus, quàm si compressis esset feminibus, impellitur: ita diuaticatio illa parietum, imposito fornice benè colligata, firmior est aduersus lapsû. pars enim vna curuaturæ alteri obnititur, partemque oneris eius sustinet, aliamque reficit in aduersi parietis perpendiculum.

ARTICVLVS III.

Quæ loca obnoxia terræ motibus.

ARistoteles, Seneca, & plures alij consentiunt, terram littoralem esse maximè obnoxiam tremoribus. Causa est in meatibus & venis subterraneis, quas aqua vbique excavat: sicque spiritui viam quâ se insinuet, concauitatesq; spatiosas, quod multus in vnum confluat, facit. Hæ tamen venæ & cavitates non nimis laxæ & hiantes esse debent, quia per eas itum reditumque liberum & innoxium spiritus haberet. hæc enim causa esse putatur, cur media Cycladum, templo Apollinis & mercatu olim celebrata Delos, sola terræ motum non sentiat. cauis enim rupibus imposita est, si Callistheni credimus, quæ exhalationi deprehensæ facilem dent exitum. quamquam tamen, cum Darius exercitum in Græciam duxit, & semel alias concussam, prodiderit Mucianus. Audi lib. 2. cap. 82. Plinium. *Oppida minùs quatiuntur crebris ad elunem cuniculis canata. multoq; sunt tutiora in iisdem illis quæ pendent: sicut Neapoli in Italiâ intelligitur, parte eius quæ solida est, ad tales casus obnoxia.* vbi enim omnia cuniculis & aquæductibus perforata sunt, spiritus laxius discurret, nec exitum difficilem & perplexum habet. vnde in bellis nostris cuniculi agi ab hoste contra cuniculos solent, vt via aperiatur, quâ flamma pulueris, per istos canales innoxia se euoluat. Itaque breuiter, concauitas quidem exhalatio-

nis capiens ad terræ motum, sed tamen sine exitu facili, esse debet. obstruantur autem meatus, vel limo, vel ruinâ terræ quam aqua labefactat.

Non omnes tamen maris oræ, aut insulæ æquè tremunt: quia non vbique idoneæ subsunt cauitates. deinde, quæ ignes solo subiectos habent, in maiori & præsentiori sunt periculo. igneus enim spiritus præcipuè, & maximo impetu mouet. sic in Campaniâ, vbi Vesuuus & torâ naturâ tepidi fontes, in Peruiiâ, in Sicilia, in Æolus, Moluccis, & Flandricis Insulis, frequentes motus. Hoc verò mirum, quod audiui de Flandricis istis seu Terceris: solemniter ferè quotannis agitari, & vniuersas tremere. quod signum est, spiritum motorem fundo eidem solido subesse, cui omnes impositæ. Aër tunc etiam ruber & veluti flagrans, satis significat ignem periculi auctorem esse. Keckermannus nullas in torâ Europâ vrbes magis quàm Constantinopolim & Basileam, existimat obnoxias. Hanc, quia ad ripam Rheni sita, & fundo lapideo inædificata, ignesque sub terrâ absconditi non procul inde: quandoquidem iuxta Badenam Heluetiorum Thermae ebulliant, quæ Basileâ ab sunt vnus diei itinere. Ægyptus omnium regionum tutissima creditur, quia Nili, vt putant, se superfundentis limo, fluido primùm, deinde in solidum se densante & sic inarescente, sine venis & cauitatibus creuit. Argumento, quòd apud Homerum Odyll. 4. Menelaus Telemacho narret Pharum tantum à continenti Ægypti abesse, cui iam adlaxret, quantum naui diurno cursu plenis velis metiri potest. quod Plutarchus etiam de tempore quo Homerus, tot scilicet post bellum Troianum & Menelaum annis, vixit, intelligit. nisi ergo Homerus vanus, facile 36. nostratium leucarum distantia ista fuit; etiam si duodecim tantum horatum nauigationem accipias. singulâ enim quâque horâ nauistumente velo ternas leucas emetiri valet; vt ego ab Oceani nostri nautis accepi. consensitque Brodæus, qui fide in mari supero inferoque nauigantium 8. miliaria Italica vnâ horâ decurri secundo statu affirmat. Igitur Ægyptus terræ motus non sentit, non quia nimis patientes, vt Delos, meatus, sed quia nullos, habet. Agathias tamen de Bello Gothico, Alexandriam, cùm ibi luri operam daret, tremuisse narrat. rem tamen pro prodigio fuisse, quia nemo tam senex erat qui alterius exempli meminisset.

Simili de causâ Belgium nostrum, & præcipuè quod in Septentrionem & Hollandiam spectat, rarissimè mouet. aggeratione

namque Oceani surrexisse putatur, olimque vulgata traditio habet, mare aliquando Tongros alluisse. sitque id profecto, præter alia, verisimile humilitate littorum, quæ non saxea & montosa, qualia Natura fluctibus obicere solet, sed mollia, terrena, aut glareosa, & plerumque facta manu, ad submouendum, aliàs inundatum, pelagus.

Lib. 1.
Cosmo-
crit. c. 1.

Sæculo tamen elapso, ut terribilium nihil deesset, Belgium etiam non semel agitatum fuit. *Rarum est*, inquit noster Gemma, *regionibus nostris terrarum motus persentiscere, neque ab annis pluribus quidquam de his maiorum industria designauit. Vehemens tamen concussio fuit anno 1554. primum 21. Martij horâ 12. noctis: ut multis locis vasa in sublimi constituta deciderint. eras, ut rectè memini, cum tremore mugitus ingens, ac velut aheneus clangor multorum currum, qui concitato agmine præterirent. Alter successit 22. Martij, horâ quartâ post meridiem, bis valide subsiliente solo. multis metu ferè sanguis obriuit. Quamquam fortius iterum 30. Aprilis, horâ quintâ pomeridiana usque, ad tres vices continuas. Iterum ad annum 1569. post acre gelu Secutus est, inquit, è vestigio terra motus 14. Martij, circa 12. noctis, cum rauco murmure. Itaque loca aliàs minimè fistulosa quati etiam quandoque possunt, à spiritu præsertim in altissimis cauernis deprehensio: quo modo etiam ipsum mare ebullit aliquando & fluctuatur, exhalatione succutiente eius fundum. Licet enim fortasse terra Belgica, perinde ut Ægyptus, ad aliquantam altitudinem, quam superfluis quotidie & oblimans æstus fecit, satis firma sit, & exhalationum respuens; alij tamen fundo, lapideo scilicet & cauernoso, inardificata est, qui spiritum capere, & tremere possit. Leodium verò in Belgio nostro rarè vacillat, eâ ratione quâ Delos; quia tot discurrentibus venis carbonariis nimis laxè cuniculosum, libero ferè vbiq; exhalationis meatu. Itaque propius fortassis est alteri, id est, suffossionis, periculo. Si enim M. Varro narrat oppidum quoddam in Hispaniâ à cuniculis, altum in Thessaliâ à talpis suffossium; cur non idem meritò à suis carbonariis metuat Leodium?*

Ex antè dictis, facilis est intellectus Aristotelis, vbi docet, terras fungosas, ut Hellepontum, Achaiam, Siciliam, frequentius sentire motus. non enim capiendus est de nimis laxè fungosis. Vbi etiam mare longè exæstuat, inquit, facilis tremor esse solet. quia videlicet exiturientem per orâ littoralis venas & poros spiritum æstus in viscera terræ repellit.

ARTICVLVS IV.

De magnitudine, & duratione terræ motus.

SEd per quanta terrarum spatia vnus idemque motus decurrit? Seneca lib. 6. Nat. cap. 25. definit. *Namquam, inquit, per ducenta milliaria, id est, ferè 67. leucas Belgicas, motus extenditur. Ecce hic qui impleuit sabulis urbem, non transcendit Campaniam. quid dicam, cum Chalcis tremuit, Thebas stetisse? cum laborauit Aegium, tam propinquas illi Patras de motu nihil audiuisset illa vasta concussio, quæ duas suppressit vrbes, Helicem & Burin, citra Aegium consistit.* Similiter Dion lib. 66. narrans horribilem illam alteram Campaniæ quassationem sub Tito, quæ Herculanium & Pompeiõs euerit, Vesuuiumque intendit, affirmat aliquot antè diebus fumum & cineres ardentis montis Romam, quàm tremoris & tantæ cladis famam, impleuisse. Spatium tamen à Senecâ circumscriptum nimis angustum est, vt possit omnibus exëplis sufficere. Nam lib. 3. cap. 26. Histor. Indic. Iosephus Acoſta scribit, in regno Peruanio motus frequenter ad 160. leucas, imò ad 300. à Meridie in Septentrionem excurrere. Item circa annum 369 sub Valentiniano Cæsare, & anno 1116. totus pænè terrarum Orbis, denique anno 1601. Asia, Hungaria, Germania, Italia, Gallia, vno ferè momento feruntur tremuisse. vnde nec perpetuè verum est, quod quidam asseuerant, terræ motus obiectu magnorum fluiuiorum terminari & stare. Igitur nihil certò & affirmatè hic dici potest; sed multitudo, vires, profunditas exhalationis mouentis, firmitas etiam terræ superstantis, inspiciendæ. Spiritus enim multis locis dispositi latius mouent: etli difficulter possint simul & eodem temporis articulo; nisi aut concauitas continua sit, vel per angustias aliquas detur spiritui accenso & ignito meatus ab vnâ in aliam. sic enim alter ab altero flammam & impetum accipiet. Halitus etiam crudus non tam validè & latè ferit, quàm incensus & rarior. profunditas deinde cauernæ facit, vt idem spiritus vno ictu maiorem partem subilire faciat superficiæ terræ. Cum enim lineæ à circumferentiâ ad centrum terræ deductæ, parallelæ non sint, sed magis magisque appropinquent, quò altius descendunt, necesse est, partem terræ inter vtramque interceptam, perpetuè cuneari & abire in arctum, latissimamque esse in terræ superficie. vnde cauerna, cuius laticudo quadrantem milliariis non excedât,

modò non procul à centro & regione Inferorum fit, sustinere potest totam Europam: verùm vires & energiam spiritus propè incredibilem esse oportet, vt emoueat, aut sollicitet tantam molem. Itaque cùm tota v.g. Europa contremiscit, sepius fit vt non vna, sed plurisariam disposita exhalationes sint, nec vnico ictu, sed pluribus variis eius partes concutiant, flammâ vnius cuniculi, vt statim ante imaginabar, in vicinum per aliquam rimam se effundente. Vel, ex mugitu illo huc illuc discurrente, quis existimet eundem spiritum, ceu fulmen quoddam subterraneum, per longissimas terræ cavitates diffugere, sicque minimo temporis intervallo dissitissima loca tentare? Ne autem tam longas & perpetuas sub terrâ venarum decursiones mireris, cogita tot ibi aquarum receptacula esse, & infinitos fluminum per abdita labentium alueos.

Durities denique & soliditas terræ incubantis multum adiuuat, vt vicina, quæ spiritus non suffodit, tamen etiam contremiscant. Molle enim solum si succutiat, diuidit se, nec impellit quæ circumstant. Hinc etiam fit, vt subterraneum fulmen hæc illæ cuniculatim oberrans, & exitum quærens, alicubi quatiat tantum, aut furrigat vano conatu; alibi, quia mollior & infirmior, effringat impositam molem.

Non de nihilo etiam quidam terræ motus dicuntur finiri occursum fluminum. nempe illi, quorum spiritus profundiores alueis fluviorum non sunt. ripa enim vna agitata, alteram aquâ interfluente diuisam concutere non valet.

Keckermanus denique probabile existimat (sed nullo argumento probat) terræ motus, vt Plinius dixit de peste, diffundi ab Ortum in Occasum, aut à Meridie in Septentrionem. Tentati enim venti, aut marinus æstus, qualitatē regionum, firmam mihi aliquam rationem asserere possent, sed nihil pro voto effecerunt. Hoc saltem est verum, per Marinas oras, quæ sententiâ Aristotelis, & satis expertâ, facillimè tremunt, longissimè excurrere terræ motus. Oræ autem istæ, vel ab Ortum in Occasum, (vt in vtroque maris Mediterranei litoris vides) vel à Meridie in Septentrionem (vnde Hellespontus, Euxinus, Mæotide, Oceano etiam nostro, Africano item & Americano) extenduntur. Sed an à Meridie coeperit aliquis motus, & in Septentriones se sparserit, an retrò, quis nobis satis dicet? præsertim vbi eodem pæne temporis articulo litus vniuersum concutitur. Possemus tamen ex mugitu exhalationis, in quam partem se conuoluat, aliquid discere: perinde vt è tonitru, quò se per

per nubes agat fulmen, solemus intelligere. Sed sicuti fulmen nullâ certâ lege in omnes cæli regiones discurrit: ita de spiritu terræ motore, est proum suspicari.

Duratio terræ motus incerta etiam est & inconstans. Aliquando enim momento pænè absolvitur, aliàs per menses totos, aut annos edurat. Maximus ille anni 1601. qui ab Asiâ ad Oceanum Gallicum, id est, per totam Europæ longitudinem se effudit, vltra quadrantis horæ spatium non iuit: nisi quod trigesimo pôst die Heluetia reliquias eius aliquas sensit. Pugnanter & vincente apud Trasymenum lacum Hannibale, Italia tota cum multis passim ruinis quassata est; sed intra pugnæ breue tempus concussio stetit: vnde neutra acies eius motus sensum accepit. Anno 1538. Italia iterùm, 15. diebus, Fallopio teste, annò 1570. duobus integris annis, Fabricio Paduanio, agitata fuit. Auerroës Hispaniam suo tempore totos tres annos vacillasse dicit. Aristoteles & experientia affirmat, 40. dies sæpè solemnes fuisse. Vbi tamen tam diu durat, motus non continui, sed vt plurimum interpolati sunt, vt solent in nube fulmina. Ratio est, quia non statim & vnico ictu exhalatio tota erumpere, aut ita dispergi, vt non iterùm reliquæ coëant & vires resumant, potest. Secundi tamen ictus debiliores ferè sunt: nisi aut parum spiritus primo impetu defluerit, aut rarior longè & intentior agitatione factus fuerit. aliàs enim terra primis ictibus quassata plerumque se laxat, & venis ac meatibus de spiritu largiter bibit. hæc enim causa est, cur sæpè citra vllum manifestum chasma aut hiatus cesset terræ motus. quia, inquam, terra potius causam eius efficientem accipit & consumit.

ARTICVLVS V.

Quæ anni tempora maximè sentiunt terræ motus.

Omnia sine vllò discrimine, inquit lib. 4. de Ortu subter. Georgius Agricola. Ratio eius, quia à solis ignibus subterraneis (quidquid Aristoteles ad Solem referat) effici putat terræ motus. ignes enim isti toto anno euaporant motores spiritus. Ita etiam Bodinus, qui dæmones *ενοονιδιες* facit. Nec reuerà destituuntur exemplis. De vere & autumno res controuersiam non habet. Sed Lib. 1. Senecam audiamus. Pompeios in Campaniâ terræ motu defecisse. Nat. 6. 1. se vbi affirmavit: *& quidem diebus hibernis*, (inquit, nempe Nomis Februarij) *quos vacare à tali periculo maiores nostri solebant prouincere.*

mittere. Famosus etiam ille Olyssiponenſis motus, anni 1531 quando Rex & totus populus deſertâ ciuitate, octo diebus, quibus durauit, in campis egit ſub pellibus, in Februarium incidit. & tempore Alberti Magni Longobardia concuſſa eſt ipſo brumæ die. Nec zſtas etiam caret tremoribus. Anno 1586. in Regno Peruanno terræ motus nonâ die Iulij per orâ maris Pacifici 160. leucarum longitudinem cucurrit. & hoc anno, inquit Agricola, qui vigefimus Imperij Caroli Quinti eſt, ipſo Solſtitio Miſnia contremuit.

Sed nequidquam in Ariſtotelem & veritatem pugnas Agricola. Inſinitis enim exemplis certiffimum eſt, terram ſæpiſſimè mouere autumno aut vere. Belgium ſæculo elapſo, vt ex Gemmâ noſtro Articulo 3. retuli, ter mouit, bis Martio, ſemel Aprili. Sed plurimi tamen in omni memoriâ facti autumno. Quo tempore Auguſtus Antonium ad Actium vicit, Palæſtina tremuit. pugnatum autem eſt 4. Nonas Septemb. vt ex lib. 5. 1. Dionis patet. Veſuuius arſit, & Campania citubauit ſub Tito, quando curioſitas viſendi miraculi Plinium perdidit (fumo enim & cinere incendiij ſuffocatus eſt vir ille maximus) extremo autumno, teſte eodem Dione. Conſtantinopolim ſæpiſſimè conquaſſatam, ſed diſſimè anno 1509. legi, & temper menſe Septembri. Italia anno 1538. ſpatio 15. dierum tota vacillauit, inquit Fallopius, & Septembri. Motus ille anni 1601. tam celebratus, Europam præne totam, die 8. Septembris inter primam & ſecundam nocturnam, agitauit. Clariff. Academiaſtæ noſtræ, & famâ ſcriptiſque celeberrimus Medicus, Thomas Fienus, mihi de eo aliquando hæc narrauit, Sereniſſ. Ducem Bavarix Maximilianum, à cuius tunc cubiculis Medicus erat, motu exterritum, cum putaret vim Palatio fieri, aut omnia corruere, gladio ſtricto exiliſſe, familiamque inſclamſſe. Fieno interim altiffimo ſomno ſepulto: & cum manè negaſſet ſe quidquam ſenſiſſe, plures dies deriſo decachinnatoque à ſuo Principe. Sed & iſtud extra oleas è Keckermâno, linguæ Hebraicæ in Academia Heydelbergenſi tunc Profeſſore, adiciamus. *Natus*, inquit, *paullo ante hunc terra motum potentiſſimo Galliarum Regi filius primus, Delphinus: natus item potentiſſimo Eleſtori Palatino ſub ipſam terra motûs horam, terrâ adhuc velut tremente, filius tertius. Vtinam cum terra motu ad Eccleſia & Reipub. quietem vterque Europa à Deo donatus aliquando intelligatur! Vtinam poſteritas id experiatur, contremiſſe coram viroq; Principe Gallia ac Germania hoſtes! Vtinam de viroque*

terram

veram illam vocem ac praconium possit usurpare: Heroicorum animorum magnos esse, facilesque motus!

De Christianissimo Rege Ludouico XIII. iudicium non interpono, & posteritas videbit. De tertio illo Palatino vanissimum Keckermanni vaticinium erit, nisi publicæ Quietis magis quàm frater litauerit; qui illo suo Bohemico ambitu, Germaniarum, & totius pænè Europæ, Statim conturbauit.

Admirandus denique ille Ferrariensis motus, anni 1570. primos assultus dedit mense Nouembri, ipso festo die D. Martini. Et ne infinitus sim, animaduerte tu cum historias leges, & intelliges, quod dixi, exempla pluria autumnum aut ver incidere. Et hinc facile coniectamus, Solem aliquid afferre ad terræ vibrationem. Si enim penes solos subterraneos ignes caussa, vt Agricola & Lydiacus volunt, esset: hie me sæpius, quâdo frigore omnes pori & ignium spiracula clausa & adstricta, spiritu scilicet deprehensio & circum sua claustra fremente, terra tremere. Autumnus autem & ver, quia modico & repenti Sole fruuntur, exhalationes reddunt, quibus algidæ hiemes carent; nec seruore nimio consumunt, quod æstas solet. pigræ ergo illæ exhalationes circa terram sæpè herent, & facile relabuntur in eius meatus, miscenturque ignium subterraneorum halitibus. Pluuia etiam regredi in terræ penetralia compellit. & dehinc post largos imbres, inquit Aristoteles, non raro terræ motus. Plures deinde & maiores nocturni, quàm diurni sunt, & antelucani, quàm vespertini: quidquid iterum Aristoteli resistit Agricola. Ratio est, quia veluti extremum hiemis gelidius est initio, & hiemat acutus: ita quod noctis citra dimidium est, magis reperit à reliquis nondum extinctis diurni caloris, quod verò ultra ad Auroram decurrit, magis alget à vaporibus in naturam aquę perfecte restitutis, & caussis aliis refrigerantibus in longiori absentia Solis. Nocturnum autem frigus spiritum interdiu resoluunt intra terram adigit & continet. qui si satis altè descendat, ceteroque spiritui subterraneo misceatur, implere mensuram caussæ potest, quæ mouendæ terræ sufficiat.

Hinc etiam facile intelligitur, Lunæ aliquid imputari posse in terræ motibus. Plena enim & tumens, spiritus calore suo multiplicat, sed tamen etiam terræ poros nonnihil diducit. sicca verò & illius, meatus non laxat, cum in facie ad nos spectante, lumine indigeat. sed neque spiritus resoluit. Dignum etiam notatu duxit Aristoteles, in Solis & Lunæ deliquiis aliquando exortos terræ tre-

mores, spiritu scilicet subito calore destituto, & condito in subterraneos specus. Imo motum anni 1601. genarum eclipti, Lunæ 5. Solis 19. die Iunij Septembrem illum præcedentis, in parte Keckermannus tribuit.

ARTICVLVS VI.

Quæ signa antecedentiæ terræ motus.

Primum est, si aquæ puteorum aut fontanarum subito turbentur, & tingantur sapore sulphureo. hic enim est halituum e terræ secretariis in libertatem suspirantium, & in transitu aquas inficiendum, effectus. Sic Pherecydes Præceptor Pythagoræ haustu aquæ putealis terræ motum instantem denuntiavit.

Secundum est, si mare sine flatu & fluctu derepente attollatur & intumescat. Ita Posidonius, ut Strabo lib. 6. narrat, æstiuo Solstitio, sub Auroræ crepusculum, vidit mare Mediterraneum inter Æolias insulas (quæ & ignibus flagent, & sæpe tremunt) submersum in immensum surrexisse, defecisseq; paulatim, spiritu euanescente.

Tertium, si volucres præter morem sedent impavidæ. Signum enim est, ventos & omnes auras sopitas esse. libentius quippe volant aues, leni aliquo flatu adspirante. Malaciam autem & aëris insolitam tranquillitatem solere terræ motum antecedere, omnes fatentur. *Quis*, inquit Seneca ex Aristotele, *vis spiritus, quæ contrariare ventos solet, in infernâ sede desinetur.* Nunc quoque cum hic motus in Campaniâ fuit, quamvis hiberno tempore & inquieto, per superiores dies aer fletit. Potest tamen, ut vento vno spirante, alte sub terra tumultuetur: quia aliquando duos simul, etiam in aëre, conspirare, ex agminibus nubium in diuersa tendentibus, intellegimus, inquit Aristoteles. Sed hæc causa tam statæ fore tranquillitatis, ante terræ motus, mihi mentem non implet. venti enim non semper (imò fortasse raro) sunt terræ motores. deinde plerumque qui in nos recidunt, Apogæi non sunt, & apud nos nati, sed ex longinquiori, ubi frequentius nullus est terræ motus, veniunt. Existimo igitur, flatu eorum sustineri, aut aliò auerti ab exhalatione, quæ multa & conferta per terræ meatus, ante tremores, in altum transpirat. vnde aues etiam nonnumquam exterritæ volant & fugiunt terræ motus: quia halitus ille præcurfor eas abigit.

Quartum signum ex Aristotele est, lincea nubis in longum & directum porrecta. hoc tamen, uti & antecedens, immèdiate trans-

tranquillitatem & statum aëris, quam terræ motum significat. Et egressæ centies eiusmodi lineares nubium tractus vidi sine terræ motu. Vt enim tranquillo mari fluctus longi & recti ad littus veniunt, ac Aristoteles, quos in tempestate contorquet ventus: ita in turbatione aëris, magis sinuosa sunt nubium volumina, tot impellentibus hæc illæ flabris. Hoc igitur signum tenue est & remotum. quod tamen etiam Gemma noster, anno 1562. respondente evenit, ostendit. *Fidi*, inquit lib. 2. Cosmocr. cap. 2. *ipso die Nativitatis Domini, horâ tertiâ pomeridianâ, sub Sole lineam tenuem, nigram, quæ in raram longitudinem exporrecta diu permansit. Sol autem in nube equali, densâ radios nigerrimos spargens, interdum velut subsilire videbatur, credo ex vaporibus interiectis. Secutus est, uti tum præfagieram, terræ motus 17. Ianuarij anni 1563. cum fulminibus, quæ post ventos atrocissimos, tandem in maximas ac diuturnas pluvias eruperunt.*

Vltimum, & omnibus facili anteferendum, est, Mugitus subterraneus. ut enim vix unquam fulmen sine tumultuante antè tonitru emicat: ita rarissimè terra moquet, quin antè mugiat: compertumque id est per omnes historias. Exemplum vnicum, sed insignis, ex Diône, in concussione illâ Campaniæ & Vesuvij concussione sub Tito, sumamus. *Sonitus*, inquit, *tum subterranei tam* Lib. 66. *quam tonitrua, tum super terram mugitibus similes fuerunt dein mare simul fremere, calum unâ sonare, ingens, & repentinus fragor, quasi montes simul corruerent, exaudiri. Tum exsilire primum immensi lapides, &c.* Mugitus autem & vlulatus iste, exhalationis per caua aut aspera cauernarum se versantis & frangentis, effectus est: simillimusque est tonitru in nube: nisi quòd allisio ad dura & concava (quæ exhalatio non reperit in nubibus) sonitum illum ad vlulatum canum propius, quàm ad bombum conitruorum, sape deflectit.

ARTICVLVS VII.

Effectus terræ motus.

Qui terræ motui vulgò tribuuntur effectus, potius exhalationis sunt. imputantur tamen illi, quia per terræ motum exhalatio eos producit.

Primus est, ædificia succussatione sternere. vbi enim superiorum pondus extra fundamentorum perpendicularum diu inclinatum

Lib. 1.
Annal.

tum est, tandem procumbit. Sic tremor Campaniæ sub Tito duas vrbes, Herculanium & Pompeios, populo sedente in theatro penitus obruit. Sic diu antè, circa initia Principatûs Tiberij, duodecim Aliæ vrbes simul collapsæ nocturno motu: *quod improvisior grauiorq; pestis fuit*, inquit Tacitus. *neque solitum in tali casu effugium subueniebat in aperta prorumpendi, quia diductis terris hauriebantur*. Securus deinde alter miraculo plenissimus, Christo patiente, anno circiter decimo octauo Imperij eiusdem Principis, vt ex Scripturâ constat: *meninitq; Phlegon Adriani Caesaris libellus. & Didymus: Mei Christi tempore*, inquit, *non priuatus aliquis terra motus, sed tota terra conuulsata, & centro conuulsa fuit*. Diuinam ergo aut Angelicam virtutem, causam habuit: nec dubium, strages multis locis editas esse, qualem in Nyssena vrbe, ex Phlegonte narrat Eusebius. aut fortasse vibratio breuis, non inclinatio longa fuit, quæ statim omnia prona in ruinam, in libramenta sua restituit. Miserabilis etiam facies terræ motûs Antiochiæ, Traiano Principe, vbi omnes præne domus in puluerem comminutæ, & ipse Princeps, qui tum fortè ibi hiemabat, per fenestram vix euasit incolumis. Anno 1509. tredecim hominum millia Constantinopoli obruta, anno 1531. Olysiptonæ 1500. eueris ædes, anno 1570. Ferraria miserrimè tota dilacerata fuit.

Secundus effectus est, montium in plano excitatio. hæc autem fit motu qui Brastes siue Bulliens dicitur, estque similis illi effossioni, quâ talpa terræ metam in altum egerit. vel

Ouidius
15. Met.

— cen spiritus ori
*Tendere vesicam solet, aut direpta bicornis
Terga capri. —*

Lib. 4.
cap. 21.

Tumor ille postea permanet, & xuo indurefcit. Tali motu, anno 1538. in agro Puteolano, è cineribus & pumicibus mons altitudinis integri milliaris, qui ideo Nouus appellatur, excitatus fuit. pari modo plurimæ insulæ è mari emerferunt, vt Delos, Rhodos, Anaphe, Nea, Alone. inter Cycladas Thera, Therasia. De hac Seneca: *Therasiam nostra ætatis insulam, spectantibus nautis in Aegæo mari emasam, quis dubitat, quin in lucem spiritus vexerit? denique Plinij xuo, Thia.*

Tertius est, montium suppressio. Motu enim Rhecte, siue effractore, in abruptum aliquando hiatum montes, vrbes totæ cum populis, aut insulæ etiam hauriuntur. Ita perierunt famosæ illæ Achææ ciuitates Helice & Burs, de quibus Aristoteli aliusque tam fre-

frequentata mentio, quarum illa 12. stadiis, hæc 40. à mari aberat. & tamen Seneca dicit suo tempore super eas nauigari; Plinius, quædam adhuc earum vestigia apparere in alto. cum terrâ enim & hiatus quæ eas condiderat, à mari statim absorptæ sunt. Similis exitus magnæ illius Atlantidis insulæ, de quâ Plato in Critiâ & Timæo. vnicâ enim, vt narrat, nocte terræ motu plurimarum discissa, & Oceano Atlantico hausta euauit, superstitibus tantum velut naufragij hinc inde dispersis tabulis, Fortunatis & aliis aliquot illius maris insulis. Tertullianus Apolog. cap. 40. *Memorat, inquit, Plato, maiorem Asiâ & Africâ terram Atlantico mari ereptam. Vacillat tamen libro de Pallio. Inter insulas, ait, nullâ iam Delos, arena Samos; & (si Plato non mendax) Acôn in Atlantico, Libyam aut Asiâ ad aquans, queritur nunc. Mendacem tamen Platoni censeret Keckermannus lib. de Terræ motu anni 1601. & Iosephus Acoſta lib. 1. Histor. Indic. cap. 22. Primò, quia in Oceano illo inter Africam & Americam nautæ vix vllâ bolide reperiunt fundum; igitur nullæ ibi sub mari reliquæ insularum. Deinde, fateatur Plato, inquit Acoſta, se à Critiâ puero id accepisse, qui inter pueriles cantunculas, hanc etiam de Atlantide solitus minurire. Lipsius tamen noster lib. 2. Physiol. cap. 19. rem factam, non fabulam existimat. Pamelius etiam in cap. 40. Apolog. Tertulliani, narrationem Platonis partim fabularem, partim compertæ veritatis affirmat. Christophorus enim Columbus, inquit, anno 1492. 3. Nonas Augusti ex Hispaniâ soluens, per Oceanum herbidum, & veluti in pratis, multos dies nauigauit; sed nullos scopulos qui submersæ insulæ darent indicium, reperit. vndecimo tamen post die, insulas illas alias, Cubam scilicet, Hispaniolam, Iamaicam, per quas Plato transitum in continentem (Americam) esse dicit, inuenit. Sed profectò, nescio cur soli scopuli, & non etiam herbæ illæ mari natæ, suspicionem facere possint virentis alicuius insulæ proluxæ fluctibus. quia enim molli terreno, nec benè hærenti compage fuit, ideo tam facilè vnico terræ motu dissoluta in cœnum aut arenam diffuxit. Sed Oceanus ibi altissimus est, inquis. Nego, vbique. quis enim tam curiosè scrutatus fuit? Verum & istud demus. Fortasse, inquam, insula totum hiatus non impleuit, qui eam sorbuit. vel potius, insulæ lutum æstu & fluctibus aliò euectum est, & fundo maris vbique refusum, aut gurgites oppleuit. Nec id etiam tantum à puero aliquo somnante, aut dementiente, acceptum; aliàs enim diuinus ille Pla-*

to nimisquàm puer sit (& quis etiam puer tali ingenio , vt hæc tam ingeniosa fingat ?) sed ab Ægypti sacerdotibus , Philosophiâ & omne genus scientiâ canis , audierat , cum apud eos peregrinaretur , Solon ; à Solone Critias maior , à quo tandem Critias nepos , vt patet ex Timæo .

Franciscus denique Gomez Parte 2. Histor. Indic. asserit , memoria adhuc aliquam demersæ cuiusdam ingentis illic insulæ apud Indos superesse . Sed super omnia me , vt in hanc Platonis sententiam labor , mouet , quòd sine miraculo & transportatione Angelorum , nesciam quâ viâ lupi , vrsi , tigres , leones , & cetera animalia humano generi noxia , ex Arcâ Noë in Americam peruenerint , nisi hæc aut perpetuo continenti , aut per insulam saltem aliquam , similis Atlantidi , cum Africa ferè cohæserit . Imò nec etiam est , vt ipsi homines (nisi forte tempestate eiekti) sine acûs nauticæ vfu , qui non ita pridem repertus , ex Africa per illam Oceanû , quæ nunc est , vastitatem , transiant in Americam . Aliqui tamen per mare glaciale Septentrionis , & niues Polo subiectas , homines & bruta huc sponte transgressa credunt . sed cogita horridam illius calici faciem , & multa animalia alioia , & intolerantia frigoris , non accedes . Sed sat procul à scammate abiui .

Quartus terræ motûs effectus est terrarum cohærentium discordium . Sic Britannia à Gallia , Africa ab Hispaniæ contextu auulsa putatur . Sicilia ab Italiâ reiecta , Ossa ab Olympo recessit , &c .

Quintus , montis , ædificij , arborum , &c . in alienum locum translatio . Id autem accidit , quando spiritus molem in altum circulari non valet : eleuat tamen , & exitum per latera quærens , asperitates aliquas resistentes inuenit , quarum impulsu onus quodammodò succollat & vehit . vnde Albertus hunc motum , Vectionem appellat . Ita supremo Neronis anno prata & oleæ Vectione Marcellij Procuratoris Neronis , in agro Marrucino , in contrarias viæ publicæ sedes transgressæ . ita dudum ante , in agro Mutinensi , duo montes , air lib. 2. cap. 83 . Plinius , inter se maximo crepitu concurrerunt , assultantes recedentesque . Sic etiam anno 1575 . collis in Angliâ (quæ tamen rarissime sentit terræ motus) cum vicinâ planitie permutauit locum , & anno 1586 . mense Aprilis in Hiberniâ iuxta fluuium Barum , arbores cum spinetis , vt cap. 6 . Apocal. narrat Franciscus Ribera .

Sextus est , fontium aut fluuiorum insolentibus locis per aper-
tas terræ venas eruptio . siccantur etiam , aut alueum mutant ali-
quando ,

quando, vel in scaturigines suas refunduntur. *Amnes retrò sinere*, Lib. 1. inquit Plinius, & *nostra ætas vidit, Neronis Principis supremis*, sicut ^{c. 103.} *in rebus eius retulimus*. Nec dubium, quin aliquo terræ motu; & fortassè eodem illo, qui oleas Procuratoris Neronis, supremo etiam vitæ eius anno, transtulit. Idem factum seculo nuper elapso in Americâ Iosephus Acosta lib. 3. cap. 26. affirmat. Conimbric. Tract. 11. Meteor. cap. 8. terræ motu illo admirabili sub Emanuele Lusitanæ Rege, *Tagus*, inquiunt, *disfugientibus in viramque ripam undâ, sicca in medio vada ostendit, omnibus qui spectarent, terrore & stupore percussis*. Nec opus in re certâ & compertâ pluribus exemplis.

Septimus, & omnium pessimus, est pestilentia. solemnis enim hæc est, post omnes ferme terræ motus: id quæ per infinita exempla doceri potest. *Nec id mirum est*, inquit Seneca; *multa enim morti* Lib. 6. *fiat in alto latent*. Exhalationes ergo terræ mouentes, sulphure ^{cap. 1.} suo, aliisque qualitatibus, sæpè letales sunt, vel ipse saltem aër in cauernis illis pigrum æternæ noctis, aut culpâ terrarum, corruptus, quem discisso hiatu, vel per laxatos vt minimum poros, exhalatio secum in auras nostras expellit. Hinc Campano illo motu, gregem sexcentarum ouium, peste statim infecuta, in regione Pompeianâ exanimatum, narrat Seneca: redditque pulchram rationem, cur bruta facilius hanc à terræ motu luam, quàm homines, subi beant. quia videlicet, prono capite & in terram respirante sunt: homines verò è caelo, aut parallelum fere horizonti spiritum ducunt. Simili etiam habitu Auernus, Charonia scrobes, & plurima alia loca auibus superuolantibus pestem afficiunt. qualem se Hierapoli vidisse, & periculum in quamdam auiculâ fecisse, lib. 68. narrat Dion. *Is spiritus*, ait, *omnibus animantibus pestilens est, præterquam castratis hominibus. Cuius causam equidem asserere nequeo. ea tantum res vidi audiuq; refero*. Rogavi Clarissimum Medicum & Philosophum Thomam Fienum, vt vellet Dionî subuenire. sed negauit statim se fibulis respondere. Si aliqua tamen causa est, in frigore castratorum debet inueniri. spiritus enim illi pestilentes, sæpè feruidi sunt, & multitudine ac calore suffocant, cui fortassè potentius resistit castratorum frigus. sed id genus miracula non rarò vanitatis quam hæci pleniora sunt. Vel certe Galli illi Matris Deûm, antidoto præmuniti, aut spiritum tantisper continentes, innoxij antroni illud inspectabant. quod fama deinde sparsit ad omnes castratos. quod indicat Strabo. Cardanus etiam lib. 1. Variet. cap. 9. quatuor ordine

ordine opifices, qui in caueam subterraneam; vbi ipse intererat, descenderant, exanimatos seribit. nec tamen ideo, credo, quia minimis erant viri. Non omnibus tamen, aut omni tempore eque nocent. Charonia scrobs Plinio, hodie Antrum canum, in agro Puteolano, hominem confestim necat, bruta sopit tantum: excitanturque merfione vicini lacus. Pighius nihilominus in eo innoxius ambulauit, ultra æstum, nihil expertus. Turcæ tamen quidam alias immisi, statim extincti sunt.

Vltimus, & vilissimus omnium effectus, est timor Numinis: qui simul etiam est finis eius principalis.

ARTICVLVS VIII.

Timor Numinis, causa finalis terræ motus.

- I**Ta dico. Nam licet *omnia opera sua fecerit Deus, ut timeatur*; nullo tamen ferè maiori terrore id assequi potest, quàm terræ motu. vnde Aristoteles lib. 3. Ethic. cap. 10. dicit Celsas intrepiditate excedere, vocatque *μεινόμενος*, *insanos*: quia non timeant terræ motus. *Quam enim latebram prospicimus*, ait egregie Romanus Sapiens, *quod auxilium, si Orbis ipse ruinas ageret? si hoc quod nos tuetur ac sustinet, supra quod vrbes sitæ sunt, quod fundamentum quidam Orbis esse dixerunt, discedit ac titubet? quid tibi esse non dico auxilij, sed solatij potest, vbi timor fugam perdidit?* Non perdidit tamen: & Deum habemus, quò contugiamus. ideo enim hæc & patria terriculamenta ostendit, vt perituris inherētes ad sui respectum conuertat: vt quàm instabili vestigio humana omnia, in quibus pendemus, nitantur, intelligamus: quandoquidem etiam terra, quæ firmissima & in æternum stare dicitur, pedibus mortalium se subducatur. Heu, quò anchoram iaciemus, si vbique tam lapsans & infidelis fundus? In te, Domine Deus meus. Tu enim solus immortalis & immobilis es, *habitans æternitatem*. Tibi ergo soli infigamur, qui firmare nos potes. Mortalia omnia circa nos disfluunt aut cadunt, nosque pariter cum ipsis; quia miserama particula eorum sumus. Cui igitur manus iniiciam? quid arripiam, vbi omnia mecum labuntur, & eodem agmine tendunt in mortem? In Te me reiciam, *in quem proiectus sum ex utero, qui de ventre matris mea Deus meus es*. Per Fidem, Spem, & Amorem Tibi inhzerebo: imò pleno me saltu in pelagus illud intransnatabile mittam; vbi tamen nihil de me reperiam, nisi nihil, & nihil, & ex toto nihil. Sed nihilum

Ecclef. 3.

Seneca

lib. 6. c. 1.

1 Sam. 5.

psal 31.

A. Kemp.

lib. 3. c. 14.

nihilum tamen meum *adharebis dulci Toti meo: aut in ipsum, ut guttularoris in mare magnum, dissoluetur, eritq; aliquid in ipso, atasemque sic feret, imò aternissem.*

Sed quid ego frigido pectore, tam feruentes & alienos, non meos, sensus effutio? Repræsentata tamen hoc votum Domine Deus meus!

Terræ motibus etiam excitare vult nobis Deus memoriam illius magni tetræ motûs, & calamitatum quæ superuenient vniuerso Orbi, de quibus Lucæ 21. *Quando concutientur fundamenta terræ. quando confractioe confringetur terra, contritione conteretur terra, commotione commovebitur terra, agitatione agitabitur terra, sicut ebrius. quando deflagrante Orbis incendio, chasmate ingenti dehiscet terra, & cineribus permixtas hauriet victimas illas diuinæ Iustitiæ piaculares. quando infernus dilatabis animam suam, & Isaiæ 5. aperiet os suum absque ullo termino: & descendent sortes eius & populus eius, & sublimes gloriosusq; eius ad eum. quando dicemus, Quid Sap. 5. nobis profuit superbia? aut diuitiarum iactantia quid contulit nobis? Transferunt omnia illa tamquam umbra, & tamquam nuntius præcurrens, & tamquam nauis quæ pertransit fluctuantem aquam: cuius, cum præcrieris, non est vestigium inuenire, neq; semitam carina eius in fluctibus. quando miserabile corpus cum infelici animâ mittetur in stagnum ignis, & in profundum lacu: vnde fumus tormentorum ascendens in secula seculorum. Quis poteris habitare de nobis cum igne deuorante? quis habitabit ex nobis cum ardoribus sempiternis? O æternitas! O abyssus temporum impenetrabilis! O breue verbum, sed longæ significationis, cum ardoribus sempiternis! quanta, quàm infinita debet esse illa Maiestas, in quam momentaneus, nec satis expressus contemptus, suppliciis tam diris vindicatur & sempiternis?*

Apoc. 10.
Isaiæ 14.
Apoc. 14.
Isaiæ 33.

ARTICVLVS IX.


*Comparatio Cuniculorum nostrorum militarium
cum terræ motu.*

Magna omnino affinitas est Cuniculorum istorum cum tetræ motu, qui Rhectes seu Effractor appellatur: ut ars hunc videatur traxisse in exemplum. Ut enim tormentis nostris Iouem fulminantem, ita Neptunum, aut Plutonem tetræ quassatorem

Ee pulue-

pulvere cuniculario imitatur. *Huius tam atrocis inuenti auctor fuit, inquit Cardanus lib.2.Subtil. Franciscus Georgius Senensis. docuit hic Hispanos arcem Lucullianam iuxta Neapolim, quam Galli tuebantur, nunc Ovum vocatam, euertere: ade eius sacrâ, cum Gallis qui intus erant, etiam in mare ex monte translata. Guicciardinus tamen lib.6. inuentionem tribuit Petro Nauarro Cantabro. & Iouius de Nauarro sibi familiariter cognito affirmat famam toto Orbe (cum antè miles tantum esset gregarius) consecutum, in excauandis cuniculis, per quos immisissis tormentarij pulueris sementis, adeò terribiles intus flammæ excitare didicisset, ut obstructis spiramentis, violentiâ oblectantis intus flamma, non mania modo, sed imposita etiam rupes exscinderentur. Et deinde: Expugnata apud Neapolim Ovi arce, stupendo suo artificio usque adeò mirus extitis, ut Galli eius portentosa machinationis metu, reliquis praesidiis facile excederent, cum abripi in sublime propugnacula Megaris insula scopulis imposita, & furentibus flammis cuncta tremere, hiscerique & perfringi cum ruinâ multorum mortalium prospexissent. Vanuc. Biringuecius Senensis, qui etiam sæculi lapsi initio vixit, conterraneum suum, Franciscum Georgium repertorem, sed Nauarrum in arce Ovi sumpsisse primum experimentum affirmat, supposito in tribus partibus pulvere: negatque vllum postea cuniculum saltasse felicius.*

Receptaculum pulueris, quod in capite seu sine cuniculi est, quatuor orgyatarum, siue quatuor & viginti pedum altitudinis, duodecim verò pedum latitudinis, fieri suadet Biringuecius. Cuniculi vena, siue via quâ ad pulueris cauum peruenitur, tortuosa & aliquot amfractibus sinuata esse debet, ne lapides & cæmentum, quibus obstruitur, flamma pulueris excutiat, atque ita se per cuniculum, non per verticem & molem superstantem, exoneret. Illâ enim sine dubio se eiicit, quâ facillimè potest. Itaque vix omnes alix cum curâ sepiendæ & firmandæ sunt, ut per incumbentem molem erumpere cogas. Funis autem ignarius sulphure illitus, à loco pulueris ad orificium cuniculi inter cæmentum deducitur, per quem ignis serpat usque ad puluerem. puluis verò sumitur tenuissimus, ut totus ferè simul flammam rapiat. Sic enim violentior est, & maiorem stragem dabit. Sed rudem eius speciem, si placet, subicio oculis.



A est concauitas capax pulueris, cui moles excutienda superstat. vbi ignis ad finem funiculi in *G* peruenerit, puluis in flammam momento pænè rarefactus, claustra sua ad exitum molitur & tentat. igitur lapides & cæmentum obstructi cuniculi, à *G* in *B* angulo recto repelluntur, sed terra inter *B* & *E* interiecta impetum retundit. Itaque pars eius in *C* declinat. vbi iterùm hebetatus, & terribè in *D* tandem in *E* planè frangitur & expirat. vnde flamma angustiarum & moræ impatiens, per *H* quando aliorum non potest, viam effringit. Sicuti autem spiritus terræ motor molem aliquâdo valido primùm conatu attollit, deinde fatiscens incolumem deponit: ita sèpè in cuniculis vsu venit. Exemplum iterùm à Petro Nauarro petemus. Is cùm Bononiam à Gallis defensam oppugnaret, aëto sub mœnibus cuniculo, magnam eorum partem, cum imposito etiam Sacello sic eleuauit, vt plateæ vrbis per hiatum obsidentibus conspicuæ essent. sed flammâ nil vltrâ valente, ingens illa moles aliquamdiu pendula, molli relapsu tandem in vestigia sua & apertum foramen ita recidit, vt nunquam emota videri posset. vnde res diuino miraculo tributa fuit. Similis planè effectus terræ motûs anni 1116. in flumine Pado. hæc enim Chronicor. Hirsang. in Notis Reu^{di} & Amplissimi D. Io. Chapeauilli Canonici & Vicarij Leodiensis, ad caput 18. Aggidij Aurez Vallis. *Horrendus, inquit, terra motus per totum pænè Orbem terrarum factus est. quo ciuitates, castella, villa, cum hominibus absorpsa sunt, montes scissi, flumina deglutiente terrâ exsiccata. Padus, unus de quatuor Europa maioribus fluminibus, è terrâ eleuatus in modum*

Guicciard.
lib. 10.

fornicis, ut inter terram & aquam via pateret transeuntibus. unde extare extremus dies credebatur. Et de Mosâ etiam nostro, ad Chronicon Sigeberti Robertus narrat, eodem tempore in xta Abbatis qua Sustula dicitur quasi pendentes in aëre, fundum deseruisse.

Verùm in concavitate pari, pulveris cunicularij vires longè maiores, & plura moliuntur, magisq̃ ferociunt, quàm spiritus terræ motor. unde ars hic non tantùm Naturam imitata est, sed etiam superavit. Ratio est, quòd spiritus cavitatem influens & replens, multis partibus sit rarior pulvere: ideoque licet motu, vel ab aliâ causâ, in igneam etiam raritatem intumescat, pauciores sunt partes eius quæ talibus angustius capi nequeunt, quàm pulvis in flammam tantò se maiorem dissoluti. Cape id paullò enucleatius.

Pulvis eiusdem ferè densitatis est cùm terrâ, spiritus terræ-movens raritatis fortasse paris cum aëre. Terra, Aristotelis opinione, decuplo quàm aqua densior est, hæc decuplo quàm aër, aër decuplo quàm ignis. Hinc sequitur, terram siue pulverem pyrium millecuplâ densitate superare ignem & flammam: cùm tamen aër & spiritus motor decuplâ tantùm excedant. Igitur quando spiritus ignescet, in decuplo ampliorem tantùm locum se spargere tentabit; pulvis verò latius, & ad millecuplum. unde claustra sua magis indignabitur, tundetq̃e fortius. Adde iam, proportionem illam pulveris ad flammam nimis magnam esse. Snellius enim affirmat se comperisse, granum vnum pulveris reddere flammam centies vices quinies millies se ampliorem.

Ceterùm tamen terræ motus, aut quia spiritus profundior est, aut pluribus locis suppositus, latius, quàm cuniculi, terrorem spargit: estq̃e (licet fortè non erumpat) succussatione illâ nocentior, quâ plurimorum ædificiorum compages laxat, aut impellit etiam in ruinam. Hoc autem in cuneulis est inprimis sævum. Homines qui cum superpositâ mole in altum volant, citius ferè, quàm terræam illam aut lapideam molem, quæ maiorem cepit impetum, deferi, anteq̃ue relabi. sic enim fit, ut qui fortè incolumes recidunt, à superveniente terrâ viui sepeliantur. Ita nuper, dum mœnia civitatis Mosæ-Traiectinæ à Vigilantissimo Gubernatore, & armis inclyto illo Heroë, Illustrissimo D. Claudio de Lanoy, Domino de la Mottey, in meliorem belli usum reformantur, et ossus est aliquis Centurio an Tribunus, cataphractus, clypeo sinistra inserto, ceterisq̃e armis munitus, pedibus insistens, ac veluti in prælium statum compositis, torque denique aureo & fulgente insignis, qui an-

nos 46. ab illo scilicet 1579. quando ciuitas ab Excellentiss. Principe Parmensi Alexandro Farnesio expugnata, hic cuniculo conditus & sepultus steterat.

Verum non in terram solum, sed in mari etiam (tam in sui perniciem ingeniosa est mortalitas) repertus quodammodo cuniculorum vsus: nec ut hostem, sed se interimant, ne veniant in eius potestatem. in quos proinde regeri potest, quod olim in Fannium Martialis:

Hostem cum fugeret, se Fannius ipse peremit.

Hoc peto: Non furor est, ne mori, mori?

Hoc tamen mortis paulominus quam Saguntinæ genus in Oceano nostro iam frequens. vbi ingentes navium moles, ardentium vrbum imagine, se in nubes eiaculari (utinam quos vehunt in cælum eiciant!) videbis.

Simili ferè artificio igniaræ naues ab obsessis Antuerpiensibus fabricatæ, quarum fulmine ad mirabilem illum Principis Parmensis supra Scaldim pontem dislicerent. Naues enim ingentibus & sepulchralibus lapidibus inëdificabant, puluere deinde implebant, & nullo gubernante demittebant secundo Scaldis æstu. vbi ad pontem defluxissent, ignis per fomitem serpens puluerem incidebat: ibique tanto impetu naues, lapides, ceteraque missilia differebat, ut ingentem illam pontis machinationem tot trabibus, pontonibus, catenisque decumanis deuinctam firmatamque vnica nauicula dissiparet, plurimosque in vrâque ripâ mortales sterneret, contereretque. Innumeri enim nouitatis ignari ad ripas confluxerant, studio videndi ridendi que naues marino æstu, nullo alio rectore delabentes. Mirabilem etiam stragem à puluere passa vrbs Mechliniensis anno 1546. profecto D. Laurentij. fulmen enim altissimam quamdam turrim, in quâ 700. circiter erant cadi tormentarij pulueris, percussit. vbi turris momento temporis radicitus abrepta, partem murorum oppidi, & totum penè ipsum dilacerauit, plurimosque mortales exanimauit. fluuium ipsum, qui iuxta fluebat, ebibit, piscesque tostos aut ustulatos per agros dispersit. *Porta disiliens*, (ait Corn. Gemma, qui tunc adolescens in Ludo ibi litterario agebat) *tanta fuit eruptio, ut stragem latissimam dederit, disiectis adificijs pluribus 300. oppressis hominibus supra 500.*

Lib. 1.
Cosmo-
crit. c. 1.

Granatorum etiam artificium propius ad cuniculos, quam tormenta nostra ænea, venit. dissiliunt enim instar ferè cuniculorum.

Pilæ metallicæ sunt, palmaris diametri, inquit à Porta (nostræ iam tamen maiores, & pedalis, aut amplius sunt:) quæ clauo ferreo transfiguntur, vt ipse describit. alliganturque ferrea fila, quæ singula 300. taxillos terreatos insertos habent. ideoque Granata vocantur: quia scilicet, missilibus quibus inferciuntur, malorum Granatorum similitudinem expriment. Hæ pilæ optimo puluere tormentario replentur: quæ vbi per canaliculum immissum ignem acceperint, in mille dissiliunt partes, omniaque ventris missilia tam valido ictu iaculantur, vt in tabulas & muros palmum subintrent, & ducentos sæpè simul faucient. Audiuius nuper narrantem vr- bis Bredanzæ incolam: vidisse se cum horrore, hac obsidione anni 1625. vnicum Granatum à nostris in urbem coniectum, talibus furis agitaturn, vt ferè sit incredibile dictu. Tanto enim impetu ruptum aiebat, vt integram domum funditus cum parietibus, trabibus, tabulatis, tecto, diffregerit, comminuerit, difflaueritque.

Ante Ostendam denique ratio reperta, pulueris Granatorum sic medicandi, vt eo afflati in vertiginem darentur aut epilepsiam.



LIBERTI FROMONDI
 METEOROLOGICORVM
 LIBER QVINTVS:
 De Meteoris aqueis.

CAPVT I.

De Mari.



VI A vapor, aqueorum meteororum materia est, & è mari ceterisque aquarum conflugibus hauritur, de his antè, Aristotelis exemplo, dicam. priùs tamen de mari, vt parente minorum aquarum.

Aquæ verò generaliter, aut sub terrâ latent, aut in superficie eius sunt. Illæ aut per occultas venas discurrunt, vel in abyſſo magnâ (vt S. Scriptura Genes. 7. & 49. vocat; Plato verò in Phædone Barathrum, Poëtæ Tartarum appellant) desident & stagnant. Similiter quæ in terræ superficie, in fluentes & stagnantes diuiduntur. Fluentes sunt, quæ canali suo totæ & continenti agmine elabuntur. vt flumina, riu. Stagnantes, quæ sic alueo se continēt, vt non ita totæ effluant. Hæ vel fontes, vel putei, vel lacus, vel paludes, vel mare sunt. Fons à puteo, solâ profunditate & distantia à superficie terræ differt. aqua enim puteanâ ex profundiori hauriri debet. *Lacus*, inquit M. Varro, est *lacuna magna, ubi aqua contineri potest*. Sed hæc definitio est continentis. Pro contento verò, Est aqua magna stagnans, quæ ceterarum origo non est. Hoc addo, ad arcendum mare à definitione. aliàs enim mare pro ingenti quodam lacu potest haberi: nisi locutionis insolentia prohiberet. *Palus*, eodem Varrone auctore, est *pauulum aqua in altitudine, & palam latius diffusa*. Maior ergo lacus, quàm paludis profunditas esse debet.

Mare finiri solet, communis aquarum congregatio, origo cetera-

Libro 4.
 de Lingua
 Latina.

terarum, quæ definitio est integri & vni^{us} maris in toto Mundo. Nam mare Mediterraneum v.g. quæ pars est illius totius integralis, non est ceterarum aquarum origo. Mare Galilææ, & Caspium, lacus potius, quàm maria sunt. nisi Hebræo more, qui manifestam quamcumque aquam mare appellant.

Sed nonne igitur, inquit, mare aliud Adriaticum est, aliud Tyrrenum, &c? Ita. sed per synecdochen, quâ totum vsurpatur pro parte. Sic Poëta etiam hiemem, frigidum annum vocat. Sophista hic nuper quidam flagitabat excludi pisces à definitione maris: urgebatque non oportere excludi; quia continerentur definito. Sed aliud est, contineri vt in loco; aliud, vt in eo, quod ipsi per prædicationem tribui potest. Fretum est mare coëuntibus littorum quibusdam ceruicibus compressum. Tale Britannicum, Herculeum, Magellanicum.

ARTICVLVS I.

Quæ origo, & quanta magnitudo maris.

Pythagorici mare Saturni lacrymas, alij terræ vrinam, Anaxagoras & Empedocles sudorem, ideoque falsum, dixerunt. Nec longè id hodie spernit Io. Keplerus, qui terram, magnum quoddam animal ab ignibus subterraneis æstuans credit, & marino sudore diffuens. Sed nugæ istæ fabulares sunt.

Mare igitur, cum ceterâ omni aquâ & Mundo nascente, terræ vndique circumfusum, creatum est. Tertio verò Mundi die, ad vitam & commoditatem animalium, pars terræ resecta, suisque mari, quod se reciperet, cauatus alueus, cauati fluminum canales, tumulis, collibus, montibus plurifariam excitatis.

De magnitudine superficiei maris, nondum satis liquet. Quidam, inquit lib. 2. q. 1. Thimon, putant, vt in paruo Mundo homine, facies solùm & manus nudatæ sunt, ceteris partibus abditis intra vestem: ita in magno Mundo, ampliorem longè lateque tractum aquis conegi, emicantibus hinc inde sparsim terrarum insularum aut continentium particulis. Sed falluntur. fallitur & Scaliger Exercit. 38. qui vnicam tertiam telluris partem nudam, reliquas duas docet obrutas aquis. Propius veritatem est, quod curiose dimensus Piccolomeneus, plus aliquanto terræ nudatum, quàm suppressum mari, lacubus, fluminibus. Nimis tamen exerrat Autor ille Apocryphus libri 4. Esdræ, cap. 6. *Tertio die*, inquit Creatori,

tori, imperasti aquis congregari in septimâ parte terræ: sex verò partes siccasti, & conseruasti, ut ex his sint coram te minifransia seminata à Deo & culta. Itaque verisimillimum est, quod affirmat Bodinus, tantam fere maris, quantam terræ esse superficiem. De Orbe noto loquimur: nam aquæne an terra sub utroque Polo lateat, nondum comperimus.

De profunditate maris, antiquorum Geometrarum sententia fuit, teste Plutarcho, parem esse altitudini montium. Ideo fortasse, quia existimarunt montes à Deo exaggeratos ex parte illâ terræ, quam effodit excauando maris alueo. Sed difficulter hoc esse potest: quia, ut Libro primo ostendi, montes non pauci 4. milliaria Italica habent perpendiculi; cum tamen maxima Oceani profunditas ad dimidium milliare non perueniat, ut mihi asseruerunt, inquit Baptista Benedictus Epistolâ ad Horatium Mutum, *Hispani multi, & Lusitani præstantissimi nauta, tum Venetiis, tum Parma in Aulâ Serenissimæ quondam Principis. inter quos Venetiis fuit Illustris Rodericus Guzmanus, D. Franciscus Lopez, D. Garzias de Sesusiâ, multiq; alij.* In gurgitibus tamen quibusdam altitudo ad totum milliare, & ultra decurrit. alibi etiam nullâ bolide reperiri valet fundus. quod nuperâ nauigatione Indicâ, circa plerasque insulas maris Pacifici, experti sunt Hollandi. Imò lib. 1. Olaus tantam circa pleraque Nortvvegiæ montosa littora altitudinem Oceani esse scribit, ut funibus, quantis maxima naui impleri valet, non attingatur fundus. vnde etiam certum non est, an profundissimi gurgites, altissimorum montium non adæquent perpendiculum. Montes tamen vniuersi derasi, & in mare abiecti, non replerent totum alueum, cum superficies aluei æqualis propemodum sit superficiæ terræ montosæ simul & non montosæ.

Concludo igitur, terram longè videri maiorem aquâ. quod ita potest ostendi: Pone, quidquid aquarum vides in superficie, habere profunditatem parem cum terrâ, & ad centrum vsque decurrere: tunc solùm æquâ mole vtrumque Elementum erit, cum in superficiebus eorum statuamus paritatem. quoties ergo iam aqua minor est, quæ comparatione semidiametri terræ est tam brevis & vadosa? Nihilominus incomperta est vastitas & altitudo subterraneæ abyssi. Nam quidam putei metallici in Germaniâ (ut in Bermanno Agricola docet) ad 500. orgyas (mensura est sex pedum) sicci perueniunt; alij immensum alibi, in pari altitudine, aquarum Barathrum inueniunt. Deinde omnes lapides, & metal-

la, imò etiam Inferorum & Plutonis regnum, in terræ molem compingimus. Hoc tamen cauum igne & sulphure, non terrâ, est oppletum: diametrumque eius, vnus Belgici milliaris, Eruditissimus Lessius lib. 13. de Moribus diuinis cap. 24. statuit. longe tamen ampliorem Franciscus Ribera cap. 14. Apocal. vbi his verbis, *Et exiuit sanguis de lacu* (itz Dei, id est inferno) *vsque ad frænos equorum, per stadia mille sexcenta*, putat significari longitudinem diametri concavitatis inferorum circa centrum terræ: quæ sit 1600. stadiorum, id est 200. milliarium Italicorum. Sed nimis improba tamen est, inquit Lessius, hæc vastitas: nam diameter vnus leucæ cubicè multiplicata, sphæram efficiet, quæ capiendis occingentibus millionum corporum damnatorum (dando cuique sex pedes in quadro) abundissimè sufficiat; *Cùm tamen, inquit, certum videatur, factâ subductione, non suos centies mille millones damnandorum*. Sed tamen imaginemur, quidquid aquarum in terræ visceribus est, retrahi in mare, & obruere vndique terram, ascendet fortasse aliquantò altius, quàm in diluuiò illo generali, quando 15. cubitis superfudit se verticibus altissimorum montium. Infletur itaq; ad 10. imò 100. imò 500. milliaria supra terram, complanentur deinde omnes montes, repleanturque terræ omnes aluei & cavitates subterraneæ abyssi, reddaturque terræ facies quam habuit ante tertium Mundi diem; tota semidiameter globi aquei & terrei simul erit circiter 3500. mill. Italicorum. cùm igitur aquæ profunditati 500. milliaria dederimus, in terrestri semidiametro 3000. remanebunt. vnde terra erit adhuc quàm aqua duplo ferè maior: habebitque se ad eam vt 12. ad 7. vt ex proportionem semidiametrorum & sphærarum Benedictus ostendit. Si autem veram aquæ quantitatem, quæ in toto Vniuerso esse putatur, æstimemus, credit quinquies millecuplo facilè à terrâ superari. Detrahenda terræ tamen cauitas infernalis, quæ modica est ad spectu ceteræ molis. lapides verò & metalla, terræ relinquenda sunt; vt ossa suo corpori.

ARTICVLVS II.

An terræ & mari idem sit centrum.

NEgare videtur D. Thomas 1. par. quæst. 69. art. 1. ad 2. Ambrosius Catharinus, Paullus Burgensis, Bodinus, & alij. Docent enim, mare altius esse terrâ, & efficere quemdam in dorso eius

enis veluti gibbum. Si quætas, cur gibbus iste seu tumor aquarum in subiecta littora non se effundat, obruatque terram: aiunt retineri diuinâ manu. Hoc enim significari videtur Ierem. cap. 5. *Posui arenam terminum mari, præceptum sempiternum, quod non præteribit: & commouebuntur, & non poterunt: & intumescunt fluctus eius, & non transibunt illud.* Et Prouerb. cap. 8. *Legem ponebas aquis, ne transirent fines suos.* Iobi cap. 38. *Et dixi (mari) Usque huc venies, & non procedes amplius, & hic confringes tumentes fluctus tuos.*

Deinde, Rex Egypti Ptolomæus, maris rubri alueum in Nilum deducere aggressus, deteritus est à Mathematicis inundationis metu, excelsoque tribus cubitis Rubro mari comperto, quàm terrâ Egypti. simili terrore Demetrius Rex, Julius, Caligula, Nero, Cæsares, Corinthiacum Isthmum destiterunt velle perfodere. Ad quam altitudinem Ægæi & Ionij maris alludere mihi videtur Poëta celsus:

— *quæq; obiacet alto*

Isthmos, & à terrâ maria inclinata repellis.

Stat.
Theb. 4.

Nuper etiam Hispani cogitauerunt de incidendo Isthmo Americano inter Panamam & *Nombre de Dios*. Distantia enim illa 7. leucarum inter Oceanum nostrum & mare Pacificum, plus negotij, transportandis mercibus per circuitum 18. leucarum inter montes, facessit, quàm reliquum maritimum iter, quo 2300. leucarum nauigatione, peruenitur in Peru. Sed Ptolomæi, & Demetrii, ceterorumque exemplo, & periculo inundationis totius Americæ, consilium abiecerunt.

Tertiò: Aqua effusa in puluerem, item nocturni rores in guttarum globulos se colligunt, quorum peculiare centrum est, & diuersum à terræ centro. Igitur & mare tale centrum afficiat: cum eadem natura sit totius & partis.

Quartò: Numquam fontes per altissimorum etiam montium vertices emicarent, inquit Bodinus, nisi terra immersa esset aquæ altiori. quia locus vnde fons exsistit, non potest excelsior esse primâ origine aquæ.

Quintò: Ideo montes vbique ferè littorum, mari obiecti sunt, vt ipsum defenderent, ne obrueret terram depressiorem.

Planè tamen verum est, terram eminere supra mare, & vtrumque elementum corrotundari in vnum & singularem globum. Ideo enim mari excauatus est alueus, vt veluti in vtre cauo, & depressiore terrâ litorali, contineretur. Deinde, flumina palàm hu-

miliora sunt ripis, igitur & mare littonibus. Tertiò, quò longius mare a terrâ recederet, eò profundius foret: quia ibi altissimum punctum aque gibbi esset. quod tamen est compertæ varietatis. Quarto, non par esset eleuatio Poli sub eodem parallelo, in luto-
re maris, & alto mari. Maior enim cerneretur eleuatio e vertice illo aquei tumoris in medio mari. Quintò, mare flumina intra suos alueos repelleret. Sextò, venti gibbum illum maris flatu effunderent & complanarent. Septimo, naues soluentes e portu, contra clium aquæ obluertari oporteret, & magno molimine adscendere: in portum verò, nullo flatu aut aflu secundo, lapsu prociussimo defluerent, quod ridet nautæ.

Denique demonstrat pulchre, vtrumque elementum in eamdem sphæram & centrum conspirare, Archimedes, & Petrus Alia-
cus Cardinalis & Dominus Cameracensis cap. 1. Sphæræ, quæst. 3. quia expetitur guttas pluuiæ decidere in terram ad angulos rectos: ergo petunt directè & affectant terræ centrum. Item, aquam in loca decliuora & terræ centro propinquiora naturaliter defluere cernimus: igitur cacumen tumoris illius marini, gravitate sua etiam à se effundet, lateraque suppresset, vt diffundant se in globosam & vndique æquali intervallo à centro terræ distantem superficiem. Pulcherrimè itaque & verissimè Plinius ait: *Totas omniq, ex parte aquas vergere in centrum, ideoq, non decidere, quoniam in interiora nitantur. Quod ita formasse artifex Natura credi debet: ut cum terra arida & sicca constare per se ac sine humore non posset, nec rursus stare aqua nisi sustinente terrâ, mutuo implexu iungerentur: hac sinus pendente, illâ verò permeante totam, intrâ, extrâ, suprà, venis vs vinculis discurrentibus, atque etiam in summis iugis erumpente.*

Iam ergo videndum, quid aduersæ opinioni reponamus. Atque inprimis Scriptura sacra planè est à nobis, quæ Psal. 2. 3. ait, Deum firmasse terram super aquas. & Psal. 106. *qui descendunt*, inquit, *mare in nauibus*. Igitur altior est terra, e quâ in mare descendimus. Scripturæ etiam initid productæ, pro nobis loquuntur. nam significant Deum excauasse mari alueum, & terram circumiecisse vndique eminentiorè; ne si aqua altior foret, terræ se superfunderet. De illis qui ob altitudinem maris, non ausi perferdere Isthmos, sic à Geometris fuisse deceptos: vel certè, cur cœpro desisterent, aliam habuisse rationem. Ægyptij enim metuerunt aquam Nili (aiunt quidam apud Plinium) infuso mari corrumpere. Hispanos
verò

Lib. 1.
cap. 63.

Lib. 6.
cap. 19.

verò deterruerunt maximis, durissimis, & omni ferro impenetrabilibus illi montes, quos Deus fluctibus vtriusque maris opposuit, ut Ios. Acosta narrat oculatus testis. Esse etiam potest, ut partes aliquæ Regionum mediterraneæ, reuerà man depressiores sint, & perichtenentur admissio longius Neptuno. præsertim Ægyptus, Hollandia, Zelandia, quæ marino luno putantur primùm increuisse, & postea induruisse. vnde etiam manu, & aggere artificiali oportet ibi fluctus submouere: quia Deus olim ibi litus non constituerat, sed quod sub aquis erat, assurrexit paulatim cumulante limo, & mari depulso, in libertatem se vindicauit. Indicant id marinarum conchæ, quæ ex mediterraneis Ægypti effodiuntur.

Ad tertium, Fracastorius cap. 9. de Antipat. & alij passim, docent guttas colligi in globos, quia meruunt inimicam siccitatem, seque rotundando, vnicum quasi punctum ferendum ei obiciunt. Deinde partes sic plures melius & æqualiter ab aliis adiuuantur in agendo: cum extremæ omnes pariter recedant à centro. quæ enim in angulos excurrunt, minus opem centralium sentire possunt. Sed tamen vitum est, cur venter guttæ vtriusque pendulus, non effluat, eumque sua grauitas non exoneret. Respondebit forte Poëta vetus & amœnissimus in Peruigilio Veneris:

Gutta præcepit orbe paruo sustinet casus suos.

Ita est, quia orbis paruus, ideo casum sustinet. hoc est, grauitas ventriculi modicè protuberantis, nõ sat virium habet, ut partium mediarum vnionem rumpat. hinc quòd guttula minor, eò rotundior est: & si plenitudinem ei addas, tandem eo vsque inflabis, donec se dirumpat. aquæ enim maiusculæ non ita se erigunt, ut globentur: tumidior namq; ventris aqualiculus faciliè prolabitur, & viscera ipsis effundit. Itaq; argumentum à guttâ ad situlam aquæ, nihil concludit: quomodo igitur mare totum hinc corrotundare contendis?

Ad quartum Bodini, infrâ de origine fontium respondebimus. Maior quippe maris altitudo fontes in iuga montium non exprimit, aliàs omnium, vnde fontes scaturiunt, montium cavitates oporteret aquis redundare.

Quintum solùm ostendit, Deum scopulos, promontoria, montes obieciisse fluctibus, qui ventis & tempestate propulsi assiliunt, & terram molliorem, etsi altiorem, proluerent, aut deterrerent paulatim, aliqua tamen etiam maritima sunt sine littoralibus scopulis, ut totum Belgij latus à freto Britannico ad Daniæ, & vltra: quod Oceanum æstuariis accipit, aut arcet aggeribus. Nec diffi-

teor, etiam valles multas, & loca quædam humiliora in mediterraneis, superficiem centro terræ propinquiorem habere, quàm mare. Ideo enim Hollandi quandoque Principi suo minantur, ultimâ desperatione, perfossis aggeribus Neptunum dominum accipere, & inscensis nauibus, cum aris & focus ad Garamantas & Indos, extra Solis calique vias, enauigare. Nec planè fallitur antiquus ille Thomas Bricot lib. 2. Meteor. *Recitat Buridanus*, inquit, *se audivisse à pluribus Scholariis de Zelandiâ, quod maxima pars patriæ eorum est multò bassiôr mari: Et ideo oportet continuè artificialiter laborare contra mare ad expensâ patriæ, faciendo ripam obstantem mari.* Hinc merito Belgium *Neder-lands*, & *Pays bas*, appellatum. Pauca tamen regiones tales, & tam suppressæ. & ecce campi Venetorum, & Ferrarienses, & ora Apuliz, montibus & aggeribus contra Adriam carent, ut testis mihi Scalger, & tamen inundationum securi sunt.

Sed cur ergo, inquires, nautæ à mari littora se videre depressiora, imò faciliùs in portum relabi, quàm in altum proyechi, affirmant? Conimbricenses, & passim, respondent, littora è longinquo apparere nigriora, quàm vndas maris, virides aut albidas: nigra verò deprimi & recessisse videntur. Sed quid facimus Angliz littoribus, cretatis & candicantibus, quæ Calero, per 50. millia passuum, cernimus tam humilia, ut quis iudicet lintea esse suspensa ad sepe? Addendum igitur, distantiam inprimis minuere excelsitatem montium littoralium. deinde tumor maris interiectus vel totos celat, vel eorum partem. Ob similem telluris curvaturam, nubes ventis infra horizontem propulsas, descendere existimamus, cum tamen agantur in circulum. ex propinquo autem litus manifestâ & verâ specie, superficie maris altius est; etsi sæpè non ipsâ navi, ideoque dicimus descendere, aut exscendere (verbo T. Livio familiari) in litus è navi.

Verùm nonne igitur navis è portu vehens, scandere perpetuò, leni saltem cliuo, per aquæ tumorem videtur? Ita nautæ & ratio Optica affirmant. & sic etiam appareret, licet maris superficies esset complanata. In templorum enim pavimentis, & aincnâ istâ viâ Heuerlenti prope nostrum hoc Louanium, ita à Magnæ Lipsiò deprecicatâ, extrema semper planities altior, & paulatim asurgere apparet molli cliuo: quia remotiora altioribus radiis, & cælo vicinioribus, cernuntur. Sic ergo maiori ratione, summum & vicinum punctum aquei tumoris in mari, excelsissimum iudica-

mus:

mus: & eâ re fortè mare longè à littore recedens vocamus altum. Igitur (instabis) littus quoque eleuatus, & per lineam altioreni è longinquo, in oculos se ingeret. Dico futurum verum, nisi terra littoralis & mediterranea atriora sint mari, pars tamen littoris quæ e superficie maris emicat (causas iam antè dixi) necessariò demiliorem, & magis suppressam habet speciem.

Nauiis verò in portu onustior apparet, gressumque difficiliorem molitur in altum: quia aqua circa portus minus profunda est, inquit Problem. sect. 23. Aristoteles, ideoque onere oppressa magis cedit: maior autem in alto profunditas pondus facilius sustinet leuatque vt ventis, æstu, remis expeditè huc illuc agi possit, & ab hac profunditate verosimilius mare illud *alti*, vt & *profundi*, nomen accepit. Impetum ergo primum in aquâ vadosâ difficulter & morosè initio nauiis capit, concitato verò & per profundum collecto, celerius in portum refluit. Iam qualitates maris explicemus.

ARTICVLVS III.

De Salsedine maris.

Mare à salsedine, salum; & ab amarore, mare appellatum putatur: saporem enim ex salso & amaro, vt Aristoteles Problem. sect. 23. notat, permixtum habet. Non omne porro mare perinde salsum aut amarum est. Haustum Caspij dulcem esse, Alexander Magnus, teste Plinio, prodidit, & M. Varro talem perlatum Pompeio iuxta rem gerenti Mithridatico bello: magnitudi-
Lib. 4.
cap. 17.
 ne ac multitudine haud dubiè influentium animium victo sale. Ab eadem causâ Pontus Euxinus mitescit, eoque animalia adaquantur, stringiturque gelu: adeò vt anno 756. sub Imperio Copronymi, centum milliarium glacies plaustra tulerit, altitudine (quod pænè incredibile) triginta cubitorum aquâ congelatâ ad ipsum alui fundum. Gyllius etiam semel & iterum, dum Byzantiæ ageret, Bosphorum Thracium incrustatum vidit. Id autem dulcedinis signum est; cum salissimum illud mare, sit incongelabile. Oceani tamen vltimi Septentrionalis glaciem, æstate etiam Solstitiali, sex pedum crassitudine, nuper inuenerunt Hollandi. Sed Zonarum frigentium Oceanus minus salis habet, crescitque sensim amaritudo, quò propius ad torridam accedis. deinde immensum illud & pectinax Polorum frigus, in aquam, cogi aliàs contumacem, valere potest.

Sed

Sed de causâ marinæ falsædinis magno dissensu rixantur Philosophi.

Empedocles mare salum dixit, quia terræ sudor sit. sed licet pro Poëtâ (rem enim Naturæ carmine Græco scripsit, ut Latino Lucretius) id fortè satis sit, inquit Aristoteles, non pro Philosopho, qui metaphoras veritatem insulfantes deuitare debet. reuerà enim mare sudor non est.

Itaque Aristoteles pensculans animalium vrinas & sudores, item aquam per cineres aut calcem colatam, spiritu multo feruente & adusto, humori crudo se permiscente, sulfugine infici, argumentum ad mare traxit. Item humor operculis adhærescens, per quem sæpè fumus transit, salem respere solet, inquit Meurerus.

Mare igitur salum est, mente Aristotelis, duabus de causis. Et quia terrestres adustæque exhalationes in ipsum recidunt, seque illi confundunt, & quia Sol summam eius superficiem continuè populas, tenuissimum & dulcissimum in vapores, relicto crassiori & amarulento, extrahit. Vnde Ægyptios olim tam Philosophos
 Lib. 8. q. 5. fuisse, scribit in Sympol. Plutarchus, ut nocte semper, antequam Sol exoriens leuissimum & optimum vaporaret, aquam è Nilo ad totius diei potum soliti essent haurire. Hinc autem duo sequuntur. Primò, mare autumnò, quando scilicet plurimæ exhalationes in mare recidunt (æstate enim feruidà absumuntur à Sole, hieme non educuntur) salissimum esse. Secundò, summum aquæ marinæ tergum amarius esse fundo. Primum Aristoteles, & ex eò Plinius, asserit: Lemnius tamen, doctus ille & experiens Zelandus, ab æstate maximè saliri mare dicit. Nec, credo, Aristoteles negaret posse id euenire, quando Sol exhalationes non satis dispergere valet, vel earum maior adustio copiam autumnalium ampliorem compensat. quò enim halitus torridior, & magis ambustus est, eò falsedinem insigniorem facit. Nam ideo sub torrida mare salius.

De secundo, ingentem video inter expertos etiam (ut videri volunt) rixam. *Pro comperto veroq, habetur*, inquit Exercit. 51. Scaliger, *in fundo mariæ aquas esse dulces, superficiem non dulcem: quia dulce est in leui, leue autem à Sole absumitur.* asseritque deinde, vrinatores vitreis vasculis aquam è fundo extulisse. Sed vide, ut eludit Patricius. Scaliger, inquit, *vir fuit sanè acutus, sed qui pro Aristotele contra manifestam veritatem etiam peierare libens sustinuerit.* additque id eum ex Aristotele potius, quàm vllò experimento didicisse. Ipse verò contrariâ experientiâ, mare Creticum in fundo, pari

pari falfugine cum fupficie (demiffo per fummam malaciam vafe,cuius operculum fane in aquis aperiretur) præfente Philippo Mocenico,inueniffe fe tradit. Et profectò fi maris fundus dulcis, cur aliquando fiti emoriuntur in Oceano (vt Tantalus in medius aquis dulcibus) nautæ? Iam enim modum hauriendi didicimus à Patricio. Deinde, aqua falfa grauior eft, fine dubio, dulci: igitur leges æquilibrij fequitur, defluitque, alterà fupercandēte. fic enim Aristoteles Problem. fect. 25. aquam Ponti fummam dulcem affirmar, falfo fundo. Idem in Afcanio lacu videre licet, & Achilleo, fonte Miletenfi, apud Athenæum lib. 2. Sal enim, teftè Bodino, propenfior eft quàm terra, pondusque eius ad ipfam fe habet, vt 106. ad 92. vnde partem aquæ permixtam fale necesse eft in fundum fubfidere. atque hanc etiam cauflam reddit Aristoteles, cur mare iuxta littora vadofum, minus falſedinis habeat: quia aqua falſa, tamquam grauior, in gurgites & profunditates à littoribus defluit.

Dum hæc ergo aliaque Aristotelis loca expendo, hic videtur eius intimus ſenſus: Summum mare, quia inſolatum & percoctum magis, eſſe falſius, quam diu aqua illa in ſupficie manet: verum grauitate propenſiori, ſtatim eam in fundum delabi, ideoque plurimum ibi futurum ſalis, niſi perpetua maris agitatio omnia fuſum deorſum permiſceret. ſicque D. Thomam in 2. d. 14. q. 2. ar. 1. interpretor, vbi diſertè mari aſſerit dulcedinem in fundo. Et profectò confeſſa eſt ſatis potentia Solis in gignendo ſale, inſuſo in ſalinas mari, aquaque in eum excōctâ duratæque, vt in Africâ, Hiſpaniâ, Galliâ, ſacchari ſolet. Burdigalenſes verò & Burgundi fontes falſos igne ad ſalem perducunt. & de vicinis noſtris lib. 13. Annual. Taſtus, *Indulgentiâ numinum*, inquit, *illo in amne* (Hermunduros Cattoſque interfluente) *illisque ſilui ſalem provenire, non vt alius apud gentes eluuiæ maris aſcēſente vndâ, ſed ſuper ardentem arborum ſtruem fuſâ, contrariis inter ſe elementis, igne atque aquis concretum.*

Sol igitur terga maris inurens, ſalire etiam ipſa poteſt. Sed quam materiam incoquit? non enim ſimplicem aquam coagulare in ſalem valet. Terreſtrem exhalationem, putat Ariſtoteles. ſed vnde illa in mare venit? certè enim Solis radius ad fundum maris non penetrat, vt inde per mediam aquæ profunditatem in ſupficiem, eam extrahat. Itaque ex inſularum terreno, locisque mediterraneis educi oportet, ac deinde frigore aëris redenſatam deſſuere

molliter, aut cum impetu & vento præcipitari in mare. Verùm sic non nisi post multorum annorum tempus potuit mare salum, cum tamen plurimi piscium marinorum durare non valeant extra falsam.

Dico igitur Primò: Tertiò Mundi die, cum Deus aridam nudauit, mareque aluco suo infudit, addita ei falsedo, ad piscium tantam, & contra aquæ, aliàs stagnantis, putredinem, factum autem id mixturâ infinitarum panè exhalationum, quas Deus è terrâ, sulphure, nitro, bitumine, subito elicit, & in aquas sparsit. Probatum quia veluti nudatio terræ animantibus terrestribus, ita illud Salæ debebatur, & filiis eius, marinis piscibus, quibus vita inuita, nec ulla est, extra salem.

Dico Secundò: Exhalationes quas Sol è terrestribus resoluit, sufficere non videntur ad conseruandam tam diu, & in pari semper gradu, contra tot fluuiorum diluentium incursum, vaporumque repluentium infusionem, maris falsedinem. Probatum; quia magnam partem dulcium vaporum, qui eo extrahuntur, recipit, & plurimas exhalationes tam calefactione Solis, quam exoneratione aquarum & fundi sui falsissimi in apertas & hiantes venas, quæ emulgent ipsum & educunt in subterraneam abyssum, amittit exhalationes verò aliæ, quæ cum ventis aut aliter in ipsum relabuntur, non videntur esse copiosæ, cum terra maiorem earum partem recipiat: deinde, quod caput est, ventosæ exhalationes nõ sunt tam adustæ, quàm cineres, quibus comparari solent, vt tam insigniter inficere aquas marinas valeant. cur enim aliàs tot perennes lacus, quos pro magnitudine suâ & proportionem, tot quot in mare, venti & halitus incidunt, falsedinem non sentirent? cur Oceanus Septentrionalis medio anno quo nox ei perpetua incubat, perseuerat in sapore, cum tot niues & flumina in ipsum liquefiant, frigeantque tam longâ Solis absentia terrestres omnes exhalationes? Dices, quia flumina incurrentia sale suo vincit, tamquam fortior, non vincitur. Bellè enim Seneca lib. de Prouidentia cap. 2. *Quemadmodum tot amnes, tantum supernè deiectorum imbrium, tanta medicamentorum vis fontium, non mutant saporem maris, nec remittunt quidem: ita aduersarum impetus rerum viri fortis non vertit animum. Manet in statu; & quidquid euenit, in suum colorem trahit.* Magnificè hæc quidem: sed falsum vtrumque, & de Sapiente, & de mari. Nullus enim, ne ipse quidem Zeno, tam firmus & defixus, quem incurrentia mala non inclinent, & si non euertant, conturbant tamen

men statum, veluti ineratissimum etiam vinum diluunt tandem & castrant sæpius insulæ lymphæ: ita tam abundi & vndique influentes in mare amnes, saporem eius remittent, nisi largiter aliunde dispendium farciatur. Licet etenim salugo cuincat dulcedinem, non tamen sine pugna, in quâ vulnus etiam accipit & detrimentum. Sic etiam calor in nobis naturalis alimentum domat & conficit; sed ita vt hebetetur etiam ipse paulatim, & debilitetur in senectutem.

Quidam ergo cernentes, exhalationes supernè in mare relabentes non satis salamenti habere, ad flumina recurrunt; dicuntque, lunum mari inuectum, partem saliedinis facere. Sed frustra. si enim limus saliet, lutum etiam apud nos esset salum. aliud foret, si fundum aut ripas salas flumina abluerent, quod pleraque non faciunt. nam alias ipsa salem etiam resipere.

Hoc etiam meritò Aristotelem turbare potest: quodd exhalationes è terrâ eleuatæ, & vaporibus nubium confusæ; aut per eos in supremam regionem se transcribantes, pluuias, niues, aut grandines nulla saliedine inficiant. Rarissimum enim est, & in miraculis à Plinio positum, *Ter accidisse in Bosphoro, vt imbres falsi deciderent, necarentq; frumenta: toties & Nil rigna pluuias amara fecisse, magnâ pestilentia Aegypti.* Neque hilum proficit Scaliger: *Animaba, inquit subsalsas aquas aliquando fuisse demissas, non solum auditione accepimus, sed etiam tum lectione, tum sensus capto compertum habemus.* Id enim insolens, cum numquam non tamen terrent halitus nubibus permisceantur: & id haud dubiè, non simplicis terræ, sed sulphuræ, aluminosæ, aut bituminosæ, exhalationis miscelâ factum: quod etiam Scaliger non diffitetur. Si igitur ordinariæ exhalationes, quæ in vapore nubium extinguuntur, & deinde in mare recidunt, imbres passim non tingunt vlllo sapore, vix scio, quomodo tantum in marinis aquas valeant.

Dico ergo Tertio: Aut sub maris fundo fontes vel montes salis sunt, vt lib. 2. Subtil. credit Cardanus; aut (quod magis censeo) ignes in sulphure, nitro, alumine, bitumine ibi ardentes (quos ex insulis flammiumomis, & aliter Lib. 1. & 4. asseruimus) hunc saporem, ex salso & amarulento mixtum, concinnant. halitus enim per mare transpirant, qui in ipso extincti amarore perfundunt. Probatur, quia mare in saliedine suâ retineri, ad finem Mundi, debuit: nulla veid alia causa certior & plenior potest assignari. Deinde, fontes, & lacus salsi, similem saliedinis causam habent. vt v. g. Ma-

Lib. 3.
cap. 4.

Exerc. 31.

re mortuum, quod Scriptura sacra Numer. 34. Iosue 12. & 15. vocat falsissimum, à bitumine ibi copiosissimo saporem illum contrahit, veluti etiam densitatem, similem & maiorem marinâ, quâ pleraque iniecta sustentat, & in superficiem expuit. Galenus enim affirmat, aquam lacus Asphalti, seu Mortui maris, tantò, ob inculcatam copiam bituminis, marinâ vulgari spissiore esse, quantò hæc superat fluitabilem. Et licet flos bituminis supernatet, non tamen grauior eius & limosa pars, vt docet experientissimus Agricola. nam aliàs aquæ Asphalti circa fundum densitatem tam concretam non haberent. Deinde, alumen & nitrum merguntur, non natant. hæc autem sub mari & in gurgitibus esse videntur, saporemque suum vnâ cum bitumine aquis marinis vulgant. Nam nitrum adeò subsalsum est, vt Ægyptij, qui Nilum in nitrarias immissum Sole in nitrum decoquant, eo vice salis vtantur. Aqua deinde marina pinguis & viscida est, mixturamque bituminis palam refert: vti etiam pleraque purgamenta maris, vt halecyonium & succinum, quod Agricola ostendit ex candido bitumine concreuisse.

In summâ igitur statnamus, bitumen, nitrum, alumen mari subesse. & hinc etiam causam promamus tam variæ colorationis aquarum. Oceanus enim Flandricus subuirdis, Hispanicus cæruleus, & paullo vtrâ subrufus est. bitumen autem, omnis partè coloris reperitur.

Sed in quo præcisè subiecto ponimus falsedinem? In ipso halitu maximè, aquis confuso & humectato. sapor enim ex mixturâ calidi, humidi, & sicci resultat, in harum qualitatum subiecto. Iam verò aqua non tam illas qualitates habet, quàm ipsa exhalatio. Hinc lana è naui in mare dependens, exclusâ densiori & falsâ exhalatione, dulcem & sincerum succum bibit, exque eâ ad potum exprimitur. Similiter per tennes vasis cerei meatus aqua potui idonea transsudat, non securo, per angustias nimis arctas & conuenientes, sile. substantia tamen etiam aquæ, etsi remissiùs, simile sapore tingitur. recipit enim ab exhalatione, & à se partim, talem primarum qualitatum temperiem, vnde resultat illa amaritudo. temperies tamen citò euanescit absente exhalatione, & vnâ sapor.

Verùm dandi iam aliqua ratio, quæ non in expedito videtur, cur æstare & sub Torridâ mare salius, si salura è fundo venit. Dic, Solera aliquid etiam calore suo huc asferre, tergoque maris bituminosus spiritus aliosque incoquendo, falsedinem intendere. hoc enim,

enim, vt minimũ, vincunt, quæ antè produximus pro Aristotele. Atenim continerũne etiam formaliter, vt loquimur, sal in marinà? Ita putat Bodinus: quia Sole vaporante leuissimam eius partem, in salinis sal reliquum manet. Sed facilè defendi potest, materiam solam salis in marinà esse, & inde ipsum, tam cocturà Solis, quàm suppositi fundo ignis, conformari. Materia ista, spiritus ardeni bitumine, nitro, alumine, & id genus, exhalantes sunt, & aquà commixti. Cadauera etiani piscium infinita, aut eorum excrementa, aliquid (vel fallor) in salituram conferunt.

ARTICVLVS IV.

Ceteræ aque marine qualitates, & effectus.

MAre pinguem à bitumine, aliisque succis, ac densam habet liquam. vnde ardet quodammodo in igne, minusque extinguendis incendiis idonea est, inquit Aristoteles. Illustre nuper huius rei exemplum legere memini in Dione; dum in famosa il-
 Lib. 50.
 là pugnà nauali Actiacà, milites Antoniani situlis paruis, &, vt in trepidatione, semiplenis, ignem nauium à Cæsarianis iniectum, marinà restinguere conantur: magis enim flammabant, & pabulo hoc irritabant incendium. Docet idem Plinius, marinas aquas
 Lib. 2.
 tardius gelari, celerius accendi. Cur verd tam contumaciter mare
 cap. 103.
 congelasciat, non est promptum dicere. Mouit hanc quæstionem apud Agell. lib. 17. cap. 8. Noct. Taurus Philosophus, sed non dissoluit. Fortè, quia bituminis & alij calorifici spiritus è fundo per mare diffusi, hieme magis feruent, & in eo, ab antiperistaltici frigoris superioris aëris, continentur. Aristoteles enim, Plinius, & experientia affirmat, mare hiberno tempore, quàm æstiuo, magis effervesce. Vel certè, vim occultam glaciationi (vt ætium, quod maxime frigidum est, & tamen incongelabile) resistentem habet.

Densitatem marinæ probant onera nauium, quæ maiora & facilius à mari sustentantur, nec immerguntur tam altè. Hinc naui quæ sine periculo enauigauit mare, in flumine succumbit, aliquando & submergitur. De densitate maris Adriatici iuxta Venetias, lib. 2. de Ortu subter. Agricola. *Cùm essem Venetis, inquit, fortè scapham in irremem iniegit, & Monachum excussit. mare, quia mistum, vt cetera falsa, hominem non recepit; sed eamque fluitauit, dum proximà scaphà exciperetur.*

Scribit etiam Volaterranus, Hieronymus, Florentinum quem-

dam decoctorem, à creditore, colligatis manibus, ex Antidam turri in mare præcipitatum, & totâ nocte aquis sustentatum manè in litus euasisse: ac deinde contra creditorem facti habuisse quæstionem.

Si autem maria densior est fontanâ ac fluminali, grauiorem etiam esse necesse est: grauitas enim, densitatis est perpetua comes.

Sed mirum est, quomodo corpus tot diuersissimarum rerum miscelâ corruptum, tam claram & digestam seruet perspicuitatem. ad maximam enim profunditatem sæpè sese in oculos effert fundus maris, decipitque ignaros natantes, dum ob refractionem, superficiei valdè admotum credunt. sed se immergentes vt aliquid ex fundo rapiant, mirantur tantam altitudinem esse, cogunturque non rarè reuerti, quia animam tam diu continere, donec eum attingant, non possunt. Ob hanc densitatem & vnâ transparentem perspicuitatem, pulchrè Poëtæ mare, vitreum marmor appellant. Et Bodinus lib. 2. Theat. Cùm procul à littore, inquit, nauigamus, naui videtur vitreum lapidem sulcare. Curtius etiam lib. 3. vitreas vndas Marisæ representans, *Color eius, ait, placido mari similis.* Et hinc ecce nouum argumentum mihi succurrit, vt credam, non ab exhalationibus terrestribus adustis, limosis & opacis, existere eius salsedinem; sed à bituminosis & nitrosis, probe digestis, quolibet etiam glaciatur & coalescit succinum.

Mireris etiam, aquam marinam in vase seruata adeò citò putrescere, cùm mare totum non sentiat putredinem. Argenterius in Artem Galeni c. 89. id refert in continuam agitationem, quâ se purgat ab excrementis; vt proinde aër & spiritus inclusus facilem inueniat exitum. halitus etiam semper recentes & noui è fundo suspirantes multum arcere valent putredinem.

Aërem porro marinum, & inde Belgicum totum, maximè insalubrem & noxium lib. 17. c. 96. de Variet. existimat Cardanus. Vbi enim se per Belgium peregrinatum dixit, & vidisse mœnibus ædibusque formosissimas Brugas; fluminibus, hortis, spatio viarum, ceteroque omni cultu speciosissimum Gandauum, famosum studijs, amœnūque hortis & rure nostrum Louanium; patriam Vesalijs sui, situ ædibusque iucundam Bruxellam; platearum amplitudine munditięque ac ædificiorum elegantia hilarem Mechliniam; & super omnia, miraculum Orbis, *in quo, quidquid opum, inquit, vterque mundus ultra cisraꝝ, Aequinoctialem habet,* Antuerpiam: *tamen omnibus his in ciuitatibus, ait, tria cum sint tan-*

tum elementa, omnia defunt. propinquitus enim maris, & montium distantia facit, ut nullibi gentium aqua sit deterior: aer insalubris, ratione satis aperta, cum dulcibus aquis salsa immisceantur: locus vero humilis & Occidenti expofitus: celum quoque frigidum atque nubilofum: terra cœnum; neque enim aliter tot alendis hominibus fufficeret. Terra quod minus nullum deesse possit elementum non facit: cum mare eâ in parte supra illam tantum extollatur, ut nisi per aggeres, quin efflueret, obfisteretur, iam tota sub undis perijffet. Quod rerum deuenimus miseri Belgæ, qui etiam extra elementa iam viuimus? Terra nostra, non terra, sed cœnum; aqua, non aqua, sed muria & falsamentum, aer, non aer, sed nebula & vapor; ignis, minimè ignis, sed glacies & frigus merum. hoc enim, credo, elementum est, quod palàm deesse nobis affirmat. Verùm nescio quid auorum nostrorum xuo hic videris Cardane; certè hoc solum nostrum tale iam est, in quo Germani, Poloni, Galli, Hispani, & Itali etiam tui salubritatem & delicias inueniunt. Terra à se & industriâ colonorum tam ferax, ut grauissimas bellorum ciuiliū impensas diutius tolerauerit, quàm vlla Gallia, vlla possit Italia. Ridiculum est de aquis: omnium nationum deterrimas esse. non vidit, credo, tot fontibus irriguam Bruxellam; non Spadanos, & toto illo Ducatu Limburgensi, vbique ferè rupium colliumque emicantes, saluberissimi haustus, quod etiam ex Italiâ & omni ferè Europâ affluunt, latices. Verum tamen est, communem aquam duriorē, nec aded Sole percoctam, ut in Italiâ: sed ideo nec crudam bibimus, sed ignibus remollitam in cereuisiā. De aëre etiam non valdè conquerimur. hieme asperior, quàm in Italiâ est, sed æstate longè tolerantior. circa littora Oceani solum pronus (& id tantum nobis mediterraneis, & inassuetis) in noxam. nam vapore multo crassefcit, & etiam aspergino salis inficitur. nam, ut Lucretius,

Lib. 6.

*Denique in os salsi venit humor sapè saporis,
Cum mare versamur propter.*

Deigne nostro; ad soles æstiuos, siluas, cœc pites, & carbones Montenses, Leodienses, appello. Sed mittamus Cardanum.

Inter effectus maris, insignis est illa nausea, quâ insolentes navigationis vomunt, & in ventriculum demissa remetiuntur. Id autem partim à marino halitu repente venit (vnde etiam aqua tepida hausta, prouocat vomitum) partim agitatione: & hinc omnes etiam nautæ, in magnâ & iactabundâ tempestate stomachum
non

non continent. Bodinus tamen tam durum se fuisse scribit, ut nihil unquam se mouerit, etiam si sepius in Oceano, & medijs turbinibus, ubi alij sanguinem etiam vomebant, nauigauerit. credo, cum in Angliam procatum, pro Principe suo, Hercule, Duce Alençonio, ad Reginam Elizabetham itabat, quando pro Bodino solebat eum Regina Magistrum Ioannem Badinum appellare. Iactationem etiam ad vomitum conferre inde potest ostendi: quod debiliores ventriculi, agitatione etiam currus, non raro se exonerent.

Ob halituum etiam marinorum calorem siccitatemque euenit, inquit Aristoteles, ut in mari nauigantes edaciores fiant. tam enim vomitu, quam propria illa sua qualitate, cibi appetentiam exacuunt.

Aqua marina contra morsum rabidi canis, ait Lemnius, bibitur. item, ad purganda corpora, bilemque atram, aut sanguinem concretum, ab alterutra parte reddendum, ut lib. 3. i. c. 6. docet Plinius. quidam etiam in quartanis dederunt. Ut autem sine iniuria stomachi sumi possit, asseruari, donec vetustate deponat virus, præcipiunt. Aliqui tepesactam clysteribus infundunt, torminaque & choleram sic sedant. Difficilius etiam refrigescunt marina calefacti. lendes & tetra capitis animalia, pecorumque scabies, hac curantur, liuentia ad colorem reducuntur, ferroque celerimè rubigo exteritur. Et ne tam amplo & salutari remedio mediterranea destituerentur, inuenta est ratio, ait Plin. lib. 3. i. cap. 6. quã sibi quisque aquam maris faceret. Sextarius enim salis cum quatuor aquæ sextariis, salissimi maris vim & naturam implet. Scio etiam, qui in periculo & accessione pestis, huius marinæ artificialis haustu malum depulerint. Inter effectus etiam maris, halcyonem, è spumis, aut lanugine quadam marinâ concretum, item absinthium, quod aliqui seriphium vocant, aliaque infinita eius excrementa, numerari debent.

Mari etiam passim tribuitur vis quædam se purgandi, quã cadauera & res naufragas in littus eructat. hinc Exodi 14. Israelitæ statim à submersione Ægyptiorum, cadauera eorum viderunt in littore maris Rubri. An autem in mari virtus expultrix sit, ut in magnete quodam qui ferrum non trahit, sed respuit, dubitari potest. Non videtur tamen: quia sine vilo discrimine omnia non nimis grauia, ut tabulas etiam navium, & merces demersas, expuit. Æstus igitur tantum, fluctusque, naufraga versando propulsandoque,

doque, tandem ad litus appellit, ibique destituit: quia maiori impetu vnda in litus venit, quàm redeat; ideoque sæpè reuere-
re non valet quod deposuit. hinc etiam altissimo mari, longissime-
que à littoribus, depressa reuerti non facile quisquam videt. Ea-
dem est causa, cur flumen aut mare exundans littora & vicina ob-
limet: quia, inquam, impetu limum eructat, quem refluxus im-
becillior abluere, & reducere in alueum non potest. Ventus enim,
aut vis alia externa valida & vincens renium gravitatis, fluctum
exspergit, ac superfundit; qui deinde solo & spontaneo gravitatis
relapso, aut refultu à littore, qui idu directo tardior semper & fra-
ctior esse solet, redit.

Mare denique herbas innatantes, exhalatione aquis tempera-
ta, alicubi alit, vagà ac fluctuante, nec villo fundo conceptâ radice.
A qualitatibus maris, pedem amolior ad eius motus. Varij sunt,
sed primò

ARTICVLVS V.

De motu æquationis maris.

Maris motus, alius spontaneus & à naturâ est, alius à vi ex-
terna impellente, aut trahente. A naturâ est motus deor-
sum, quo propriâ gravitate ad loca humiliora & viciniora centro
defluit: talis est motus, quo secundùm Aristotelem & omnes pæ-
nè etiam recentiores (præter vnum Valesium, c. 50. Philosophiæ
sacræ) mare prono alueo à Septentrione ad Meridiem delabitur:
vocaturque hic motus, æquationis; quia eo fine fit, vt superficies
aquæ vndique coarctetur, & pari intervallo distet à centro gra-
uitatis.

Motus ab externo mouente tres solent enumerari. Motus rap-
tus ab Orru in Occasum, libratio à littore vno in aduersum lit-
tus, & æstus; siue reciprocatio illa quotidiana, congruens perio-
dis Lunæ. Fluctuatio enim quâ hæc illac ventus sine lege impelli-
tur, insuper haberi & negligi solet.

De æquatione etiam, est lis & controuersia. Valesius putat, ma-
re non defluere in Austrum; sed ideo pronius in illam partem à
Septentrione nauigare, quia venti Boreales, frigidi & denti, faci-
lius in ærem feruidum & tenuem Zonæ torridæ inclinant, illac-
que effluunt, quàm Austri æra Septentrionis spissum & resistentem
perterebrent. Hinc ergo fiet, vt naues è Flandriâ secundo

maris defluxu in Hispanias delabi videantur; quia Boream frequentius à puppi adspirantem habent.

Sed non longè euadit Valesius; reprehendi statim potest, & retrahi in mediam difficultatem. Nam non tantum secundo flatu, sed etiam aduerso, mare in Meridiem inclinat, æstusque in illam partem faciliores sunt & concitatiores. Ratio est, quia fundus maris in Septemtrione altior est, ut ego Aristotelem lib. 2. Meteor. cap. 3. interpretor, quidquid Vicomercatus renitatur. Strato enim apud Strabonem lib. 1. & alij testantur, plurimum arenæ in Mæotim & Pontum Euxinum à fluminibus inuehi: ideoque fundum vadosum, nec aquam capere quæ influit, sed deorsum in Propontidem & Ægæum refundere. Hinc Aristoteles Mediterraneum affirmat profundius Ægæo & Ponto, imò Oceano, qui extra Herculis columnas, quasi limus per fretum Herculeum ei inuectus fundum eius eleuet, gurgitesque omnes repleat. Verum tamen res non ita habet. Oceanus enim Atlanticus, & circa insulas Flandricas, altissimus, ac fundi plurisariam inexplorati est. Incertum etiam est, quod Strato contendit: Mæotim fluminibus tumentem effregisse Bosphorum Cimmerium, & misculisse se Ponto: Pontum deinde, viâ vi etiam factâ, per Bosphorum Thracicum in Propontidem, ac tandem effractis Hellespontu angustijs, Ægæum irrupisse. Lapidei enim illi, & rupibus incisi canales, satis affirmant, se artificis Dei manu, & cum Mundo ipso factos esse, uti & de freto Herculeo verisimile: nec enim auscultandû Eratostheni, qui Troiano bello Hispaniam ab Africâ diuulsam fuisse negat: eum antè Hercules illac ad Hesperidum, in Oceano Atlantico, insulas enauigauerit, & probabile sit, Menelaum longâ illâ octo annorum peregrinatione, educâ Mediterraneo in Oceanum classe, Africam circumnauigasse.

Credunt autem quidam, fundum maris Septemtrionalem fluminum se inuehientium limo & arenis attolli. Scribit enim Polybius, ab hac causâ in Mæoti suo tempore septem solas aquæ vlnas superfuisset. Sed causa dubia est, quia Petrus Gyllius, diligens litorum illorum inspector & scriptor, eandem hodie profunditatem perseuerare ait. nili affirmemus, arenas, quas flumina exonerant, in Euxinum & Propontidem defluere.

Si autem nolis fundum Septemtrionis paulò elatiorem, & elementi deuexitate in Meridiem & Zonam torridam declinare causa defluxûs in Meridiem erit multitudo fluminum, & nîuim,

cete-

ceterarumque aquarum, quæ vberius in Zonis frigidis pro ueniunt coactæ rigore cæli. Addunt aliqui, Solem sub Torridâ Oceanum sic depopulari, vt lacunam in eo faciat, aquis ab vitroque Polo defluentibus supplendam, vt æqualiter centro Mundi circumfundatur superficies maris.

Admirationem etiam meretur, quod in Enchirid. lib. 4. cap. 8. narrat Bartholinus Philosophus & Medicus Danus, mare Balthicum, cui Oceanus inter Daniam & Noruegiam se infundit, non solum à Septemtrione in Austrum, sed vice versâ aliquando ab Austro in Septemtrionem defluere. vnde nautæ nostrates, inquit, tempus vnum *Nordenwasser*, alterum *Sudenwasser* appellant. Id autem fieri ideo existimat, quia nunc Oceanus à Septemtrione in Meridiem, fluminibus Noruegiæ, Finmarchiæ, Islandiæ, Gronlandiæ, &c. maximis & rapidissimis incitatus, Balthicum influit, nunc contrâ Balthicum infinitis à Germaniâ, Liuitoniâ, Lichuanâ, Osiâ, Churlandiâ, Finlandiâ, &c. aquis actum & intumescens, postquam aliquamdiu in æquilibrio, sustentato Oceani fluxu, dubium pendit, tandem se superfundit, & totâ mole victor Oceanum in alueum suum retrò agit. Quo tempore etiam necesse est, totum Oceanum Deucalionem, & Flandricum (etsi in tantâ vastitate id fortè non sentiat) paulò incitatus delabi in Meridiem. Aquæ enim Balthicæ Oceano confusæ, molem exag-gerant, quam succumbere oportet & defluere à Septemtrione.

Itaque hic vides, non tantum à Mæotide in Mediterraneum mare à Septemtrione deuolui, sed etiam Oceanum Deucalionem abire simili motu in Torridam: causamque vnâ eandemque præcipuam esse, incursum fluminum à Septemtrione, alueisque ab eo Mundi axe deuxiratem. hanc enim etiam inter causas retulit Bartholinus illarum Regionum incolæ: ridetque Telesium, qui odio Aristotelis affirmat, *Terram Borealem nusquam excelsam, nullâ distinctam montibus, vniuersamque humillimam.*

ARTICVLVS VI.

De Libratione, & raptu maris.

Librationem vocant motum, quo mare perpetuò à fitiore vno in oppositum alternis vacillat. Est ergo velut oscillatio quædam, similis ferè illi, quâ lances æquo pondere se attollunt deprimuntque. Causa eius, incurrentia vtriusque flumina sunt, venti,

& repulfus ab vno littore in aduerfum. vnde tantum in fretis & angultis hæc libratioprehenditur. Omnes etiam qui in infulis & maritimis habitant, fatentur, in summâ etiam malaciâ, nulloque vel tenuiffimo flatu, mare tamen perpetuò noftu duque affilire & flagellare littora. Causa non videtur in promptu. An fortasse, quia vnâ parte maris motâ, ceteras omnes, etiam in longinquo, vibrari & sollicitari necesse est? Ita enim docet Philosophus Problem. sect. 23. Non enim est aqua similis aëri, qui minus ferè impulsu contrahi & densari potest: ipsa enim quia crassior & densior, magis etiam contumax; vnde pars vna fluctu impulsâ, aliam deinde loco summovet, & hæc iterum consequentem, & ita catenatim: vt vnâ parte baculi motâ & cedente loco, altera etiam exire est necesse. Itaque motus in disfito, & vbi venti aliquid turbarum cient, procul inde & in tranquillum referri ac peruenire potest, nisi motus alius ei veniat obuiam, qui hebetet aut repellat in contrarium.

De motu raptus ab Ortum in Occasum, licet Card. Contarenus, & plerique eum fortiter asserant, est tamen quod dubitem, siquidem de Oceani motu sit questio. Nam palam est, Mediterraneum ab Ortum versus Fretum Herculeum in Occasum ferri. Colligitur id patet celeriori navigatione. Ocyus enim, secundo & æque valente flatu, Alexandria in Hispaniam reditur, quam ex Hispaniâ eò nauigeretur. Causa est continuus, & instar fluminis agminis, Maotidis, Eoxini, Proponudis, in Ægæum & Mediterraneum defluxus, vt Gyllius testis oculatus scribit. moles igitur ista aquarum in littora Afriæ decumbit; & inde repulsâ, quia directâ sursum & aduersus fluxum redire non valet, oblique versus Adriaticum, Siciliam, Sardiniam, Italiam, Gallias, & Hispanias se in Occasum retorquet. Vnde etiam necesse fuit dari mari Mediterraneo exitum in Oceanum per Herculei angustias, ne aquæ à Septentrione affluentes, Africam, aut Europæ litus submergerent. Pars tamen aquarum freto non euoluitur, sed à litoribus Hispaniæ, iterum ad Africam refleditur: atque ita magna Mediterranei pars quasi circulatim ab Ortum per Septentrionem in Occasum, & deinde in Meridiem contorquetur. similemque in Adriaticum circulum est cernere: ascendit enim per littora Illyrici & Dalmatæ Venetias vsque, ac deinde in Italiam recumbit, & secundum Apuliæ littora refluit in Ortum.

Simili motu credunt plurimi, Oceanum Indicum raptatim continuè

tinuū ab Ortū ad Occasum; putantque raptū primi mobilis id fieri. ideo etiam motum raptū appellauit. Sed vnde hic motus intelligitur? Quia, inquit, ex Hispaniā in Occidentem & Americam nauigantes, intra singularem mensem cursum absolunt; cum tribus aut quatuor, contra renisum aquarum, vix redire valeant. Sic Lusitani superato Bonæ spei Promontorio, difficulter & morosē in Moluccas & Ortum eluctantur, cum tamen facili & præcipiti lapsu reuertantur in Occidentem. Vnde Exercit. § 2. Scaliger, *Sub æli suo parallelo, inquit, Australi jacet insula Maidegasear, cum ingens, cum opulenta. ad quam 20. diebus circiter ex Moabar Indiæ perueniunt mercatores: atque ij aequali ventorum vi reditum comparare nequeunt celeriore, quàm qui tribus mensibus perficiatur.* Igitur Oceanus ab Ortū in Occasum, in Zonā torridā vsque ad Tropicos, vbi raptus primi mobilis est concitator, circumte terram cum cælo videtur.

Verū neque effectum admitto, neque si faciam, placet talis causa. cælum enim tantam aquarum molem permouere non potest, licet totum ærē a Luna ad superficiem maris raptaret secum in orbem. mollis enim & fluxus ær aquarum superficiem molli & lubrico lapsu destringeret, non ei iniiceret manus, & traheret in sequela. Adde etiam, raptum primi mobilis non peruenire (quod Lib. 1. ostendimus) ad nubes & mediam æris regionem. Itaque ad influentiam occultam cæli aut siderum Torridæ impendentium, quæ Oceanum proximè, non sollicitato ære intermedio, in orbem deducat, id est, ad nugas, erit recurrendum. Tolerabile namque id esset, si aliqua certa cæli pars, aut stella ducem se illi motui præberet, veluti Luna manifestè ætus gubernat. Sed nihil simile apparet. Igitur vel totum cæli inter duos Tropicos spatium, influentiam illam possidet, vel ipsa in cerebro tantum imaginantium est, quod existimamus.

Sed nec etiam Oceani perpetuum ab Ortū in Occasum sub Torridā, aut alibi, fluxum damus. facilius enim ab Ortū quàm Occasū nauigationis causa, non est, quam Columbus & primi illi Indiarum repertores confinxerunt, Oceani in Occidentem raptus, sed Subolanorum ibi toto anno molles & vix vtrquā interpolati flatus. Hoc enim à posterioribus nautis, curæ huius & veritatis diligentioribus, didicimus. idē disertè affirmat Ios. Acosta lib. 3. Histor. Indic. colligoque manifestè ex Diario nautico Hollandorum, nauigationis in lauas & Orientem anno 1595.

Hinc igitur classis Indica, cum ex Hispanijs in Americam nauigat, rectissimo cursu ad Insulas Canarias siue Fortunatas, vt breuissimâ lineâ Tropicum Cancrî & Torridam intret, contendit: quia statim in limine excipiunt eam ab Ortû adspirantes Subsolani, qui continuo & lenissimo flatu in Occasum & Americam exhibulant. Vnde ab eâ re vastissimum illud Oceani inter Canarias & Insulam S. Dominici æquor, à placiditate *Golfo de las Damas*, *Mare Domicellarum*, appellantur. Cum verò eadem classis repetit Hispaniam, viam init planè contrariam, nam quamdiu potest, in Occidentem versus Nouam Hispaniam, vt tantisper saltem fruatur beneficio Subsolanorum, vela obliquat, exitque demum Torridam & Tropicum Cancrî iuxta Hauanam. Ibi statim à 27. gradu eleuationis Poli ad 37. regnant & afflant ab Occasu Fauonij, qui vela in Hispaniam implent. circa verò quadagesimum eleuationis gradum, omnes venti suis vicibus spirant, tantâ inconstantia in mari, quàm in terrâ, vt docet lib. 3. c. 7. Hultor. Indic. Iosephus Acosta.

Verum quæ causâ esse potest, quæ Subsolanos in Oceano intra Torridam aded pertinaces facit? Iosephus Acosta credit flatus istos non exhalationes ventosis, sed aërem infimæ regionis raptu cæli circumuectatum. Probatum potest, quia natura ventorum instabilis est, nec tam diu (saltem non circa totum annum) contumax in eadem partem. Deinde, Auctor idem narrat, in locis mediterraneis Torridæ variare flatus, nec eandem esse Subsolanorum constantiam, quæ est in mari, quod accidit, inquit, propter montes, quibus aër infimæ regionis circumactus occurrit, repellitur enim ab ijs versus Ortum, aut hæc illac dispergitur: quod in patenti Oceano non vsu venit, vbi montes nulli.

Assentiri tamen nequeo, raptum cæli ad terram vsque peruenire. Aër enim infimæ regionis, etiam extra Tropicos, etsi pullò fortasse segnius, sentiret hunc motum: nubesque (nullo saltem insigni vento flante) semper raptu illo agi cerneremus in Occasum. Deinde, cum eorum confessione, similes auræ tenuis & molliter adspirantes sint Subsolani Torridæ; causâ inuesiganda erit, cur exhalationibus ventosis non aliquando retrò in Ortum agantur, cum tam facili obniscu vinci & repelli possint. In cuius inuentione perinde erit laborandum, atque in reperiendâ aliâ causâ, diuersâ à cælesti motu, quæ Subsolanorum exhalationes tantâ pertinaciâ effundat ab Ortû.

Itaque

Itaque Subsolani isti, legitimi venti, non aër infimæ regionis aëus in orbem, sunt. Causa eorum obscura est, eiusque inuentio à situ & qualitate earum Regionum pender. veluti etiam causa Fauoniorum, qui toto ferè etiam anno (etsi paulò frequentius, quàm Subsolani Torridæ, interpellentur) à 27. eleuationis Poli gradu ad 37. persunt. Vt tamen aliquid etiam dicam, antequam tu vel ego abeamus, ad scientiam locorum & causæ, tam longè extra Europam peregrinatum, veni in mētem rationis quam Problem. sect. 26. reddit Aristoteles, cur Subsolati sub auroram & manè soleant adspirare. Quia videlicet aërem infimum nocturno rore grauidum prius radijs rarefacere, & ante se exstimulare versus Occasum consuevit. Deinde, terra etiam rorida, & recenti Sole icta, vaporem & exhalationem mixtim in altum respirat, quæ in mediâ regione statim refrigerens, in ventos versus Occidentem desluit, quia aër infimæ regionis ante Solem fugiens, in illam etiam partem, dubiam & pendulam exhalationem deducit.

Eandem causam solennibus illis Torridæ Subsolanis reddamus. Inprimis enim, quia noctes ibi pares toto anno aut suppres diebus, largissimo rore dissuunt, vt inter omnes Scriptores constat, nam sat longum tempus, quo refrigerant, recidantque, habent; plurimamque eorum materiam è terrâ marique Sol diurnus tam præsentis potenti que radio elicit. Igitur manè aër in Occidentem, Solis rarefactione fusus, tenetos & torantes Subsolanos, exhalatione & rore, terræ aut aëri circa terram & mare incubanti, natos, & ex alto refluente, in Occasum secum deflectit, & abducit. Deinde, status in eandem partem toto die continuatur, circumducanturque quodammodò à Sole ab Ortum ad Occasum, quia vna exhalatio alteri præit, eamque ductat. Sol præterea aërem versus Occidentem rarefaciendo pergit, facitque maximâ dissolutione, quæ cum continuo laxat, vt faciliorem & magis præcipitem illæ delapsus exhalatio reperiat. Huc etiam valdè iuuat, quod raro turbines (nisi in mediterraneis, aut circa Oceani littora) & magnæ tempestates Zonam torridam incurrant, quæ Subsolanos illos lenes in Ortum refundant, aut ad Polos declinent. Ratio videtur, quod, & à Sole magna pars terrestris exhalationis nimis, vt in status recidere possit, attenuetur; & id quod reliquum est, circa insulas & terram, vnde extractum, perflet, aut saltem non magnis sed lassis viribus in altum mare perueniat. Hinc præcipua materia Subsolanorum Torridæ, tenuis & marina exhalatio est, mixta marino

marino itidem vapor; partim etiam ipse aer calore Solis sparsus & effusus abactusque ante eum in Occidentem. Hæc verò causæ omnes simul & vniuersæ, extra illam Zonam locum (si perpendas) non reperiunt, vti nec in mediterraneis ipsius Torridæ, vbi & montes flatibus obstant, & turbidæ è terrestribus exhalationes aerem infestant.

Sed ecce hoc etiam retrahit abeuntem, dum cogito. Non diu-
ni tantum, sed etiam nocturni sunt flatus isti Subsolarij. Scribit enim Ios. Acoſta lib. 3. cap. 4. & 8. nauem Lymenora anno 1580. spatio duorum mensium, Februarij & Martij, quando Sol pænè imminebat vertici (Lyma namque vrbs capitalis Peruvix 12 gradibus in Austru declinat ab Æquatore) confecisse sub eodem semper parallelo leucas bis mille septingentas in Occidentem, eodem semper clementi & gelido, die nocteque Subsolarij à puppi adspirante: nec vllam in toto illo vastissimo maris Pacifici traiectu sensisse tempestatem aut procellam. Pari felicitate & vento Aluarus Mandana ex Peru etiam ad Insulas Salomonis, sub vno parallelo, spatium mille circiter leucarum de currit. Quomodo ergo Subsolarij, quos Sol per diem ab Ortu ad Occasum circumducit, etiam noctem per spirant? Nescio, aut hoc est: Quia nocturni flatus diurnorum viam sequuntur. Versus Occasum enim aer vesperi ob propinquitatem cadentis Solis rarior est, quàm retrò ad Orientem. igitur halitus in regione superiori refrigeratus, & ab aëre occiduo laxiori & facili cedenti ad defluendum illac inuitatur, & ab aëre ortiuo, frigidiorè, & à Sole longius remoto, sequè continuò addensante, eodem etiam exprimitur.

Sed contraho vela, & in nodum colligo quod iam diu sparsi. Nullum scilicet esse Oceani raptum ab Ortu in Occasum; & in ventis Subsolariis, non in ipsâ aquâ esse fluxum, & nauigandi facilitatem à Sole ortiuo in occiduum Sed nonne tamen Scaliger antè mihi citatus disertè affirmat, *aquali ventorum vi* reditum in Orientem esse difficiliorem & tardiorè? Facit. sed deponate quidlibet audeam, id non ab vllâ nautarum experientiâ, sed à se accepisse; quia necesse id videbat, ad concinnandum Oceanum illum raptum nam alias venti, nunc aduersi & resistentes, nunc secundi & ferentes, efficere poterant, & res, vt iam ante vidimus, ita habet, illam diuersitatem.

ARTICVLVS VII.

Historia marini æstus.

HOc vnum ex abditissimis Naturæ arcanum est: & quod Aristotelem ita obstupescit, vt in tot de mari Problematicis, & Meteororum libris, ne quidem eius facere sustinuerit mentionem. Tædio enim difficultatis abstinuisse, Vicomercatus & Auctores passim credunt. Nam nesciuisse (quod quidam autumant) an mare æstus ille reciprocus sollicitaret, eras, cū M. Varone, fortasse credam, hodie nihil. Nimis curiosus & omniscius fuit, vt hoc propemodū vnum, & quidem tam insigne, eum lateret. Non adeo procul mari Illyrico Athenæ fuerunt: & classem Alexandri Oceani Indici æstu periclitatam audiuit, ex illis castris, vnde ei pleraque scirebantur, quæ in historiam animalium confarcinauit. Deinde Plutarchus, eum in Solem retulisse æstum scribit. Primū autem historiam æstus, quā verissimè poterit, vt inde nobis certior sit coniectura causæ, dabimus. Sed hunc tamen antè tibi scrupulum forte eximo; Quomodo non compugnent, seque in eadem aquā compatiuntur, tot differentes, & in diuersa eam distrahentes motus. Dic, veluti in eodem Planetâ, raptus primi mobilis, & motus in Zodiaco, corrixantur inter se, nec se tamen iugulant; ita fieri in mari. Iuant ergo concitantque se mutuo, cū fortè tendunt in eandem partem; retardant verò, cū in obluantur in aduersum. Sed ad æstuationis historiam.

In primis, Mæotis, Pontus Euxinus, Propontis, Ægæum, Caspium, nullo, qui sentiri possit, æstu recipiuntur. Hæc olim confessæ, hodierno experimento comprobantur. Mæotis enim in Pontum, manifesto, Caspium occulto, vt putant, meatu, Pontus in Propontidem & Ægæum, more fluminum delabuntur, numquam sursum refluxo mari. Mediterraneum tamen æstuat: didicique olim à Plinio, vbi ait, multos tranquillo mari nullo velorum impulsu, tertio die ex Italiâ Vticam in Africâ prouehi, feruente æstu. Fretum etiam Siculum bis singulo quoque die naturali, alternat æstum, ait lib. 1. Strabo, ad Oceani & Lunæ legem. In orâ tamen Italiâ, Gallicâ, Hispanicâ, inquit Scaliger, alijque, vix nisi obscure

Exerc. 32.

est quod aliquid amplius suspicer. Nam ex obsidione Carthaginis nouæ in Hispaniâ, libro 6. dec. 3. apud Liuium intelligo, Mediterraneum mœnia vrbis inaccessa facere affluente æstu, nudarique recedente, & id perquam opportunum fuisse oppugnanti Scipioni. Adriaticum verò Venetias vsque, satis manifestè, & ad duas orgyas etiam, vt quidam referunt, attollitur, supprimiturque. Iam mari interiori in Oceanum exeamus. Hic quacumque latissimè in Ortum, Occasum, Boream, Austrum patet, rarissimâ exceptione, tumescit, detumescit: etsi non in eandem altitudinem vbique. In toto Septentrione nostro, Noruegiâ, Daniâ, Hollandiâ, Flandriâ, Angliâ, æstus est cum maximè insignis. adeo vt supra Britanniam octogenis cubitis intumescere, auctor sit Pythias Massiliensis, inquit Plinius. Vnde hoc meritò & valdè mirum, mare Balthicum, cui se inter Noruegiam & Daniam infundit Oceanus, ne quidem tantillum æstu, vt scribit Bartholinus Danus, se mouere.

Lib. 1.
cap. 97.

In littore etiam Africæ, a freto Herculeo ad Cancræ Tropicum, exiguus, vt referunt nautæ, est fluxus. vltra verò, iuxta Nigrum fluuium, vulgò *Rio grande*, satis notabilis, & quantus in Lusitaniâ: ad Insulam S. Thomæ, sub ipso Æquatore, qualis Venetiis. In littore Mexicano, Cubæ, & vicinarum insularum, vix se erigit: cum Oceanus Pacificus ad Panamam, ad duas etiam leucas excurrat. Circa Terceras aliquantus est, sed inferior Hispanico. In freto Magellanico sat altus: in quo etiam vtriusque Oceani æstus sibi obuiam veniunt, vt à nautis accepisse se narrat Ios. Acosta. Denique Oceanus occiduus maiori æstu se inflat, quàm orientalis. adeo, vt regem illum fluuiorum Maragnon, siue Amazonum, in Americâ, cuius ostium latitudinem maris Mediterranei superat, ad 100. leucas supinet, & sursum reflectat. In Indijs orientali-bus tamen ad Patalam, quæ nunc Cambaia, in ipsius faucibus Indi annis, maximus est & insolens æstus, qui flumē ad 30. etiam leucas retrò agit, in modum rapidissimi torrentis. quæ res ignata olim Alexandro, subitam & magnam trepidationem classi eius iniecit. deferbit graphice lib. 9. Curtius. *Tam æstus*, inquit, *totos circa flumina campos inundauerat, tumulis dumtaxat eminentibus, velut insulis paruis: in quos plerique trepidi omisis nauigijs enare cæperunt.*

Alibi etiam multis locis flumina retrocedunt versus fontes suos cum marino æstu: vt plurima in Lusitaniâ, Scaldis in Belgio, Bætis in Hispaniâ, Garumna in Aquitaniâ: Tamisus in Angliâ etiam ad 50. miliaria repellitur.

Quan-

Quantum verò ad tempus & legem, quam seruant plerique omnes æstus, notat Plinius, alijsque panè à caluo ad caluum omnes, refecti in Oceano nostro Flandrico est pro compertissimâ: attollente se supra horizontem Lunari fidere, mare paullatim intumescere, donec peruenerit ad Meridianum cæli fastigium: tunc verò toto ad horizontem vsque occiduum descensu residit. vbi statim iterum inflari incipit, nec cessat, nisi cùm Luna Meridianum & punctum mediæ noctis attigerit. ibi secundò forbetur & detumescit, quousque tidus ad Ortum se reduxerit. Itaque bis die vno naturali, & quod excurrit, affluunt maria, bis refluant. Luna enim intra 24. horas ad horizontem, vnde exorta, se reuehere non potest, cùm interea temporis 13. circiter gradibus motu proprio in Ortum reciprocauerit, qui adijciendi 24. istis horis. sex igitur paulò amplius horas turgescunt, desiduntque totidem. Hæc regula communis, quam paucissimæ infringunt exceptiones. Tres tamen sunt. Primò, Scaliger Exercit. 52. asseuerat, Garumnæ Oceano Aquitanico septem horis intumescere, cùm quinque tantum detumescat.

Secundò, Oceanus iuxta fluuium Nigrum in Guineâ Africæ, medio inter Æquatorem & Tropicum Cancrispatio, quatuor horis instar rapidi torrentis affluit, octo refluit, Aloysio Cadamusto fido mihi teste.

Tertiò, fimosus ille inter Aulidem & insulam Eubœam Euripus dicitur septies die naturali reciprocari. Liuius tamen lib. 8. dec. 3. *Fretum Euripi, inquit, non septies die, sicut fama fert, temporibus statim reciprocatur: sed temerè in modum venti nunc huc nunc illuc verso mari, velut monte præcipiti deuolutus torrens, rapitur.*

Sed contrà audiamus etiam de eodem Pct. Gyllium, in illis locis non ita pridem peregrinum. *Equidem in Chalcidemi cùm venissem, ait, Liuij sententiam probare non poteram, cùm nullo stante vento certis temporibus contemplerer modò ferri ab Ortu Solis, modò ab Occasu, tanto impetu, ut ventos contrarios & plena nauigia contrà nauigantia secum asportaret: molasq; multas ab eo versari vidi aliquot horas ab Ortu ad Occasum Solis. Cùm autem ipse à moletrinaris, qui ex molarum motu accessum & recessum omnium maxime animaduertere habent necesse, percunctatus essem, quoties & quot horas nunc huc nunc illuc conuerterentur mola, responderunt communiter, intra 24. horas cursum quater mutari solitum esse: sex horis ab vnâ parte accedere, totidem ab alterâ recedere. Cùm autem*

adiungere inciperent, esse quadam tempora, cum has certas vices non observares, & ipse nimium attento vultu & animo excipiens illorum sermonem, & rei veritatem scire cupiens, quanam essent illa tempora, inquirere aggressus, deprehensus à quibusdam Corycæis, & repente correptus, ut explorator, aliquamdiu in custodiâ retentus sum, Male sic illis Corycæis nebulonibus. ego iam scientiam istam deuoraueram, quam è faucibus eripuerunt.

Molitorum tamen illorum in Euripo testimonio liquet, quater solum die naturali, non septies, (nisi fortè quandoque, quod Gyllius ex ipsius, nimis auidè, & extento collo, audire cupiebat) redire motus: ideoque bis fluere, totiesque refluere, secundum Oceanum leges. Aristotelem in Euripo perisile, Iustinus Martyr, S. Gregor. Nazianzenus, Procopius affirmant; cum Chalcidem, quæ Euripo alluitur, Athenis clam profugisset, impietatis ab Eurymedonte Hierophantâ accersitus, ut inquit Laërtius. Ibi enim Euripi reciprocationem admirans, nec causam eius satis capiens, insiliit post hæc verba, inquit. Επειδὴ Ἀριστοτέλης οὐκ εἶλετ' Εὐεπτορ, Εὐεπτορ ὁ ἔχων τὸ Ἀριστοτέλην. Quandoquidem Aristoteles non cepit Euripum, Euripus capiat Aristotelem. Sed non credo Principem nostrum tam fuisse vesanum. ut nec Hermippo, qui scripsit, anno ætatis septuagesimo Chalcide bibisse aconitum. magis Apollodoro, qui anno tertio & sexagesimo, climactere, ac naturali morbo, & ut alij, debilitate (à studijs & meditatione, ut opinor) stomachi defecisse: quo etiam tempore Demosthenes in Calabria discessit.

Aliquando etiam à causis naturalibus, aut diuinis, accidunt insolentes æstus. ut inter prodigia anni 1550. sub Edouardo Angliæ Rege puero, refert lib. 2. de Schismate Anglicano Sanderus, ad xvi. Cal. Ianuarias, Tamelimum iuxta Londinum ter intra nouem horas fluxisse ac refluxisse. Hoc etiam in risum accipe. In mari Erythraeo, ait Exercit. 52. Scaliger, tantus est æstus, ut oses Sacrarum litterarum temerè mentiti sint, Moysen in sicco transmisisse, nactum refluxionis occasionem. Quod tamen, inquit, fieri non potuit: propterea quod ad Sues usque (est oppidum) quod intimo in recessu iacet, mare operis litus illud, neque umquam regrediens ita nudat, ut inferiores partes, quâ transferunt Hebræi, suâ decessione aperiat. Locum enim traiectus, milliaribus Italicis fere 5. à summo littore distat, ut ex Adrichomio nostro colligi potest. Deinde Exodi 14. impressè asseritur, vnam pro muro transeuntibus fuisse à dextris & sinistris. ubi miraculum diuinum, sine effugio, apparet.

ARTICVLVS VIII.

*Sententie aliquot belliores, de caussâ efficiente
marini ætus, reſectæ.*

Quod ubique clamare ſoleo, nos nihil ſcire: maximè conueni huic diſquiſitioni, qua tractat maris motum, clamat Exercit. 52. Iul. Scaliger. & reuerà in abditiffimo Democriti puteo hæc veritas, ſi quæ alia, latet. Quam tamen Philoſophi omni æuo variè conati extrahere. & belliores aliquot probabilioreſque deducemus in pompam. Plato & Stoici, hodieque Io. Keplerus Mathematicus Cæſarius lib. 4. c. 7. Harmonicæ, terram ingens animal eſſe credit, quod immanibus pulmonum folliſus marinas aquas per interual- la viſceribus inſpiret reſpiretque. Additque præter alia, quibus terræ animam adſtruit (& quæ in libris de Animâ, Deo dan- te, reſellemus) Scaldim noſtrum apud Antuerpiam, antequam, ait, frequentia illa mercatorum Vrbem defereret, vno toto die æſtum ſtitiffe, quia ſcilicet animus eam deliquio & ſpiritus defeciſ- ſet. Fortè etiam anno illo 1550. tuſſiuerat, cum Oceanus Britanni- cus ad Tameſim, nouem horarum ſpatio, ter reciprocanit. Et mi- raculum illud Scaldis, inquit Keplerus, *non mediocriter Antuer- piam exterruit.*

Verùm, terram fabuloſum tantùm eſſe animal, alibi oſtende- mus. De deliquio Scaldis, olim in oculo illo Urbium, & competi- dio Orbis, Antuerpiæ habitauimus, annis 1607. 1608. 1609. in Illuſtri, Religioſiſſimo iuxtà ac Erudiſſimo S. Michaëlis, Canonicorum Præmonſtratenſium Monafterio, Philoſophiam profeſſus; nec ego, aut alius, credo, ſando aliquid ſimilis monſtri vniquam acce- pit. Clariffimo etiam Medico Thomæ Fieno, mirabiliũ, omnium qui ſub cælo ſunt, curoſiſſimo Antuerpiano ciui, rem propoſui; qui nil, præter riſum, reſpoſuit. Exundationes tamen Scaldis & O- ceani atroces, Flandri, Zelandi, Hollandi, Brabanti sæpè experti ſumus: vt anno 1521. Sanctorum Omnium feſto; anno 1564. 1582. & nouiſſimè 1624. circa Feſtum Epiphaniæ, liquatis ſubitâ & ingenti eluuiione muiſus. *Noſtrâ, & patrum memor:â*, ait lib. 2. Theat. Bodinus, *Barathrum Oceanus centum amplius millia iugerum diſ- ſipatis aggeribus eripuit.* Nam 70 circiter pagos obruit, quorum adhuc aliquæ turres emicant ex vndis. Et Lemnius lib. 2. cap. 41. de Occult. dicit, ſuâ, id eſt, auorũ noſtrorum memoriâ, Oceanum

minimo temporis interuallo quartum hibernis mensibus, in immensam altitudinem extumuisse, miserandâ Belgij clade. Vides ergo, ut animal illud Keplerianum, spiritum non sustinere, sed nimis liberaliter in nos effundere soleat.

Alterâ sententiâ eruditissimi cuiusdam Mathematici, nuper hic Louanij, nunc verò Romæ, est, qui æstare mare existimat, quia Angelus aliquis terræ motor (dubitat sub quo zenith) globum terræ attollit supra centrum aliquot cubitis, totidemque infra deprimit, certis & modulatis interuallis. cum terra in altum leuatur, siccantur aliquousque vada; quia aqua in oppositum hemisphærium, tamquam ad loca iam depressiora, & centro gravitatis propinquiora, defluit: cum verò deprimitur, mare hic tumet, quia ex altero hemisphærio ad nos affluit.

Verum hæc imaginatio aliquantò plus ingenij habet, quàm probabilitatis.

Primò, Quia nulla sic ratio solida reddi potest, cur non semper æstus sint æquales. cum tamen constet, plenilunio & nouilunio abundiores esse, sicciores in quadraturis.

Secundò, Cur cum Lunâ sex horis pleraque maria surgunt, totidemque resorbentur? An quia Angelus vocando & relaxando aquas cum Lunâ consentit? nugæ. Tertiò, Pone, si placet, Angelum istum aquarium Amstelrodami in mediâ Hollandiâ. cum terram eleuabit, non tantum Oceanus Deucalionæus in Galliam & Lusitaniam defluet; sed Scaldis etiam totus Cameracum vsque & ultra, item Mosâ relabetur versus suos fontes. aut saltem, si eleuatio non sit tanta ut alueum in fontes pronum efficiat, cursum tamen frænabit, aut retardabit. Scio, effugium esse in loco & horizonte, per cuius axem Angelus iste centrum terræ adducendo reducendoque librat. Statuamus igitur eum in Palæstinâ Ierosolymis (huc enim doctissimus ille Vir inclinat:) sed tunc ecce in Iordane, Nilo, Tigri, Euphrate, Mæotide etiam & Euxino, æstum aduertere licebit. & vniuersim omnes aquæ etiam dulces, lacubus solum, qui alueo non egrediuntur, excipuis, reciprocationem & æstum persentiscunt. Alia congeri possunt, quæ iam longitudinis verens subterhabeo.

Tertiâ sententiâ etiam in Angelos causâ æstus rejicit: qui tamen non terram librando, sed ipsum immediatè aquæ elementum fundendo reuocandoque, reciprocationem faciat. Sic nuper hic censebat Eruditissimus P. Leonardus Lessius, multosque hodie pronos

pronos video, quibus non vacat diu in hanc rem speculari, & crebrum impendere. Probant tamen, quia Apoc. 16. Angelus quidam nominatur aquarum; ideo, verosimili coniecturâ, quia ei a Deo data prouincia est æstu reciprocandi mare. cur enim non tam mari assignati spirituales motores, quàm cælis?

Sed argumentum nimis imbecille est, vt rem tantam sustinere possit. Legenti enim cogitatè locum Apocalypsis, Angelus aquarum statim intelligitur ille, *qui effudit phialam suam super flumina, & super fontes aquarum.* Vnde à curâ illâ inficiendi aquas, extremo illo tempore, non ab officio mouendi & regendi, videtur nomen accepisse. quod etiam inde adfirmatur; quia de Angelo singulari loquitur: cùm tamen vnicus non sit, qui vniuersa flumina, fontesque gubernet. Imò Angelus iste aquarius distinguitur ab alio Angelo maris (hic enim secundus est, ille tertius) *qui effudit phialam suam in mare.* Huic ergo potius incumbet munus mouendi maris. Sed iterum, cùm vnicus sit, maris Angelus appellatur, non quia mare æstu ducit ex officio ac reducit (tot enim, & tam dissita Oceani membra vnus Angelus reciprocare simul non potest) sed quia cura penes ipsum erit, corrumpendi aquas maris. Non renuo tamen, Angelos quosdam fluminibus & mari esse præsides: verum ij non efficiunt naves eorum per alueos motus; sed insolentes quasdam, ad stragem mortalium, inundationes, admirabileque alios præter ordinem Naturæ effectus; vt motum aquarum Ioan. 3. Probatiæ piscinæ, &c. vt Lib. 4. circa causam ventorum efficien-
tem diximus.

Si enim Angelis aurigantibus regitur æstus maris, cur aquæ etiam dulces non sollicitantur? cur Rhenus & Mosâ ad scaturigines suas, perinde ac quidam alij, non refunduntur? certè enim manifestam hîc utilitatem prospicio: & magnis laboribus defungantur homines, ac miseri illi caballi, qui naues ex Hollandiâ Mosæ-Traiectum & Leodium, aduerso & oblucente flumine, pertrahunt. Cur deinde Angeli aquarum secundùm Lunæ periodos vrhas suas effundunt? Vt nauis ex cælo signum æstus & navigationis haberent, respondebam olim. Sed cur potius non aspiciunt Solem, sidus omnium notissimum? sic enim utilitas signi ad plures spargeretur. Denique, nemo non statim videt, asylum hoc ignorantia esse: quod sine ratione, ac cum iniuriâ Dei & Naturæ, confugiunt. Imò verò cum magnâ in Deum, iniques, pietate, qui Angelicam etiam huc vsque manum demittit. Nego tamen. quia dum
effectus

effectus istos in tam confessæ potentæ causas rejciunt, detrahunt admirationem: & non paullo profundius in sapientiâ diuinâ potentiaque obstupescam, quæ causis etiam istis corporeis dare poterit tam admirabilis effectus virtutem.

De motu calorum, diuersa longè ratio est, vt Lib. 4. circa causam morticem ventorum est explicatum. nec ibi indicia alius causæ habemus, quæ hîc palàm se ostentant. Et hinc etiam satis refelluntur, qui solum Deum, sine vllò causæ secundæ cœtu, æstam creare existimant.

Quarta opinio Philosophorum Sarâcenorum est, nec aspernatur Mirandulæ Princeps lib. aduersus Astrol. 3. cap. 15. Putant mare vnum in littus excurrere, vt alteri se naturali appetitu coniungat. melius enim & tutius aduersus contraria se protegent, si confluerint, viresque confuderint in vnum. Verùm, si tantus foret in aquis coniunctionis amor, & duo vicini lacus intumescerent, & medio quo interpolantur terræ spatio se superfundere conarentur. Et cetera quæ iam diximus, hanc opinionem satis respuunt.

Quintus exeat Rogerius Bacon, qui in Epistolâ ad Clementem V. gloriatur, se causæ marini æstus vnicum & primum reperiorem. Lunâ, inquit, præcipuè & partim Sole rarefit, & spiritu multo inflatur mare; quo expirante & consumpto, denuò conflaccescit. Consumitur autem maris spiritus, cum Luna ad Meridianum venit, qui radio perpendiculari, & angulis rectis, qui fortissimi sunt, superficiem aquæ pertundit. In ascensu verd, cum radius oblique incideret, ad resoluendas & commouendas, non absurè exhalationes, valebat.

Sed quantumcumque placeat sibi Bacon, mihi satis displicet. Cum enim Luna à fastigio cæli ad Occasum defluit, pari angulo & obliquate mare despicit, atque dum in primo cæli quadrante clium inter Ortum & Meridianum ascendit: cur ergo etiam tunc spiritus inflantes non resouit? Deinde, quis credat, meridianæ Lunæ radium, qui non altè infra aquæ superficiem penetrat (Solis quippe radius, tantò fortior, vix ad 15. cubitos peruenit) tot & tam celeriter spiritus absorbere, cum extra plenilunium vix ac ne vix calorem, aut vim aliam rarefacientem experiamur, quæ insigniter tactum afficiat. Et denique, quomodo spiritus illos hîc dispellit, ubi oppositum cæli verticem & Antipodum Meridianum tenet?

Sextus igitur amplius non paullo ingenij habet, Thomas Lydiatus, & Baconis contrerraneus. Is nobis sub fundo maris,

vt ollâ quadam ingenti, vastos bituminis ardentis ignes accendit, quorum exhalatione mare subinde ampullatur & tumescit. Ita enim facilis erit causa, cur sola salâ exaltuent: quia nempe idem bituminis spiritus, qui salsedinem (vt nos quoque antè censuimus) etiam æstum facit. Dissoluetur deinde sic non difficulter Gordius & inexplicabilis ille nodus: quâ ratione Luna ex altero hemisphærio mare nostrum æstu attollit, quia scilicet altissimi quidam in mari gurgites sunt pleni ardenti bitumine, qui terram totam (licet non per medium, & diametrum) ad Antipodes vsque perforant, per quos vnda de hemisphærio in hemisphærium perpetuò commeat & rebullit. Nec fabulosos esse tales sine fundo gurgites, ex lib. 1. Rerum Septemtr. Olai ostendi potest, vbi plurima loca Oceani Noruegici, circa cautes præsertim & scopulos, fundi, per infinitas propemodum funium spiras, inexplorandi esse scribit. & de quâdam ibi voragine, quam *Moslastrom* appellat, *Mare*, inquit, *ibi intra cauernas accedente fluxu inflatur, & effluxu reflatur, quanto maximo impetu deferuntur torrentes vel rapidi fluctus. Nautigatur hoc mare periculosissimo euentu, quia iniquo tempore nauigantes subito rapiuntur in voragines circulares.* Verosimile igitur, hanc, altâque multas Charybdes terram in aduersum hemisphærium pertundere.

Sed licet vultu admodum probabili hæc sententia statim occurrat, inspecta tamen non est similis suæ fronti.

Primò, Quia valde effervescente aquam oporteat, & tactum præne adurere, si ardente spiritu ita rarefiat & turgescat. olla enim, nisi longè ultra teporem incalescat, non altè inflatur & ebullit. nemo tamen insigniorem marinæ calorem æstu tumente, quàm sicco, percipit. nec fluxus ille, idcirco æstus appellatur, quasi mare in eo reuera æstuet & ferueat, sed metaphorice solum, & quia surgit & ebullit, vt olla suppositis ignibus solet.

Secundò, Naues pleno & inflatissimo æstu altiùs, pari onere, deprimerentur, quia in aquâ rariori æqualis grauitas magis succumbit: unde enim est, vt nauis in mari, quod est aquæ densioris, non tam profundè, quàm in flumine, descendat.

Tertiò, Totum Oceanum, in orbem circumquaque perforatum vsque in aduersam terræ partem, non in Septemtrione tantum & raris quibusdam gurgitibus, esse oportet. Nam in quocumque paralleli sui puncto centrum Lunæ consistat, mare semper in opposito hemisphærio ebullit & æstuat. Neque foramen vnum in mari

Noruegico v. g. fufficit ad implendum æstu totum Oceanum nostrum vsque ad Hispanias, dum Luna ab Occasu ad punctum mediz noctis scandit. si namque tota aqua ab inferiori hemisphærio per foramen illud mari nostro infundi debet, prius in Noruegiâ, quàm Hollandiâ, Flandriâ, Britannîâ, intumescet æstus, paullatimque tumor, & sit longo pòst tempore ad littora nostra perveniet: quod tamen compertissimum vanitatis, quia Noruegicus, Hollandicus, Britannicus Oceanus sub eâdem longitudine & Meridiano simul assurgit.

Denique, Periodica ista constantia æstus satis impressè asserit, se non in incendio aliquo incerto, & sibi sæpè, quâ magnitudine quâ feruore, dissimili, causam habere. Ignes enim quicumque sub montibus aut mari, pro affluxu aut penuriâ materiæ ac pabuli, plenius aut malignius aluntur: apparebitque, sine dubio, similis inconstantia in æstu. Ut quid etiam surgente Lunâ reuiuiscere incipiunt illi ignes, & spiritum spargere quo vndas attollant, ac deinde consopiri statim, ubi fidus à Meridiano in Occasum descendit, idque certâ semper & immobili lege? Quia Luna, reponit Lydiatus, incendia calore suo exsuscitat. Nam licet bitumen flagret in aquis, ab externâ tamen causâ accêdi oportet, aut mole aquarum semisopitum recreari. Sed profectò magis id à Sole, quàm Lunâ, *ἡλίῳ ἀδυνεῖ*, Sole quodam imbecilli, ut vocat Theoprastes, fiet. & deinde radij Lunæ aut Solis non traiciuntur ad fundum vsque maris: nedum est, ut calorem tantum importent, qui bitumen, etiam altissimorum gurgitum fundo parietibus illitum, flammet.

His denique non valdè æstimari potest lib. 2. q. 2. Meteor. Thimon, qui Solem aquarum rarefactione euocare æstus credit. Sol enim nec tantum valet, ac sub Torridâ magis abundaret æstus, nec cum Lunâ, sed Sole maximè congrueret eius periodus. quæ omnia experimentum longè respuit.

Andreas Cæsalpinus tandem, veteri Seleuci Mathematici paradoxo agmen claudat. Maris æstum, terræ motus Pythagorici & Copernicani effectum sentit. Sed non potest, licet Solem stare, & terræ motum istum diurnum in orbem, & fabulosum, pro vero demus. Nam, vel mare æquo passu, ab Occasu in Ortum, cum terrâ, spatio 24. horarum, circulum circa terræ centrum absoluit (& ita ab hac causâ nullus æstus apparebit;) vel si assequi terræ motum non valeat (quia fortè lubricus & instabilis liquor parem cum terrâ impetum capere non potest) in Occasum tantum refluat,

fluat, perpetuusque in illam partem inclinabit. quia scilicet motus terræ circa centrum, ab Occasu in Ortum semper incedit. Deinde non solum mare, sed vniuersa flumina & lacus, in Occidentem retrò fluent; quia à motu terræ relinquentur, qui celerior in Orientem eos præuertet.

ARTICVLVS IX.

Luna, princeps causâ marini ælius. Sol tamen etiam in partem aliquam venit.

Sex effectu, de causâ coniectatio valere potest, tam comper-
tum videtur, æstus effici & gubernari à Lunari sidere, quàm
calorem ab ignibus effundi, aut lumen à Sole. Vnde enim Solis
illuminationem intelligimus? quia, haud dubiè, quoties surgit, lu-
mine omnia perfundi oculis cernimus. Ita quoque, cum Lunâ
ascendente mare in fermento esse & intumescere sensim incipit;
eâque lex constans est, & inuiolabilis, vt omnium nautarum & cu-
riosorum fide constat. Ideo etiam est, vt singulis diebus vnâ ferè
horâ seriùs assurgat æstus; quia Luna motu proprio reciprocatur in
Ortus, & vnâ etiam fermè horâ tardiùs, quàm præcedenti die, ad
horizontem venit. Nec valdè refert, quòd rarissimis quibusdam
exemplis, & fortasse vanis, quidam nitantur aduersus hanc legem.
sufficit enim vt pleraque maria, & totus noster Oceanus, eam se-
quantur: & exceptiones quæ in fretis quibusdâ, & alibi euenire pos-
sunt, in locorum iniquitatem, & impedimenta cetera, reijcere de-
bemus. Nec etiam, quamuis altè, contra infinitos alios clamantem,
Picum Mirandulæ Principem lib. 3. cap. 15. aduersus Astrol.
audimus: *Vnde ad horam ac diem subeunt, ampliores minoræque, prout illas Lunare sidus elicit, ad cuius arbitrium Oceanus exundat.*
quæ respondent, quæ respondere sit necesse. vt cum aucta lumine Luna, cum velocior cursu, cum propinquior terra, cum declinans ad Aquilonem à viâ Solis, cum in Signis Aquilonaribus posita, tunc vberiores fiant maris accessus. contra, tenuiores, cum se aliter habet.
Hæc enim partim falsa sunt: aliorum, cur non ita accidunt, rationem postea ostendemus. Verissimè etenim de Prouid. cap. 1. Zeno Romanus: *Vnde ad horam ac diem subeunt, ampliores minoræque, prout illas Lunare sidus elicit, ad cuius arbitrium Oceanus exundat.*

Alios sine numero & sine subterhabeo. D. Thomæ sententia est, 1. p. q. 105. a. 6. alibi que: D. Ambrosij lib. 4. Hexæmer. cap. 7. D. Basilij Hexæmer. Homil. 6. quæ Diarijs & Ephemeridibus omnibus nauticis satis affirmatur. Vt enim ex Thesauro marino Lucæ

Aurigarij Hollandi, Claudio Dureto, alijsque, & experienciâ ipsâ liquet; præterquam quòd singulis diebus, vt antè monui, ferè vnâ horâ siue 48. minutis, æstus tardiùs, ob recessum proprium Lunæ in Zodiaco, inflare se incipit, ab interlunio etiam, siue Lunæ cum Sole coniunctione, paullatim minuitur ad primam quadraturam, siue semilunij tempus, septimo circiter ab interlunio, die; quando siccissimus, aut nullus est fluxus: ideoque nautæ mare mortuum, Veneti *acqua stanca*, tunc appellant. Ab hac quadraturâ ad plenilunium, sensim increbrescunt rursus & implentur æstus, adedò vt plenissimus incidat in decimum quartum, & ipsum diem oppositionis. Hinc iterum ad vltimam quadraturam quotidie perpetuò relanguescunt. Vbi iterum inanes, & pæne nulli sunt: quod circa 21. à coniunctione diem euenit. Vnde natum prouerbiu Venetis:

*Da veni' vno à venti due,
L'acqua non vâ ne su ne giu.*

A quo tempore pedetentim denuò se promouent, vsque ad interlunium & coniunctionem. Ex quâ lege & periodo discimus, interlunio & plenilunio altissimos fieri æstus: cum hoc tamen discrimine, quòd, omnium nautarum testimonio, plenâ Lunâ sint aliquantò pleniores, quàm siccâ & silente, id est, in coniunctione. Vnde meritò plenilunio & interlunio, mare viuum, in vtrâque quadraturâ, mortuum vocare solent.

Qui huius etiam rei diligentiores fuerunt, totum cæli ambitum ab Ortù ad Occasum in octo puncta diuiserunt, quatuor scilicet fluxûs, & totidem refluxûs: quorum bina fortia, alia duo, debilia appellant. Quod vt capias, totum cælum, & parallelum quem Luna motu primi mobilis spatio 24. horarum & 48. circiter minorum circumcurrit, in quatuor quadrantes secare oportet. Primus arcus ab horizonte Ortui ad Meridianum & cæli culmen tendi debet: alter à Meridiano ad horizontem Occiduum decurrit: tertius, hinc ad punctum mediæ noctis: quartus, inde ad Ortum redit. Singuli autem arcus continet 90. gradus: cum sint 4. segmenta æqualia totius ambitûs cæli, qui gradus 360. habet. Cum autem Luna per primum arcum ab horizonte ad Meridianum ascendit, intumescit æstus. & initio quidem parum se mouet, deinde medio inter horizontem & Meridianum spatio, ac in puncto quod 45. gradibus ab vtroque circulo distat, vehementiùs, vsque dum Luna ad Meridiani culmen enisa fuerit; ubi stat fluxus. Hinc
igitur

igitur punctum, in quo parallelus Lunæ horizontem interfecat, vocant punctum debile fluxus; alterum verò, forte, quod 45. gradibus ab horizonte, & culmine nostri hemisphærij distat: quia scilicet cum Luna eò peruenit, robustior longè & incitator fit æstus. Lunâ deinde à Meridiano paulatim in Occasum, per secundum cæli quadrantem, delabente, detumescit molliter in principio æstus (ideoque hoc meridiei punctum, vocant punctum debile refluxus:) sed celeritate manifestâ torrentior fit, vbi Luna ad medium inter Meridianum & horizontem punctum descenderit; quod eâ re appellant punctum forte refluxus. Vbi autem Luna Occasum attingit, cessat refluxus, & rursusque mare secundo æstu erigere se incipit, duratque incrementum, donec tertium cæli quadrantem, vsque ad Antipodum Meridianum, sidus decurrerit. & inde ad Ortum nostrum, toro scilicet vltimo quadrante, secundò suppressitur & tumorem ponit. Et puncta fortia ac debilia in nocturno illo paralleli arcu statuenda sunt similia diurnis.

Vnde puncta fluxus debilia sunt, Ortus & Occasus: fortia verò, punctum medium inter Ortum & Meridiem, & medium inter Occasum & punctum mediæ noctis: id est, puncta media duorum illorum cæli quadrantum, in quibus mare fluit. Puncta debilia refluxus sunt, punctum Meridiei, & mediæ noctis: fortia, punctum medium inter Occasum & Meridiem, & inter Ortum & punctum mediæ noctis: id est, puncta media duorum quadrantum, quos cum Luna pererrat, æstus detumescit. Præter autem varietatem illam duplicem fluxus & refluxus, quotidianam scilicet, & mensuram, quam iam enarrauimus, est & tertia, annua, quam Posidonius lib. 3. apud Strabonem à Gaditanis se accepisse dicit. Non enim circa totum annum sunt pares æstus. Verum quippe illud Taciti Annal. lib. 1. *Sidere æquinoctij maximè Oceanum tumescere.* id est, cum Sol initio Autumni & Veris Æquinoctiale in ambit. circa Tropicos verò mitescunt æstus; siue potius, circa æstiuum solstitium: nam hieme totâ, & quoties abundant aquæ, æstus quoque tunc nobis abundiores. Quamquam Plinius lib. 2. c. 97. affirmatè dicat, *Æquinoctijs maximè tumentes, & autumnali amplius, quàm verno: inanes verò brumâ, & magis solstitio.* de solstitio facile ded. rim; de brumâ, propior sum abnuenti. Lunâ Aquiloniâ, etiam inquit, & à terris longius recedente, mitiores sunt æstus, quàm cum in Austros digressa, propiore nisi vim suam exercent. Cui pronius non paulò credo, quàm Gemmæ nostro, in Astrolabio suo c. 91.

docenti, *Lunam in Apogæo, vel etiam in superiori Eccentrici portione, plus facere ad concitandos maris impetus, ob motus triplices minime differentes: scilicet Epicycli, Apogæi mediæ, asque orbium qui augem Eccentrici deferunt. omnes enim moventur contra Signorum seriem: id est, ab Ortu in Occalum. Addit tamen deinde, cum vultu propiore terras perlustrat, in infimâ videlicet parte Eccentrici & Epicycli, ad exaugendam aquarum molem, potentio rem esse, licet in mouendis fluxibus non nihil iuris amittat. Sed reuerà, si propior, & ad mota terris, in aquarum incrementa valet, etiam in fluxuum & ætus validior tunc erit. cum præsertim aquarum molem magis inflando, quàm nouâ partium aliquarum generatione, augere videatur.*

Ex quibus refellitur, quod initio obiecit nobis Princeps Mirandulanus. Nam Luna propinquior terris (nisi quid aliud vim eius eludat) ætus abundiores facit. quod diserte paulò ante confitebatur Plinius: licet tamen fortasse incrementum non tam euidenti discerniculo in oculos incurrat. Transgressa etiam eclipticam, ad partes Zodiaci Aquilonares, etsi radio directiore maria nostra feriat, non intendit tamen insigniter ætus; quia tunc circa Eccentrici Apogæum longius refugit à terris: limes enim eius Boreus eleuator est Austrino. Deinde, vis illa magnetica, quam Luna in mare iaculatur, non est fortè instar luminis, quod retunditur & reflectitur à corpore opaco, & reflexione ad angulos rectorios se magis multiplicat (quomodo Sol in Signis Borealibus, cum à vertice nostro propius abest, affluentius nos illuminat & calefacit:) sed opaca iuxta ac transparentia, rara, densa, sine discrimine penetrabilis & irretorta permeat: ut latius statim diducemus. Quòd etiam in semilunijs magis, quàm nouilunijs, langueant ætus, cum tamen illo tempore Luna auctior sit lumine in facie imminente terris; non ideo ostenditur ab eâ non moueri ætus, sed Solem in coniunctione influentiam eius adiuuare. quod etiam pro comperto habemus: quandoquidem pro vario Solis aspectu intendat aut relaxet vehementiam fluxûs: item interlunio, cum in eodem cœtu est vtrumque sidus, tumidissimus (si plenilunium tamen excipias, quando paulò adhuc altius turget) est ætus. Sed omnia hæc explicatiora fient sequentibus.

ARTICVLVS X.

Quâ virtute Luna æstus moueat.

LVmine, inquit aliqui; omnem, præter lumen, influentiam astrorum occultam respicientes. Sed defendi id vix potest. quia interlunio, cum Luna in parte obuersâ terris, sicca est & illunis, grandes tamen æstus attollit.

Dico tamen Primò: Lumen æstus stimulat, & in maius extollit. Pater, quia plenilunio abundantissimi sunt, quando facies sideris terræ impendens lumine turget; item interlunio, cum lux solaris, Lunæ adest, & summam saltem aquæ cutem diducit, inflat, & ad æstum præparat. Nihil etiam compertius est, quàm medullas animalium & omnium plantarum, plenitudine Lunæ turgescere. Vnde etiam qui capite inoperto ad Lunam ambulant, humores cerebri commoueri sentiunt, & meninges cum dolore intendi. Sed esse tamen in lumine principem vim motricem, & ex æstu tempore interlunij iam probaui, & ex Oceano Torridæ ostendi potest, qui & à Sole & à Lunâ maximè luminatur & calefcit, & tamen infra Deucalionem & Hollandicum nostrum æstuat. Deinde, Sole, Lunâ, & omnibus sideribus núbilo conditis, pares, atque sereno, fiunt æstus. igitur non siderum lumine, quod tunc tenuiter & malignè per nubium obstacula in mare se transfundit.

Dico Secundò: Vis ista Lunarum, per rarefactionem, mare non attollit. Ita videtur, contra Laurentianos Colonienſes Albertistas, in Cómmentariis anno 1491. editis, Valesium lib. Sacre Philoſ. c. 52. Baconè, Contarenum, & sine fine alios. Prob. tamè, quia in primis, æstu feruente naues altius in aquam rarefactam deprimerentur, submergerenturque plurimæ; vbi præsertim ad duas tréſve orgyas æstus intumescit. Sic enim anno 1531. in magno illo Lusitanicæ terræ motu, mare ibi multo & feruente spiritu tumidum & rareſcens, multarum nauium oneri succubuit, hausitque in profundum. Nam vt onus in aquâ natet, oportet leuius esse aquâ paris cum eo dimensionis, vt de humido vehentibus docet Archimedes. Aqua verò antè densior & grauior pondere nauis, rarefactione discerpta & explicata, leuior efficitur; & id eò magis, quòd raritas est amplior & dissolutior. amplam autem satis esse oportet, vbi ad duas orgyas, id est duodecim pedes, aut altius æstu pleno mare ascendit. Secundò, raritas, vel motu locali violento corpus densum dissipante,

pante, vel calorificâ alteratione (nec enim aliam causſam experimur hic) efficitur. Priori modo Lunâ mare non rarefacit, igitur poſteriori. ſed hic etiam reſellitur: quia Sole, magis calorifico, quàm Lunâ, regerentur & tumerent æſtus. Deinde, ratio nulla ſolida eſſet, cur aqua marina ſalinis infuſa, vel vaſe hauſta, & radiis Lunaribus expoſita, non æſtuaret. caſefieri enim, aut intepeſcere faciliùs longe, quàm totum mare, poteſt. Æſtate etiam, quàm hieme, altius ebullirent æſtus.

Dico Tertio: Nec etiam mare ſubiectum, tumore quodam, vi magneticâ, Luna ſuſpendit. Sentire tamen id lib. 2. c. 97. cû Lunare ſidus vocat, *ancillans trahenſq; auido hauſtu maria*, videtur Plinius: conſentiuntq; præter alios innumeros, Ludou. Coronellus lib. 7. Phyſic. Lemnius lib. 2. c. 41. de Occult. Tartaretus lib. 2. Meteor. Scaliger Exercit. 5. 2. & in 2. d. 14. q. 3. ex Albumazare optimè explicat Scotus. Hæc olim opinio mihi etiam diſplicita non eſt, nunc non valdè placet. Sunt enim quædam quæ me auertunt.

Primo, Si altiffimè ſub Lunæ centro mare tumet, & in cumulum iſtum aquarum vndique, ab Ortū, Occaſu, Aquilone, Auſtro, contrahuntur vndæ, ergo Oceanus noſter omni æſtu verſus Zonam torridam, & mare Lunæ directè ſubiectum, conſluet, quia illuc à ſidere illo ancillante ſeu trahente aduocatur, nec vñquam littora Septem ſubiecta trioni implebit.

Secundò, In Torridâ & locis vicinis quos ſupermeat Lunare ſidus, inflatiſſimi erunt æſtus; cû ibi lit vertex montis illius aquei, qui pari cum Lunâ paſſu Orbem circumambulat. Secus tamen eſt: & Flandricus noſter Oceanus non paulò tumidiùs, quàm Americanus, exæſtuat.

Tertiò, Vix nautas in Oceano nauigantes fallere poterit hic aquarum tam altus tumor & gibbus.

Quartò, Cardinalis Contarenus, vniuerſos eiùſdem maris portus, ad quos ſimul Luna ſpectare poteſt, vno tempore compleri affirmat. & Joſephus Acoſta à fido nautâ accepiſſe dicit, maris Pacifici & Oceani Orientalis æſtus ſibi in freto Magellanico occurrere. quod manifeſtè vincit, vtrumque pelagus eodem momento intumeſcere. Nam ſi Luna exoriens Oceanum v. g. Moluccarum, aut Madagaſcar, in tumorem aqueum contraheret, vnda ex freto Magellanico & mari Pacifico verſus Ortum alliceret, & vtriuſque maris æſtus in eandem Mundi partem, id eſt, in Ortum, inclinaret, nec vnus alteri obuiam procederet.

Quid

Quid ergo nos amplectimur, postquam alios omnes reiecimus? Deceui pænè nihil, & complicare manus. Arcanum enim Naturæ magnum est marinus æstus: de quo facilius quam causam respuat, non quam admittat, videre possis.

Diu tamen fluctuatus, in hanc imaginationem ferè delabor.

Primò, Vim illam Lunæ, citra insignem rarefactionem, spiritus in fundo maris demersos euocare in superficiem. hi enim sunt qui aquam inflant, & hæc illæ diffugientes discerpunt. Prob. quia hac viâ incommoda rarefactionis euitantur, nec difficulter intelligitur, quomodo duo eiusdem maris portus, quorum vnus ad Ortum, alter ad Occasum, vno eodemque fluxu compleantur. Deinde, Contarenius Adriatici æstus è fundo ebullantem dicit seprehendisse: quia medium mare iam intumescere incipit, sicco adhuc Venetorum portu, & inde tumor in littora & portus decumbit. Signum igitur est, non totam aquam vnâ inflari, sed illam primùm quæ, spiritibus fundum grauitate suâ & madore, quonerantur, oblidentibus, superest & incumbit. Nam si vniuersa aluei aqua simul turgesceret, illa quæ littora allambit, non seriùs quàm quæ medium aluei tenet, insurgeret. Sic etiam vtrumque fluctum illum tranquillo, qui me semper iactauit: cur aqua è mari hausta vim etiam Lunæ non perinde sentiret, atque refusa in alueum. quia (iam inquam) spiritu illo multo ac conferto qui è fundo sursum ebullit, non sustentatur, & tollitur in altum, cum in vase eam tenemus.

Hinc confectaneum est, non aquam maris præcipuè, sed spiritum illum (ita voco, quia substantia quædam naturâ suâ fortasse aridior est, etsi humore nequaquam leuior, & aquam quodammodo animat) à Lunâ sollicitari, & in aërem attrahi, aut expelli. Et inde rationem sumo, cur flumina & insulsi lacus, aut maria quædam non æstuent: quia scilicet spiritu isto motore copioso destituuntur, aut certè fluminum & aquæ dulcis affluentia, virtus aut qualitas illa hebetatur vel extinguitur, quâ se in obsequium Lunæ spiritus mouet, aut ab eâ mouetur. Et hinc multitudine fluminum diluta maria, vt Caspium, Euxinum, Balthicum, sunt sine fluxu.

Quòd deinde Oceanus Aquitanicus septem horarum æstu Garumnâ influit, recipitque se quinque solis horis in alueum, causa penes copiam spirituum, aut tarditatem quâ se difficulter & serò aquas expediunt & in aëris libertatem veniunt, haberi debet.

bet. aquarum etiam inter scopulos huc illuc, ex allusione, reciprocatio, deuexitas, & inæqualitas fundi; denique venti quibuldam locis solennes & ferè perpetui, ac flumina incurrentia, hanc & similem aliam, vt in Euripo, Guineâ Africanâ, irregularitatem facere, aut adiuuare possunt. De ventis, Flandri nostri suo sæpe malo experiuntur, quantum Circij & Cauri incitent Oceani fluxum, & in continentem vrgeant, ac propellant.

Sed cuius substantiæ sunt, inquiet qui omnia volet scire, spiritus illi motores maris? Alquis putet è bitumine esse: quia marinum bitumen, nuper decernebamus præcipuam causam falsædinis, maria autem nulla, nisi insigniter falsâ, æstuant. & huc etiam me nonnihil impellit, quod legere his diebus memini apud Andream Libatium, magnetem allicere ad se ferrum spiritu quodam bituminoso, cuius aliqua vena tam magneti quàm ferro temperata est. Videtur ergo spiritus bituminis appetitum aliquem & pronitatem habere ad sequendum vim illam ancillantem & tractoniam. Hoc tamen me retinet, quòd Asphaltites siue Mare mortuum, bitumine stans & plenissimum, æstum tamen non sentit. Oportet ergo aliter temperatum esse bitumen, vt ad Lunam se moueat: nam aliàs sincerum omne bitumen æstuaret. Nec, si quæ in magnete & ferro bituminæ venæ sunt, reuerà retinent adhuc substantiam & formam substantialem bituminis; sed materiam tantum & aliquas eius qualitates, quibus superinducta est forma ferri aut magnetis. Hoc etiam fortasse aliquid nos adiuuabit. Scribit alicubi Svingerus, oleum quoddam vitrioli esse, quod tumescit cum Lunâ & detumescit. quid si igitur similis substantiæ, aut qualitatis, id est, vitriolatæ, vt loquuntur nostri Chymici, spiritum marini alui fundus obineat?

Quidquid sit, spiritum tamen esse, vix iam ampliùs mihi in dubio, cumque esse, qui à Lunari sidere præcipuè sollicitetur. Sol tamen calore suo, quo aquam molliter fundit, & halitum illum marinum irritat, in parte adiuuat. rarior enim paullò & mobilior redditur isto tepore. Et inde est, vt interlunijs, quando Sol in eodem cum Lunâ cœtu est, incrementa sumant æstus. vti etiam plenilunijs, quando sidus integro & tumente orbe maria despicit, ex aliis enim effectibus certum est, lumen tunc potentissimum esse; quandoquidem arborum & animalium medullas, conchyliâ, & infinita alia humore turgescere faciat. Vis enim eius in aliquantulum humoris, & præsertim spirituum raritatem, non dissipatio-

nem,

nem, valet. In quadraturis autem siccissimi sunt æstus: quia nec Sol Lunam satis iuuat, cum ab eâ distet 90. gradibus (tunc enim oriente Lunâ Sol meridianus est; aut contrâ, ortiuo Sole ipsa iam medium cæli culmen attingit, æstusque primi quadrantis finiuir) nec adhuc sat luminis adepta est, ut totos impleat æstus.

ARTICVLVS XI.

Que virtus occidente Lunâ æstus apud nos faciat.

HÆc vna ex quæstionibus est, quibus maximum ludibrium debet humanus intellectus. Vicomercatus, & vniuersi ferè agmine huc eunt, ut dicant, radios Lunæ ab opposito cæli fornice reuerberari in nostrum mare. & hætenus etiam tota Scoti subtilitas stetit. *Videtur, inquit, quòd radij Luna non possint penetrare terram: & ideo videtur, quòd eundem effectum, quem causauit per radios incidentes, dum esset in quartâ Orientali supra terram, eundem causasse tunc per radios suos reflexos à Firmamento, dum esset in quartâ Occidentali sub terrâ.* Scot. in 1. d. 14 q. 2.

A Firmamento autem? Spatium est nimis immane & immensum. Deinde, cum Luna toties globo terrestri minor sit, non totum eius hemisphærium illustrat. Vnde quòd radij terram distringentes longius protrahuntur, eò latius à se abeunt & diuariantur: & proinde si à cælo, ut speculo quodam, reflectantur, non in mare nostrum recident, sed retrò in Antipodes nostros, vbi tunc lucet Luna. Tertio, cum cælorum Orbes diaphani sint, difficulter radium, præsertim per tantum interualli, retorquere valent. Quarto, retorqueant sanè: imbecilli tamen erunt & ferè nulli æstus à radio longissimâ illâ reflexione debilitato & euanescente. quod non experimur. Itaque olim, cum solidos Planetarum Orbes, & Eccentricos Ptolemæi retinerem, sic me expediebam: Punctum Antiselenæ, siue partem Eccentrici Lunæ, quæ ei per diæmetrum semper opponitur, simili virtute, spirituum marinorum motrice imbutam credebam: neque dum fidem istam abiecerem, nisi Cometarum motus milii fregissent quidquid ibi fuit Eccentricorum. Sic enim occidenti Lunæ vicaria ista Antiselene surgebat ab Ortum, & mare virtute suâ attollebat. ipsa verò occidente, redibat ad Ortum Luna, excipiebatque mare iam relapsum & destitutum ab Antiselene. sicque in oppositis quartis se semper gyrando, mouendi ac inflandi marinos æstus sibi inuicem lampada tradebant.

Sed quid facimus iam, si nulli sunt in cælis Orbes Eccentrici? Fingimusne Antiselenen, & Planetam aliquem inuisibilem, qui ex aduerso semper, licet Orbe nullo terram ambiente deuiectus, adspiciat Lunam? Tot sunt enim iam in æthere palantes noui Planeta, Medicej, Borbonij, cur non & quosdam, fortassis Austriacos, adiicimus, qui cum Lunâ mare, aut fortè etiam cum Sole regunt Orbem terrarum? Quare igitur, inquires, non lucent? Quia forsitan materiam opacitate respuentem, aut pellucido transmittentem sine reflexione radium Solis, habent. Aut si id displicet, quatuor peccabimus, si annulum solùm aliquem circa totum Orbem terræ concinnemus, in cuius parte, Lunæ oppositâ, fixa sit illa Antiselene? Talis enim Cometarum supra Lunam ascensum non impediet, cum annulus vnus totum hunc Mundum vndique concludere non possit, relinquatque interualla per quæ detur in superiora transitus.

Duo igitur astra (& quis scit, an etiam plura?) ceu totidem gemmas, Lunam in Antilunam, siue Antiselenen, gestabit iste annulus. Sed hæc à somnio tuo & imaginatione sunt, inquires. Et nonne etiam Eccentricos & Epicyclos, ex ascensu & descensu Planetarum, Ptolemæus somniavit? quàm sæpè & ferè vbique, ex effectibus causas somniamus! Si aliter æstus marinus expediri, nisi per talia somnia, non potest, cur * Atlantem esse iubes, & veras somniare? Et ecce tibi aliud argumentum, quod satis ferè impressit Antiselenen istam affirmat. In plenilunio, non tantùm primus æstus, quem Luna oriens vi magneticâ & lumine suo præfenti inhiat, est abundantissimus & maxime insignis, sed etiam secundus, qui assurgere incipit Lunâ plenâ occidente, Antiselene verò cum Sole exoriente. Quam autem causam abundantia ista habet? Non Lunæ plenitudinè, quia lux post occasum, influentiam tractoriam Lunæ hinc iuuare non potest; cum radius luminosus per terræ opacitatem transadigi vsque ad maris fundum infernè nequeat. Ergo Soli cum Antiselene surgenti tribuere oportet. sic enim etiam Sol inter lunio, Lunæ silenti, & lumine in facie terris obuersâ defestæ coniunctus, æstum plenum & abundantem facit. Verum, sine vllâ etiam Antiselene, alium huic nodo vnguem admoveamus.

Quid si influentiam Lunæ occidentis per totam terræ diametrum penetrare affirmemus? Nam lumen quidem per opacum trajci non potest; sed magnetica vis potest: cum, si magnetem sub mensâ moueas & agites, cultri qui in superficie iacent, sequan-

*Atlantes
Africa populi ne-
gantur
somnia.

tur & subsiliant. Similis ergo Lunæ virtus, nullo terræ obstaculo offensa & hebetata, ex altero hemisphærio ad maris fundum peruenire quidni potest?

Sed vide quàm multa turbent hanc sententiam, quæ à nobis utcumque componenda erunt.

Primo: Æstus nocturni quadrantis, siue qui à Lunæ statim occasu incipit, imbecillior & siccior semper erit; quia totâ terræ diametro Luna à mari longius distat, quàm quando per quadrantem diurnum ad Meridianum nostrum scandit. agens verò quò longius à patiente distitum est, eò languidius in ipsum agit. Respondeo tamen, diametrum terræ, in tantâ Lunæ & terræ intercapedine, non esse tam insignis lōgitudinis, ut evidens discrimen inter vnum & alterum æstum faciat. Quod similitudine hac ostendi potest. Luna cūm perigæa est, seu proxima terris, vnâ & quinquaginta terræ semidiamentris, ex sententiâ Copernici, à superficie maris distat; apogæa verò, siue cūm longissime à terrâ refugit, septem & sexaginta semidiamentris: id est, sublimior est, quàm aliàs, octo terræ diamentris. Nec tamen ista distantie varietas euidenter se in æstu ostendit. Mathematicè tamen rem æstimando, discrimen aliquod esse oportet. Deinde, spiritus fortasse illi æstum motores, ex altissimis gurgitibus & ipsâ abyssu subterraneâ euocantur; nec totâ terræ diametro longius abluunt à Lunâ Antipodes, quàm mare nostrum, illucete.

Hanc profunditatem principij marini æstus admirabili comparatione significat Illuminatissimus ille Thaulerus Serm. 2. de S. Ioanne, vbicum fundo animæ, in quo Deum nostrum delitescere dicit & reperiri, componit. *Ad hunc fundum, inquit, vel mille miliarium vires attingere nequeunt. Quæ verò lasitudo in hoc sese fundo manifestet, imaginis, & formæ, & modi expertus est: neque Hic, neque Illic habet. sed immensa quedam abyssus est, quæ fertur in semetipsâ absque fundo: velut fluxus maris, qui modò in ima merguntur, ita ut nulla quasi illi aqua fuisse videatur: post horulam verò magno cum impetu prorumpunt, quasi omnia sorbere velint. Sic & hic fundus in quamdam tendit abyssum: in ipsâ, propriè est habitatio Dei, multâ verius, quàm vel in calo, vel in omnibus creaturis.*

Secundò: Vis illa Lunæ magnetica trahit, non repellit motores spiritus: igitur post occasum in gurgites & abyssum potius eos reuocabit, inhabitque subiectum sibi apud Antipodas mare, nostrum verò reforbebit nudatis vadis, aut suppressa vbique aqua-

rum altitudine. Argumentum hoc, fateor, me acriter vrit. Et video rarefactionem aquæ & spirituum futuram hic commodissimam. raritas enim rem aliquam quoquoersus in orbem laxat & dispergit. Verùm nullam insignem rarefactionem, nisi à calore hic experimur. calor verò Lunæ aut Solis ad quindecim cubitorum profunditatem intra superficiem maris non penetrat. In hac enim altitudine, piscatores vnionum iuxta Panamam, mare illud, maximè tamen æstuosum, gelidissimum se experiri affirmant. & alia iam antè contra istam rarefactionem ostendimus. Quid igitur facimus? Scio quosdam esse magnetes qui ferrum non alliciant, sed respuant: quid si talem virtutem Lunæ adferamus? sic enim spiritus maris nostri, cùm ipsa apud Antipodes est, reuomet & in altum reijciat. Sed ecce dum de æstu illo nocturni quadrantis sollicitus sum, diurnum omni iam causâ destituo. Nam si repellit spiritus & mare Luna, igitur assurgens supra horizontem non inflabit, sed siccat æstum compulso intra gurgites & abyssum spiritu.

Itaque, si vis Lunæ ancillans, vt loquitur eleganter Plinius, intra tractoria est, censeo retinendam esse Antiselenen, ex rationibus iam antè adductis. Vel si quadrantis nocturni æstum etiam à Luna iam occidente & demersâ esse mauis, dicito virtutem eius non esse proprie tractoriam, sed insigantem & impellentem spirituum, ac humioris qui eorum qualitatem bibit. Lunâ igitur exoriente, fendo maris, & parietibus gurgirum & cauernarum illiduntur magis vi motores spiritus, resiliuntque in altum, & quoquoersus dispergunt vsque ad maris superficiem.

Et huius ecce rei insignem imaginem in Lucretio, dum forte librum eius sextum aperio. Loquitur de magnete ferri inimico & abactore, qui ramenta seu scobem ferri in æneo vase suppositus exagitat, & in furorem ac æstum agit.

*Fis quoque, vt à lapide hoc ferri natura recedas
Interdum, fugere atque sequi consuet a vicissim.
Exultare etiam Samothracia ferrea vidi;
Et ramenta simul ferri furere intus ahenis
In scaphijs, lapis hic magnes cùm subditus esset.*

Hanc porro ramentorum turbationem & ebullitionem æstum appellat: bellè, & pro æstu nostro maris.

Sed cur, Lunâ à culmine cæli per secundum quadrantem delabente, residunt maria, quandoquidem sidus non longius abût, nec alio radiorum coniectu adspiciat, quàm vbi scanderet primus quadrantis

drantis clium? Præter hoc nihil habeo: Quia plunni spiritus agitatione illâ in aërem expulsi sunt, qui mare antea attollebant, aut certe laxius per aquam & sparsim vagantur. Deinde, tumor ubi ad summum venit, supprimi debet, quando causa quæ eum inflabat, aut suspendebat, debilior efficitur. Directus autem radiorum Lunæ, siue influentiæ illius marinæ, coniectus robustior est, ubi superficiem maris angulis rectis fodit; & spiritus fortasse tunc directè fundi in tactu, confertius & altius in superficiem rebullit.

Non est etiam insigne & euidens discerniculum tumoris inter æstum diurni & nocturni quadrantis, in plenilunijs: quia etiam lumina sideris infra horizontem depressi illuminare mare, nostrum nequeat; aqua tamen ex lumine & tepore, quem iam antè immediatè à præsentia Lunæ accepit, mobilitatem aliquam & raritatem, qua spiritui impulsori magis obediat, retinuit.

Verum, cur non æstus nocturni quadrantis, inquires, in marini alvei deuexitatem, an aliam figurationem, cum Contareno reijcis? Quæ, inquam, nullus video, quâ ratione mare, quod defluente in occasum Lunæ se forbuit, iterum à figurâ alvei reuolui & retumescere possit. Nam clius aut pronitas fundi, tardare, aut celerrè ac præcipitare æstus valet; alia tamen debet esse causa principalis, quæ ipsos faciat.

Sed hoc etiam Contarenum valdè perplexum habuit; Vnde æstus aquas illas reperirent, quibus se ad tantam alvei plenitudinem inflant. ideo enim confugit ipse ad rarefactionem. Sed non fuit necesse. Nam ex abyssu subterraneâ partim, aut ex cuniculis occultis veniunt, quibus maria inter se aquas communicant. sic multi Oceanum Deucalionem in Adriam latentibus venis influere credunt. Cetera quæ de æstu difficilia, in occultam (& nonne centies alibi faciendum est?) influentiæ istius Lunaris indolem conijcienda sunt. & fatendum: *Mirabilia opera Altissimi, & gloriosa & absconsa.* & pio illi Regi acclamandum: *Quam magnificata sunt opera tua Domine, omnia in sapientiâ fecisti.*

Eccli 11.
Psal. 123.

CAPVT II.

De Fontibus.

DISTINGVENDA hæc vocabula & res, fons, flumen, fluuius, amnis, riuus, torrens. Fons est aqua iugi fluxu e terrâ manans. aut certè, si fontes etiam comprehendere voles, qui in riuos non effugiunt, sed instar puteorum, aquas suas resorbent; Fons est aqua è superficie terræ iugiter ebullans. Flumen & fluuius synonyma sunt, & à fluxu nomen habent. Flumen enim est aqua mauscula, perenniter alueo defluens. Amnis, inquit M. Varro, est flumen quod aliquid circuit. Nam ab ambitu dicitur Amnis. Amnes igitur sunt omnes mæandri, qui

Ouid.
Met. 1.

In mare deducunt fessûs erroribus undas.

Flumen à riuo magnitudo discernit, ait Vlpianus, aut circumcolentium æstimatione. Re enim verâ, definita magnitudo statim non potest, quam flumen flagitet. & apud quosdam riuus appellatur, qui alibi, vbi aquæ penuria maior, nomen ferre possent fluminis. Nulla verò aqua mihi dignitatem istam mereri videtur, quam homo passim saltu, nullo baculi adminiculo, transmittere valet.

Riuus ergo est aqua tenuior è fonte in alueum infusa, & iugiter decurrens. Pro alueo igitur riuum continente accepit riuum Vlpianus, cum finit, *Locum per longitudinem depressum, quod aqua decurrit.* Similiter M. Varro fontem pro loco scaturiginis, vbi inquit, *Fontem esse, unde funditur è terrâ aqua viua.* Vbi aqua viua, dicitur talis à motu continuo, vt Mercurius argentum viuum.

Ceterum multi riuus in vnum corriuati mensuram implent iusti fluminis.

Ouid. de
Remed.

Flumina magna vides paruis de fontibus orta.

Plurima collectis multiplicantur aquis.

Rarum enim est, vt fons in totum statim flumen erumpat.

Flumen & riuum à torrente separat perennitas.

Ouid. de
Remed.

Flumine perpetuo torrens solet alius ire:

Sed tamen hæc brevis est, illa perennis aqua.

Torrentem definit Festus, *Fluuium subitis imbris concitatum, qui siccitatibus exarescit.* Torrens enim a torrédo deductum, quod proprie significat, siccare. vnde Veteres aridum, torrum, & torridum

dum vocabant; & nos etiamnum, æstatem siccam, torridam. Quia verò torrentes ex aquâ cælesti, aut niuibus, Stadius vocat

— *Nubigenas è montibus amnes.*

Græci verò *χευιδίππος, ποταμὸς*, *hiberna flumina*: quia hieme maximè liquatis niuibus, aut pluuijs, quæ tunc plures & pertinaciores, colliguntur.

Ex dictis intelligi potest, fontem, flumen, &c. constare aquâ, vt materiâ; eruptione verò è venâ subterraneâ, aut lapsu per alueum, tamquam formâ.

ARTICVLVS I.

Vnde materia fontium.

Flumina & riuï palàm fontibus eliquantur: occultior, & in abdito est fontium materia. Quidam sub terrâ cavitates amplissimas, quibus pluuiæ & niuales aquæ toto anno colligantur, constituunt; & inde haurire fontes existimant. Sed refellit Aristoteles, quia tantum aquæ circa totum annum, terræ venis effunditur, quantus est totus terræ globus: igitur terram ad summam squæ cutem excauatam, & aquis plenam esse oporteat, vt tot fontium & fluminum perennitati sufficere possit. Verùm, quia vis argumenti huius euitari potest, si statuas, aquam quæ toto anno effluit, non simul contineri venis subterraneis; sed parte vnâ in scaturigines fontium effusâ, supplementum à pluuijs nouis aut niuibus venire: addi potest è Senecâ altera ratio; Quod aqua cælestis intra primam terræ crustam consumatur, nec in inferiora descendat. *Nam ego, inquit, tibi vinearum diligens fossor affirmo, nullam esse pluuiam tam magnam, quæ terram ultra decem pedes in altitudinem madefaciat.* Deinde, quædam flumina erumpunt saxi & montibus, quibus parum conferre valent pluuiæ, quæ per nudas rupes deferuntur, nec terræ molliem, aut rimas inueniunt, in quas se insinuant. Et tales nihilominus toto anno aliqui, pleni & abundantes ire solent. Vt de Langiâ Nemæ syluæ fluuiio, lib. 4. Stadius:

Lib. 3.
Nat. cap. 7.

— *Langia perennes*

*Seruat aquas. solet & rapidi sub limine Cancrï
Semper, & Icarij quamuis iuba fulgeret aëstri,
Ire tamen.*

Non videtur tamen hæc æstimasse P. Leon. Lessius lib. 1. de Pro-
uidentiâ. *Flumina, inquit, ex niue & imbris, qui in mediterraneis*

& montosis locis decidunt, colliguntur & perpetuantur. additque, per saxorum commissuras ad radices montium, & in scaturigines fontium peruenire. *Vnde, ait, si duobus vel tribus annis nihil vel pluuiæ vel niuis caderet, necesse esset omnia flumina, & omnes panè fontes inopiâ materiæ deficere.* & ego profectò siccitatibus perpetuis torridæ illius ætatis anni 1619. plurimos fontes aduerti exaruisse, aut tenuissimo & sitienti latice profluxisse.

Sed rem hanc dubiam facit Georg. Agricola, rei metallicæ diligentissimus Scriptor. Nam rimæ saxorum montanorum, plerumque vix octauum, inquit, digiti partem latæ sunt, raræ etiam commissuræ sunt, venulæque rariores, quæ centum sæpè pedibus à se distant, quomodo ergo tantum aquæ illac montium aluis infundi porest? Deinde, maior pars vaporum in mare repluit, antequam venti in terram abduxerint: & quæ in terram cadit, ab eâ, bonâ etiam in parte, sorbetur in alituram plantarum; tantumque in cauitates subterraneas effundit, quod supra desiderium cecidit, nec poris combibere valet. Denique Eccles. cap. 1. disertè: *Omnia flumina intrant in mare, & mare non redundat: ad locum vnde exeunt flumina reuertuntur, ut iterum fluant.* Si autem flumina ex mari: igitur & fontes inde hauriunt; quia per fontium scatebras, flumina in alueos se euoluunt. Scio respondendum: fontes ac flumina mari exire, quia vapores & aquæ niuales ac cælestes è mari calore Solis extrahuntur, quæ postea in fontium & fluminum materiam refluunt & reliquantur. At tamen Scriptura magis indicat quemdam aquarum per venas subterraneas circuitum, quo è mari in fontium scaturigines veniant, & inde reuoluantur in mare, ut eodè iterum redeant. Genesis etiam c. 49. Iacob benedicit filio Ioseph *benedictionibus celi desuper, (fundentis scilicet tēporibus suis pluuiam) benedictionibus abyssi tacentis deorsum.* id est fontibus fluminibusque subministrantis materiam, ad irrigandam terram. quod reperitur Deuteron. cap. 33. distinguiturque manifestè duplex irrigatio, quarum vna supernè è nubibus, altera infernè ex subterraneâ abyssò venit. Innuit etiam ille Apocryphus, rogans, *quanta sunt habitationes in corde maris, aut quanta vena sunt in principio abyssi, aut quanta vena sunt super firmamentum?* Homerus quoque Iliad. p. expresse in Oceano omnium fontium fluminumque originem ponit. Quod Plato in hunc sensum explicat: Oceanum venis quibusdam in barathrum, seu Tartarum, & abyssum subterraneam combibi: quæ deinde agitatione quadam

aut reciproco tumore se in fontium scaturigines superfundat.

Aristoteli nihil horum placuit, sed aquam fontium ex aëre subterraneo, frigido, stagnante, & suffocato immediatè gigni. Quem tamen deserunt plerique Peripatetici, imò Iul. Scaliger etiam, qui rarissimè, aut numquam alibi solet. His præstructis,

Dico Primò: Pluuiz & niuales aquæ plurimum conferunt fontium abundantiz & perennitati. Satis id euincunt, quæ antè ostendimus. Et hæc etiam ratio est, cur arboribus vestiti montes pluribus venis scaturiant, aut vberioribus, quàm inuestes ~~illæ~~ & nudæ cautes, quia scilicet arbores umbris suis defendunt aquam imbrium & niuem, ne Sole vaporatæ (quod in locis campestribus & apertis euenit) in altum rehalentur, antequam in caua montium per poros & venas destillent: vt scitè lib. 8. cap. 1. notauit Vitruuius.

Dico Secundò: Subterranea abyssus sola multos fontes alit, & plerisque omnibus aliis suppeditat aliquam materiæ partem. Id antè ferè satis firmauimus. & inde fit probabile, quòd vbique sub terrâ venæ vberes siccissimis etiam locis inueniantur, in altitudine non decem tantum aut centum pedum, quòd fortè cælestis & collectitius humor peruenit, sed etiam orgyarum quingentarum, vt in Bermanno testatur Agricola.

Ex hac ergo aquarum ibi abundantia parabilem fontium materiam habemus: & vnà optimam rationem, cur illa abyssus, aut mare, non redundet, quia videlicet, mare venis transcolatur in abyssum, abyssus verò in fontes se partim exonerat. Vnde eleganter Rupertus lib. 2. de Trinit. cap. 24. & 29. Abyssum hepatis animalium comparat, vnde per venas & tubulos se sanguis per totum corpus dispergit. imò affirmat hunc esse fontem, ex quo fluxerunt quatuor flumina Paradisi: qui etiam matrix est, & mamma, in-
Gen. c. 1.

quit, ceterorum omnium. Ostendam quoque Articulo sequenti, Aristotelem ab hac mente vix latum vnguem abesse. Sed ingens difficultas & rixa est.

ARTICVLVS II.

Que causa aquam fontium in scaturigines pellat. Malè à Bodino, Conimbricensibus, Scaligero, Valeſio assignatam.

Suppono, omnem aquam naturâ grauem, & sponte suâ sursum per aërem se ratiorem non scandere. Hinc sequitur, quòd Aristoteles, & experientia aquilegum docet, fontes numquam altius è

terrâ spontali impetu emicare, quàm sit origo, vnde aqua primùm cœpit defluere. vt si in verticem montis deducere aquam velis, montem alterum paris aut excelsioris altitudinis, & in cacumine eius fontem reperire oportet; quem deinde tubo demisso, & in verticem alterius montis reflexo, infundas. sic enim tubus rotus implebitur, & aqua per mediam vallem eousque ascendet (modò tubum tam longum habeat) donec superficiem suam in eodem circulo terræ centrum ambiente, cum superficie scaturiginis, componat. quæ, vt Epist. ad Paullum Capram docet Bapt. Benedictus, aqua vna premit alteram, & tantum sursum eleuat, quantum ipsa est eleuata. Hinc vanitatis mihi suspectus Stalocrates ille Alexandri Mathematicus, qui gloriabatur se ex monte Atho statuatam deformaturam, quæ sinistra oppidum decem millium hominum sustentaret, dextrâ fluuium ingentem in mare effunderet. difficulter enim flumen istud in altitudinem illam attraxisset.

Plurar. in
Alexand.

Hoc igitur dari volo: aquam ex subterraneâ abyssu, non nisi à vi externâ in ora fontium attolli. aliâs enim fieret quod in Prouerbio est, & Aristoteles Platoni obiicit, *ἀπὸ τοῦ ὕδατος, sursum flumina*. Sed quænam illa vis est? Poëtæ Nymphas vris haurire, & effundere in scatebras fabulantur.

Iouian,

*Ceruleæ per stagna agitant liquentia Nymphae,
Alternisq; implent undantes roribus urnas,
Alternisq; simul effundunt.*

Et video, quibus Angeli fortè hauSTORES, abactis Nymphis, substitui non displicebit. Sed quæso, humanius paulò philosophemur.

Io. Bodinus lib. 2. Theatri, putat terram intra mare, vt naue m, vi deprimi: fontesque emicare, vt aqua per rimas è fundo naui, aut per cribrum vi adactum, sursum ebullit. Sed fundus huius opinionis falsus est: nempe mare gibbo altiori esse quàm terram. Item, non tantum in montibus & vallibus, sed è plano etiam sæpissimè, aquâ vi terræ tergum dirumpente, exsilirent fontes. Denique, omnes terræ specus redundarent aquâ, & tota terra vndique scatebris diffunderet; veluti sanguine corpus, abruptis & apertis vndique venis.

Conimbricenses Tract. 9. cap. 5. Meteor. credunt aquam corporum cælestium influxu in scaturigines attrahi; & adiuuari insuper vi quadam tractoriâ ipsius terræ, quæ more spongiæ humorem sursum prolecat. Idem Philosophi Parmenses in Thesibus quas nuper legebâ. & accedit Lud. Molina in Opere 6. dictum disp. 11.

ad

ad 8. affertque similitudinem panni, qui aquæ partim immersus, humorem altius euocat extra aquæ superficiem.

De astris illis aquariis, imprimis non placent: quia hoc est imbecillitatem fateri, statim tam procul & vsque in cælum fugere. Deinde, cum eadem astra per totum eundem terræ parallelum circumferantur, vbique in illo tractu vim illam attractricem ostendent, quod est falsum. Cur etiam aquæ situlam sub diem expositam stellæ illæ aquariolæ non exhauriant?

Vis etiam magnetica aquam emulgens & sursum inuitans, per fugam difficultatis, & sine magno (apud me equidem) colore, affertur aut allinitur orificijs fontium.

Primò, quia sic numquam venæ in cælum exsilirent, sed aqua vbi ad summum labrum peruenisset, aut ibi vi illâ magneticâ adhereret, veluti fixa & gelata, aut in venam suam resorberetur.

Secundò, cum vbique montium, collium, & terrarum nasci possint fontes, vel vbique sine delectu, vel nusquam statuendæ sunt vires illæ aquarum ancillantes & magneticæ.

Tertiò, manifestò experimento deprehendi possent. Nec enim tantum ex aluo suâ & cavitatibus cacumen montis attraheret aquam; sed foris etiam per superficiem eius, è subiecto flumine aut lacu, subiret humor.

Quartò, vbi semel tota semita, quâ humor ab abyssò subterraneâ ad scaturigines ascendit, imaduisset, non amplius attraheretur illac aqua. ita enim in calce, pane, panno, (ad quorum experientiam nos vocant) videmus humorem non vltra scandere, vbi pori saturati, & siccitas expulsa fuerit.

Sed tamen, nec vim magneticam in calce, & id genus siccis & porosis (quidquid alij donent) concedimus. Viginti amplius sententiæ inter se rixantur (quas alibi diffundemus) quâ vi aqua per pannum, calcem, panem, partim immersum, subeat in partem siccam & suspensionem extra humorem: vt videas quàm in minutis etiam istis, ne superbia nos inflat, ingenia humana inueniant ludibrium. Quidquid sit, non placet tamen à siccitate per vim attractoriam humorem, id est hostem, sursum euocari, in propriam necem. Obiter verò & in transcurso hoc, censeo tenuiores partes humoris suapte leuitate insinuare se in poros. Vnde euidentior est ascensus, vbi aqua calida est & fumans: itè in vino, & humoribus vaporulentis, quàm in aquâ. In pannum enim frigidum, aquam algidam, expertus sum ne hilum quidem per totum diem subisset.

In panem verò nostrum biscoctum, quo secundis mensis vtitur, raptim satis aliquotusque scandit vinum: sed spiritus vini præsertim id faciunt. nam spiritali aliquo humore statim & faciliè panem istum resolui patet, quia illicò flaccescere solet flante Austro. Spiritus autem illi partim sponte vino exhalantur, partim modico tepore, quo panis in vinum agit, resoluuntur. constat enim, vinum etiam gelidissimum, postquam à pane, etiam à furno aut ab igne non recenti, combibitum est, intepescere. Sed vnde vires illæ panis? Dic, sicca ista & porosa, spiritus quosdam calorificos, vbi plures confluerint ab humore compulsi, continere. quod in viuâ calce euidentissimum: in ceteris, & paucitate & virium imbecillitate non ita se produnt.

Iul. Scaliger Exercit. 46. viam aliam est muginatus. Vt aqua putei, à lapide aut rotundâ tabulâ, quæ æqualis sit cum putei latitudine diametri, compressa, in altum per tubos exsilit: ita, putat, aqua subterranea ab aquâ maris aut alio pondere supernè pressa, eliditur & emicat in ora fontium. Miror ingenium Scaligeri potuisse hic acquiescere. Aqua enim illa putealis exsilit per tubos ei immerfos, quia maximâ vi supernè à ponderosissimo lapide in puteum demisso premitur, nec alius, nisi per tubos apertos, exitus ei datur. Quid autem perpetuò sic lacus subterraneos premat? Si enim saxum fortè aliquod ingens in gurgitem cadat, aquam simul & semel in altum elidet: sed quis iterum eleuabit, vt denuò recidat, vt aquam sæpius & toto anno in scaturigines expellat? Mare verò, si humilior orificijs plurimorum fontium est, vt nobiscum Scaliger supponit, numquam tam graui pondere in abyssum subterraneam decumbit, vt in altiore, quàm eius superficies est, locum exprimat. maximè cum non totâ mole ei proximè incumbat, sed per longos sapè & tortuosos meatus tantum se infundat.

Hinc Valesius cap. 63. Philof. sacræ, ad ætus & fluctus maris recurrendum existimat. Fontes igitur ei scatent aquâ abyssi, quam ætus quotidiani, & fluctus tempestatum, qui sidera tangere & extinguere præne videntur, eousque attollunt. Sed iterum frustra. Nam ætus ad decem solos aut quindecim pedes, non ad altitudinem montium, vbi scaturiunt fontes, intumescit. tempestates autem & decumani illi fluctus non sunt tam solemnes, vt fluxum diu pari semper abundantia continuare valeant. Itaque vbi tempestas & turbatio erit in mari, fontes statim vberius profluent; flaccescent verò cum fluctu & venam tenuabunt, si non siccent.

Deinde,

Deinde, vbi mare minimè tempestuosum, quale Pacificum, nulli in Regionibus circà, excellis locis latice exsiliunt.

In re igitur tam perplexà, & vbi tot & tanti Philosophi perdid-
derunt acumen, non mirum, Lipsium etiam nostrum lib. 2. c. 16.
Physiol. aberrasse. Censet enim, superficiem maris iuga montium,
vnde se exspargunt fontes, adæquare.

Finiamus hunc Artic. cum Plinio & Vitruuio. Volunt (& cum
ijs D. Basil. Homil. 4. in Hexaëmerum, vt iam video) aquâ abyssi,
spiritu in iuga montium adigi. Et patère inde existimat Vitruuius,
quia si latius circa venam fodiatur, aqua residit, & refluit deorsum
in naturale libratmentum; vt aqua in ollâ tumorem ponit, sublato
operculo, & diffugiente qui eam inflabat spiritu. Verùm, spiritum
istum confertum & vehementem esse oporteat, qui tam altè
aquam succollet, & tam vbertim impleat fontium venas: vt pro-
inde afflitum eius facile percipere sit, si quis scaturiginibus appo-
nat manum. quod tamen vanitatis est compertissimum. Deinde,
vt spiritus tanto impetu aquam sursum afflaret, necesse foret, sub-
terraneam venam esse tubum aliquem vndique clausum, & aquâ
plenum; vt scilicet ventus infernè inspiratus, non aliorum effu-
gere posset, quàm aquam ante se agendo, & expuendo sursum. Ta-
les autem subterraneæ venæ nullæ sunt, aut rarissimæ. Tertiò, quæ
caussâ spiritum illum eleuat, & tantâ vi in venas adigit? Et (quod
caput est) vnde illi tanta constantia, vt toto etiam anno per eam-
dem semper venam sine interpolatione spiret? flatus enim tam
pertinaces esse non solent, & sæpissimè interpellantur. Responde-
re oportebit, lebetes quosdam & lacus supra scaturigines fontium
esse, in quos per interualla inspirentur & attollantur aquæ, qua-
rum defluxu perpetuentur fontes, etiam cùm cessat spiritus ille,
haustor ex abyssò. Verùm, tales nullos lebetes, altiores fontium
oniscijs, inueniunt metallarij, vt testis mihi Agricola. Cur autem
effusâ latius humo, resorbeat se vena, facile ex sequenti Artic.
intelligetur.

Sed hoc patè omiseram. Fortasse quis existimet aquam ex
abyssò in venas subire metu vacui. Sed caue hoc etiam credas.
Non enim potest esse vacui periculum, vbi tanta venarum laxitas
est; nec ita plenæ, quin plurimum vbique aëris admittant. ipse
etiam aër per omnes terræ poros, velut in spongiam insinuatus, &
in omnem vacui occasionem paratus, liberat aquam ab illâ se mo-
uendi, ad depellendum vacuum, sollicitudine. Vnde licet arte
creari

creari possit tale periculum vacui, ut aqua per tubum undique conclusum ascendat, exsucto aëre: id tamen exemplum in venis subterraneis locum inuenire vix & ne vix potest; quia nec est qui exsugat aërem; & si sit, alius per parietes venarum facile ei succedet, qui rimosi sunt, & ubique respirant.

ARTICVLVS III.

Vera causa quæ aquam fontanam deducit ad scaturiginem.

Dico Primò: Aquæ pluuiæ plerumque gravitate suâ in ora fontium influunt. Sunt enim altiores, quia supernè in hiantes saxorum rimas insinuata, visceribus montium colliguntur, & inde pondere suo ad radices defluunt, ubi frequentius scaturigines ebulliunt. Idem est in aquis niuium, quæ canis montium capitibus in viscera liquantur & destillant.

Dico Secundò: Aquæ altera portio, quæ non è cælo, sed ex abyssò & humili in ora fontium venit, subit per vaporacionem. Prob. quia nullam aliam viam fecimus reliquam. Secundò, experimento metallariorum, qui supra capita fontium, nil nisi roscidos lapides, & terram vapore humectam reperiunt.

Tertiò, Aquileges signû venæ sublatentis habent, si manè vaporem tenuem è terrâ scandentem viderint. quæ lib. 8. c. 1. deprehendi docet Vitruuius, mento ante ortû Solis æstate (Augustum mensẽ ceteris præfert Palladius) in terram procumbente, oculisquæ ad Orientem versis, & superficiem terræ aspectu radentibus. ubi vapores tremulos & colludentes aspexerint, ibi fodiunt. Similiter tussilago, & aliz quædam herbæ, quarum radices vaporem illum auidè bibunt, indicium latentium aquarum præbent. Cùm igitur fumos istos vaporulentos iugiter ex aquis subterraneis scandentes habeamus, quidni iuxta terræ superficiem, & in capitibus montium, statuimus frigore redensari, & refluere in origines fontium? Et hinc ecce optima se mihi suggerit ratio, quare hieme nec niuali nec imbriferâ, fontes aquam tamen largiûs, quàm æstate (nisi valde pluuiæ sit) vomant. Plures enim à spiritibus repentibus & inclusis terræ per hibernum frigus, vapores ex abyssò, & alijs aquis subterraneis, gignuntur; qui venas proinde fontium vberiores faciunt.

Quartò, Thermarum, & fontium tepentium aquæ à subterraneis ignibus vaporantur, ut Artic. proximo ostendam: igitur verisimile est, ex ijsdem fumis refrigeratus, & excusso longis per venarum

rum anfractus erroribus feruore, ceteros fontes lymphas suas colligere. Et hæc intima caussa videtur, cur montes præcipuè sint scaturiginosi. quia, inquam, sæpissimè ignes suppositos habent, etiam si ob profunditatem, vel exiguitatem, à nobis non intelligatur. Mons igitur instar capitis Alembici in distillationibus Chymicorum est, in quo vapores à lento supposito igne in altum expulsi, refrigerantur, & tam ab internâ formâ aquæ, quàm rigore ambientium factorum, ad naturalem densitatem se reducant: guttatim quidem primò, sed plures per modum imbris in vnum torrentem confluentes, & prolixiore circuitu incrementa colligentes, plenâ tandem venâ ebullant. Ex quo liquet, fontium generationem imbris planè esse affinem, vt non immeritò (huc, nisi mentior, alludens) dixerit Poëta ille animosus,

..... *summis cognatos nubibus amnes.*

Vel etiam si hæc imago allubescit: quod in homine, lacrymæ & catarrhi, frigore cerebri, in cranio densati & repluentes sunt, id in montibus fontanæ aquæ. caput ergo mons est, oculi quæ, fontium scaturigines & orificia: iuxta illud Ieremiæ cap. 9. *Quis dabit capiti meo aquam, & oculis meis fontem lacrymarum?* Lacrymæ tamen salæ, fontes plerique dulces sunt; quia illæ per loca algentia & angustissimos terræ poros non transcolantur, nec longis ambagibus in oculos è capite defluunt, vt fontes in scaturiginem solent. Hæc enim caussa aquis fontanis falsedine ponit, si quam fortè initio (quod tamen rarum) habuerint. eadem etiam longâ agitatione spiritus excutit, qui faciebant ei teporem. Quandoque tamen euenit, vt statim, & recentes adhuc ab ignibus, gelidæ tamen aquæ ebulliant: vt in Aquitaniâ & Pyrenæis, vbi tenui discernente interuallo frigidæ iuxta calidas emicant, teste lib. 3. cap. 2. Plinio. Verosimile est, vtrasque ab eodem vicino subterraneo igne vaporari: sed calidæ laxiorem fortasse venam inuenerunt, frigidæ arctiorem, & earum feruor per adstrictos & coniuuentes poros colatus, strangulatur antequam in lucem erumpant, & extinguitur.

Ex his etiam sumitur ratio, quare fontes quandoque exarescant. Vel scilicet, quia vena collabente terrâ obstruitur, aueritur quæ, aut retroagitur humor, vel quia siccat, sine nouo supplemento, aqua, vnde ascendit vapor, aut igniculus vaporans suffocatur. Hinc enim, quia calidi fontes ignem in materiâ multâ ardentem habent, nec subterranei lacus in quos agit, faciliè deficiunt, magis perennes & quodammodo æterni sunt. Rarissimè quippe, ait

Stat.
Theb. 1.

lib. de Thermis cap. 2. Fallopius, fontium calidi siccantur, extat-
que, inquit, à 2000. annis memoria Aponitanæ aquæ. de istis certè
à 1600. paullominus annis, lib. 7. Lucanus:

— *Aponus terris ubi fumifer exis,
Atque Antenorei dispergitur unda Timæi.*

Fatetur etiam Gœbelius, Thermas Annæbergenfes in Mîsniâ
pari semper vbertate venæ, æstate, hieme, à tot iam annis pro-
fluere.

In hanc etiam de origine fontium opinionem facîle deduci po-
test Aristoteles, cum subterraneum aëra in fontium latices cogi
affirmat. Vaporem enim sæpè aërem vocat: & reuerà totus hic
circa & intra terram aër, continuus ferè quidam vapor est, cum
totius elementi aëris sit quoddam sedimentum, & in ipsum om-
nes superiorum regionum humores paullisper grauati decum-
bant. Ac quàm minimo pænè frigore statim aquescat, patet ex su-
perficie exteriori vitrorum, quæ infuso vino aut aquâ gelidâ, subito
rorat, & veluti pinguedine quâdam illinitur, aëre scilicet ambien-
te, frigore liquoris infusi, in rorem coacto. Non enim doctissimo
Mercuriali accredo, qui liquorem transudare credit: cum multis
experimentis mihi constet, vitra minimè porosa esse, aut non tam
laxè, vt momento transmittant tam densum humorem.

Non tamen existimo, solum aërem subterraneum sufficere per-
ennitati tot fontium & fluminum: quia breui tempore totum
pænè elementum aëris oporteret in cauernas subterraneas deflue-
re, vt perpetuò conuertatur in aquam toties aëre densiorem. De-
inde, Scriptura sacra, è mari, non ex aëre, generari fontes & flumi-
na significat: quia scilicet mare venis terræ illapsum, ignibus de-
inde & spiritibus illis viscera magnæ Matris calefactantibus, &
quassantibus quandoque, in capita montium vaporatur. Certè
enim vaporationem hanc necessariò interponendam, iam antè, aut
fallor, ostendi. nec alius modi mihi in mentem venit, dum altitu-
dinem locorum, vnde emicant viui latices, contemplor. Ecce, vt
alia infinita insuper habeam, fons Marisæ amnis *ex summo montis
sacumine excurrit*, ait lib. 3. Curtius. In Oceano iuxta Scotiam sum-
mum excelissimè scopuli culmen aquam dulcem largissimè vo-
mit, magno, inquit, Naturæ miraculo. In supremâ etiam altissi-
morum montium Peruvianorum planitie frequentissimi lacus
sunt, non ex niuib. collectij, vt Ioseph. Acosta lib. 3. c. 16. osten-
dit, sed naturali, & toto anno æquali abundantia, infernè eos alen-

te venâ. & vt intelligas, ignium (qui sub illis montibus satis certis cum crateribus plurifariam se in auras exspuant) effectus esse; quidam eorum sunt calidi.

Quispiam tamen pertinax, qui in aëre subterraneo sat esse materiz in fontes, sine aquarum vaporatione, defendere perseveraret, exemplo hoc, quod nuper in Cardano cum voluptate & admiratione legebam, iuuari potest. Anno 1481. quidam xger in Italiâ, Lib. Va.
riet. 8.
cap. 44. vrinz libras singulo quoque die 36. reddebat, cum in cibum potumque simul non plus 7. libris insumeret. Vnde vrina 29. libris superabat. idque sic factum spatio 60. dierum. quo tempore colliguntur libræ vrinz 1740. vltra cibi potusque substantiam; cum tamen totum xgi corpus vix 150. libras pondere xquaret. *Questum fuit à Io. Marliano, inquit, vnde id contingere possit? respondit, aërem qui in arterijs vbiq; contineretur, in substantiam aqueam conuersti, eaq; eiectâ, alium succedentem similiter in aquam conuersti; atque ita multiplicari.* Verumtamen licet similis conuerzio subterranei aëris iuuare possit generationem fontium, non tamen implere; vt antè satis probatum.

ARTICVLVS IV.

Vnde calidi fontes qualitatem illam habent?

Fontes aut puri sunt, & nullo sapore infecti, aut medicati: qui scilicet peregrinâ aliquâ qualitate, & sapore præsertim, adulterantur. Inter medicatos, calidi maximè insignes sunt. Vocantur etiam à plerisque, metallici; quia metallum aliquod vt plurimum, ait Fallopius, resipiunt. quidam tamen communi frigidorum, aut nullo sapore sunt, vt thermæ in agro Lucensi & Pisano. quidam etiam tam grato, vt quis præijs, ait lib. 8. cap. 3. Vitruuius, non consideret fontem Camænarum extra portam Capenam vel Martiam viâ Prænestinâ, quem Plinius clarissimum vocat toto orbe fontem.

Quidam credunt, radijs solaribus aquam subterraneam ferue fieri, sed illi ad istam profunditatem non perueniunt. nec aquas quidem Soli expositas sic calefaciunt.

Alij agitatione ventorum sub terrâ flantium malunt. Sed maior longè tempestas quâ venti marinas exercent & iactant; non creat tantum feruorem. Deinde, vbi sub terrâ silentium erit à ventis, thermæ egelidæ statim aut frigidæ profluent.

Bodinus alliffione quâ se ad rupes & angulos subterranearum cauernarum frangunt. sic enim equifones putealem aquam agitatione, contra equorum tormina, rumpunt & tepesciunt. Sed isti nil iuuant Bodinum. rarefcere quippe aliquantum istâ diuerberatione potest aqua, & spumare, non ita accendi. Metallarij etiam ingentibus præcipitijs frangi aquas subterraneas, frigidas tamen, inquit Agricola, experiuntur. Denique sapor & odor satis plerumque indicant materiam ignium quibus incaluerunt.

Dico igitur Primò: Nulla alia causa probabilior fontes feruefacit, quàm ignis subterraneus. Prob. quia plerique omnes nitrum, bitumen, sulphur olent, & resipiunt, id est, ignium pabulum. Deinde maximè in Regionibus, ubi montes & alia loca flammium omnia sunt, ut in Campaniâ, & nouo Orbe, calidi fontes manant. In Peru, ait Ios. Acosta, ita quidam feruent, ut nemo, etiam ex certamine, spatio Salutationis Angelicæ valuerit in ijs continere manum.

Sed ubi ignes isti ardent sub fundo, & circa canales extrinsecus, an in ipsis aquis, quæ per canales labuntur? Agricola timet lapideos etiam canales breui corrumpendos igne, si hic ijs supponatur: itaque ignes aquis ipsis intra tuborum & meatuum cavitatem permiscet.

Dico tamen Secundò: Thermæ nullo exotico sapore corrumpuntur, circumiecto canalibus igne, ut in lebetes, aut dracone, videntur calefieri. Veteres enim, ut testis mihi Seneca lib. 3. Nat. c. 24. æteos dracones, pluribus spirarum voluminibus tortuosos conficiebant: quibus aqua supernè infusa, & circumcurrens, sæpiusque & identidem suppositum ignem per multas spiras ambiens, tepore primum in summis voluminibus concepto, collectoque deinde in ceteris feruore, calida vomebatur. Canales autem illi subterranei non tam citò ignibus violantur, aut quia materia contra ignes contumax est, aut quia hi tepentes tantum, nec flammâ vorace ardent. aqua etiam ipsa intra tubos, eos in parte tutatur. Si autem aquæ bituminis aut sulphuris ignes lauarent, spiritu ipsorum, aut sapore tingerentur.

Dico Tertio: Frequentius tamen ignis in ipsis aquis flagrat, & adhæret parietibus canalium. Ita Agricola, Fallopius, & alij. qui materiam eius solum bitumen esse sciunt, quod tantum abest ut ab aquis extinguatur, quin etiam actius & diutius in ipsis alar flammam. Vnde etiam aqua thermarum in agro Parmensi, ait Fallopius, statim ad se rapit visum ignem, nec potest, nisi ven-

to aut

to aut patino extinguī, idque ob bituminis & naphthæ copiam.

Bartholinus tamen & alij quidam, præcipuam materiam in sulphure, non bitumine, esse constituunt. quia thermæ pleræque omnes sulphur, rariore bitumen sapiunt. Bitumen etiam solam aquarum, quibus innatat, superficiem flammâ suâ lambit, non ardet intra aquam.

Falsum etiam videtur, quod sumit Agricola, solum bitumen in aquis seruari flammam. Nam ignes artificiales è sulphure passim concinnantur, qui sub aquis viuunt. & Liuius Dec. 4. lib. 9. *Matronas*, inquit, *Baccharum habitu erinibus passæ, cum ardentibus facibus decurrisse ad Tiberim, demissasq; in aquam faces, quia uiuum sulphur cum calce inesset, integrâ flammâ extulisse.* Et licet aquis extingueretur, ardere tamen in fornicibus cuniculorum quibus allinitur, extra aquæ contactum, posset, & inde eam præterlabetem vaporare.

Seneca verò non tantum ardere sulphur in aquis, sed aquâ affusâ accendi ut calcem, existimat. quem tamen experientiâ suâ refellit Fallopius. *Sulphur*, ait, *in aquam proiectum, siue aqua sit calida siue frigida, non effervesceat. hoc expertus sum sapius in venâ sulphuris in agro Volaterrano, & alibi, in quocumque sulphure, vino, & non uiuo.*

Lib. de
Thermis
cap. 4.

Anselmus Boëtius tamen lib. 2. cap. 293. de Gemmis, affirmat, *oleum sulphuris verum, si aqua miscetur frigida, tam calidum in vitro reddi ut id manu vix teneri possit.* Vnde oleum istud non nihil à naturâ sulphuris oportet abiuille.

Verum, vnde tantum subterranei sulphuris & bituminis, quod alendis vno loco per tot annos ignibus sufficiat? Respondet Fallopius, sulphur & bitumen perpetuè regenerari. nam constat, ait, quatuor annorum spatio, locum sulphure effosso, terrâ repletum, iterum ad naturam sulphuris reuerti: idque satis expertum esse in agro Mutinensi. Carbones etiam Leodiensium, & metalla etiam, licet tardius, regenerantur. De ferro certè in Iluâ siue Ætholiâ, maris Mediterranei inter Corsicam & Italiæ continentem insulâ, lib. 5. auctor est Strabo, & etiamnum hodie effoditur ibi copiosum, magno Ducum Florentiæ prouentu. credunt autem Metastarij, mille tantum annorum circuitu terram in ferrum reduari. Salem etiam fossilem apud Indos regni dixit olim Clitarchus, & Agricola Parium marmor. Plin. lib. 36. cap. 15. *Inter plurima alia Italia miracula, ipsa marmora in lapidinis crescere auctor est Pappyrinus Fabianus Natura rerum peritissimus. Exemptores quoque as-*

firmiter compleri sponte illa montium ulcera. Qua si vera sunt, spes est, nunquam defuturam luxuriam. Diu autem in eodem loco aut propinquo adherent thermarum ignes: quia absumpto aut liquato sulphure vel bitumine, aliud affluit in locum præcedentis, sequiturque, ut in lampade, alimentum flammam. Ignis etiam illi malignè (ut inter aquas & contraria debilitantia) ardet, ideoque pabulum suum non citò & voraciter absumunt. & hinc pluribus Regionibus fontes calent, ubi nulli tamen crateres igniuomi sunt. Verumtamen alio etiam modo, sine igne Sennertus fontes nobis calefacit. Spiritus enim vitrioli & oleum vel sal tartari, item aqua fortis & tartarum, denique butyrum antimonij & spiritus nitri, etsi frigida, confusa tamen ad feruorem se adducunt. Quid si ergo in venis aquarum permisceantur?

ARTICVLVS V.

Unde frigidi medicati qualitatem illam traxerunt?

Consentiunt omnes, fontium istorum aquas, venas metallicas, aut salem, alumen, nitrum, sulphur, bitumen, & id genus fossilia perlabi. id enim ex colore, odore, sapore intelligi satis potest. Dupliciter autem aqua ab ijs quæ præteruehitur infici & tingi solet: spiritaliter, aut corporaliter, ut loquuntur Chymici. spiritalem tantùm tincturam rapit, quando spiritus metalli aut mineræ sic ei se permiscet, ut ramenta aut succum nullum deradat, & secum deuoluat. corporalis verò tinctura erit, si mineræ substantiam secum trahat.

Inter fontes medicatos famosissimi sunt aciduli illi, quales Spadani nostri, quos natura in calculi & omnium obstructionum remedia fluere iussit, aliaque beneficia, quæ apud Clarissimum Medicum Henricum ab Heer Tongrensem legere in Spadanis eius potes. Talis olim fons ille Tongrorum, de quo lib. 3. c. 2. Plinius: *Tongri ciuitas Gallia fontem habet insignem plurimè bullis stellantem, ferruginei saporis, quod ipsum non nisi in sine potius intelligitur. purgat hic corpora, tertianas febres discentis, calculorumq; vitia.* Hic autem aut exaruit, aut trahi ad Spadam nostram potest, quam fortè olim ager aut ditio Tongrorum complexa fuit. Acidulas autem istas chalcantio siue vitriolo abudare censet Bartholinus. Verumtamen non vnicam venam, sed plurium confluentem plerumque continent, ut ostendit noster Henricus ab Heer: & Spadanus

danus Geronster præter alia, sulphur, odore, & alui (quod etiam experti sumus) citatione euidenti prodit.

Multi etiam medicatorum, etli frigidi scaturiant, initio tamen caluerunt, & longo meatu feruorem ac spiritum exhalauerunt. Hinc Fallopius existimat Aquirianam, quæ ex Italiâ in Germaniam & Galliam passim defertur, ac per centum etiam annos incorrupta perseverat, in origine calidissimam fuisse, & ignem perfectissimam hanc & pænè indissolubilem mixturam fecisse.

Fontes qui auri aut argenti venas lauant,amenta & scobem metalli sui fluminibus etiam sæpè inuehunt. Sic auriferi olim Patolus in Lyciâ, Hermus in minori Asiâ, Tagus in Lusitanîâ. In Tago tamen nihil hodie auri reperti intelligo: sed corallorum ibi tantum esse piscationem. In Indijs Occidentalibus, vt in Hispaniolâ, Ballouentâ, Cubâ, in Regno Chilli, Quito, Granatz, &c. sincerissimi auri arenulæ in pluribus fluminibus inueniuntur; sed propter difficultatem separationis parum inde redit ad Hispaniarum Regem.

Fontium etiam & fluminum color, à metallo & minerâ quam lauant, aut terrâ venit, quam admordent. Sic in Vmbriâ

Sulphureâ Nar albus aquâ.

alibi à cretâ, lactei quidam fluunt. quandoque etiam non aquæ, sed fundi est iste color. Talis non vno loco apparet Danubius: & Andreas Corsalus Florentinus narrat, Oceanum inter Mozambicum & Indiam Orientalem lactescere, quia cretacei fundi rapit speciem: sic quoque Peneus in aluco virorem simulat, cum exhaustus splendorem habeat argenteum. Quidam etiam atramento se infuscant, vt Ganges in Indiâ, Galesus in Italiâ; sed Allera in Germaniâ, & quidam in Hispaniâ Nouâ, omnium atramentosisimi & nigerrimi sunt. Est in Regno Perûano tam rubet & miniatus, vt mero sanguine dicas profluere. Rhenus subuirdis, Mœnus & Tiberis ab arenis flauî, Mosa meus argenteas undas declinat paulisper in cæruleum.

CAPVT III.

De Fluminibus.

ARTICVLVS I.

De fluminum alueis.

FLUMINA è fontibus & riuus vnum alueum capacio-
rem influentibus oriri, antè diximus, & essentia
eorum in aquâ, & iugi illo per alueum defluxu con-
sistere.

De hoc ergo fluxu, tamquam ipsorum formâ, &
alueis, per quos incedit, aut præcipitat, item de quibusdam alijs
proprietatibus, aliquid paulò explicatiùs enarrandum. Alueos
fluminum tertio Mundi die excauauit, & ad fluxum in mare in-
clinauit eorum deuexitatem Omnipotens manus. quod certissi-
mum est in alueis quatuor illorum fluminum Paradisi. Sed pluri-
mi etiam alij in reliquâ parte Orbis eiusdem Artificis sunt, præ-
sertim qui inter montes & lapideas ripas decurrunt. Montes enim
ab initio statim creationis rerum excitatos, duratosque, vt essent
veluti ossa magnæ matris Telluris, saris inuuit Sapiencia Prover. 8.
*Nec dum montes graui mole constiterant: antè colles ego parturie-
bar. adhuc terram non fecerat, & flumina, & cardines Orbis terra.*
Ridiculum enim est quod asseuerant nostri Athei, vniuersos mon-
tes fortuitò hic aut ibi à spiritu subterraneo in auras subuectos es-
se. rarissimi enim alicuius molis colles sunt, quos spiritus ille terræ
motor excurrit: & stultum id credere de Atho, Olympo, Atlante,
Alpibus, & duplici illâ carenâ montium Peruanorum, cælo præ-
minantium, quæ per 700. leucarum spatium à Septentrione in
Australum, perpetuis iugis decurrit. Verissimè igitur ad Dominum
suum Psaltes diuinus: *Ascendunt montes, & descendunt campi in
locum quem fundasti eis.* & minimè fabulosè ille fabulosus:

Psal. 103.

Ouid. 1.
Met.

*Addidit & fontes, & stagna immensa, lacusq;,
Fluminaq; obliquis cinxit declinæ ripis.
Iussit & extendi campos, subsidere valles,
Fronde tegi siluas, lapidosos surgere montes.*

In mare autem maxima fluuiorum pars se refundit, vt irrigatis per
longos & ambitiosos errores, quas lauant, Regionibus, quod super-
est

est aquarum, mari, ceu fonti suo, reponant, vt pro tot emulgentibus sub terrâ venis, & nubibus deinde, abundantia semper ei superet.

Licet autem plurimos alueos Deus initio concinnauerit; aquæ tamen etiam, in molli præsertim terreno, multos sibi ipsæ inarauerunt, non paucos denique humana industria fecit. & Aristoteles lib. 1. c. 14. Meteor. septē ostia Nili manu facta videri, excepto solo Canopico affirmat. Drusus Cæsar cōtra incursiones Hollandorum, Rhenum in Itelam (quo hodie suam tutantur Velaniam) deduxit. Corbulo Romanorum in Germaniā sub Claudio Dux, *ne miles otium exueret, inter Mosam Rhenumq̃, trium & viginti millium spatio, fossam produxit, quā incerta Oceani vetarentur.* Tacit. lib. 11. Anual.

Ceterum plurimorum fluminum aluei in Aquilonem aut Austrum vndas suas exonerant; in Orientem tam pauci, vt dicere ausit Poëta iste Hispanus:

*Quæ colitur Ganges, toto qui solus in Orbe
Ostia nascenti contraria soluere Phæbo
Audet, & aduersum fluctus impellit in Eurum.*

Lucan.
Lib. 2.

Verum Danubius etiam & Padus in Ortum se detorquent: Tagus in Lusitaniā, & Africa Niger in Occasum. imò Ganges magis defluit in Meridiem, quàm Solem ortium.

Certamen autem est de principatu inter alueos fluuiorum. Aristoteles noster Indo videtur dare palmam, quia alicubi amplitudine 50. stadiorum siue 6. amplius mill. Italicorum se dilatat. Arrianus tamen Gangem ei præfert. Virgilius Eridanum seu Padum fluuiorum regem nominat. Diodorus Siculus Nilum potius coronat. Sed controuersiam fluuius Amazonum siue Maragnon in Americā diremit, qui latitudinem ad 70. etiam leucas diffundit, mare veriùs, quàm fluuius. Suppat deinde ei fluuius argenteus, vulgò *Rio de la plata*, quem non adæquent Nilus, Euphrates, Ganges, confusus in vnum alueum & communicatis aquis. Proximus est in eadē Americā fluuius S. Magdalenz, qui tâto impetu Oceanum inuehitur, vt intra decimam leucam, sale victo & vndis, dulcedinem & fluxum seruet, duarum leucarum aquæ latitudine.

Rapiditas fluuiorum ex aluei deuexitatē præcipuè oritur. quando verò fontes oporteat esse altiores ostijs, video non conuenire inter Geometras. Cardanus lib. 1. Variet. cap. 6. dicit antiquos in aquæductibus sesquipedem in centenos pedes constituisse, *sed nostrâ, inquit, ætate, subsilioꝝ ratione, sed ad irrigandum solum opportuna,*

tunâ, in singula spatia pedum 600. solum pollicem vnum declinamus. vt ergo aqua rapidius decurrat, & naues facîle deducere valeat, maiorem inclinationem alueus habebit.

Si ad Mathesin res ista vocetur, incile aquæductûs (ita Iurisperi vocant locum, vnde incipit incidi canalis) in millenos passus, vno pede altius emissario esse oportet. Atque ita consequenter, fluminum aluei post millenos quosque passus, vt aqua molliter defluat, deuergere ad vnum pedem debebunt. Ratio huius mensuræ est, quia linea recta Orbem terræ contingens, post 1000. passus ab illo puncto contactûs, dodrâte pedis, siue 9. vncijs, id est tribus quartis, à subiectâ terræ circumferentiâ distat, si totum ambitum terrestrem 5400. milliaribus Germanicis circumscribas. Aquam igitur, aut pilam, in fine istius lineæ si statuamus, decurreret per eam vsque ad punctum quo terram contingit: idque paulò pronius faciet, si in fine ad totum pedem à terrâ eleuaueris. Hinc sequitur, finem aluei in longissimis illis fluminibus longè centro terræ propinquiorem, quàm fontes eorum esse, etiamsi per singulum milliare alueus ad vnicum solum pedem descendat. Vt licet Nilus lineâ rectissimâ per circulum terræ maximum à Tropico Capricorni ad ostium Canopicum, id est per 54. gradus siue 3440. millaria Italica, in Mediterraneum mollissimo lapsu aquas suas deduceret, initium tamen aluei, quod circa Tropicum Capricorni, non procul Promontorio Bonæ spei est, 3440. (quis credat?) pedibus eleuatus à centro terræ, quàm fundus ostij Canopici iuxta Alexandriam, foret. Fluuij autem rapidiores ad 3. 4. 5. aut plures pedes ad centrum terræ per singula millaria declinant. Si verò ad 6. pedes, cursus tam rapidus & torrens erit, vt regendis in eo nauibus fiat incommodus, inquit ad c. 6. lib. 8. Vitruuij, Daniel Barbarus.

Ridiculum etiam est, quod lib. 1. cap. 6. Variet. docere videtur Cardanus: Imam fluuiorum superficiem quæ fundum tangit, inclinationem tantum habere, non verò summiâ, quæ aërem stringit. Sic enim perpetuò, quò longiùs à scaturigine recederent, fluminum profunditas intumesceret, & altitudo breui spatio eleuationem fontis superaret.

Sed verumne est illud, quò altius est flumen, eò rapidius esse? Experienciâ id constat, si deuexitas aluei eadem sit, aut par. Nam hibernis torrentibus inflata incitant magis naues, & velocius deferunt quidquid natat in superficie. Causa est in abundantia aquarum, quæ magis se premunt & inuicem præcipitant. Ita etiam li-
quor

quor è pleno vase, detracto epistomio, emicat longiùs, & maiori impetu.

Quò magis etiam flumina à centro terræ distant, hoc celeriùs, pari impulsu, circa terram gyantur; quia circulum maiorem circumcurrunt: vt circumferentia rotæ rapidiùs in orbem se agit, quàm modiolus, qui excipit axem.

Ex dictis iam patet, caussam efficientem defluxûs fluminum, esse propriam aquæ grauitatem, quæ per 'aluei deuexitatem centrum quærit, & ad propinquissimam, quàm potest, loca defluit. vnda etiam succedanea antecedentem sæpè vrget; & hæc deinde illam, ratione & iure continuitatis, blanditer trahit & vellicat.

ARTICVLVS II.

Quæ de caussi Nilus, Niger, Melas, Argenteus, alijsque fluuij sic exundant?

QVæstio de Nili inundatione omnium antiquorû ingenia exercuit. Sesostris & Philadelphus Ægypti Reges, Cambyses Persarum, Alexander Macedonum, quosdam in vltimam Æthiopiam miserunt, vt Nili fontes, & incrementi illius quotannis statim causas, vestigarent. qui omnes incerti redierunt. Nouissimè *Nero Caesar*, ait lib. Nat. 6. cap. 8. Seneca, *vt aliarum virtutum* (ô si scias, qualis breui futurus!) *ita veritatis in primis amanissimus Centuriones duos misit.* qui, vt idem se ab ijs audiuisse narrat, ad immensas tandem paludes perueniunt, quarum nec incolæ exitum sciebant. Iul. Cæsar etiam apud Lucanum lib. 10. super cœna illa Cleopatrx post cæsum Pompeium, ex Achoreo, sacerdote Ægyptio, de Nili incrementis, tam ab alijs curis securus est, in illo rerum æstu, vt multa quæritet. Sed scire legem exundationis antè oportet, quàm causam inuestigemus.

Primò, vt narrat Leo Afer, & qui hodie colunt Ægyptum, circa 17. Iunij diem, id est 27. nostro iam stilo, incipit intumescere, statim scilicet post solstitium. durat verò incrementum ad quadragesimum diem, secundum Strabonem, totidemque decrementum: totaque periodus ambit dies octoginta; etsi Herodotus extendat ad centum. Legem verò aliquando non seruasse constat; vt decimo & vndecimo Regni Cleopatrx anno, aluco se continuit. quo interpretati, nec vanè, significatam Imperij Antonij & Cleopatrx defectionem. Sub Theodosio etiam aliquamdiu stetit:

quod ideo factum calumniati sunt Gentiles, quia Imperator ei vetuisset amplius sacrificari. Sed ecce statim abundissime se superfudit, & fertilitate insigni egregie pensauit antecedentium annorum sterilitatem. Verum ne sic quidem compressa calumnia: & publicitùs in theatris cum risu clamabant, *senem Nilum quidquid iam aquarum habuisset eminxisse.*

Porro tam spatiosa est inundatio, ut valles & campi lateant, oppidaque cum collibus quibus inædificantur, more Cycladum insularum extent; nec ullum in Ægypti mediterraneis, vix per nauigia, sit commercium.

Ad modum autem incrementi, anni sequentis fertilitas respondet. In 12. cubitis, ait lib. 5. cap. 9. Plinius, *famem sentit, in 13. etiamnum esurit, 14. cubita hilaritatem afferunt, 15. securitatem, 16. delicias. Maximum incrementum ad hoc cui fuit cubitorum 18. Claudio Principe, minimum Pharsalico bello, veluti necem Magni, prodigio quodam, flumine auersante.*

Nec longè abludunt quæ scribit Leo Afer, qui Ægyptum oculis, & habitatione Africam vspiciuit; conuersusque à Mahumete ad Christum, à Leone X. Pont. Max. nomen in Baptismo accepit: Scriptor, ut mihi videtur, non infidus.

His præstruatis, Thales, Plinius & Alexander, in Etesijs causam inundationis ponunt; qui à Septemtrione reflantes contra cursum fluminis, aquas sustinent, quæ ab alijs à tergo affluentibus pressæ, ripis se superfundunt.

Sed non magnæ operæ est refellere. Etesix enim venti lenes sunt, qui aquæ cursum sic frænare non valent: nec ipsæ & tam statim temporibus, ut Libro 4. vidimus, semper spirant.

Senecio etiam ille Achoreus lib. 10. apud Lucanum perperam docet Cæsarem, Nilum influentiâ Mercurij intumescere, ut Lunæ Oceanum. Nec enim Nili periodus Mercurium adspicit, ut æstus marini Lunam.

Fracastorius rem istam in Epist. ad Io. Bapt. Rhamnusi cum curâ tractauit, & credit à torrentibus pluuiarum, quas Sol circa Tropicum Canceri leuat, Nilo infusus fieri hoc incrementum. Verum imbres isti in Æthiopiam recidunt, 600. milliariibus à Cairo Ægypti, ut fatetur ipse Fracastorius: cum tamen eodem tempore ad Caium Nilus sentire incipiat inflationem, nec aqua per tantum interualli, in momento quasi, trajici possit in Ægyptum. Vidit hoc Fracastorius, & respondet, octo aut decem diebus, torrenti aluco,

alueo, facild eouſque defluere. Sed eſt incredibile. Nam ſic millia-
ria 60. quolibet die tranſuolaret, etiamſi rectiſſimâ lineâ decurre-
ret. Alteram igitur reſponſionem tentat. ſcilicet, vt lapis in aquam
deiectus, eam in circuloſ impellit, & intumeſcere facit; ita torren-
tes Æthiopici Nilum in Ægyptum vſque propellunt, antequam
ipſi ed peruerint. Sed in vanum. Non enim ideo flumen ſe ſic
inflabit, ſed impulſum celerius tantum alueo ſe euoluet. Deinde,
aqua Nili turbida ſatis indicat, incrementum eſſe à torrentibus &
aquis aduentitijs ſe illi permilcentibus.

Dico Primò: Magna pars incrementi Nili ex tabe niuiſ Atlan-
tis montis venit, quam Sol ab Æquatore ad Cancrum rediens, &
vires ſuas canis illis montium, qui Tropico, aut circâ, ſubiacent,
verticibus admoueriſ, fundit. Hoc mihi Poëta ſignificare viſus:

*Sic ubi ſe magnis reſluo ſuppreſſit in antris
Nilus, & Eoæ liquentiæ pabula brumæ
Ore premit, ſumant deſerta gurgite valles,
Et patris vndofi ſonituſ expectat hiulca
Ægyptioſ, donec Pharijs alimenta rogatuſ
Donet agriſ, magnumq; inducat meſſibuſ annuſ.*

Stat.
Theb. 4.

Liquentia enim pabula brumæ ſunt tabes niuium. Fallitur enim
vehementer Fracaſtoriuſ, qui Atlantem niualet eſſe negat. Nam
Leo Aſer tantum niuium vnâ etiam nocte circâ sæpè defluere, vt
arbores & domoſ tantum non ſepeliat, ſeq̃ue propemodum, cum
iter illac faceret, ab ijs ſuffocatuſ affirmat. Vnde lib. 75. Dion di-
cere audet, ſibi pro comperto eſſe, Nilum hac aquâ niuali auctum
ſuperfundi. quod, inquit, veteribuſ Græciſ ſignatuſ fuit. Iuba et-
iam vtriuſque Mauritanix Rex, litteriſ tamen, quàm Regniſ, non
paullò clarior, vt ait Pliniuſ, aſſerit, prout in Mauritanîâ niueſ im-
breſque ceciderint, ita Nilum increſcere. Niger etiam Africæ iti-
dem fluuiuſ, Hiſpaniſ hodie *Rio grande*, qui medio inter Tropi-
cum Caneri & Æquatoreſ interuallo in Oceanum Atlanticuſ
ſe euomit, eodem tempore & lege, quâ Niluſ, exundat. tantâ verd
rapiditate mare tunc incurrit, vt intra quadageſimuſ milliari-
rubore in aquaruſ, & limuſ retineat. Fontes autem in radici-
buſ niualiuſ iſtoruſ Africæ montiuſ habet. quamquam non-
nemo ſit, qui Nili ramuſ eſſe coniectet, quia Crocodiloſ, & Hip-
popotamoſ, ceteraque quæ in Nilo, videant in ipſo præternauigan-
teſ. Verum nuperrimæ Orbis delineationeſ manuſcriptuſ diſcerni-
culuſ interponunt inter alueuſ Nili, & Nigri fonteſ.

Dico Secundò: Non solæ niues Atlanticæ, sed pluuiæ etiam, quæ circa Tropicum Capricorni & Nili fontes, Martio, Aprili, Maio, recidunt, instant Nilum. Hæc Aristotelis sententia est. indicatque Homerus, cui Odysl. 4 Nilus *Διὶ γένετ' ὀρεσσίν, πρὸς Ἰόνε*, id est, aquâ cælesti, *fluuius*. Prob. quia Franciscus Alvarez, olim per Abyssinorum Regna peregrinus, scribit lacus quosdam in ultimâ pæne Æthiopiâ vidisse pluuijs vernalibus tumidos, solitos superfundî, Nilumque illis in locis, longè vltra Atlantem, istis aquis inturgescere. Iosephus Acolta lib. 2. c. 4. Histor. Indicæ, circa Tropicum Capricorni, & vltra vsque ad Promontorium Bonæ spei, affirmat, vbi Sol Arietem intrauit, imbres largiter depluere: prout etiam in Regno Chilli Americano, quod eandem latitudinem & poli elevationem cum Promontorio Bonæ spei habet, vsu venit. Ratio est, quia tunc apud eos autumnus, & imbrum tempus incipit, quando ver nobis. Omnia enim contraria ipsis eueniunt; quia vltra Capricornum colunt, & hiemem habent, quando nos æstatem, & Sol Cancro se admouit: autumnatque ibi, cum vernat Europæis. Etiam si autem pluuiæ per Martium aut Aprilem ibi cadant, tardè tamen, & Iunio solum mense, tot circuitibus fessum, & insulis hebetatum, agmen aquarum in Ægyptum peruenit. Ex his patet, paludes illas, quas sub quarto parallelo, Antidiameraoës, inter Equatorem Tropicum Capricorni statuit Ptolomæus, non esse (quod putat) primos Nili fontes: quos nouissimæ Hollandorum Tabulæ, extra Capricorni circulum, cum Lunæ montibus, in ipsam pæne Africæ cuspidem reijciunt.

Ceterum, vndecumque irruant, certum est ex limo quem vehit, torrentibus incitari, vt cetera flumina, & intumescere Nilum. ideo enim oblimatione istâ campos quibus aliquamdiu & altus insedit, secundat. & in Scripturâ sacrâ, turbidus aliquoties appellatur. Ios. 13. *A fluuiio turbido, qui irrigat Aegyptum.* & Ierem. 2. *Quid tibi vis in viâ Aegypti, vt bibas aquam turbidam?* Vbi tamen arenæ & limus in sedimentum defluxit, limpida & suauissima est, quia percocta Zonæ torridæ caloribus, inquit Diodorus Siculus. ideoque Egyptij vltantur in potu. & in conuiuio Cæsaris & Cleopatæ lego lib. 10. apud Lucanum;

— manibusq; ministras

Niliacas crystallus aquas.

Tam magnæ autem & delicatæ manus limpidissimâ aquâ solent abluî, Imò in tantâ gratiâ & dignatione apud eos erant Nili aquæ,

vt Ptolemæus Philadelphus, Polybio teste, ad filiam Berenicen, Antiocho Regi Syriæ collocatam, vt solam eam biberet, solitus sit missitare. Melas etiam Bæotix fluiui, teste in Syllâ Plutarcho, annuo cremento Nilum imitatur, haud dubiè ex causis similibus.

Argentus deinde, vulgò *Rio de la plata*, in Americâ, aquâ etiam cælesti, & montium Peruanorum tabescentibus niuib. inflatus, semel quotannis, tribus mensibus ripas indignatus, mediterranea submergit: quo tempore accollæ scaphis, & partim natatu, quo, ritu piscium fermè, valent, vitam tolerant.

ARTICVLVS. III.

Quenam aquarum in usu laudatissime.

Saluberrimam aquam breuiter & scitè definit Plinius, *que aëri Lib. 3. 1. simillima est.* id est, pellucida, leuis, insipida, inodora. talis enim maximè sincera & impermixta erit. exhalationum quippe & ceterorum opacorum mixtura claritatem illam interpellat. leuitas autem ex raritate nascitur, & cum turbidâ opacitate consistere etiam potest. aqua enim cælestis, leuis est, quia ex vapore nubium leui, & paulò antè in aëre pendulo, subito & perfunctoriè condensata; & tamè vnâ, ab exhalationibus quas vapor implicat, & secum deuoluit, se turbat, & lucem suam confundit. Hinc licet aquæ pluuiæ leuitate & tenuitate suâ multùm laudentur, ex quæ magis, quæ inter fulmen & tonitru ceciderunt, quas in dulcedinem aliquam percoctas, bruta audissimè bibunt, celeriter tamen, ob exhalationum permixtionem, putrescunt, & aliquantam inde noxam trahunt.

Vnde etiam grandinum, quæ ex guttis pluuiæ coagulantur, aquam, ab eadem exhalationum miscelâ, pestilentissimam Plinius vocat. Spiritus enim illi qui humori nubium se confundunt, non solum ex terrâ, sed varijs etiam mixtis, & plantis aliquando venenatis, in altum extrahuntur, vt Lib. 2. diximus, circa materiam fulminum.

Hinc errant etiam quidam apud Athenarum lib. 2. qui nivalem aquam saluberrimam contendunt. Hippocrates enim, Aristoteles, & Plinius, vt inquinatissimam damnant: & reuerà terrestre illud, quod in eâ subsedit, satis indicat insinceritatem. Nec verum est, quod aiunt, frigore, quo gelatur vapor nubis in niuem, exprimi halitum;

halitum; sed includitur potius, & in eisdem floccos cum vapore alligatur. Vnde Agellius lib. 19. cap. 5. cū in illā plurimorum hæretū esset, bibendi niualet, scribit se ad meliorem sententiam reductum à Peripatetico quodā, & auctoritate Aristotelis asseuerantis ὅτι χύσις καὶ κρυάλλων ὕδατα φάυλα εἶναι, aquas è niue & glacie vitiosas esse. Non malè igitur Nero Princeps, cetera ferè pessimus, inuenit artem decoquendi, vitroq̃ue in nives demissam refrigerandi aquam: vt sic voluptas frigoris, sine vitij niuium, contingeret. coctura enim halitus expellit, & rarefactione aquam laxat ac tenuat, vt citius & penetrabilius externum niuis frigus accipiat.

De noxā aquæ glacialis, non videtur perinde certum. Nam glacies ex summā & leuissimā parte aquæ coagulatur: purissimā etiam, vt apparet; quia terrestre quodcumque & sæcutinum succumbit in fundum. Fortè tamen ideo Aristoteles condemnat, quia exhalationes perpetuò ex aëre in terram & aquam subsidentes, circa supremam aquarum cutem hærent, seq̃ue ei confundunt. Hinc etiam in elligitur, fontium illos esse deteriores, qui labris suis, & riuorum quos influunt alueolis aliquid allinunt, aut musco inuestiunt. hæc enim alicuius impuritatis, etiam si oculis statim non sentiatur, indicia sunt.

Porro raritas & tenuitas aquæ non vnā ratione exploratur. Hippocrates eam quæ igni promptè obedit, celeriterq̃ue postea deponit feruorem, tenuem & laudabilem dicit. Quæ enim corpulentiores sunt, frigus pertinacius retinent; sed ubi semel etiam incaluerunt, segnius ad naturalem rigorem, calore contumaciter in densitate illā hærentē, redeunt. Palladius ad incolarum adspicit valetudinem. Si sanis pulmonibus & thorace, renibus, & vesicâ sunt, salubrem iudicat aquam, quæ per illa corpora traicitur. Talis igitur nostra Spadana: nam in eo pago multi seneciones integrâ valetudine decrepiti, sicci etiam, & adstricti, & castigatissimâ corpulentia planè lignei visuntur.

Si viscera etiam & hypochondria citò deserat, tenuitatis est signum. Nam tenue penetrabilius est: & Aristoteles affirmat idèd in mare demersos tardius, quàm in flumine, suffocari; quia fluminalis tenuior est marinâ, ocyusq̃ue in omnes corporis sinus & angulos se insinuat.

Quæ etiam valdè rara est, speciem corporis submersi, vt v. g. lapidis, aut baculi, minimè inflat & refringit; sed eiusdem molis & figuræ

figuræ apparet, quâ in aëre. Talem aquam se inter Paduam & Vincentiam, in loco, qui Cubalus dicitur, vidisse asserit Vitello lib. 10. theor. 42. Fluij deinde qui onera nauium non ferunt, vt Silas in Indiâ, insigni, sine dubio, raritate sunt. Vti etiam Borysthenes, cuius aquæ alteri fluuij Hypani supernatant.

Pondere denique, densitatis & tenuitatis discrimen deprehenditur. Sic Pirene, fons ille Musis sacer, omnium qui in Græciâ, leuissimus & tenuissimus repertus ab Athenæo. Cotyle Attica Eulei fluminis drachmam vnâ minus olim, quàm aqua Tygris aut Euphratis, pendebat: & ob hanc dotem, Parthorum Reges Euleum & Choasperm bibebant, eosque, quamuis in longinqua, plaustis comitabantur. Snellius noster lib. 2. cap. 5. Eratosthenis asserit, aquam pluuialem grauiorem esse distillatâ in cubo pedali, duabus vncijs & granis sexcentis duodecim: putealem verò propensiolem pluuiâ, vncijs septem & granis trecentis septuaginta. Aqua etiam post brumam, grauior à diligentioribus reperta est: vbi scilicet spiritus illos subterraneos in se extinxit, & inde crassamentum sibi fecit. Vnde per clepsydras olim defluens, hiemales horas paullò longiores reddebat æstiuis, exitu tunc ob crassitiem tardiore.

Ceterùm, flumina rapidiora, & scopulis multis, aut insulis affilia, magis frangunt & laudabiliore reddunt suas aquas: ideoque Auicenna præfert ciuitates & loca quæ talibus alluuntur: imò Plato libro de Legib. veterat ciuem suum in vrbe pernoctare, in quâ aut leges exulant, aut nullus fluuius currens. illud enim animum, inquit, hoc corrumpit valetudinem. Renuat fortassis igitur Insulis Flandrorum hospitari, vbi fluuius, qui Cortracum non fluit, sed repit testudine gradu, pigerrimus est, ac ob minimam aluei inclinationem, pænè stagnans, qualisque omnino Ticinus in Italiâ apud Poëtam Consularem:

*Vix credas labi, ripis tam misis opacis,
Argutos inter volucrum certamina cantus,
Somniferam ducit lucenti gurgite lympham.*

Sil lib. 2.

Alueus igitur magis præceps fodiendus, vt torridior sit vnda, & exercitio tenuetur.

ARTICVLVS IV.

*Quid censemus de varijs miraculis aquarum, quæ à Scripto-
ribus passim aut sparsim iactantur?*

X Anthum amnem irrufare, Cratim & Cefiphum fontes candorem, Penium nigritiam pecori facere, affirmant multi, & de Clitumno, in agro Falisco Propertius:

*Quà formosa suo Clitumnus flumina luco
Integit, & ninos abluit vnda bones.*

Quidni autem cum Theophrasto accredamus? qualitas enim aquæ per corpus nostrum infusa mouere temperiem valet. nõne etiam senectus, nõne ingens vnus etiam noctis sollicitudo & animi auxietas, multis canitiem extemporalem fecit?

Sic quoque fons vnus in Bœotiâ memoriam, alter obliuionem violato cerebri temperamento, adducere potest. Nam & quendam aquâ melissæ vino albo infusâ, & per distillationem iterum extractâ, memoriam correxisse, lib. 2. Subtil. Cardanus est auctor. In Ciliciâ esse fontem, qui sensum bibentibus acuat, in Cea insulâ, qui heberet, doctissimus Romanorum M. Varro dicit, nec habet, cur refellam, tantumdem enim facit vinum modicè, aut largi sumptum. Nec hoc magis mirum: Clitorium in Arcadiâ, vni creare fastidium. audi illum ingeniosum:

Quid. 1.
Metam.

*Clitorio quicumque sitim de fonte leuauit,
Vina fugit, gaudetq; meris abstemius vndis.*

Oua etiam noctuarum eodem valere narrant. A visco quodam stomachi parietibus aut officio adhærente credo fieri hanc nauseam. sic etiam qui multis ouis se semel aut iterum inferciunt, eorum in posterum amittunt appetentiam.

Sed quid de quintâ essentiâ Cardani, siue aquâ illâ distillatitiâ, quâ ætherem vocat, viresque corporis, & vitam in longissimum tempus producit, existimamus? In Bonicâ etiam insulâ, nõ procul ab Hispaniolâ noui Orbis, fons è vertice montis salit, qui senes ad iuuentutem reuocet, et canitiem non aboleat, nec impleat rugas. Cuius rei, inquit Cardanus, *præter perseverantem famam, locuples testis Petrus Martyr Angerius Mediolanensis, Regis Hispaniarum olim à secretis, in suis Orbis nuper inuenti Decadibus.* Et confirmari potest, succo fructus arboris vite Paradisi, qui ex sententiâ D. Thomæ, & magis acceptâ, vim naturalem habuit corrigendi vergentem iam

Lib. 2.
Subtil.

in senium ætatem, & humidum, vt vocant, radicale instaurandi. Quidni igitur humor aliquis sit, è terrâ, naturali fonte scatueriens, aut Chymicâ & distillariâ arte præparatus, qui partibus fortè quibusdam heterogenijs constet, quarum aliquæ vi purgandi, & recrementa humorum quæ partibus singulis animalium allinuntur, & calorem naturalem suffocant, abstergerendi, polleant; aliæ verò optimo succo præditæ, in substantiam viuientis, sine ferè pugnâ, facessant, humidumque radicale largiter instaurent?

Verùm, etsi non facilis sit refutatio naturalis talis succi; non credo tamen adhuc repertum. nam cur aliàs Cardanus tam citò finitus est, si ætherium illum succum habuit, qui ad nostram hanc eum ætatem, & per tot annorum circulos circumducere potuit? succi ergo hæcenus cogniti, excellentia solùm quædam medicamenta, aut alimenta sunt, quæ lapsantem, aut delapsam valetudinem restituere aliquoties, non in perpetuum (etiam si sæpè repetantur) valent. senectutem etiam tardant, & aliquamdiu sustinent, numquam ad carceres iuuentutis, vt iterùm decurrat, reuocant. Illud etiam satis credibile, Lyncesti fluminis Macedonæ aquam temulentos facere. Naso lib. 15. Metamorph.

*Hinc fluit effectu dispar Lyncestius amnis,
Quem quicumque parum moderato gurgite traxit,
Non aliter titubat, quàm si mera vina bibisset.*

Hanc autem ab acore quodam, acidulam vocari asserit Plinius. Plin. lib. 2. cap. 103.
Vnde in parte, acidulæ nostræ Spadanæ est similis. quam etiam expertus sum largiùs potam cerebrum paullisper tentare, & inuitare somnos. Minus tamen longè, quàm Lyncestus, qui spiritalior, & halitu aliquo minerali plenius fumat.

Fontes plurifariam esse, quorum aqua in riuum effusa stet statim & lapidescat, compertum etiam est. In Peru, calidum quendam vidit Ios. Acosta, qui breuè in rupem se durat: vnde ferro exciditur lapides idonei etiam ædificijs, & simillimi, quantum conijcio, flauentibus illis & mollibus nostris Mosæ-Traiectunis. Aquam etiam Stygis in lapidem coagulari multi tradunt, & mortiferam esse, quia alligat viscera. Plinius tamen frigidissimam, & Sen. lib. 3. cap. 25.
omnia vasa perrodere, præter muli vngulam, idque ab Aristotele nostro repertum, & sic venenum illud ab Antipatro datum Alexandro affirmat, magnâ, inquit, Philosophi infamiâ. An igitur alumni sui necem machinatus cum Antipatro Aristoteles? Non credo Plini. Curtius certè de Antipatro tantùm, & filio Iollâ fa-

mam sparsam fatetur, de Aristotele, silentium. Credidit tamen Cæsar Caracalla: qui, quod Alexander videri vellet, Aristotelis libros abolere statuerat, quia is propinati Alexandro veneni videtur auctor. Plutarchus etiam in Alexandro scribit, à quibusdam suspectatum Aristotelem: sed magis in eos inclinat, qui negant toxico interijisse, quia corpus exanimum multis diebus, nullo balsamo aut odoribus conditum, feruido & torrenti cælo, sine tæbe, liuore, & vllis veneni indicijs permanfit.

Illam autem vim Strygiam, omnia vasa perrodentem, non in valdè miris Agricola ponit; & aquam metallicorum, quâ argentum ab auro fecernunt, parum aut nihil acrimoniâ abesse dicit. Ad conciliandum verò aquæ frigus intolerans, plurimum confert profunditas venæ, deinde Mercurij siue hydrargyri, aut etiam nitri mixtura. Nitrum enim ex utroque contrario spiritu, calido & frigido, sed isto vberius, contextum docet Bartholinus. Vnde si aquæ hîc admisceas, promptissimè totam refrigerat. idem ergo fieri credendum etiam in subterraneis.

Fontes autem qui lapidescunt, plurimum gypsi ac tenacis luti vehere certum est, vnde lapidibus materia.

Sunt quoque, qui iniecta in lapides mutant. Talis vis Anieni, Italiæ fluuii. in quo, cadauer à latrone demersum, & radicibus arboris implicitum, lapideum repertum ferunt. item nuces & amygdala in eum decidua, lapidescere vulgò notum est; appellariq; à propinquo Tibure, bellaria Tiburtina. Nec opus plura exempla aggerare, quæ à Plinio & alijs satis celebrata. hoc tamen etiam addam. Albertus Magnus ætate suâ prope Lubecam extractum è mari ramum, cum intexto nido pullisque purpurei coloris scribit, quæ omnia in lapidem dirigerant. Aquæ igitur istæ aut reuerà saxificæ sunt, & iniectorum temperiem mutant, aut gypso solummodò incrustant.

Hoc etiam iam nimis est vulgare, Asphaltum, siue mare mortuum in Iudæâ, onera pleraque immersa respuere. periculum in hominibus Vespasianus & Traianus Cæsares fecere: qui pedibus manibusque colligatis iniecti, fluitabant innoxij. miraculi causa, ut alibi diximus, est in densitate permixti bituminis.

Cyzici etiam fons quidam Cupidinis appellatur, à quo amantes (ô salutarem Meridionalibus, & omni genii amasæ fontem!) frigerari, & amorè ponere, credidit Mutianus. & quid ni etiam faciamus? certe frigore, aut aliter consumendo genituras, id fortasse po-

tuit.

tuit. Hoc tamen merum fabulamentum est, in Andro insulâ, fontem Liberi patris Nonis Ianuarijs semper vini sapore fluere. nisi tamen Genij cuiuspiam mali artificium id fuit. Istud autem naturales causas propius accedit; in Dodone fontem Iouis esse gelidum, qui cum faces immerfas extinguat, extinctas tamen accendat, si statim admoveantur. Nam spiritus sulphurei, quos exhalat, in facem recens extinctam & adhuc fumantem incidentes, flammam faciliè valent, & rursus facem animare. Alia præterpropter innumera congeri possunt: sed abstinco, ne paritas ista Philosophis nostris, & quicumque morosioris palati, fastidium faciat. Tales enim ferè in amœnitates illas historiarum despuere solent. sed hæc, si placet, saltuatim, aut omnino non attingant, & ignoscant, quia non ipsis solis & vnicè scribo.

Onerabo etiam nauseabundos istos hoc auctario. Scriptura sacra sæpissimè gratiam illâ quæ animas sanctificat, appellat aquam. *Qui sitit, veniat; & qui vult, accipiat aquam vitæ gratis*: Apoc. 22. Hinc S. Petrus epist. 2. c. 2. impios vocat *fontes sine aquâ*: quia gratiâ carent, cuius capacem naturam habent. sed super omnia iustichre & discretissimè Christus Dominus Ioan. 4. ad Samaritanam: *Qui biberit ex aquâ quam ego dabo ei, non sitiet in æternum: sed aqua quam ego dabo ei, fiet in eo fons aquæ salientis in vitam æternam*. Fons enim gratiæ salit in vitam æternam: quia per actus quos aut effundit, aut quibus dignitatem suam affundit, visionem Dei, & vitam æternam promereimur. In multis autem analogia est inter gratiam diuinam, & aquam. hæc sordes corporis, illa animi eluit: hæc æstus ventriculi, illa iræ, libidinis, & ceterarum perturbationum mitigat, aut extinguit: hæc arentes fauces, illa sitientia animæ desideria humectat, & mollit. Tria verò ista, à totidem aquæ qualitatibus pronemunt. abluit enim, quia cum densitate fluida est; frigerat, quia algida; humectat, quia humecta. In substantiâ etiam aquæ, gratia analogiam inuenit. illa enim terræ infusa & permixta, salutarem succum in omnium plantarum venas & fructus transfundit: gratia, animæ infusa, & in eodem subiecto habitibus supernaturalibus confusa, per eos in actus supernaturales, ceu quosdam spirituales fructus, influit. Merito igitur S. Theresia, ut in libello quodam eius legere nuper memini, aquam omnibus elementis in amore prætulit, & omnes diuinos in animam illapsus, per fontes, riuulos, & tubulos semper explicauit. Petamus nos, & cum Samaritanâ dicamus: *Domine, da nobis hanc aquam, ut non si-* Ioan. 4.

Lib. 7.
Confess.
ca. 9.

tiamus. Omnis enim Philosophia nostra, & vniuersæ scientiæ humanæ, imò diuinæ, flaccidæ, marcidæ, exsuccæ, & arentes sunt, nisi in hunc gratiæ & charitatis humorem radices demittant. aut, si virere in quibusdam & florere videantur, plenitudinem illam & decorem instante vanitatis vento mentiuuntur. scientia namque, diuini amoris & gratiæ succo vacua, turgida & inflata est, nosque similes sibi facit. *Procurasti,* clamat D. Augustinus ad Deum, *mibi per quemdam hominem immaniſſimo typho turgidum, quosdam Platoniorum libros ex lingua Græcâ in Latinam versos.* Tales plerique omnes Platonici, Peripatetici, & cuiusuis farinæ ac sectæ Philosophi, veræ Religionis & gratiæ exortes. in oculis suis vasti, grandes, & corhurnati. Felices nos, qui in tempora ista postuma incidimus, & habemus Christum, qui tot verbis & factis tumorem nostrum premit, exprimitque ventos, & cogitationes, in quibus maiores nostri euauerunt in altum, vnde relapsi præcipites in infernum. quos ne sequamur, miscenda Philosophiæ nostræ, & sæpe inculcanda hæc Magistri lectio est: *Discite à me, quia mitis sum, & humilis corde.* Corde, ait, non externo solum cultu: quomodo olim Cynici per summam superbiam, summisionem animi, & rerum humanarum contemptum profitebantur. Audiamus etiam discipulum istum Magistro consonantem: *Non iudicauit me scire aliquid inter vos, nisi Iesum Christum, & hunc crucifixum.*

Matth. 11.

1. Cor. 1.

Cur non etiam nos tanto, illo nescientiores, idem adiudicamus? Sed mirum, quàm difficulter superba nostra ignorantia in hoc iudicium & confessionem adduci possit.

C A P V T I V.

De Rore, pruinâ, melle, mannâ.



RINITA aquarum, vnde meteora aquea materiam sumunt, tractatione, ipsa iam ingredimur. Initium à rore &c. facimus, quia in infimâ regione, & loco generationis, propinquissima sunt terris. Seruabimus enim hic, quod ante in igneis: ab imâ aëris regione fecantem ad superiores perueniemus.

ARTICVLVS I.

Quæ causse roris.

Materia roris, vapor est, forma, mollis ille ex vicino aëre in terram relapsus. Causa efficiens à multis nocturna astra putantur. Poëta vetus, & amœnissimus in Peruigilio Veneris:

Humor ille, quem serenâ astra rorant noctibus,

Manè virgines papillas soluit humenti peplo.

Sic Luna, roris mater, & roseida, à Poëtâ Georg. 3. appellatur. Verum licet Luna, tempore molli vapores educendo, aut aërem laxando, vt guttulae facilius in vnum confluant, & se degrauent, rorationem adiuuare possit: causa tamen efficiens præcipua, est nocturnum frigus, & forma substantialis vaporis, quæ ad frigus & densitatem, ac postremò ad grauitatem, materiam suam reducit.

Relabi autem rorem ex propinquo, inde liquet, quia compertum, altiores montes parcissimè irrorari, & humiles plantas, quàm altissimarum arborum folia, plenius inebriari. Causa est, quòd humilibus maior aëris profunditas superster, vnde ros decidit. & hinc etiam calcei ambulantium in sicco, roseida nocte, amplius quàm caput, humectantur. Refluunt tamen etiam rores in colles & montes, qui non excelssissimi: vt in montem Gelboë, 2. Regum c. 1. & in montè Sion, Psal. 132. Ex toto igitur à terrâ ad nubes intervallo relabuntur rores, in altitudine viginti graduum ab horizonte, vt lib. de Cometâ anni 1585. credit Rothmannus; quia per tantam eleuationem, sidera nocte surgentia, aut cadentia, euidentem refractionem patiuntur, multiplicatis intra totum illud spatium infinitis rorantium guttularum vaporibus.

Tempus ergo rorationis est nocturnum. quando scilicet vapor à Sole educus, & ab ipso occasu destitutus, refrigerat se ac redensat, sicque iam aëre illo grauior, in quo antea leuior natabat. Hinc sub auroram, cum plurimum noctis exiuit, plures generantur, & magis frigent rores; & in Zonâ torridâ, vbi noctes toto anno duodecim circiter horarum sunt, nocturnus aër à longâ & gelidissimâ roratione frigidissimus est, vt de Africâ Francisc. Aluarez, de Americâ, Ios. Acoſta, experti testantur. Et hæc causa est, præter ceteras, quæ zonam illam temperat, & præsentiam diurni Solis lenit.

Non abſtineo etiam, quin bellatulam aliam rationem Io. Bapt. Benedicci, Epistolâ ad Adr. Panetium, huc addam, quâ ostendit,

cur

cur aër sub auroram gelidior & densior, quàm reliquâ parte noctis. Hoc enim frigus & densatio extremam partem noctis magis rorifluam efficit. Duo autem supponit, quæ vera sunt. Primò, vmbra terræ, siue noctem, iaci semper in partem Soli aduersam. Deinde, aërem inumbratum condensari; & eò arctius, quò Sol vicinum vmbrae aërem magis calefacit & tenuat: nisi radij multi & conferti reflectantur in vmbra. Ita flagrantissimâ æstate, vmbra arborum gelidiores experimur. nec existimo id solum ita videri, ex comparatione ardentioris circumstantis æstus: sed reuertà plus frigoris (vndecumque veniat) in aëre vmbrae perfuso tunc esse. Ratio est, quia ob rarefactionem vicini aëris quem Sol illustrat, ait Benedictus, aër alter in vmbra se contrahit, quia aliquæ aënis illustrati partes, rarefactione in vmbra propelluntur, & vnâ cum ceteris ibi colliguntur in vnum nodum. quò autem maior & diffusior est rarefactio, eò plures partes incurrunt in vmbra, & à reliquis ibi refrigeratæ constringuntur.

Sed à quâ causâ, aër inumbratus, subito sic refrigeratur? Quia, inquit Benedictus, *naturaliter calor sequitur rarum, rarum calorem, & frigus densum, ac densum frigus, ut unicuique sana mens patet.* Sed nullus Philosophus, qui paulò altius introspicit, hinc acquiescet. Alibi profundius nos in hanc rem demitteamus. Dico iam in transcurso; aut aërem naturâ esse frigidum, aut hunc terræ circumfusum, vaponibus plurimis mixtum & intextum esse, qui à radio calefaciente & diffundente liberati, ad frigus & nonnullam densitatem, per antiperistasis se reducant.

Hoc constituto, probat Benedictus, aërem ante auroram magis densari & frigescere, quia à mediâ nocte, pyramis vmbrae terræ, perpetuò recedit ab Oriente, & retorquet se versum Occasum, sic ut radius Solis manè radat & destingat aëris nostri vmbra. quia igitur tunc infima regio quæ nobis impendit, & vnde in nos refluunt rores, propinquior est radio surgentis Solis, quàm mediâ & concubiâ nocte; ideo densius cogitur, & se, ac vnâ vapores, ad rotationem magis refrigerat. Vespertino verò crepusculo, quia vmbra terræ Solem versus Occidentem sequitur, aër noster perpetuò à margine vmbrae, versus axem seu medium eius, elongatur.

Omni tempore annigigni possunt rores; sed facilius & affluentiùs autumnò & vere. quia & vapores in materiam tunc suppetunt, & Sol nimio ardore non consuevit. In nube etiam & flatu, ait, ex Aristotele nostro, ut pleraque solet, Plinius, non cadunt ro-

res. Ventus enim paullo violentior materiam, ne coëat, dispergit in nubilo autem, vel non attrahitur vapor rorifluus, vel certè non rorat, sed pluit.

Inter ventos, mollis Auster rores prouocat; quia aërem ad guttularum confluxum laxat, & tepore insuper vapores elicit. Contrà tamen euenit in Ponto, Asiæ minoris Regione, inquit Aristoteles: quia Auster ed lassus, & excusso, longo volatu, tepore peruenit. Vnde nec calore vapores prouocat, nec antiperistasi insignis frigoris. Aquilo verò, ibi cùm Regio Septemtrionalis sit, gelidissimus per antiperistasin, exhalationes diurno Sole calefactas sic in vnum compellit, vt vapores circa terram, aut in eius poris hærentes, intepeſcant, & aſcendant in materiam roris. Quod non solum in Ponto, sed omni Aquilonari Regione, vbi par Aquilonis & Austri qualitas, verum esse debet. Ex suprâ enarratis definies rorem: vaporem tenuem, in infimâ aëris regione, vi nocturni frigoris densatum, minutissimis guttulis in terram relapsum.

ARTICVLVS II.

Effectus Roris.

MEl, & manna, effectus roris sunt, vt causæ materialis, vt statim dicemus. erucæ etiam, ac aranei, & infinita insecta, à rore materiam sumere putantur. cùm enim hic multas siccas exhalationes permixtas habeat, tepore Solis materiam vtrâque percoquente, facili dispositiones concipit ad generationem imperfecti animalis.

Conchæ etiam marinas, oscitatione rorem forbere, & eo concipigique in ipsis margaritas, multi docent post Plinium. Sed egregiè confutat Anselmus Boëtius lib. 2. cap. 37. de Gemmis. qui apertis plurimis gemmantibus conchis, deprehendisse se scribit, vñones eodem, quo testa, animalis succo, concreſcere. Cuius rei magnum indicium est, quòd vbi margaritæ fuscæ sunt, aut alio colore tinctæ, interior conchæ testa sit concolor.

Ros etiam ouibus & capris aliquam noxam affert. aluum enim ijs citat, & auget bilem, aufertque aliquando vitam. vnde prudentes opiliones non summo manè per roscida educunt gregem, sed diem adultum exspectant, donec Sol rorem resorbuerit.

Ambulatione quoque sub arboribus rorifluus quandoque contrahitur scabies aut lepra, vt ex Plutarcho docet Mercurialis.

quia scilicet ros morficat & scarificat cutem, tam propter exhalationes admixtas, quàm quòd superficibus foliorum arborum, quas colligat, deradit. Nimis tamen superstitiosè delicati sunt, qui statim occidente Sole,

Virg.
Georg. 3.

— *cùm frigidus aëra Vesper*

Temperat, & salus reficit iam roseida Luna,

sub tecta recurrunt, clauduntque curiose fenestras: quas etiam manè non nisi serò aperiunt, domique se continent, metuentes ro-
ris relapsum. minimis enim istis, duranda cutis & valetudo est, vt respuere maiora pericula valeat, quæ passim totâ vitâ incurrunt.

Rores etiam corpulentiam consumunt. Hinc alicubi feminae crassulæ rore se lavant, aut etiam bibunt, ad gracilitatem. Vnde Theocritus in Thyrside, de vitulâ macrâ:

— *Μὰ ὀπωρὰς οὐκ ἔταται, ὡς ποδὲ τέττιξ;*

Rorène vivit, more cicadæ?

Observant deinde venatores, odorem ferarum obtundi nimîâ roratione. vnde plenilunio, cùm maximè rores multiplicantur, difficulter canes olfactu feras affectantur.

Species quædam rubiginis, & vicius morbus, roratio appellatur: quâ acini, priusquam crescant, in callum decoquuntur. Id autem accidit, cùm deflorescentibus vitibus ros impluerit, non aqueus & fecundus, sed aridus, & permixtus noxiâ multâ exhalatione. Hæc etiam, siccato vapore, instar farinæ, arborum folia respersit, adurit, & necat. Mannam rustici nostri vocant; lupulumque salictarium maximè hæc lues infestat. & ab hac causâ, proventus eius incertissimus est, maximè variante pretio.

Rubigo verò, siue robigo, in frugibus, & præsertim frumentaceis (legumina enim minus eam sentiunt) est putrefactio quædam: cùm exceptus spicâ ros aut pluvia non defluit, sed Sole ibi calefactus putrescit. Propter robiginem Robigalia sacra, ad eam avertendam, Numa olim Romæ instituit: celebrabanturque tempore Plinij vii. Kal. Maij, quando seges maximè obnoxia robigini. Floralia verò deinde instituta ex oraculis Sibyllinis, iv. Kal. Maij, vt feliciter omnia deflorescerent. In locum autem Robigalium & Floralium, Ecclesia Catholica dies Rogationum & Supplicationes illas amburbias & ambaruales die S. Marci, & tribus ante Ascensionem Domini diebus, substituit.

ARTICVLVS III.

Pruina caussa, & effectus.

Pruina fit, inquit eleganter & scire Apuleius, si mollitia toris marutini frigoribus incanuit. Aut potius sic finire debet: Vapor in infimâ regione, priusquam in rorem conuertatur, congelatus. Idcirco ad rorem, vt nix ad pluuiam, se habet. Causa materialis, est vapor; formalis, congelatio: per quam à rore differt. Efficiens, est hibernum, aut autumnale frigus. Duobus enim illis solùm anni temporibus, & cælo gelante prouenit. Aliquando tamen etiam vere, imò æstate: certâ segetum lactescentium aut florentium pernicio. Ita anno 1607. & nupero 1625. pruina solstitialis, natantes in lacte suo spicas plurifariam in Belgio adussit.

Respergitur autem pruina per herbas instar raræ cuiusdam nimis. filatim etiam arboribus dependet: quia multæ vaporis & exhalationis siccoris mixtim guttulæ, in longum & catenatim succenturiatæ ac nexæ, frigore sic concresecunt; vt pyramides illæ glaciales dependulæ è suggrundijs tectorum.

Stiri sç, impexis induruit horrida barbis.

Virgil.

Pruina verò hæc capillata, nebulam frequentissimè comitem habet: quia exhalatione multâ tenebricosâ & nebulosâ opus ad eius generationem.

Finis & effectus principales (nam semper effectus aliquis, est causa finalis meteororum) pruina, est contractio spiramentorum terræ, vt circa plantarum radices, & in visceribus eius contineatur spiritus, caloris vehiculum.

ARTICVLVS IV.

De filiis illis, quæ D. Virginis appellantur.

Pruina capillari affinia quodammodò sunt fila, quæ autumnò maximè per agros, instar telarum araneorum, volant; multique in Belgio fila Diuæ Virginis vocant. De quibus nil vniquam me legisse memini.

Falluntur autem, qui retia araneorum vento abrupta & arrepta credunt. Non enim tot hic sunt agrestes aranci, nec eorum fila tantæ longitudinis & crassitie sunt. & quod caput est, vix valido vëto araneorum retia (in agris enim retiarj ferè, non textores, qua-

les in domibus habemus, aranei sunt) tenuitate filorum impetum fallente, & per interualla transcribante, diffiliari valent. Sola tamen illa Virginea, tranquillo tantum nascuntur & volant, sine valente villo statu. Itaque ex vapore percoto, & terrestribus ac viscosis exhalationibus temperato, conerescunt. Temperatura autem similis est humori illi & excrementitio visco, quod aranei filatim è visceribus, aut, vt Aristoteles credit, è superficie corporis, in retia aut telam perpetuam deducunt.

Vere etiam tantum & autumnò gignuntur, quia calorem temperatum & siccitatem postulant. Autumnò tamen maximè, quia aer tunc exhalationes siccas æstatis reliquas adhuc habet, quæ necessariæ ad huius meteorì temperiem.

ARTICVLVS V.

De Melle.

Plinius lib. 11. cap. 12. inclinât vt affirmet, mel cæli sudorem, aut quamdam siderum saliuam esse. queriturque ac dolet plurimum sordium contrahere, & taminari, tam longo, à cælo ad terram, delapsu. Sed si hoc esset, non æstate magis quàm hieme decideret. multos etiam annos in viâ consumeret, tam lento in terram defluxu. Denique sidera non saliuant, nec vaporibus aluntur, quod credit Plinius.

Nascitur ergo apud nos mel, & instar roris è vicino aëre delabitur. Dubitat tamen Seneca Epist. 84. inueniántne ipsum in floribus apes, an succum tantum quemdam, quem spiritus sui proprietate, vt loquitur, & adhibito quodam veluti fermento, in melleam substantiam densent & coagulent. quod postremum placuisse videtur Erasmo in Dialogo, Ciceronianus. *Non statim mel est quod adferunt*, inquit: *singulis ore visceribusq; suis liquorem, ac in ipsas transformatum, rursus ex sese gignunt.* Sed tamen liquorem, & succum illum dulcem, siue specie à melle apum iam elaborato differat, (quod satis probabile est) siue non, mel in Meteorologicis appellamus.

Materia eius, vulgò exhalatio terrestris putatur aqueo vaporì permixta, & vnà fermentata. Sed magis probem, exhalationes siccas, plantarum simul admisceri, & ab istis esse præcipuam dulcedinem. Nam certum est, halitum florum & plantarum, in quas humor ille decubuit, incitare aut hebetare suauitatem mellis. Nec de nihilo Poëta:

Ælog. 1.

Mellifer electis exercitus obstrepit herbis.

Her-

Herbas enim reuerà eligunt: quia non omnes parem dotem affundunt mellis. ex floribus autem odoriferis, & iucundi spiritus, qualis thymus, mel laudatissimū: ideoque talibus delectantur apes,

— & *olentia nacta*

Ouid.

Pascua, per flores, & thyma summa volant.

Contrà, herbarū venenatarū spiritu pestilenti mel inficiunt, ut auctor Plinius, & Dioscorides. & præsertim flos aconiti, & napelli cucullatus, ut affirmat Amatus in Dioscoridem. apes etiam Sardinie amarum colligunt ex absinthio. Signa mellis venenati sunt: si non densetur, & protinus moueat sternutamenta. tale etiam ponderosius est innoxio. Ex his faciliè intelligitur, cur non ubique mel sit eiusdem dotis. quia scilicet non ubique flores sunt vnius habitus. vapor etiam in Regionibus calidioribus melius digeritur, & ideo Hispanicum præstat Belgico. In Russia tamen, Regione Aquilonari, excellentissimum nascitur: quia æstiu dies longiores sunt, & radij solares, etsi obliqui, spatio tamen ad percoquendum valent. Aliquam etiam laudis partem ferre oportet qualitati herbarum: apibus deinde. Nam ideo in Peruanâ Regione mel prauum & dilutum gignitur, inquit Cardanus, quia apiculæ tantum sunt muscis simillimæ. Tali fortasse victitauit S. Io. Baptista in eremo. Inter mella, Dioscorides, Cardanus, & Medici passim rutilum præferunt: sed Amatus asserit, candidum hodie palmam habere, si à calore nactum sit istum colorem. quale Olysiponense & Æthiopicum, quod niuib. nihil cedit de candore. In totâ Italiâ præstat, quod ex Cephaleniâ, maris Ionij insulâ, aduehitur. quod dulcissimum saccharo expertum se, Cardanus dicit. Triplex autem est genus mellis: Anthinum, siue vernum; quod legitur è primis floribus. Horzum, siue æstiuum, sic dictum à tempestiuitate præcipuâ: colligitur enim post solstitium, per dies serè 30. Syrio ardente. Tertium, vocatur ericæ, siue autumnale, ericâ florescente, omnium minimæ laudis.

Mel vim exsiccandi, & calorificam in secundo gradu (id est in quarto, apud nos Philosophos) obtinet: & pituitosis putatur perquam vtile. à calidâ verò complexione vertitur in bilem. à putredine etiam præseruat. Græci Medici dabant olim ebrijs panem melle illicitum contra ebrietatem, dum irent cubitum; quia frangit vini vires: quod mirum, cum mulsam, siue hydromeli nostrum, tam potenter inebriat. Veteres hydromeli ex melle & aquâ pluuiâ, aut niuali purâ, temperabant. Aristæum primum omnium apud

Plutar.

Sympol.

lib. 3. q. 7.

Thracæ docuisse artem miscendi mel vino ad œnomeli, auctor mihi Plinius.

Cantipratanus Belga ait, circa solstitium tantum in Belgio, & modicâ quantitate mel defluere: noxiumque ouibus ac capris, ideoque opiliones tunc cauere, ne citò manè, antequam Sol roscida & mella vaporauerit, educant greges. Plenilunio plurimum mellis gignitur, sed vbertas rosis ipsium facit dilutius.

Lib. 11.
cap. 8.

Quousque ad mellificationem auolent ex alueari apes, incertum videtur. *Operantur*, ait Plinius, *intra sexaginta passus*. addit tamen, *subinde consumptis in proximo floribus, speculatores ad pabula vltiora mittunt*. Bodinus verò ad 14. etiam miliaria euagati credit, id est, eius sententiâ, ad longitudinem sentidiometri horizontis visibilis, siue quousque oculus noster videre valet in superficie terræ.

Hoc etiam à multis celebratum, vinum optimum esse in medio, oleum in summo, mel in imo. Ratio est, inquit lib. 17. Subtil. ex Macrobio & Plutarcho Cardanus: quia vinum summum ab aëre circumfluo, infimum à fæce patitur. supremum autem in oleo pinguisimum, quia leuissimum, est. mel verò imum, quia grauissimum & densissimum, præcipuam dulcedinem habet. Hinc non immeritò Alexion apud Plutar. lib. 7. q. 3. Sympof. ridet Hesiodum, qui suadet strenuè vino bibendum, dum vas aut plenum, aut fere vacuum est; parcendum verò, cum ad dimidium decreuit. quid enim stultius, inquit, quàm optimo abstinere, donec exspiret & euascescat?

Ladanum non diuersum à melle meteorum, sed species eius est. In Cypro præcipuè nascitur, villisque ac barbis caprarum, pastibus matutinis, adhæret, dum rosulenta est Cyprus. Sed tandem aduertere, hæc, & id genus alia quæ in meteoris habentur, reuerà tamen non esse: si mel, manna, &c. formam substantialem corporis mixti (quod est vero simile) non elementi habent. con cresunt tamen ex vapore, ut ros, & legitima alia meteororum aqueorum.

ARTICVLVS VI.

De Mannâ.

Manna apud Græcos & Latinos veteres, micæ quædam thuris sunt. Plinius lib. 12. cap. 14. *Micæ conculsæ* (in vindemiâ thuris) *elisas, mannam vocamus*. Hinc meritò vbique Galenus de mannâ,

mannâ, vt medicamento adstringente, mentionem facit: cum meteorologica nostra manna, inter laxantia sit. An verò Galenò cognita fuerit, dubitationem habet. Affirmat Amatus: & esse quod, non mannam, sed *ἀερόμαλι & δεσρόμαλι*, mel aërium & rosidum, appellat. atque in monte Libano copiosum nasci, ac pellibus per terram expansis, arboribus decussum excipi. Vix autem differt manna à melle, nisi corpulentia & concretionem. vnde etiam quandoque in granula quædam se colligit: quæ si minora sint, granata; si maiora, mastichina manna appellatur. Est ergo manna succus dulcis, pinguior & densior melle, ex rore & exhalatione percussus, & in infimâ aëris regione, nocturno frigore concretus. Meurerus existimat, specie à melle, non solo accidente, distingui: quia manna purgat bilem, mel auget. Sed mel crudum, vt Amatus docet, tantumdem valet, aluumque subducit: licet calida corpora id vertant in bilem. In Syriâ & Indijs vberimus mannæ prouentus. Cardanus tamen in Calabriâ laudatissimam nasci affirmat; Amatus etiam in Lusitaniâ, Meurerus in Germaniâ: imò Lemnius in lib. de S. Scripturæ plantis, narrat se tranquillo manè hinc Louanij inuenisse, circa exitum veris, in mœnibus.

Dubitant S. Scripturæ Interpretes, An manna, quæ 40. annis Israëlitis in deserto pluit, eiusdem speciei fuerit cum vulgari meteorologicâ. Francisc. Valesius lib. de Sacra Philof. c. 57. affirmat. Repugnant tamen alij: quia corpora, inquiunt, nimis laxa & fluxa fuissent, tam longo veluti pharmacilax intis vsu. Deinde, Num. cap. 11. faciebant ex mannâ tortulas saporis quasi panis oleati, quod in mannam nostram non competit. Sed alia pro Valesio reponi, æquè & probabilius possunt: quoddam sapor ordinarius fuerit, quasi similis permixtæ melli, quoddam albi coloris, quoddam euanesceret incalescente die, quoddam figurâ seminis coriandri. Nam hæc vniuersa mannæ nostræ, præsertim Polonicæ, satis assident. *Vidi ego grana* (mannæ, quæ serenis Iunij & Iulij noctibus in Poloniâ cadit) inquit Cornel. à Lapide Comment. in Exod. *suntq; instar milij, sed longiora & rubicunda: pulvisq; inde confectus gustanti, sapor est, qualis est pulvis ex panico.* Nec valdè monere debent, quæ alij contra reiciunt, nam certum est, multa accidisse supernaturaliter mannæ Hebræorum, quæ assumi non possunt ad arguendam speciei diuersitatem: vt quoddam 40. annis depluerit abundissimè, quoddam non amplius in sportulâ suâ inueniret qui plus quàm qui minus collegisset, quoddam saporem ad arbitrium sumentis verteret, vt Sapientix

pietate 16. legimus. carnes enim in eâ gustabat, qui vellet, aut si mallet, pisces, &c. Sic igitur potuit & esse eiusdem speciei cum nostra, & solidam tamen, non fluxam & marcentem alituram præbere. Vocatur autem Psal. 77. panis Angelorum: quia matutinum rorem & halitus colligebant Angeli, & inde mannam pinsebant, ac fermentabant, actiua passiuus componendo.

Lib. 3. de
Incendio
amoris.

Figura etiam Eucharistie nostræ fuit, quæ verè panis Angelorum, & omne delectamentum in se continet. Non pluit amplius, sterili hoc sæculo, apud Sacramentarios nostros, cælestis hæc manna: nec cæci & miseri intelligunt, quanto & quàm inenarrabili bono careant. *Quàm mira dulcedo*, inquit D. Laurent. Iustinianus, *& stupenda iucunditas, ut quem non meremur nominare, possimus masticare!* Sed manna absconditum est, nec omnes voluptatem illam exfugere sciunt, etiam qui sumunt. Sacramentarij blandiantur sibi quantum velint: nullum sub cælo eos maius infortunium incidere potuit, quàm non agnoscere tantum benignissimi Creatoris beneficium. *Venite Fratres mei Catholici, exultemus nos Domino, iubilemus Deo salutaris nostro.* Effundamus in altaria nostra, & coram illo corda nostra. Res ab initio Ecclesiæ disputatissima, certissima est: in hanc Fidem intellectum sine hæsitacione præcipitemus; in amorem, quàm possumus profusissimum, voluntatem abijciamus. Miraculum sine dubio, omni stupore dignum est, quomodo diuinum illud corpus, sub tenui superficie sic delitescat, & tam altè, ut sic dicam, defossum sit, ut nullius oculi, nullius intellectus acies ad ipsum penetrare valeat. Sed alia opera Dei, quæso, mecum considera: dispeream, si vilius etiam minimæ rei fundum reperijs. Certè dum cogito hunc totum Mundum nusquam antèa fuisse, & tamen iam esse factum; dum in plantis & animalibus, conformationis artificium; dum arenulæ vnius è partibus infinitis compositionem: & vno verbo, dum omnia vniuersim circumspicio, nescio quò præcipuè desigere debeam admirationem. Sed comprimò calamum, plura in partem istam tam beatam blandamque scripturienti.

Sed non teneo tamen, quin etiam hoc adijciat, quod Te, Illustr, & Reuerendissime Tornacensium Præsul, Maximiliane Villane, magno animi sensu, nuper audiui narrantem. Sacramentarij rideant aut ringantur, silentio perire res tanta non debet.

Redibas olim, ante Episcopales istas Insulas, ex Italiâ: & dum Diuioni, quæ Vrbs est Ducatus Burgundici capitalis, aliquantulum

Jum hæfitas, inaudisti fortè, Sacramentum ibi postero die populo ostendendum, in quo visibili se specie quorundam oculis Christus Dominus ingereret. Et dum dubitas, placeatne etiam visere, an D. Ludouici Francorum Regis exemplum, qui oculos olim à simili spectaculo auertit, ne experientia, Fidei carperet meritum: iuisti tamen, sed alià mente: Vt hinc aliorum infirmitati peteres & subijceres aliquod fulcimentum. Et ecce, dum oculos acrius paulisper in sacram Hostiam defigis, ceteris se quidquam, præter orbiculum illum candoris, cernere negantibus, Tu puerorum omnium, quotquot vinqum cælum tulit, formosissimum, purpureâ & talari tunicâ decoriter amictum, roseâ & renidenti facie hilarem, defluentibus per lacteam ceruicem suffluentium crinium globis amabilem, ætate & magnitudine duodecim circiter annorum, vides. Et dum stas subito oculorum & animi raptu aliquamdiu attonitus, & inenarrabili simul voluptatis effusione ecstasticus, puerilis illa species in imaginem Dominicæ Resurrectionis, & virum sepulchrali speluncâ emicantem, repentè se figurauit: & sensim deinde euauit.

- Similitudo memoriam mihi suscitât diuini illius Viri, Thomæ Cantipratenlis, qui Levvis S. Petri prope Bruxellam nostram ortus, primùm Canonicus Regularis S. Augustini in Illustri Cantipratenfi iuxta Cameracum Abbatia, deinde Ordinis S. Domitici, Louanij Supprior, & sacrarum Litterarum Lector, denique Cameracensis Suffraganeus, in toto Belgio circa annum Christi 1260. eruditione & sanctitate clarus fuit. Is Libro Apum 2. c. 40. interfuisse se Duaci, in Templo S. Amari, simili spectaculo scribit, Historia longiuscula est: sed cui rei melius atramentum & chartam impendemus?

Videant nobiscum hæretici nostri, & rideant, si ita peruicaciter collibitum; nos infiniti illius Numinis bonitatem admiremur, cui deliciae sunt, esse cum filiis hominum.

Postquam Auctor narrauit Miraculi exordium, *Hæc, inquit, cum audissem famâ vulgante, veni in oppidum Duacense. accessi ad Decanum Ecclesie S. Amari, cui optimè notus eram. petij videre Miraculum. annuens ille, præcipit vt fieret. aperta est theca, concurris populus; moxq; ubi pyxus reuoluitur, clamant omnes: Ecce iam video, ecce conspicio Saluatorem. Stabam ego attonitus, nihil videns, nisi tantùm speciem panis albißimi: nihil quidem cõsciũs mihi, quare sacrosanctum Corpus cum ceteris non viderem. Nec diu mecum ista volebam, cum*

ecce vidi faciem, in mensuram ætatis plenitudinis Christi, spineam habentem in capite coronam, & duas guttas sanguinis de fronte ex utraque parte nasi per faciem descendentes. Mox igitur genibus flexis, cum lacrymis adoravi. Surgens autem, nec coronam in capite, nec sanguinem vidi: sed faciem hominis super omnem effigiem honoratam, conuersam ad dexteram, ita ut vix dexter oculus videri posset. Nasus erat admodum longus, directus valde, supercilia arcuata, oculos simplicissimos & demissos habebas, casariam longam super humeros descendentem, barbam intonsam, & sub mento curuatam, exterminatamq; sub rectis iocundissimi oris. ex utraque parte menti, nudas prope à pilis habebas valliculas, ut in iuuenibus apparere solet, qui à puero barbam nutrierunt. frontem latam, macilentas genas, & collum longum, cum capite parum inflexum. Hoc schema, hic decor benignissima faciei. Eam autem diuersi diuersimodè sub vnius hora spatio videre solebant. Alij in cruce extensum, alij quasi ad Indicum venientem, plerique, & hoc ex magnâ parte, sub pueri formâ viderunt.

Dicent alij quod volent; ego impudentes eos, qui tam sincero narratori non credent.

ARTICVLVS VII.

De Saccharo.

Saccharum vox Arabica est. res Veteribus etiam cognita, recensetque Dioscorides inter species mellis: sed nesciuerunt coque-re, ut hodie facimus. Est autem succus quidam dulcis, quem Indi, & alibi exprimunt ex arundinibus.

Lucan. l. 3.

Quis bibunt tenerâ dulces ab arundine succos.

Cocturam tamen etiam non ignaram iis fuisse, censet noster Lipsius Epist. Senecæ 84. duciturque Papinij versu:

Es quas percognit Ebusia cannas.

Rudimentum tamen hodiernæ coctionis fuisse credo, quam satis nuperam, docet Amatus. Quidam Antiquorum, saccharum saltem Indicum appellant: quia pars succi, calore Solis euocata, concrevit in superficie arundinum, specie resinæ, & splendentis salis.

Materia sacchari hodie copiosissima Antuerpiam & in Belgium, ex insulâ S. Thomæ, Canariis, & Maderâ aduehitur. In insulâ S. Thomæ, sub ipso Æquatore, molunt cannas, & quod superat expresso succo, obiciunt porcis, qui inde in tam miram ténertudinem pinguescunt, ut carnes de bonitate cum capis Hispanicis cer-

certent, denturque vulgò ægris, & ventriculis inualidis, ad facilem concocturam.

Saccharum gignit sicim, spiritusque calidos ac lucentes continet. vnde si cultrum ei affrices (quod sæpè sum expertus) in tenebris, lucem velut igneam excuties, idtu nullo ferè irritò & frustrante. Albius minùs calorificum esse, censet Amatus. Saccharum autem reverà meteorum non est, quia corpus perfectè mixtum. imò verius est, non è vapore aut rore in cannas deciduo gigni; sed esse humorem alimentarium, radice è terrâ attractum, ac veluti arundinum sanguinem.

CAPVT V.

De nube, & niue.

MATERIA nubis est vapor, multâ exhalatione contaminatus, vt ex aquæ pluuiæ, & nivalis impuritate liquet. Forma, est concretio & densatio in mediâ, aut circiter, aëris regione.

Materia verò niuis est nubes, Forma, congelatio. Refrigescit autem vapor & exhalatio à formâ istorum halituum substantiali, vel frigore aëris, à vapore aliquo præcedente refrigeratu, vel denique, quia ipse fortasse aër naturâ suâ frigidus & frigorificus est. Congelatio verò niuis, à gelidâ & siccâ venti alicuius nubem perstringentis, exhalatione est. Libro enim tertio docuimus, omnem congelationem & gelu à talibus ventis alligari & crescere.

De altitudine nubium à terrâ, respice ad Cap. 1. Libri primi, vbi quantitatem regionum aëris definimus. Libro etiam 2. cap. 3. a. 11. ostendimus, ex distantiâ moræ inter fulmen visum & tonitru, colligi posse interuallum nubis fulminatricis à terræ superficie. Nubem sic defines: Vapor exhalationi mixtus, circiter mediam aëris regionem, frigore citra congelationem densatus, & hærens.

ARTICVLVS I.

Quæ causa nubes in mediâ aëris regione suspendat.

ASole, vi quadam magneticâ suspendi, Antonius Berga, & Scaliger Exercit. 79. credunt. Sed perperam: quia sic nocte vni-

Iob. 16.

uersæ nubes reciderent in terram, desertæ à Sole occidente. Sol enim apud Antipodes lucens, nequit hemispharij nostri nubes in aëre sustentare. Meurerus non dissoluit, sed vnico ictu abscindit difficultatem, dicitque à Deo sustineri. Sed Deus tales effectus non solet sine causis secundis producere. Secundam autem inquirimus, quæ cum ipso *ligat aquas in nubibus.*

Dico Primò: Non aliter nubes suspenduntur à Sole, quàm quia ab ipso rarefit humor, & leuitatem ad scandendum, & in sublimi consistendum, accipit. Patet ex dictis, & iam dicendis.

Dico Secundò: Æquilibrij leges, quibus grauiora in medio liquido succumbunt leuioribus, tenent nubes in aëre. Probatur exemplo omnium quæ aquâ vehuntur. Lignum enim, & vniuersa quæ natant, ideo non merguntur, quia æquale, aut minus ponderis obtinent, quàm humidum patis extensionis, in quo sustentantur. Nam hinc est, vt calculus exiguus defluat in aquæ fundum, non trabs ingens, infinitò parè illo propensior: quia calculus, inquam, grauior est aquâ illâ cuius præcisè locum occupat, trabs non item. si enim aquæ molem trabi parem, cum ipsâ in trutinâ appendas, aqua sine dubio præponderabit. Idem eueniet, si humores inæqualis ponderis, vt v.g. vinum & aquam, in vnum confundas: grauior enim semper sublidet. Si alibi vbique natura seruat hanc legem, nubes & aër ab eâ exlex non erit.

Sed nubes densiores aëre sunt, vt docent Plinius, Thimon, Scalliger, & plerique fere, vt video, omnes. igitur & grauiores ipso eodem erunt: cùm grauitas respondeat, & sequatur densitatis modum. Probat Plinius lib. 2. c. 42. quia Solem nobis obnubunt, conspicuum tamen vrinantibus per quamlibet aquarum altitudinem.

Verùm eodem argumento conficeret, esse ponderosiores totâ etiam profunditate maris. quod palâm à vero longè dissidet. Igitur in re qualibet opacitas à densitate valdè distinguenda est, vt Io. Bapt. Benedictus Epist. ad Venerium scitè docet. Vitra enim, crystalli, margaritæ, adamantes, densissimi sunt, nec tamen opaci, contrâ, pumices, suber, & plurima genera lignorum rariora sunt, cum opacitate. grauitas autem non opacitatem sequitur, sed densitatem. Nubes ergo plus opacitatis & caliginis, quàm aër infimæ regionis, habent, minus densitatis & grauitatis. Ratio est, quia aër inferior vaporibus densioribus, sed pellucidis, pinguescit: siue, vt eleganter Aristoteles, *Διὰ τὸ ἀτμίξεν πρὸς ἀναθυμίασιν ἔχει τῆς γῆς.* Propter enaporationem, & quia exhalationes terra accipit. Quidquid enim

enim in nubibus torulens est, molliter redensatum, aut continuum, aut guttatim diuisum, in aërem subiectum, victo æquilibrio, leniter defluit. alia verò vaporum pars rarior, & tenuiori quodammodò filo contexta, caliginosis terræ & corporum mixtorum fumis permixta, stat in sublimi pendula. Vnde opacitas nubium præcipua non in puro aquæ vapore, sed exhalationibus corporum grauium opacorum consistit. quod ex nebulâ intelligi potest, quæ est sterilis & fumosa nubis portio. hæc enim ad nos vsque delapsa, etiam è vicino insignem opacitatem & caliginem ostendit. Nubes autem quò longius ab oculo absistit, eò opacior & tenebrosior apparet.

Tota hæc doctrina per refractiones siderum confirmari potest. Nam ideo orientium & occidentium astrorum refractiones ampliores & insigniores sunt; quia radij, cùm sidus iuxta horizontem est, per longiorem infimæ regionis aëris tractum, qui aëre mediæ regionis densior est, transit. Vnde Tycho, aërem superficiem terræ ambientem, sextuplo densiorem esse colligit illo, qui 30. gradibus à terrâ eleuatur, vbi siderum omnium refractiones euanesce solēt. Sicuti ergo rectè colligimus aquam densiorem aëre, quia res ex fundo aquæ conspecta, speciem suam dilatat, & vt Optici loquuntur, frangit: ita idem argumentum ad aërem infimæ & mediæ regionis transferre possumus. Cùm enim summus solaris disci limbus horizontem stringit, in aëre etiam quàm potest defæcatissimo, refractionem esse 34. scrupulorum Tycho animaduertit. id est, limbus ille tot scrupulis apparere eminere supra horizontis lineam. Diuersis etiam anni temporibus refractiones ampliantur, aut restringuntur. hieme enim maiores sunt, & quodcumque aër inferior torulens magis est, æstate, & sereno ac siccò, minores.

Idem etiam vapores infimæ regioni intertexti, & eam degrauiantes, faciunt vt nullum, præter Solem & Lunam, sidus ferè vnuquam à perspicacissimis etiam cernatur ad ipsum horizontis limbum; sed demum post aliquantam eleuationem.

Finio igitur ac iterùm inculco, nubes opaciores, sed rariores tamen & leuiiores esse noster in quo respiramus aëre: ideoque in sublimi natæ & suspendi, ceu lignum in aquâ se grauiori. Hinc quò tenuior & rarior est nubium vapor, eò altius in cælum scandit, & quousque aërem paris secum ponderis inuenit. Et inde etiam est, vt plures sæpè nubium ordines & suggestus cernamus. leuiiores enim stationem sublimiorem quàm aliæ pigniores obtinent.

Vnde etiam manè citius ab aurorâ afflantur, & vesperi ferius retinent crepusculum.

In hanc denique meam sententiam deduco pedibus manibusque, ut iam video, nostrum Aristotelem. Nam lib. 2. cap. ult. Meteor. dicit contra Empedoclem (aliud tamen agens) absurdum esse, pluuiam, niuem, grandinem, in nube consistere, antequam excidant: quia scilicet nihil grauius & propensius stare valet & quiescere in medio rariore. Igitur nec nubes ibi penderent, si densiores & ponderosiores forent aëre qui infra est. Hæc audiens, minuet fortasse admirationem suam Plinius lib. 31. cap. 1. *Quid esse, inquit, mirabilis potest aquis in calo stantibus? At illa, ceu parum sit in tantam peruenire altitudinem, rapinæ eò secum piscium examina. Sæpè etiam lapides subuehunt, portantes aliena pondera.* Posterioribus verbis alludit, nisi fallor, ad lapides & pisces pluuios, quos nimis, ut puto, simpliciter, è mari aut fluminibus cum vapore in altum subire existimat.

ARTICVLVS II.

Figura nubium circularis est. aduersus Cardanum.

Cardanus lib. 17. Subtil. nubes in utrâque superficie planas esse contendit. In primis, quia earum dorsum complanatum cernitur ex altissimis montibus. Secundò, etiam inferior superficies æquali semper à terrâ interuallo abesse videtur in terræ superficie ambulanti. Tertiò, quia nubium ægmen lineâ rectâ agit, & exsibilatur ventorum flabris.

Certum tamen videtur, nubes æqualis ponderis in eodem circulo componi circa terram, si tamen aër, in quo vna & altera pendet, sit vniformis densitatis. Ratio est, quia nisi densitate dispares sunt, per medium vniforme, æquè altè scandunt à terræ superficie. hæc autem circularis & rotunda est; igitur & nubium circa eam catena debet esse talis. Sæpè tamen nubibus interlucet aër, stantque vtrîmque veluti alti quidam nubium montes, nec in hiatum illum inter eas medium desluunt, ut rimam sarciant, & impleant circulum, quia haud dubiè aër qui rimam replet, æquæ densitatis & grauitatis est cum adstantibus vtrîmque æquali à terrâ distantia nubibus.

Ad Primum Cardani respondeo, Conuexam nubium superficiem è monte videri planam, ob curuaturæ amplitudinem. sic enim

enim etiam terræ aut maris dorsum planum & sine gibbo apparet, licet reverà gibberum sit, & assurgat in tumorem.

Secundum à nobis pugnat, & nescio quid Cardano venerit in mentem. Si enim orbiculari motu, terræ globo inambulantibus, ubique nubes æquali altitudine, capitibus imminet: igitur in orbem etiam dispositæ sunt. Nam si transversim in rectum decurrerent, aliz sine dubio aliis excelsiores forent: nisi terræ superficies, in quâ ambulatio instituitur, simili schemate complanetur.

Tertium etiam, falsum sumit. Ventienim non in rectum, sed in orbem nubes agunt. Si enim linea, per quam spirant, esset recta & parallela horizontis plano, quò longius à vertice nostro abducerentur nubes, eò altius perpetuò ascenderent: cum tamen deurgere potius & ad horizontem inclinare appareant. quando verò ab horizonte ad verticem expelluntur, scandere quidem videntur, sed reverà non faciunt. sic enim etiam sidera attolli dicimus, & deinde deprimi in Ocasum, licet pari semper à terrâ distantia circumagantur. Ratio est, quòd cælum stringere terram, aut mare, in circulo terrestri infra quem nihil, propter globi curvaturam, aspicere possumus, videatur.

Et inde est, vt Poëtæ Auroram & Solem fingant è mari surgere.

Oceanum interea surgens Aurora reliquit.

Aencið. 4.

& alius:

*Iam premit astra dies, humilifq; ex aquore Titan
Rorantes euoluit equos. ———*

Stat. A-
chill. 1.

Pari modo recidere vesperi in pelagus videtur:

Præcipitem Oceani rubro lanis aquore currum.

Georg. 3.

& ille adhuc magis mendax, de Solis equis:

Flammiferum condunt fumantis gurgite currum.

Sil lib 1.

Hic etiam ex Anaxagoræ disciplinâ, qui Solem, ferrum candens existimavit, stridorem extincti in aquâ addit:

*Considerat iam Solis equos Tartessia Calpe,
Stridebatq; freto Titan insignis Ibero.*

Auson.

Nubes autem vltima, quam veluti tangentem terræ circulum, in quo visus noster deficit, cernimus, non impendit illi circulo, sed longè satis vltra est. Cardanus enim lib. 17. Subtil. docet, lineam, quæ ab oculo per punctum contactus tumoris terræ, ad nubem quæ puncto illi attigua apparet, protenditur, sexagies longiorem esse distantia nubis visæ à terrâ. Vnde, si nubes duobus passuum millibus à terræ superficie absit, oculus 120. millibus passuum distitam nubem,

nubem, quasi horisonti terrestri tamen incubantem, aspiciet. Quia verò nubes humore grauida & pluens, plerumque non vltra 500. passus à terrâ diuiditur, eam, stillicidiaque ipsius, non nisi interuallo triginta millium passuum, siue decem leucarum Belgicarum, videre possumus. quod enim vltra est, infra terræ curuaturam (nisi à subiecto terræ puncto sit eleuatus 500. passibus) cadit.

Hinc, quia alibi experimento & narratione nostrorum nautarum, diximus, punctum terræ aut maris vltimum, quod à nobis videri potest, sex circiter Belgicis leucis distitum esse ab oculo atque cernere valebimus. Id est, si colliculi omnes, & terræ verrucæ, & tenebræ deplangentur, & in circulum telluris redigantur, Louano nubem, in verticem Regiæ vrbium, formosissimæ nostræ Antwerpæ, & vltra, se exonerantem videbimus.

Ista tamen Cardani doctrina aliquantum à vero delirat. Rem enim 500. passibus supra superficiem tranquilli & strati maris in aëre suspensam, ex distantia ferè 60. milliariū Italicorum, siue 20. Belgicorum, spectabilem ab oculo natante & mari contiguo, ex regulis Tangentium docemur. Nubes ergo pluuiofas & humore turgidas, quæ 500. passibus à tellure auelluntur, vltra vigesimum milliare Belgicum, & in vicinos Hollandos reciduas, veluti horizonis nostri limbum coronantes, oculo in pedes hominis eleuato, Louanij cernere valemus.

Quomodo igitur, inquires, Libro 4. visibilem horizontem intra sextum milliare Belgicum finiri decreuimus, si nubes illas horizontales etiam vltra vigesimum iam reiicimus?

Sed de horizonte in superficie telluris, non in nubibus circumscripto, sermo ibi fuit: cuius semidiameter sex solum milliariū Belgicorum nobis facta, maior etiam iusto videri potest. Nam oculus sex pedibus (quanta est ferè altitudo iusti hominis) à superficie terræ eleuatus, & nihil extrinsecus refractione medijs adiutus, non vltra tria milliaria Italica, siue singulare Belgicum, per glaberimam etiam telluris curuaturam, mittere aspectum valet. Linea enim recta conuexam terræ superficiem tangens, in tertio milliari Italico à puncto contactus, sex circiter pedibus à superficie terræ globi discedit. Sed hac præcisione Mathematicâ Libro 4. in definiendâ semidiametro horizonis visibilis, vbi non sumus, sed Physicâ potius, nauticâ & rudi Mineruâ: quæ docet, oculum supra staturam

staturam hominis, in nauem sublatum, vela nauium extra vndas eminula, & refractione insuper infimi & vapidi aëris eleuata, ab octauo decimo Italico milliari, siue Belgico sexto, cernere.

ARTICVLVS III.

De niue, & causis eius.

A Vctor Libri de Mundo, & Plinius lib. 17. cap. 2. niuem, *aquarum caelestium spumam* esse credunt. Nubes enim mutuâ collisione spumare aiunt, & subito deinde rigore spumam istam in niuium floccos gelari. Sed falluntur. Sine etenim vlllo statu, & nubium conflictu, sæpè niues generantur. Non est igitur necesse, spumam fieri ante niuem, sed sola nubis congelatio facit illum candorem.

Breuissimè ergo & scitissimè ab Aristotele nix definitur, Nubes congelata. Vnde materia niuis transiens, est nubes: forma, gelu quo stat & stringitur: efficiens, acceps frigus: finis, stirpium salubritas. Nam *quid dixit hiemes serenas optandas, non pro arboribus vota fecit*, ait lib. 17. cap. 2. Plinius. vnde experientes agricolæ hiemes potius gelidas & niuales habent in votis. exinaniantur etenim plantæ nimio tepore hiemis, languoremque in posterum sibi pariunt festinatâ germinatione. Etsi autem communia arborum frugumque vota sint, niues diutinas sedere, si nimis tamen pertinaces sunt, nimio frigore nocent, & ex matribus vbertatis, nouercae fiunt, vt loquuntur nostri Germani.

Dubitatio hæc, cur ex nube, priusquam in niuem rigescat, non generetur semper pluuia, Vicomercatum exagitat. Maius enim frigus ad stringendam niuem, quàm molliter coeundam pluuiam, est necessarium. Cum igitur non congeletur nubes in momento, oportet antè per gradum frigoris transire, qui sufficit ad pluuiæ generationem, quàm ad vltiorem & intensiorem perueniatur, quo nubes obrigescit in niuem. Respondet, fortasse non eandem esse nubem, niuium & pluuiæ secundam. nubes enim, ait, siccior est materia niuis, humectior pluuiæ. Sed tam perfundior conatu euadere non potest. Nam omnis nubes humorem pluuium continet, aliàs enim mera esset exhalatio. Deinde, nix ipsa in aquam tabescit. Denique expertum est, ex eadem nube, in montibus nungere, plueri in vallibus: quod accidit, quia nix longiori per tepentem infimæ regionis aëra delapsu, liquescit in pluuiam, antequam ad terram veniat.

Nodum itaque aliter, & sic dissoluo. Exhalationes siccae, per omnes vaporis nubilosi venas sparſae, à subito & improbo frigore corripuitur & exſtinguuntur (& hinc nulla, aut pauciſſima fulmina, per antiperiſtaſin frigoris, in nube niuali gignuntur) & cum vapore aqueo in eandem niuis, vt ſic loquar, telam & contextum alligantur. Cauſſa huius vltior, ac magis intima eſt, quòd ideò vaporis minutiffimi pulueres & atomi, interiectis exhalationis particulis vbique interpolati, in guttas grandiuſculas ſe colligere ſtatim nequeant, vt pluuia ante niuem proueniat. Ad hæc, aër etiam ipſe medię regionis denſus ac veluti rigens, guttularum confluxum diſtinet & impedit. oportet autem ſtillicidia ad certam plenitudinem peruenire, vt in formam pluuiæ refluere valeant. Eadem ferè cauſſa eſt, cur vapor, rigente hieme, ore humano exſpiratus, in niuem illam barbarum citius, quàm in pluuiam concreſcat: id què ſi frigus maius & improbius fuerit. ſi enim paulò mollius, tunc antè vapor in rorem vertitur, & deinde in pruinam duriorem aut ſtariam glaciale obrigeſcit; qualem non rarò in barbīs ruſticorum noſtrorum, hieme ad forum confluentium, cernimus.

Dubitationem etiam habet, cur nix, quàm pruiua, mollior ſit, cùm frigore aſperiori concreſcat. Nix enim in medià regione algentiſſimà, pruiua in infinà, & quidem vapore molliſſimo, qui materia roris, coagulatur. Vicomercatus cenſet, materiam pruiuæ plus ſiccarum exhalationum continere, quàm nubem, materiam niuis, ideoque aridiorẽ & aſperiorẽ eſſe, licet tenuior ſit. Verùm licet id non omnino abiiciam; inſpice tamen pruinam, multas particulas vaporis iam ante concretionem, ad naturam aquæ rediſſe, & poſtea glaciata iudicabis; indeque eſſe præcipuam eius durtiem. pruiua quippe ex minutiffimà & farinulentà glacie componitur, infinitaque minima ſpecula continet, quibus Solem & lucem refleſcit. Cuius rei etiam hoc indicium accedit, quòd in pruinà sæpè viæ perpetuà glaciẽ laminà loricatæ & gypſatæ viſantur, vt calcari, niſi lapſabundo veſtigio, non poſſint. Et hæc etiam videtur cauſſa, cur pruiua nouellas germinationes, magis quàm nix, adurat. glacies enim pertinacius niue adhæret; vt nec Sole ſtatim tabeſcere, nec ventis diffili queat.

Tempus niuale, hiems eſt. & licet aliis anni tempeſtatibus nubes vento aliquo gelante concreſcere valeant, diſſoluitur tamen facillimè in pluuiam antequam terram tangat, minimo infinæ regionis tepore.

Deci-

Decidit autem per floccos, siue particulas lanarum floccis similes: quia etsi tota & continua nubes frigore dirigerit, frangit se tamen in lapsu, quia floccatim, vt pluuiâ guttatim, facilius aërem diuidit. Alludit Pſaltes: *Qui dat niuem sicut lanam.*

Pſal. 147.

Venti niuales sunt, qui etiam in gelu frigore & siccitate valent: Aquilonares, & qui ad Ortum vergunt. Flocculi tamen his flatibus, minores & magis farinulenti sunt; pleniores verò Austro, Fauonio, & quicumque plus humoris vehunt.

Montes, & omnia loca altiora, niuosa magis sunt, vt in Arduenna nostrâ, & toto Limburgensi Ducatu experimur. Ratio non penes niualet influentiam aliquam caelestem ibi dominantem queri debet; sed quia mediæ regioni aëris propinquiora magis frigent, & niues, quæ longiori lapsu in aquam diffuunt, integras adhuc excipiunt, & retinent diutius.

ARTICVLVS IV.

Effectus niuis.

PRincipalis, est incolumitas frugum. spiritum enim terræ, plantis vitalem, nix continet, & supprimit, vt circa radices hæreat. & ipsa etiam multo halitu salutari turgēt, quem cum humore blando & tenui, terræ venis inspirat. Existimo etiam, niues nucum auellonarum fauere prouentui, & hinc copiam nucum, signum minime mendax esse fertilitatis aruorum; vt hoc anno 1626. & aliàs sepe experti sumus. Virgilius 1. Georg.

*Contemplator irem, cum se nux plurima siluis
Induet in florem, & ramos curuabit olentes:
Si superant sætus, pariter frumenta sequentur,
Magnaq; cum magno veniet tritura calore.
At si luxuriâ foliorum exuberat umbra:
Nequidquam pingues paleæ teret area culmos.*

Tempesta igitur quæ Cerei, eadem auellanis est amica. Nix, quia misceat algida, adhibita olim ad frigeranda vina à delicatis. Inuenimus quomodo stiparemus niuem, conqueritur lib 4. Nat. c. 13. Romanus Sapiens, vt ea astatem euinceret, & contra anni feruorem defenderetur loci frigore. Seruabant autem, vti & glaciem, inter paleas in subterraneis. Chares Mitylenæus, qui res Alexandri scripsit, narrat, Alexandrum in Indiâ triginta fossas iussisse excauari, repleri quæ niue, superiectis quercuum ramis, niuem quæ ita diu-

tissimè integram & sine tabe perdurasse. Romæ autem olim, rerum potiente luxuriâ, niuis & glaciei erant officinæ. Pergit in querelas ille Sapiens: *Ardentes boletos, & raptim condimento suo mersatos, demittunt penè fumantes, quos deinde restinguunt niuatibus potionibus. Videbis, inquam, quosdam graciles, & palliolo focali, circumdatos, pallentes & agros, non sorbere solum niuem, sed etiam esse, & frustacius in scyphos suos deicere, ne inter ipsam bibendi moram tepescant. Sitim istam esse putas? febris est.*

Esu etiam niuis, candidos Alpium lepores credidit Plinius. Non solum autem lepores, sed & perdicces albas se in Alpibus comedisse, Scaliger scripsit. imò & hirundinem, quæ tamen hic aut in Italiâ non hibernat, vidisse candidissimam. Deniq; in Scythiâ, Norvegiâ, & niuosis Septemtrionis locis, aquilæ, falcones, accipitres, milui, vulpes, vrsi, corui, candidi inueniuntur, vt Aristoteles & Scaliger testantur. Sed ex esitatione niuis esse illum colorem non existimo, sed phantasiâ & imaginatione matrum. Nam sic etiam pavones generari albos, multi tradunt. si, inquam, locus vbi ovis incubat, albo torus inducatur. iugis enim illa albi imaginatio simili colore aspergit fœtum.

Conimbricenses aliique credunt, crystallum montanam niue liquidatâ, & deinde glaciâtâ, constare. quia nullibi, ait Plinius, nisi vbi maximè hibernæ niues rigent, reperitur. Negat tamen Agricola, & noster Boëtius: quibus magis accedo. quæ enim frigore concresecunt, igne liquefcere solent. crystallus verò cremata, calcem solum ac salem ostendit, humore nullo effluente, vt etiam aduerxit Fallopius.

Imminente niue, rigor aëris remollefcit; quia spiritus aliquis adhuc tepens, contractu nubis deorsum exprimitur. post lapsum etiam niuem, frigus hebetari, manifesto experimento discimus. causâ etiam est in spiritu illo, qui inflat, & præcipuè in albat niuem. hic enim niuali tempestate diffuit & spargitur per totum aërem. Lux etiam fortasse illa niuis affundere valet aliquid languidi saltem & fracti teporis. Et ab hoc etiam est, vt iacente niue vestigia ferarum odoratoria sint, vt Theophrastus & venatores nostri adfarentur.

Hoc quoque effectus niuis accenseri potest; defluxu eius sic sonos obsurdescere, vt vix è proximo colloquentes se intelligant. Ratio est, quia species soni non longè per floccorum decidentium intervalla potest meare; cum alij statim flocci occurrant, qui intetpellant, & quocumque deflexerit, semper offendat, & impingat in alios.

alios. Sic nuper in bellis nostris, quidam palorum contextus inuenti contra moschetorum ictus. ita enim compositi & catenati sunt, vt si glans per primorum intervalla transeat, in alium offendet, & si declinet, etiam alter se illi obiciat. sicque impetus toties hebetatur, tandem frangitur, & ante vulnus exspirat.

Denique mirum est, & tamen etiam in me aliquando expertum, bulimiâ non raro corripî, qui diutulè ambulant in niue. Ita olim M. Bruto euénit, cum à Durâ Apolloniam iter faceret niuali die. sic enim subitò defecit, vt misso quopiam milite, panem ab iis coactus sit petere (nam panis vnicum bulimiâ laborantibus remedium est) ab iis, qui contra eum in portis excubabant. & humanitatem istam, captâ postea Apolloniâ, egregiè rependit clementiâ in ciues insigni.

Agellius lib. 16. cap. 3. bulimiam, seu bulimum, cum fame caninâ confundit. secutusque Theod. Gaza, versione septimi Problematis Aristotelis Sectionis octauæ. Verum apud Hippocratem, Galenum, Auicennam, aliud esse *βούλιμον* à fame caninâ, quæ *ἔρως κυνώδης* appellatur, egregiè demonstrat Iul. Guastauinius in illo Aristotelis Problemate. Est enim bulimia potius deliquium quoddam virium, quàm canina illa voracitas, quæ ex atrâ bile, vel acidâ pituitâ os ventriculi occupante nascitur, vt docet Anr. Musæ. Plutarchus lib. 6. q. 8. Sympos. credit, halitus niuium per poros agitatione itineris & calore dehiantes, in corpus se penetrare, meatusque largius aperire, sic vt calor naturalis multus & confertim exspiret, viresque corporis destituat: vnde sudor tenuis & rorans toto corpore oboriri solet. & confirmatur, quodd equi ac asini, ficus & poma diu cum fatigatione portantes, huic malo sint obnoxij: spiritu scilicet etiam istorum fructuum, quem plurimum exhalant, in poros se sufferciente.

Hæc non prorsus contemno. præcipua tamen deliquij causa videtur esse in ventriculo, & reliqua membra per sympathiam cum eo malè affici. hic enim, meo proprio experimento, conuellitur, contorquetur, & irritatur ad vomitum. vnde præsentissima medela est in acri & profundâ tussi, quâ ventriculus & pulmo spiritus niuales, respiratione attractos, vel aliter se insinuant, excutiat. Itaque halitus ventriculum inflantes & mortificantes, mihi nunc videntur princeps causa bulimix. panis verò spiritu contrario, benefico & salutari, laborantem ventriculum solatur & recreat. Nec aliter capiendum existimo, quod aiunt quidam, Democritum tri-

duo, solo panis recentis odore pastum, & vitam tolerasse. Non enim ex illo halitu alimentum, quod toti corpori sufficeret, rapere potuit; sed solatio tantum inani ferè ventriculū fellebat.

De albedine, an candore niuis, multa hīc altercari animus fuit. magna enim reuerà dubitatio est, an alba sit, albore scilicet illo, quem vulgò à candore lucis distinguimus. sed totam hanc rem in Libros de Animā differre placuit. Hoc certum est, spiritum quo eurgefcit, causā inprimis esse illius candoris. nam vetustate, & halitu euanescente, rufescit.

De locis niuosis, Bodinus negat sub Æquatore ningere, Fracastorius in Æthiopiā, dum Sol est in Cancro, ideoque à tabe niuium contendit non inflari in principio ætatis Nilum. Sed vterque manifestā experiētiā refellit. nam iuga montium, à viciniā mediæ regionis argentia, per omnem Torridam toto anno canitiem retinent. Plinius tamen, niues in alto mari numquam decidere affirmat. An quia halitus marinus tepens ante delapsū eas liquat?

CAPVT VI.

De pluuiā.

ARTICVLVS I.

Quid pluuiā, & quotuplex.

DEFINITVR à Philosopho, nubes in aquam conuerfa, & guttatim decidens. Materia igitur eius transiens, nubes est: forma, lapsus per guttas & stillicidia. Conuersio autem illa nubis, non est substantialis: vapor enim nubis formam aquæ habet, & eam pluuiæ tradit. Mutatio igitur accidentaria est, à calore vaporis ad frigus. ex quo alia consequitur mutatio à raritate ad densitatem; ac deinde resultat grauitas, quā aëri, in quo vapor pendet, præponderat; & denique delapsus. isque in stillicidia idè dispersus, quia pronius sic & mobilius aëra diuidit. Celerius autem per ætatem, quàm hiemem, defluunt guttæ; quia aër tunc fluxior & dissolutior, nec hibernā illā densitate cadentibus resistens. Rectā etiam, nisi ventus aut alia causā à lineā expellat, centrum terræ petunt. Si enim lineæ pluuiæ parallelæ essent, multæ guttæ non in terram, sed

sed in oppositum hemispharium reciderent : contra pluuiarum finem, qui irrigare terram. Quò ergo guttæ, terræ magis propinquæ, eò propius inuicem admouentur, & densius cadunt. Sed quomodo verum, quod VVesenbergius noster lib. 8. Digest. de Seruit. vrbani. præd. ait, Sirius auertendi stillicidij in aream vicini habes, licere stillicidium altius tollere, quia *quod ex alto cadit, lenius cadit*; & interdum nec directè peruenit ad locum seruientem? quo pacto lenius cadit, quod vires acquirit cadendo? Verè tamen dixit. Nam aqua canali defluens, in exitu densior & continua est, spargiturque deinde & comminuitur longiori lapsu, minori que impetu & dissipato terram plaudit. si tamen per maximam altitudinem cadendum esset, redirent ad se & iungerentur guttæ.

Guttæ rotundantur, inquit Albertus, vt tutius contra ambientem aëra se protegant: vel quia angulos, si qui sint extantes, detergit ac defricat aër. oblongiores tamen paulò, credo, sursumque fastigiatæ sunt: quia pars vaporis grauior in guttæ basim defluit, spiritu in superiora se recipiente. Nimis ergo ridiculus est apud Aristoph. Strepsiades Socratis ille discipulus, qui credit guttis rotundis pluere, quia Iupiter *ὡς κοτύβη πέπλῳ, περ κριβρὸν μέσῳ*.

Necesse autem est, vt superficies nubis latior sit, quàm defluens guttarum agmen; contrahitur enim vapor nubis in pluuiam: quæ vbi cadere incipit, latissima est, & paulatim restringitur, quò propius accedit ad terram. Hinc intelliges, ceteris paribus, pluuiam illam densiorem esse, quæ venit ex nube excelsiori. quod etiam verum de grandine.

Pluuiæ tres accidentariæ species sunt, stillicidium, imber, & nimbus. Stillicidium non sumo pro loco in quem guttæ è tecto destillant; sed (quod multi faciunt) pro pluuiâ minutissimâ, quam alij vocant puluerulentam, diciturque Græcis *ἀνέμος*. sic Poëta vetustus:

Stillicidij casus lapidem cauat.

quidam etiam simpliciter appellant guttam. Imber, est pluuiæ plenioribus guttis decidens; Græcis *ὄμβρος*. Nimbus verò grandibus & decumanis guttis proruit.

Stillicidia sæpè hieme, imbres autumnò & vere, nimbi æstate maximè degrossantur. Frigus quippe mediæ regionis hieme improbum alligat aërem, ne guttulæ vaporis plures faciliè confluant in vnâ grandiore. quod per ver & autumnum lenius est, finitque magis diduci & laxari aëra ad guttularum concursum. æstate, quia diffluit calore inferior aër, vaporesque & exhalationes plus feruo-

feruoris nubibus inferunt, ideo plenissimè in omnes guttas conflunt vndique greges stillicidiorum. Nimbi, ex nigerrimis & propinquissimis nubibus depluunt: quia humore tam largo & denso grauatur, altè in aërem etiam sæpè infimæ regionis decumbunt, vbi eius deinde antiperistasi in aquam & pluuiam constringuntur.

Ceterum, dies quidam, apud Belgas, pluuiarum atri & infames sunt: & præcipuè quartus Iulij, quem S. Martini bullientis aut pluuij appellant. Si enim eo pluat, sex septimanas sequentes, inquirunt, imbres tenent. Sed annus hic 1626. & alij plures ostenderunt vanitatem. Fabula tamen mixturam aliquam habet veri. Si enim venti Occidentales, Belgis maximè humidi & imbricitores, initio Canicularium aut Iulij flare occipiant, satis pertinaces (quod duobus proximis annis nimium experti sumus) esse solent, & pluuias in medium sæpè Augusti extendunt. Similis ferè causa, diem sancti Marci fecit vitibus calamitosum: non quasi ipse singularis ac peculiaris sit in noxâ; sed quia circa finem Aprilis, intempestiuarum quædam pruinarum, velut vltimæ hiemis reliquiarum, quandoque con crescant, quæ tenera vitium germina adurunt. Nec denique caret omnino ratione vulgaris versus de Virginis Purificatione:

Si Sol splenderis Mariâ purificante,

Maius eris frigus post Festum, quàm fuit anse.

Splendent enim, & maximè serenantur apud nos dies, Boreâ aut Cæciâ flante. qui si longiusculè Februarium incurrant, acerrimo gelu omnia incrustant: cum gelidi & sicci sint (præsertim Cæcias, & qui à Boreâ deurgunt ad Solem ortium) & æstatis præteritarum tepentes omnes reliquias, hiberno & longo frigore extinctas inueniant. Hinc extrema nobis hiems hiemantissima & rigidissima sæpè est: solemusque vulgari adagio iactare, Februarium instar scorpij, extremâ caudâ acerrimè pun gere.

ARTICVLVS II.

Quàm altè aqua pluuiæ penetret in terram.

Resoluit statim & intrepidè Seneca lib. 3. cap. 7. Nat. *Ego tibi vincarum diligens fossor affirmo, nullam pluuiam esse tam magnam, quæ terram ultra decem pedes in altitudinem madesfaciat.* Et video Auctores passim magno assensu in experientiam eius ire. Id verò

verò capiendum de terrâ, quæ nec venas nimîâ raritate hiantes, nec nimis obstinatè conuiuentes & clausas habet. Per rimas etiam & commissuras montium, longè altiùs, & in ipsam terræ abyssum decidere pluuiæ possunt. De terrâ igitur continuâ, & præsertim arabili, intelligendum. Nec ampliùs, aut fallor, voluit Cardanus lib. 2. cap. 11. Variet. vbi pro decem Senecæ pedibus, reponit totidem passus. Nam Typographi, aut menioræ eius est error. respexit enim haud dubiè ad Senecam, decem autem pedes, duo tantùm Geometrici passus sunt.

Hoc etiam bellum est, & meretur scientiam: arborum procerarum radices, vim caloricam Solis, & aquæ pluuiæ descensum in terram, ferè congruere; & omnes extendi deorsum ad denùm pedum siue duorum passuum profunditatem. Vnde autem hæc congruentia, difficilis fortasse est explicatio. Accipe tamen quod venit in mentem. Prima mensuræ huius origo videtur esse ab aquâ cælesti. hæc enim pondere suo primùm terræ poros ac venas aperuit ad tantam altitudinem, vt ex proprio experimento sensit antè Seneca, & alij consentiunt. exhalationes præterea & spiritus quos pluuiæ in nubibus concepit, tenuitate suâ iuuant, suntque humori pro vehiculo ad penetrandum, & diducendos terræ meatus. hinc enim aqua niualis, quia spiritu multo turgida, tam lubrico & penetrabili illapsu eò se insinuat, quò aqua vulgaris sequi non potest.

Pluuiam deinde secutæ sunt arborum altissimarum passim radices. Nam vt trunci sui & tot ramorum pondus apte librarent firmarentque, satis altè oportuit infigi. nec tamen infra limites descensus pluuiæ: quia aliàs (nisi casu aliquo humor alius profundior subsit) extremi radicum mucrones non reperient succum quem trahant. Igitur radices se potiùs vndique in orbem spargunt, nec longè à terræ superficie recedunt, quærentes aquæ celestis alimentum. Arbores namque *mittere radices ad humorem* dicuntur Ierem. 17. Deinde, cùm medulla & axis trunci plerumque in centrum terræ rectà despiciant, tam profundis radicibus non indigent, vt se ibi stabiliant. Vnde etiam maximarum arborum radices, quæ mediâ illâ trunci base enascuntur, sunt ferè valdè exiles. è lateribus autem crassissimæ obliquis, vt plurimùm, & perplexis cuniculis effunduntur. nempe istæ, quæ contra flatum, & ramorum hæc illæ dependentium onus, arboris statum tueri & retinere debent. Ad quem finem, descensus earum infra decem pedes à superficie terræ, plerumque necessarius non est. Fabulosa igitur, aut hyperboli-

ca Virgiliana illa quercus est, quæ

Acuci l. 4.

—quantum vertice ad auras

Aetherias, tantum radice in tartara tendit.

Ego certè ante villam paternam, ingentem & ramosissimam quercum, ab abato meo plantatam, ventis illis anni 1606. qui omnia præne in Belgio strauerunt, radicitus euerfam aspexi: & demiratus sum, exilibus & paucà terrà obrutis radicibus, tam immanem molem potuisse tot annos sustineri. terni enim viri expansis brachiis vix truncum fuissent amplexi.

Verùm quid platano istà facimus, quæ Theophrasto teste lib. 1. cap. 11. de Plantis, Athenis olim in Lyceo reperta ad 33. cubitos radices demississe? Nam Fallopius lib. de Thermis cap. 4. de descensu radicis per lineam rectam intelligit. quia, inquit, pro miraculo non fuisset (quod tamen affirmat Theophrastus) radicem effusam in obliquum ad 33. pedes. Sed Theophrastus non 33. pedes, sed cubitos, id est pedes 49½ scripsit. quæ longitudo etiam obliqua admirationem habet, in nouellà præsertim platano, qualem fuisse dicit. Et sic tacite Theophrastum mihi interpretari videtur Marcus Varro lib. 1. cap. 37. Rei rusticæ. *Aliæ, inquit, radices angustius diffundunt, ut cupressi; aliæ latius, ut platani.* & assert platani illam Lycei, quam dicit *radices trium & triginta cubitorum egisse.* egit ergo, sed in latum, non in profundum. Scio tamen etiam, quid de loto illà, quæ Romæ in Vulcanali, dicat Plinius: *radices eius in forum vsque Caesaris per stationes municipiorum penetrasse.* Sed miraculum id fuit. & cogita vrbi Romæ arborem illam fuisse coxam, ut idem testatur, id est 820. annorum. tot enim circiter ab vrbe conditâ ad Vespasianum effluerunt, sub quo Plinius. Calor etiam Solis non aliud decem pedibus in terræ tergum, & quousque aqua pluuiialis, & arborum radices, penetrat: quia co-usque terræ poriferè laxius dehiscunt, ut aër ibi illatebratus, aut lumen Solis, aut saltem calorem eius in summo terræ tergo herentis, facilius accipiat, & circumiacentium venarum, in quibus continetur, parietibus communicet. Laxantur autem pori in illà altitudine, ab aquâ cælesti, quæ vsque eò se transcribat. Sed refellit nos, ut iam video, lib. 16. cap. 31. Plinius: *Quidam, ait, non aliud descendere radices, quàm Solis calor tepesciat, idq. naturâ loci tenuioris crassiorisue, dixere. quod falsum arbitror.* Apud Auctores certè inuenitur abietis (pinum Theophrastus lib. 2. cap. 7. de Plantis, ex quo sine dubio Plinius sumpsit, pro abiete habet) *planta, cum transfor-*
retur,

L. b. 16.
cap. 34.

retur, octo cubitorum in altitudine; nec totam refossam, sed abruptam. Verum adfatemur etiam, altiùs quandoque aliquarum arborum radices agi: præfertim, quæ aprico & humenti solo gaudent, qualis abies. Excipi etiam specialiter abies debet, quæ vnicâ ad ima descendente radice firmatur: quam idèò profundiorẽ esse oportuit. Nec Plinij ratiocinium hilum ampliùs euincit.

ARTICVLVS III.

De pluuiis prodigijs.

Præter species pluuiæ illas ordinarias, aliæ quædam prodigiôsæ vocantur: non quia semper aliquid portendant & significant, à Deo præter rerum ordinem cælo præcipitatæ; sed quia aliquando sic est, aut quia vulgus ita existimat. Ex his aliæ sunt sanguinæ, aliæ lacteæ, aliæ carneæ, aliæ laneæ, ferreæ, lateritiæ, lapideæ, &c. Sanguineæ vocabuntur, si aqua rubricata decidat. quæ tinctura à minio, vel rubricâ, quæ cum vapore eleuatur, esse potest. sic etiam in Armeniâ, ab halitu minij permixto, rubras niues aliquândo decidere, narrat Iliad. λ. Eustathius. Sanguinei imbres, omnium prodigiosorum frequentissimi sunt, vt apud Litiũ & Iul. Obsequentem videre potes. Sic pluit Romæ, Dionis etiam fide, ante necem Neronis. in VVestphaliâ anno 1543. Louanij anno 1568. ipso Pentecostes die, si Gemmæ nostro credimus. Sed ad annum 1571. cum audiamus. *In disione Embdensi, quæ den Dam vocatur in Frisia Orientalibus, nocte sanguinem pluuiæ, copiam tantâ, vt ad 5. vel 6. miliarium spatium herba & vestes expositæ in apricum, ex albo colore penitus in purpureum sint mutatae. multi ad rei memoriam plenos cyathos afferuarunt: frustra à quibusdam ad eadem boum, aliasq; causas physicæ, referre volentibus.*

Lib. 1.
cap. 2.
Colmeca.

In Sueuiâ anno 1534. pluuia vestes rubris crucibus inficiebat. quod factum, quia fila vestium decussantur in crucis formam, inquit Cardanus. Sed hoc nimisquam friget. Non enim sola aliqua particula vestis, sed tota est sic contexta. Deinde, si sanguinem in vestimentum effundamus, non illud diffundetur in figuram crucis. Aliquid ergo diuinus, & maioris monstri fuit. quod ex crucibus illis Germanicis & Belgicis, quæ anno 1501. passim depluerunt in vestes, etiam cistis inclusas. imò corpora etiam ipsa, & cutem hominum signabant: durauitque toto triennio hoc prodigium. secu-

ta verò anno statim 1502. dirissima lues. Pepla verò semina-
tum maximè obnoxia erant huic sanguineæ picturæ.

Rem diligenter & cum curâ examinavit Serenissimus Leodien-
sium tunc Princeps Ioannes Horneus. qui de quâdam Leodiensi
puellâ, annorum 22. cuius pepla perpetuò mutata, statim tamen
iterùm sanguinabant, ita scripsit ad Maximilianum I. Cæsarem:
Ad Diuum Seruatium (iuerat enim Mosæ-Traiectum ad Iubilæum)
confessa est magno Theologo. Iussa post hæc iuit in cherum, & propter
reliquis deducta est in adituarium, allato ei ibidem pepla nitido. ro-
gata est illud capitis implicare, ne cum tanto horrore per plateas incede-
ret. quod ut capiti admonuit, erupit mox ex ipsius pepli parte anteriori
sanguinis tanta copia, ut confestim in extremam usque simbriam, ad
unius digiti longitudinem, & propè duorum latitudinem, deflueret.
Vnde conspicientes adeò sunt attoniti, ut è Canonicis unus protinus
caderet. At illâ inde discedente, visa est publicè in pepla recentis ad sca-
pulam dextram, magna vis sanguinis, in figuram quasi crucis se porri-
gens atq. amplificans. Hæc Antistes Horneus apud Suffridum Petri.

Quæ circa Passionis Dominicæ & Paschæ tempus peracta, ut,
opinor, ad crucis sug, & Sanguinis pro nobis effusi, respectum & co-
gitationem moueret, quem tam contempnim habemus, & toties
per scelera nostra quodammodò iterùm effundimus.

Ante magnas etiam cades, olim quoq; non inusitatum, præmitti
è cælo pluuiâ sanguinis. Indicat Homer. Iliad. λ. vbi de Ioue:

— κτ' δ' ὑψόθεν ἦσαν ῥέσας
Αἵματι ιωδαλίας ἐξ ἀβύσσου, ὅν κ' ἰμελλας
Πολλὰς ἰφθίμους κεφαλὰς αἰδοι παρὰ ἴφρ.

— ab alto demisit rores
Sanguine madentes ex athere, quia eras
Multa generosa capita Orco demissurus.

Plutarchus verò in Mario affirmat, à magnis præliis, & effuso largi-
ter sanguine, aliquanto pòst tempore solitos præcipitari cælo pro-
fusos imbres: factumque post pugnam illam Cimbricam, in quâ
Marius tot millium Cimbrorum in campis Massiliensium strage-
m fecit. de sanguineis tamen stillicidiis nihil asserit. vapores
enim sanguine & ceterâ corporum humanorum tabe resoluti, hu-
more nubium diluti, ruborem suum, vaneſcente temperamento &
opacitate, amittere possunt.

Lacteus pluuiæ color, à cretaceâ exhalatione est.

Carnes decidere cum imbre, si rariæ etiam perfectè conforma-
tæ,

tz, quidni possunt? De ranis autem statim. Carnibus pluuisse L. Volumnio & Seruio Sulpitio Coss. narrat Plinius: nec carnes eas diu postea perputuisse. siccitate fortasse nimia, & aspersione salis aut nitrosæ exhalationis.

Lana si pluit, vento fortè excussa montibus, vbi inter vepres solitæ oues pasci. Ferrum in Persiâ cecidisse, auctor mihi Auicenna, & propè Lurgeam massam etiam 50. librarum. Sed hoc ridiculum: *Arabes nostri, inquit, ferunt enses Alemannicos, qui optimi sunt, ex isto ferro caelesti fieri.* quasi toros hic dies ferro, ad tot armandos exercitus, pluat. A Plutone, non à Ioue, bone vir, ferrum Belgæ & Germani petimus. Argenteam etiam pluuiam sub. Imp. Seuero, Romæ in forum Augusti defluxisse Dion scribit. O pluuiam salutareni, & supparem illi, quâ Iupiter ad Danaën suam penetrauit, sed nimis hic infrequentem inquires. Sed auaritia tuam effruescentem infusâ hac frigida confutabo. *Rore illo argenteo, addit Dion, nummos aliquot areos obliui. mansit color tres dies; quarto, quidquid oblitum fuerat, euauis.*

Lapidatum de cælo Romæ, aut in Italiâ, singulis pænè annis Liuus ad fastidium repetit. Anno etiam 1510. in Lombardiâ lapides durissimos, colore ferrugineos, odore sulphureos præcipitalic, vnumque 120. librarum Regi Galliæ ostensum, narrat Cardanus. Lib. 14.
cap. 78.
Variet. Ergo credamus. & posse in nubium fornacibus tam citò eiusmodi corpora mixta, ex vapore, & exhalatione eum fermentante, concoqui, quàm asparagi, vt dicebat Augustus. Vnde inter fulminadum, præsertim ab improbâ, subtili, & penetrante flammâ, lateres illi confici solent & sulphurei lapides. Statim tamen ac materia densari incipit, necesse est delabi, & celerrimo naturæ opere absolui in ipso casu. Nam quodd Cardanus saxa sua Lombardica, duas totas horas in nubibus pendula, donec deformarentur, adhæsisse miratur & clamat, surdis canit. consistere quippe nequuerunt in aëre, tantò ferariore.

Auicenna vitulum etiam quemdam pluuialem in Scholis nostris celebravit. Sed credite, Philosophi, credula nimis sumus natio. Vituli, animalia tam perfecta, non possunt tam subito, quàm è terrâ fungi, in nubibus figurari. Vitulus ille tam caelestis, & diffamatus, turbine fortassis aliquo è monte pascuo abreptus fuit. vt de pileo suo, cum Apenninum transiret, refert Cardanus. Is, inquit, flatu, velut sagitta scorpione, excussus, si in villas quæ ad montis radices erant, cum pluuiâ cecidisset, rustici iurassent pluuisse pileis.

ARTICVLVS IV.

De ranarum pluuiâ.

Opinio de ranarum pluuiis apud omnes irroboraui. Sed pleræque quæ cælo decidisse putantur, è latebris ad dulcedinem cælestis humoris profiliunt. Nam aliàs omnes exanimes aut semiuivus aspiceremus, tectis aut terræ illis ex tam alto loco. Durus tamen & contumax aduersus tot Auctores sum, si pernegem in nubibus quandoque generari. Vt ergo alia mixta, sic gyruni ranarum, perfundiorè saltem, ex vapore & exhalatione (Cardanus etiam oua & semen ranarum è paludibus cum vapore & ardore Solis eleuatum addit) possunt in aëre concrecere. Scaliger certè Exercit. 323. Mirabellum Aquitanix oppidum, suo tempore ranis pluuiialibus repletum fuisse; & M. Varro omnes ciuitatis cuiusdam, itidem in Galliâ, incolas expulsos, affirmat. Verùm alij credunt, non in nubibus, sed in terræ superficie, è puluere certo, aquæ cælesti commixto, & fermentato, ranunculos coagulari. Scaliger Exercit. 191. *Nos complutam terram solâ aquâ, sine ranis, gyrunis* (id est, ranunculis imperfectis, oculis tantum & caudâ insignibus, ut alicubi explicat Plinius) *tamen post semihoram, scâtere totam vidimus.* Addit etiam Io. Maria Ginochius, Doctor olim Patavinus, se mense Iulio aquæ cælestis guttam pulueri illapsam vidisse, quæ illicò (vt in ferream illam progeniem dentes Cadmi) in ranæ formam se induerit. Imò Gabriel Fallopius, vir, vt mihi videtur, minimè malus, lib. de Fossil. cap. 9. *Vidi, inquit, cecidisse guttas aquæ magnas in puluerem, & statim abortas esse ranulas.* Quid contra tam perfidos testes facimus? malo credulus, quàm rixosus esse. Imò dum ego conscientiam meam excutio, propè sum, vt idem anno elapso 1625. ad portas Tornacenses expertum me affirmem. rem autem tunc anicis, qui aderant, ostendi, vt mirarentur mecum. Deciduo enim in aridissimum puluerem repentino imbri, tantus subito ranunculorum, per siccum saltantium, exercitus exstitit, vt vndique nihil pænè aliud cerneretur. omnes etiam vniusmodæ magnitudinis, & coloris erant. nec profectò apparebat, è quibus latibulis tot myriades, tam repente in arentem, qualem oderunt, terram emicuisent. Dicamus igitur, vt ex luto Nili mures ita effigiantur, vt absolutâ primore corporis parte, nouissima effigies etiamnum terrena visatur; sic ex spiritu & humore aquæ cælestis pulueri

ueri alicui, non omni sine defectu, sed certo, temperatis, gyri-
nulos, imò ranunculos perfecti operis, posse exemplò conformari.
Sic enim etiam greges murium in Belgio quandoque procreari do-
cet piissimus & eruditissimus Vir, Thomas Cantipratanus, lib. 16.
de Naturâ rerum, qui nequedum publicam vidit lucem.

ARTICVLVS V.

De Diluuiis.

TRia ab origine Mundi diluuiâ famosissima sunt. Generale
Noachi, circa annum Mundi 1656. Genes. 7. Duo Prouin-
cialia. Primum Ogygis, quo Achaia inundata est sub illo Rege,
cùm apud Argiuos imperitaret Inachus. accidit autem circiter an-
num 140. ante Urbem conditam, si Orosio credimus: annis verò
post Noëticum 540. & anno nonagesimo vitæ Iacob, si cum Per-
tio calculum ponimus.

Alterum Deucalionis in Thessaliâ, annis, vt putant, 230. Ogy-
giano posterius. Hoc lib. 1. Metamorph. graphicè describit Nalo:
sic tamen, vt pleraque competant in generale Noëticum, videatur-
que è libris Sacris sumptisse historiam.

Duas causas diluuij vniuersalis affert Moyses, Genes. 7. pluuias
cælestes, & eruptionem aquarum subterranearum in superficiem.
Rupti sunt, inquit, omnes fontes abyssi magna. & deinde: *Catarrha-
Etæ calis aperta sunt.* P. Lessius tamen lib. 13. cap. 6. de Moribus di-
uinis, has duas causas in vnam confundit; & per *abyssum magnam*,
aquam etiam nubium, quas catarrhæ cæli suspendunt, non sub-
terraneam intelligit. Ratio eius est, quia pleno diluuiò, & omnibus
submersis, dicuntur *clausi fontes abyssi.* quod de abyssò subterra-
neâ capi nequit. quia solum initio diluuij, æquæ è subterraneis e-
rumpere valuerunt, non postea, quâdo nullus aër in earum locum,
per totam superiacentem ipsarum molem succedere poterat. Ve-
rùm, abyssum ab aquis pluuiis manifestè distinguere videtur Iacob
Genes. 49. in benedictione Ioseph. *Omnipotens benedices tibi be-
nedictionibus calis desuper, benedictionibus abyssi iacentis deorsum.* Id
est, fertilitate aquarum irriguarum supernè è cælo, & infernè ex
subterraneâ abyssò, in fontes & flumina se infundente. Ad argu-
mentum igitur respondeo, Vel partem aquæ subterraneæ vi An-
gelicâ, aut Diuinâ rarefactam esse, & genitū inde vaporem aut et-
iam aërem, ingruente vacui periculo. quin imò laxatio illa & rare-
factio

factio aquæ residuæ in terræ cauernis, ex violentâ ceterarum in superficie terræ expulsiōne, connaturaliter sequebatur, si nullus esset aër qui in spatia derelicta posset affluere. Denique aër, qui per omnes terræ meatus & venas se insinuat, rarefcere fortassis in tantum valuit, vt vniuersas abyssi repletet cauitates. quod non diffculter intelligetur, si continuum partes infinitas contineat.

Sed aliud etiam est, quod nos turbat: quomodo aquæ cælestes & subterraneæ in vnum confusæ, tantam aëris circumferentiam potuerint implere, vt *omnes montes excelsos sub vniuerso cælo* condiderint, *altiores quindecim cubitis*. Nam licet daremus, tantum aquæ abyssō cæleri & terræ venis, quantum maris & omnium lacuum ac fluminum simul alueus habet: tamen nondum satis habes, vt terræ & aquæ globum, altitudine dimidij Italici miliaris superfundas. Nam profunditas marina, in raris solum quibusdam gurgitibus altitudinem illam excedit.

Vnde igitur cetera materia, quæ ampliore multò ambitu, & ad verticem altissimorum montium, qui vltra 4. miliaria habent perpendiculari, orbem terræ exambiat? suppleri certè enim posse è cælo non apparet: cum ibi trium aut quatuor marium abundantia suspensa non sit.

Secundò, vnde pluuia illa 40. dierum cecidit? certè enim non è statione nubium & mediâ regione aëris; cum ista citra excelsissimorum montium cacumina finem habeat, quæ tamen vnda quindecim cubitis superior obruerat.

Tertiò, vnde hausti tot vapores, qui in tam pertinaces & profusos imbres sufficerent? Sol enim nubilo, & pluyente cælo, tam auide & largiter resorbere non solet. Eugubinus, Oleaster, Bodinus, Lydiacus, ponderi succumbunt, negantq; tantum aquarum posse reperiri, nisi apertis Firmamenti siderei catarractis & emissariis, vis ingens in Mundum elementarem exciderit. Sed quò deinde, superpresso diluuio, euanuit? Item statim in terram depluit (Scriptura indicat) apertis cæli catarractis: centum tamen annorum circumactu, aquæ Firmamento sidereo præcipitatæ, nondum peruenient, sine miraculo diuino, ad terram.

Alio igitur vngue nodus hic extricandus est.

Ad Primum dico, immensam panem aquarum abundantiam in abditis venis & abyssō iacere: falsumque, quod contendit Benedictus, cauitates subterraneas esse paris libramenti solum & profunditatis cum fundo maris. altiores sunt, & probabile, tam vberes
ibi

ibi latices à naturâ reconditos, quàm ostentat in mari. Hinc affimabis. Aqua initio Mundi terram vndique profundâ altitudine, vt pluribus placet, obruebat. quòd tota illa tertio die (quando iussa extollere faciem arida) diffugit? In mare partim, scio; sed æqua, aut melior, terræ venis, & abyssi aluo fuit combibita. Deinde, post dies 40. clausi dicuntur fontes abyssi, Genes. cap. 8. Igitur toto illo tempore subterraneæ venæ fluxerant. ac proinde gurgites ibi immanes esse oportet, qui necdum siccati fuerint. Aqua etiam tota aliquantulum fortasse laxata per rarefactionem, vt in ampliorem se diffunderet locum: non ita tamen, vt onus Arce sustinendo non esset. Angeli verò aquarij, qui terræ venas exhauriebant, etiam aquarum molem retinebant, ne eòdem reuolueretur. Imbres etiam plurimum amplificasse diluuiouem, statim intelliges.

Ad Secundum ergo Pererius lib. 12. Genes. disput. 9. negat ideo vllius montis verticem ad mediam regionem pertinere; quia scilicet non fuisset, vnde super omnium montium cacumina, in fine 40. dierum, pluuia decidisset. Nec constant, ait, sibi Mathematici, dum affirmant, montes (qui habent, vt summum, 4. milliaria perpendiculari) vltra mediam regionem caput extollere, & tamen summos nubium vapores, qui intra mediam regionem coërentur, ad 52. milliaria scandere. Sed Mathematicos non intellexit eruditissimus vir. Non enim de nubium & pluuiosis vaporibus mediæ regionis, sed de altissimis exhalationum fumis, qui in circumferentiâ supremæ regionis versantur, quique auroram manè primi sorbent, crepusculum vesperti vltimi respuunt, accipiendi sunt, vt videbis lib. 10. th. 77. apud Vitellonem. Stet igitur, excelssimorum montium iuga, vt Lib. 1. diximus, attolli supra stationes nubium. depluere tamen in ipsos, etiam cum aquæ diluuij superassent, potuit; quia infimæ & mediæ regionis aër, intumescente vndâ, submoueri paulatim in altum, & cedere locum debuit. & hinc compulso intra elementum ignis (si tale aliquod ibi est) supremæ regionis aëre, huius spatium & sphæram infima ac media regio occupauêre: id est, montium etiam altissimorum cacumina iam satis profundè cœperunt despiciere, & in ipsâ repluere. Sed qui vapores tam diu ab vniuersis vndique cæli punctis recidere potuerunt? Certè enim vbi nubes se semel exonerauerint (quod citò fit, nisi aliunde alias succedaneas flatus adducant) redire serenitas solet, & cælum digerit. Nec Sol etiam alium statim humorem ex aquis vaporabat: quia talibus pluuiis crescere non poterat diluuium, cum tantum in

ipsum refunderetur humor ille, quem ei vaporazione detraxerat Solis calor. Cum S. Augustino itaque lib. 3. cap. 2. Genes. ad litteram, dicito, infimæ ac mediæ regionis aërem, à diuinâ, si aliter non potuit, manu, in aquam pluuiam condensatum. & istos probabiliter cælos esse, quos S. Petrus Epist. 2. cap. ult. diluuiο dicit petiisse. Hinc supremæ regionis aëra iterum oportuit in locum pristinum rarefcere, & redire vnde defluebant aquæ. Finito diluuiο autem, Sol partem aquarum rursus tenuauit in tantum, qui infimæ & mediæ regionis spatio replendo satis esset, aërem. Denique, cū tota ista inundatio à Deo fuerit, nil verendum tot admittere miracula, quot necessaria ad historię veritatem.

Tertio argumento suprà satis est factum.

De diluuiο Ogygis & Deucalionis, diuinam etiam vindictam, causam efficientem habuerunt. aut certè ruptis tempestate aggeribus, inflatisque aquâ cælesti, & repentinâ niuium liquatione fluminibus, vnda se mediterraneis superfudit. Ita huius anni 1626. mense Februario Bætis in Hispaniâ à similibus caussis, & præsertim sex aut septem dierum perpetuâ niue in immensum auctus, incredibilem, vt iam iam audiuius, in Hispanenses & vicina stragem edidit.

CAPVT VII.

De nebula.

ARTICVLVS I.

Quid nebula?



ARISTOTELES nubes *νεφέλη* seu excrementum vocat. Nubes enim vapore rorido & humecto, ac partim exhalatione aridâ constat. vapor in pluuiam, exhalatio in nebulam sæpè cadit. Lapsus & à grauitate materiæ est, & ab agmine guttarum pluuiarum, quod vnâ implicitam exhalationem detrahit. Hinc loca excelsiora & propinquiora nubibus, in omni pænè imbre, nebula infuscantur, quia aliquousque semper cum stillicidiis descendit. Huius causæ ignari aurigæ, qui Leodio, Viseto, Mosæ-Traiecto merces in Rheni Palatinatum, per ericetum illud vastum Ducatus Limburgensis, vulgò *Fagne*, vectant, exillimât beneficio quodam

& arte magicâ caliginem in omni pluuiâ ericeto illi affundi. Tantas enim oboriri tenebras, ipso etiâ meridie, mihi affirmarunt, vt vltra distantiam 15. passuum nihil, aliquando vix equos suos videant. quo argumento, præter alia quæ alibi sparsim dixi, probare soleo, Ducatum Limburgensem, & præsertim istud ericetum, locum esse totius Belgij eminentissimum.

Definiri ergo nebula, siue caligo (hoc enim etiâ nomen habet) sic potest: Superflua, aridior, & caliginosa pars nubis, terræ incubans. Materia igitur eius, est exhalatio opaca & tenebrosa; forma, situs in in fimo aëre. si enim ascendat altius, in nomen & rationem nubis redibit.

Hinc nebula, vt multa alia, meteorum immobile est: qui situs iste transferri incolumis, & loco dimoueri nequit. Densitas nebulae & pondus indubiè maius est, quàm aëris infimæ regionis, in quem desidit. Tenebræ Ægyptiacæ, quæ inter Pharaonis plagas, tam densæ & palpabilis nebulae fuisse à nonnullis creduntur, vt instar aquei elementi tardarent motum localem.

Sed aliud præterea genus nebulae, & ex aliâ materiâ est. vaporulenta scilicet, quæ propter nimium crassamentum, in imo aëre hæsit, & obnubit terram. Talem sæpè vesperi aut manè præsertim vidimus. apparetque instar aquæ perpetuæ, vicina Louanio prata, & humentia, vnde vapor surgit, inundasse. Si exoriente Sole ascendat, expectanda pluuia; quia materiam eius nubibus infert. si cadat, serenitas erit, nisi cælum graue nubibus fuerit, aut venti aliunde aduehant. Si enim Sol non valet humorem tam tenuem vaporare, imbecillis est, nec poterit aquas maris aut fluminum vicinas, quæ magis defenduntur à naturali suâ densitate.

ARTICVLVS II.

Proprietates quadam nebulae.

PRimò, fugere ante inambulantem, & ponè sequi nebula videtur. Ratio est, quia ex distantia v.g. 20. aut 30. passuum, opacitas nebulae demum incipit sensibilem lucis reflexionem habere. circa nos verò serenitas apparet (etsi alij aliquantulum distiti, in mediâ caligine nos aspiciant) quia lumen exhalationi incorporatum, speciem è vicino fortiolem mittit, quæ pupillam oculi, & parietem retinum ita perfundit, vt nulla ab eodem obiecto sensibilis umbra cum specie lucis in fundum oculi veniat: ex distantì verò,

Species imbecillior, & transitu per nebulam hebetata, foramen vuae tunicae, tenebris permixta, quas in retinâ depingit, illabitur. Quae omnia, & alia plurima, Deo dante, in Libris de Animâ explicabimus.

Sed vnde fieri potest, ut res per nebulam visa, longius retraxisse se, quàm verè fecerit, appareat? Nebula enim, ut antè à me dictû, crassior & propensior est aëre inferiori: cur igitur speciem non refringit, ut vapor solet & aqua? refractio autem, obiectum oculo admovent, non retrahit. Verùm aridae & caliginosae exhalationes, ubi praesertim in minimas atomos dissolutae & decineratae sunt, nihil in refractionem valent. hinc enim aridi etiam illi nubium summi, qui materia nebularum sunt, in mediâ regione, nihil siderum refractiones adiuvant, nec Solis & Lunae discum insigniter ampliant, ut molles illi & humentes ac pellucidi vaporum rores, qui infimum aërem & horizontem obsident. Imò verò quia opacitate suâ speciem retundunt & debilitant, caussa sunt, quare phantasia nostra rem abesse longius diiudicet, quàm oculus tam debili ac remissa, & veluti longiori intervallo lassatâ specie, cognovit. Ita etiam nocturnis tenebris omnia magis ab oculo distare putantur. Sed ego tamen à meâ experienciâ adicere hoc possum: Vidiſſe aliquando, cum nebula radices & imam partem turris ambiret, exstante in sereno vertice, summam partem retrorsum reflexam, & caput à me longius abduxisse, protuberante & manifestè propinquantè parte inferiori, quae erat in hebulâ.

Itaque distinguenda videtur nebulae materia. Si arida & fumosa, qualis illa, de qua Aristoteles, & nos primo loco diximus; non refringit, sic ut admovent obiectum visibile. Si humore multo & rorulento grauata sit, (de quali secundo loco egimus) refringere, diffundere, attrahere rei speciem ad nos potest. Talem oportuit fuisse nebulam, apud Liviū Dec. 5. lib. 1. quae Histriorum aciem Romanis multò maiorem, quàm erat, ostendit.

Sic etiam extricare posse videor, quod de exercitu Caroli VIII. Gallorum Regis, per Romam sub Alexandro Sexto, inter noctem, & Romanorum stuporem, Neapolim tendente, Iovius lib. 2. scribit: *Id, inquit, quoque metum stupentibus addebat, quòd viri, equi, vexilla, arma, tot passim funeralibus inequali splendore incertam praebentibus lucem, ampliora ac maiora vero videbantur.* Pingues etenim vapores, non solum aridae & atratae illae fuligines, facibus ac funeralibus exhalant, qui militū & agminis speciem diffundere valuerunt.

CAPVT VIII.

De Grandine.

ARTICVLVS VNICVS.

Quid grando. & eius caussa.

GRANDO, inquit Seneca lib. 4. cap. 3. Nat. est glacies suspensa. Sed definitio rudis est, & nimis laxa. Scitiùs Aristoteles: Est pluuia congelata. Materia ergo proxima transiens, est pluuia. Forma, rigor ille glacialis, qui discriminat à pluuia. Finis, rigatio plantarum, vbi se resoluerit. et si non rarò à diuinà vindictà assumatur ad lapidandas fruges. Fallitur ergo ille ingeniosus, cùm credit .

*— niuius quoque mole rotatis**Adstringi, & spissâ glomerari grandine corpus.*Ouid. 9.
Metam.

Non enim è niuium flocculis, sed pluię guttis, glomerantur grandinis globuli.

De caussa efficiente Anaxagoras & Aristoteles litigant. Ille à frigore medię regionis, vt niuem, hic ab antiperistasi caloris infimę regionis, concrefcere mauult. Primò, quia in montium, qui infimam regionem excedunt, iuga vix vlla vmquam grando cadit. nec satis fortasse pro Philosopho ille canit,

*Quàm multâ fiet grandine capus Athos.*Ouid. in
Ibia.

Secundò, Grando illa angulosa prope terram, coagulum inter casum capit. si namque ex tam alto ruina esset, motu & longâ gyratione angulos deterfisset.

Tertiò, Sæpè nullo præeunte sonitu maxima grando ad terram venit. sonuissent verò antè collisi inter se globuli, si induruisent in sublimi.

Quartò, Antiperistasis imi aëris sola caussa est, cur æstas frequentius grandine, quàm hiems, lapidetur.

Dico Primò: Quandoque grando frigore medię regionis congelascit. Talis plerumque est minuta illa & fungosa, hiberna grando. Probatur, quia nullus tantus in aëre tunc calor est, cuius antiperistasi possit gelari grando. Quia verò guttulę vixdum ante glaciationem perfectè ad densitatem aquę redierant, multoq̃ue

exhalationum spiritu turgidulæ sunt, idè orbiculi leues & fungosi, minimumquæ à materia niuis aut pruinæ distant.

Dico Secundò: Quando lapidosæ & consummatæ duritiei, antiperistasi caloris infimi aëris, vt plurimum, coagulatur. Id egregiè adserunt Aristotelis rationes. Sic autem expediri potest, imò, vel fallor, debet, isthæc antiperistasis. Guttx spiritui nubium tumentes, vbi aërem tepidum inciderint, diducuntur paulisper, & se laxando, effluxum spiritibus calentibus aperiunt. quibus magnâ parte liberatus humor, subitò, quantum valet, ad frigus se reuocat. Sed quare congeliat? nam forma substantialis aquæ materiam suam fluere, quàm obrigescere in glaciem, mauult. Credo id fieri propter siccitatem reliquorum spirituum, qui non expirantur illâ antiperistasi, sed remanent à frigore extincti & deprehensi in grandine. Nam certum est, multam exhalationem vnâ cum humore in grâdinem stringi. idè enim ita albet, & fungosior rariorque est, ac opacior, quàm glacies alligata ex aquâ vulgari. Porro inter sidera Arcturus maximè grandinosus creditur. Plinius lib. 2. cap. 39. *Arcturi sidus non semè sine procellosâ grandine emergit. oritur autem, vt ait c. 47. undecim diebus ante æquinotium autumnii.* An verò id per influentiam fideris, an quia exortus in illam anni tempestatem incidit, quæ ob temperiem, quam à Sole præcipuè accipit, eueniat; in Libris de Cælo, si Deus vitam superstitem fecerit, dicemus. Grandinis magnitudo incerta est, & pro modo guttarum, quibus coaliuit. Anno 1565 die 24. Iulij, Louanij ceciderunt crassitudine ouali, narrat noster Gemma. Rotunda ferè est, quia labendo, in orbem se terit; vel quia gutta etiam est talis. triangularem tamen etiam, & pyramidalem (quæ fortè figura est cadentis guttx, quia spiritus eius sursum in conum se recipit) non rarè vidi. Portentosæ etiam quandoque in eâ formæ visuntur, vt capita humana, porcina, calamistra etiam, & instrumenta varij luxûs feminarum, aut effeminatorum. Hac nobis admonitione aurem vellicat benignus Pater, qui ceteras omnes creaturas vertit in nostrum bonum, & salutem. Paleæ & quisquilæ grandinibus aliquando deprehensæ & intextæ videntur, quas ventus leuauit, & in guttas pluuias impegit, differendo per aërem. Quidam quoque litteras in iis legunt. sed frequenter, puto, vti pueri figuras quasdam inanes in parietibus, aut castella in nubibus sibi fingunt. Ego quandoque grandines omnes glacialibus veluti loculamentis inclusas aspexi. globuli centrales albentes & fungosi erant; vt planè coniectatè frigore mediæ regionis diriguisse.

riguisse. orbis verò satis densus eos ambiens, diaphanus & durior erat, vt materiam perfectè aqueam & pluuialem in casu grandini primæ circumglomeratam, & infimæ regionis antiperistali ei adstrictam, facile diuinasset. Sic ferè tenues quidam calculi primò concrescunt in renibus, & per vteretres delapsi in vesicam, nouo ibi visco se loricant, tunicaque plures circumuoluunt. & hinc plerique omnes, vt notauit Fernelius, vesicæ calculi, contrafacti nucleum aliquem in centro ostendunt.

Mirum etiam est, quomodo grando, tantò durior niue, longè tamen celerius, & statim vt in terram cecidit, liquetur. Sed vnâ operâ mirare, vnâ plumbi libram citius, quàm butyri, calore diffuere. Ratio in plumbo fortassis est, quòd vbi pars vna feruorem ignis concepit, alteram attiguam statim accerrimè adurit, quia calor in eâ, vt materiâ densâ, est maximè actuosus. vnde experimur, vbi plumbum cœpit liquefcere, ceteras ordine partes festinare statim ad resolutionem. Glacies grandinis etiam densior est niue. Deinde plures particulæ siccæ & terrenæ exhalationis, vaporis niuis vbique interiectæ, reditum eius ad liquorem magis impediunt. Cùm autem ignis aut calor grandinem vel aliud corpus gelatum regelat, & in liquorem dissoluit, frigus quod partes, ne diffuerent, continebat, tantùm expellit: temperiemque certam, ex quâ liquiditas, ceu qualitas quædam secunda, resultat, inducit. Quid enim aliud philosophemur?

Grando plerumque die, rarò nocte, nisi repente, decidit. quia præsentia Solis, calor in infimo aëre antiperistasin potentiores interdiu facit.

Ceterum calamitatis præcipuus timor est à grandine, vbi in calamiosiam seges stetit. Hoc tamen vnum in malo solatiolum est, quòd vix vnquam latè grassetur, sed quosdam solum feriat tractus: longiorque semper, quàm latior, est strages. Causam existimo, quòd æstate præsertim è nimbis, qui breues, & vni sæpè tantum campo impendent, grandines illæ proueniant. In longum spargit eas ventus.

Veteres agricolæ, vt Cato & Plinius referunt, carminibus grandinem & calamitatem agris depellebant. Alij etiam modi sunt. apud Palladium: crocodili, aut hyenæ, aut vituli marini pelle per agros circumlatâ, vel eruentâ securi minaciter contra calum leuatâ, vel noctuâ patentibus pennis suffixâ. Sed hæc magica sunt: nec vlla tam delira anus, quæ sine causâ naturali hæc esse, non videat.

Meri-

Lib. 4.
cap. 6. Na-
tur.

Merito etiam Cleonaxos Seneca ridet. *Illud incredibile, inquit, Cleonax fuisse publice προpositος χαλαροφύλακας, speculatores futura grandinis. Hi cum signum dedissent, adesse iam grandinem, quid expectas? ut homines ad penulas discurrerent, aut ad scortea? imò pro se quisque alius agnum immolabat, alius pullum. Protinus autem ille nubes alio declinabant, cum aliquid gustassent sanguinis. Alij etiam digitum suum graphio bene acuto pungebant, & hoc sanguine, ne leges vapularet, litabant. Sed unde exiguo sanguini tantæ vires? ait Seneca. *Quantò expeditius erat dicere, inquit, Mendacium & fabula est?* Potuit tamen verum: sed ex dæmonis nubem declinantis patratione.*



LIBERTI FROMONDI

METEOROLOGICORVM

LIBER SEXTVS:

De Meteoris apparentibus.

METEORA apparentia verè meteora non sunt, nec in partem obiecti horum Librorum propriè veniunt. Non enim corpora imperfectè mixta, sed accidentia tantùm sunt: adiectaque legitimis meteoris ab Aristotele, quia eorum more, in exhalatione aut vapore in sublimi ortum habent.

Scientia eorum iucunda, sed in difficili & arduo est; vt quemquam hætenus culmen attigisse omnes negent. præcipuas tamen difficultates Iris amplectitur. & eà re Euclidem in Opticis & Catoptricis, Ptolemæum in Speculis, manum ab eà abstinuissè censet Maurolycus. & ipse, vir aliàs in omni genere Matheseos eminentissimus, *Aliquid, ait, experimento consonum vestigando, diuinabo.* & alibi: *De Iride sic multi scribunt, ita nemo satis demonstrat.* Meritò igitur Sirachides: *Vide Arcum, & benedicite eum qui fecit illum: valde speciosus est in splendore suo. Gyrauit calum in circuitu glorie sue, manus Excelsi aperuerunt illum.* Eccli. 43. Opus enim singulare & eximium est diuinæ manûs, vt mirum non sit, humanum oculum non altè in causas eius cernere. Solèm tamen aut Lunam, vt peniculorum instrumenta in digitos ad huius arcûs picturam sumit. quia nisi in siderum istorum luce, numquam apparet Iris. Ceterorum enim radij satis roboris non habent, vt oppositam nubem terebrent, & euidenti luce perfundant, idque non ex inopiâ luminis, quod vberius pleraque lunari habent; sed ob nimiam à terrâ distantiam: hinc enim fit, vt radius spatio lassatus, languidus & expirans ad nubem perueniat. Iris itaque duplex solùm est, Solaris, ac Lunar. Illa tamen maximè insignis, vocaturque per antonomasiam, & sim-

pliciter, Iris. Ab eâ igitur exordium sumemus: cûm præsertim omnia ferè, præter causam efficientem, in Lunarem etiam compentant, quæ de Solari enarraturi sumus.

CAPVT I.

De Iride Solari.

ARTICVLVS I.

Varie Iridum historie.



HISTORIOLAS aliquot in ceterâ doctrinæ fundamentum mittere, pro bono duxi: nam lato experimentorum dissensu rem hanc tractare solent Auctores.

Cardan.

Omnes inprimis passim Irides cornibus in terram deiectis conspiciamus, negantque vniuersi pænè aliter vquam euenire. Sed ecce tamen Cardanus lib. 14. cap. 70. Variet. ait se Venetiis anno 1532. die vndecimâ Aprilis vidisse binas Irides, *non cum capitis descendens, sed soli oppositis. quarum prima cisò desit, altera in medio cali parua consistis horarum duarum & plus spatio, altera velut corona, altera ut semicirculus plano terra aquidistans, præter aliarum morem.* Vnde apparet, non vniuersè verum esse, quod omnes iactant: Iridem numquam toto circulo claudi, nec semicirculari posse cerni amphorem.

Gemma.

Audi etiam nostrum Gemmam lib. 2. cap. 1. Cosmocr. *Septembris anni 1560. die 25. manè arcus celestis insignem speciem vidi, coloris, fulgoris, ac positionis insueta. Stabat enim conuexâ parçe Solem versus, contrauâ verò versus cuiusdam parelij subobscurum typum, qui quasi ad Circium annuebat. Color puniceus eâ parçe quâ Solem intuebatur, sed viridis quâ spectabat Occasum.* Cornua igitur non in terram spectabant, sed auersa ab exoriente Sole directâ in Occidentem intendebantur.

Sealig.

Scio etiam hic virum quemdam eruditum, Iouem lapidem paratum mihi iurare, aspexisse se Iridem supinam, & cornibus infestis in cælum. Hæc tamen, inquit, non è regione, inter oculum & Solem erat (ecce alterum & nouum plane miraculum) sed in eâdem cum Sole Mundi parte, sum nota aliquantulum ad eius latus.

Imò Sealiger Exercit. 80. num. 10. *Dnas, inquit, separatim vidit.*

mm Irides in nubibus diuersis, alteram ex aduerso, alteram ex obliquo ad latus.

Licetus etiam lib. 6. cap. 2. de Nouis astris, *Bis iam, inquit, vidi*—Licet. *mus Irides in Meridiano ad Austrum, vel propè, cum Sol esset in Occasu. & linea recta, quæ à centro Solis per oculum nostrum extendebatur, non ad centrum Iridis ad Austrum, sed longè ab Australi plagâ terminabatur ad cali partem Orientalem.*

Vitello lib. 10. th. 69. affirmat, se Paduæ quatuor simul Irides circumactò perfectè gyro circulares, non è regione, sed ad latus Solis, distantia decem ab eo graduum, olim conspexisse.

Hollandi quoque, ex illâ ad Zemblam nouam nauigatione, inter cetera admiranda retulerunt, tres Soles visos ad Austrum, sex Iridum discerniculo à se inuicem abiunctos. Hæc, & id genus exempla probabilitatem fortè reddent Scaligero, hætenus ab Opticis tantoperè improbato, quòd Exercit. 80. num. 7. Cardano affirmasset, se in Valsconiâ quondam admodum ex obliquo Iridem adspexisse. *Ita, inquit, dico, ut radius oculi mei ad alteram coronidem* Scalig. *propriorem esset decuplo, exempli gratiâ, breuior, quàm is qui ad remotiorem tendebatur.* Sed non credit Maurolycus. *Bene dixit, inquit,* Maurolyc. in *Hieronymus Cardanus, contra Solis, visus, & Iridis esse in eadem rectâ* Problem. *lineâ: & iniuste reprehenditur à Iulio quodam Scaligero. Adeò facile* Persect. *labuntur in hac Philosophiæ parte omnes, qui diuersa proficiuntur.* Olim etiam fuit, cum Maurolyco magis accederem, sed longè elapso anno me repulit rara quædam & insignitissima Iris, in oculos, non meos vnus, sed Clarissimorum testium, celo velut demissa, vt plurima me de naturâ admirabilis istius *supra* doceret. Rem factam, non fabulam, accipe: & quam oculis nostris numquam Maurolycus extorquebit, excacet Scaligerum quantum lubet.

Anno 1625, die Aprilis 9. horâ circiter sextâ vespertinâ, Louanij in amœnis illis inter Thenensem & Diestensem portas moenibus, cum famâ, scriptis, & eruditione Clarissimis Viris, Medicinæ Professoribus, Thomâ Fieno, & Petro Castellano, molliter & pro more inambulamus, cum subitus imber, Sole interim in Occasu acriter radiante, nos ibi oppressit. secutaque statim ingentis curuaturæ, & coloratissimæ omnium quas vmquam meminueramus, Iris. in quâ dum defixi admiramur, ecce dextrum eius cornu, quod medio termè Belgico milliari à nobis aberat, siluosisque illis extra portam Diestensem collibus infixum erat, in subiectam camporum planitiem descendit, & nube densioribus iam pauldè ac plenioribus gut-

cis per interlucientes Solis radios exonerare se properante, breui tempore, per medium ibi fortè quemdam aratorem & equos eius (Iride enim innolutum & illustrem cernebamus) ad ipsas oppidi fossas, citra 30. passuum distantiam, in nos lineà pæne rectà venit: cornu interim altero longissimè à nobis, post celebre illud & illustre Canonicorum Præmonstratensium Monasterium Parcense, pertinaciter adhaerente. Res, quamdiu pluuia, sic mansit. rarefcentibus verò deinde paullisper stillicidiis, vicinum cornu per eandem quæ descenderat lineam, traiecit iterum camporum latitudine, pedetentim in suum se collem recepit. Dum omnia etiam avidissimo & hianti oculo circumspicio, hoc quoque cum admiratione vidi. Secunda Iris (nam gemina erat) inuertis vt solet coloribus, primariam comitabatur, magisque & magis perpetuè se adstringebat, seque ei admovebat, quò propior nobis fieret primaria. similiter in recessu, spatium inter vtramque sensim laxabatur, donec in collem suum se restituit. Cùm proxima oculo nostro esset, vix decem inter vtramque intererant passus, cùm remotissima, distantia faciliè quadrantis Belgici milliaris apparebat. Ex hac igitur historiâ confici videtur, Solis, oculi, & Iridis centra, non in eadem rectam lineam incidisse.

ARTICVLVS II.

An Iris reflexione radiorum Solis, an refractione fiat.

Radius luminosus nil est aliud, quàm lineare lumen à corpore luminante in longum emicans. Triplex verò ab Aristotele & Opticis vulgò statuitur: directus, reflexus, & refractus. Directus est, qui lineà rectà per medium vniuersi modi densitatis effunditur. Reflexus, qui occurso opaci in partem oppositam reuerberatur. Refractus, qui per media diuersæ densitatis traicitur. Radius quem Sol per liberum & vniuersum aëra iaculatur, rectus est: qui speculo exceptus, in cælum resilit, reflexus: qui aërem & aquam terebrat, refractus. Rectus, simplex est: reflexus, ex parte quæ opacum incidit, & alterà quæ in oppositum retrò abit, concinnatur: refractus etiam duas habet partes, quæ in geniculum quoddam, & veluti poplitis flexuram coeunt. penetrat enim hic radius in medio vno in aliud, sed lineà paullisper deflectà & exerrante à recto tramite. Non etiam indifferens est, ex vtro medio in alterum deinde perueniat. Si è rariori densius, vt ex aëre aquam intret, fractio versus

radius perpendicularem fiet: id est, radij vndique se addensant circa illum, qui omnium medius est: hic autem, veluti ceterorum Princeps, inclinantibus mutuâ inflexione non respondet, quia in partes oppositas simul (quod fieri nequit) deberet annuere. rigidus itaque & directus perseverat. Si verò radius è medio densiori in rarius, vt ex aquâ in aërem, emicet, franguntur omnes circumstantes à perpendiculari, & ab eo se auertunt: id est, radij in medio densiori aggregati, & veluti in fascem collecti, per rarius extenuati disperguntur. His vtrumque intellectis,

Dico Primò: Radius solaris in vapore rorido, in quo solo apparet Iris, necessariò versus perpendicularem frangitur. Ita Vitello Vitell. lib. 10. theor. 65. & sequitur euidenter ex iam præmissis. Radius enim ex aëre rariori in densiores vaporis rores se insinuat, vnde omnes, præter perpendicularem qui centra guttarum directè perterebat, ad ipsum se perpendicularem incuruant. Et hinc, quia non vnicus tantum, qui in primâ nubis superficie occurrit, guttarum est ordo, sed alij innumeri sunt per totam nubis profunditatem dispositi: idè non vna solum, primo statim nubis ingressu, accidit refractionis, sed sine numero frequentantur alix & alix. Vt cogita seriem quamdam & catenam stillicidiorum à fronte nubis, per profundum, vsque ad vltimum eius dorsum. deinde in primâ guttâ radios oblique incidentes aggregari ad perpendicularem: hinc verò in breue illud aëris inter primam & secundam guttam fretum elapsos dissipari & refugere à perpendiculari. postea in secundam guttam impingere, ac denud ad perpendicularem reconciliari. vnde iterum expediti, sparguntur in aëre consequenti: donec tertia gutta etiam diffuens colligat in nodum. & ita deinceps vsque ad finem nubis & vltimam guttarum. Si tamen breuissimum fuerit inter vtramque guttam aëris interuallum, nulla fiet à perpendiculari radiorum dispersio: quia aliquanto post primam guttam in ipso aëre in vnum punctum & nodum concurrunt, vt in vitris sphæricis patet, quæ stuppam post se incendunt.

Dico Secundò: Radius etiam vaporem illapsus, in oculum videntis reflectitur. Ratio est, quia sine specie lucis, splendor ille Iridis cerni non potest: species autem lucis est ipse radius luminosus, vt in Libris de Animâ cum Scoto & Opticis demonstratur sumus. vel potius, quia non ex quolibet situ, sed determinato, vt res in speculis solent, videtur. Sed quid igitur in Iride videmus? Luménne Solis incorporatum nubi, vt in aurorâ & vespertinis crepusculis vsu

venit, an ipsum Solem tamquam in speculo? Aristoteles hoc affirmare videtur, quia semper *ἡ ἀνάλυσις* per reflexionem, non *κατὰ διακλάσιν* per refractionem, explicat Iridis generationem. & ita exponit, & acriter propugnat Vicomercatus. Seneca etiam lib. 1. c. 4. *Non dubium, ait, cuiquam relinquatur, quin arcus imago Solis sit male expressi, ob vitium figuramq; speculi.* Et cap. 3. egregie sententiam Aristotelis enarrat. ubi singula pluvie cadentis stillicidia, totidem specula esse inquit, reddique à singulis imaginem Solis. nec aliud Iridem esse, quàm innumerarum eiusmodi imaginum confusio- nem: quæ idèò perturbatæ appareant, quia intervalla guttarum, spatio consumuntur & evanescent, ne hinc valeant discerni. Et de- nique affirmatissimè cap. 5. *In eadem, inquit, sententiâ sum, quâ Posidonius, ut arcum iudicem fieri nube formatâ in modum concavi speculi & rotundi, cui forma sit partis è pilâ scîtæ.* aitque deinde, *Solis illam esse effigiem, non similem.* conaturque detrahere admiratione faciei illius tam abnormis & præcul abludentis à vero Solis filo & chemate, in quo nihil ferè simile eius, quod cernimus in Iride. cul- pam enim conicit in speculi enormitatem. *Non omnia, inquit, spe- cula ad verum respondent. Sunt, quæ videre extimescas: tantâ defor- mitate corruptæ, ut faciem visentium reddunt, servatâ similitudine in prius. Sunt, quæ cum videris, placere tibi vires tua possint: in tantum lacerti crescunt, & totius corporis supra humanam magnitudinem ha- bitus augeatur.* Consentienter his etiam Cardanus lib. 4. Subtil. lo- quitur. imò Maurolycus in Problem. Perspect. disertissimè: *Sicut imago rei non colorat speculum, ita colores Iridis non imprimuntur stillicidiis. & sicut imago absque iacturâ speculi, ita & colores absque infectione stillantis aqua reflectuntur ad oculum.* Veluti ergo in speculo non picturâ aliquam humanæ faciei, sed ipsam videmus: ita in nube, nō imago solaris vaporis impressa & inherens, sed Sol ipse ille

Qui celsa liquidi spatia decurrit poli,

radio obiectu nubis in oculos repercusso aspicitur.

Demonstrari etiam ex Aristotele, Posidonio, Senecâ, & aliis sic potest. Primò, quia Iris situm cum Sole mutat, sublimis aut humilis, prout ille se submisit aut sustulit, inquit Seneca, contrario motu. Secundò, oculus etiam suo motu transferte videtur Iridis sedem. In ambula enim versus alterum cornu, fugiet ante te, consequeturque ponè alterum à tergo, inueniesque te semper medium inter utrumque.

Addit Posidonius: Si color aut lumen in vapore defixum cerne- retur,

Vicom.
Seneca.

Seneca.

Seneca.

Cardan.

Mauroly.

retur, euidentius è propinquo, vt alibi solet, in oculos se ingereret. secus tamen est, nam si in vallem accurras, in quam brachium eius dependere vides; nil nisi roscidum, sine picturâ aut luce vllâ insigni, aërem circa te circumspicias. Hæc autem omnia signa sunt specularis inspectionis, & oculis nostris, non tineturam vaporis, sed rem quæ extrâ est, imagine à speculo illo repulsâ, occurrere.

Sed vix possum induci vt accedam. Primò, quia quod in speculo adspicimus, tantum intra profunditatem recessisse, quantum à superficie eius distat, apparet: vnde si speculo faciem admou eas, imago tibi obuiam videtur procedere. Quod ingeniosè Poëta lib. 3. Metamorph. in puero Narcisso, amore sui in fonte conspecti pereunte, expressit.

Exiguâ prohibemur aquâ. cupit ipse teneri.

Ouid.

Nam quoties liquidis porreximus oscula lymphis,

Hic toties ad me resupino nititur ore.

Posse putes tangi. minimum est quod amantibus obstat.

Quisquis es, huc exi. quid me puer vnice fallis?

Contrâ tamen omnino in Iride euenit. nam instar vmbræ, sequentem fugit, sequiturque fugientem. Secundò, illa colorum varietas satis arguit, lumen Solis esse, guttularum vmbris mixtum, & in colorem medium contemperatum. Sic enim etiam in aurorâ, in prismatibus, siue triangularibus vitris, in vrinalibus aquâ plenis, in columbarum ceruicibus, varios, vmbrarum & lucis miscelâ, concinnari colores videmus. Scio quid reponat Vicomercatus. *Falsum*

Vicom.

est, ait, Solis colorem in arcu non apparere. apparet enim, etsi non purus: quippe qui in speculo colore infecto, hoc est, in nube nigriori exprimitur. Sed nimis leue & perfunctorium hoc est, vt statim acquiescam. Nam si vultum aut lucem in atramento aut nigro marmore inspiciam, tenebrescit quidem & infuscatur species; numquam tamen in purpuram aut colorem alium medium facessit.

Videor tamen iam Aristotelem, aliosque antè laudatos, in partem nostras pæne posse traducere. Nam propè aut planè verum est, & lumen nubi incorporatum, & vnâ Solem in Iride cerni. De lumine nubis, mihi fixum iam & certum. De Sole ostendi potest: quia radius Solis primarius reflexus est, qui Iridem nobis deformat, non aliquis secundarius, vt postea dicam, vbi causas anquiram figuræ illius circularis. radius autem primarius, qui quæ à speculo per angulum incidentiæ parem resilit, obiectum repræsentare, & ad visionem eius excitare potentiam solet. Verumtamen metuo, ne visus

ita

ita totus in speculando lumine vaporis (quod , apud me equidem , est species ipsissima lucis solaris) occupatus sit , vt actionem suam ad Solem vsque , cuius tamen speciem habet , non extendat . Vbi enim species visibilis in aliquâ parte medij sic conglomeratur , aut miscetur opaco , vt ipsa obiectum sensu comprehensibile concinet , tunc ei fortasse sic adheret visus , vt ad primum obiectum , quod speciem illam sparsit , exire non possit . quod in Libris de Animâ magis & enucleatiùs diducemus .

Ex discursu igitur precedenti patet , Iridem tam refractione radij intra profunditatem vaporis , quàm reflexione ad oculum generari . omniaque in lucem longius extrahentur à dicendis : vbi etiam causas , cur Iris attollente se Sole succumbat , & succumbente se attollat , cur à sequente apprehendi metuat , abeuntem vltro sequi amet , & alia id genus prodemus .

ARTICVLVS III.

Cur Iris circularis . aduersus Posidonium , Senecam , Plinium , Scaligerum , Bodinum , & alios .

H omnes , aliq̃ue plures , quorum Philosophia minimam cum Opticis mixturam fecit , in cavitatem nubis figuram istam coniiciunt . imò Cardanus etiam , quod impensè mirum , lib. 4. Subtil. idem facit : Auctorque libri de Mundo . quem ne Aristotelem existimes : nihil enim genij & ingenij eius habet .

Cardan.

Verùm , non magno opere refelluntur . Primò , quia non semper extremus nubis limbus in rotundum compositus est , quoties apparet Iris . ventorum enim flatibus , item vaporis & aëris perpetuo fluctu , in omnem se formam transfigurat . Deinde , cum à cornu vno Iridis versus alterum incedimus , quandoquidem nobiscum transferri videantur , exciderent statim limbo isto circularis nubis . Secundò , nulla causa erit , cur non etiam triangulares , quadrangulares , & millesimo alio schemate depingantur Irides , si illa est fortuita figura vaporis . nam vapor instar Protei in omnes formas detorqueri potest . Tertiò , Iris artificialis (cui Aristoteles alteram , similitudine indolis , componere solet) nata asperione aquæ in radios Solis , semper in circulum se gyrat , cuiuscumque schematis sit humor quem ore exspargimus .

Aristot.

Alex.
Vrom.
Scalig.

Hinc liquet , Alexandrum , Vicomercatum , Scaligerum à vero aberrasse , cum inter cornua Iridis inanem concavitatem fingunt ,
ideoq̃ ;

ideoque totum illud spatium vacare, nec impleri imagine Solis, quia nullum ibi sit eius speculum. Reverà enim tantum luminis per totam illam semicirculi aream sparsum & inculcatum est, quantum in ipsa Iridis circumferentiâ cernimus. Vnde id rescire potes? inquires. Ex motu quo alterum cornu, per spatium illud quod inter brachia appareret vacuum, me sequetur, si ad oppositum cornu gradum faciam.

Aminonius, & alij quidam, Iridem circulo circumscribunt; Ammoa quia talis est figura Solis. Sed perpetàm quia Sole eclipsi in mediâ parte defecto, item Lunâ semiplenâ, aliquando apparuit arcus; nec minus, quàm pleno utriusque sideris orbe, circularis. Nihil ergo refert, cuiuscumque illuminans sit figurâ.

Itaque gyrys ille circularis Iridis, nascitur ex æqualitate & similitudine angulorum; quibus radij sideris à nube torante ad oculum respicientis vndique perveniunt. Hoc enim mecum perpende. Vt radius qui in nubem penetravit, coloratus & evidenter conspicuus in oculum resiliat, debet certo angulo reflecti: id est, inter radium Solis qui directè in nubem iacitur, & illum qui versus terram retorquetur, certam quamdam distantiam & diuicationem esse oportet: hoc est, anguli semirecti, ut existimat Maurolycus. Mauro. ut autem reflexio tali præcisè angulo ad oculum fiat, non à quavis parte roriscidæ nubis venire potest. non à iusto superiori, non ab inferiori, sed aliquâ quæ determinatum ab oculo intervallum habeat. vnde, ut multæ partes illo siue pari angulo lumen versus oculum reuerberent, debent æquè ab oculo distare, id est, in circulum disponi, cuius centrum sit in oculo, à quo omnes lineæ ad circumferentiameductæ sint æquales.

Sed aliquot hic satis perplexæ & difficiles triçæ nobis extricandæ sunt.

Primò, Stillicidia vaporis, corpora gravia sunt: cur ergo ex illo Iridis arcu non statim excidunt, cum nihil solidi sit, quod ipsa infernè sustineat? Dico excidere, dissoluendumque Iridis contextum, nisi (quod plerumque aliquamdiu fit) supernè alij rores in spatium decidentium defluerent, & in eodem situ, quo præcedentes guttæ, exciperent radium. Hinc sequitur, perpetuò mutari Iridem, etiamsi Solem daremus in eodem gradu inmotum permanere. Nam ubi diuersa specula, & aliud aliudque luminis subiectum est, necesse etiam formam illam toties variari. Visus tamen id non intelligit; quia gutta guttæ tam promptè superuenit, ut non

agmen diuerſorum, ſed eadem & conſtans acies appareat ſtantium ſtillicidiorum. Sequitur quoque, Irides pertinaciores eſſe, quæ humilem curuaturam habent, quales depingi ſolent ſublimi Sole. Tales enim maiorem nubis roridæ partem ſuprà habent, diutiusq; in circumferentiam illam terræ propiorem depluere ex alto vapores poſſunt. Vbi etiam intelligis, cur ſumma Iridis abſis facilius rumpatur & euaneſcat, quàm ima cornua. ſuperior enim nubes rorem ſæpè & humorem totum effudit, cùm per aërem terræ vicinum, qui brachia arcus ſuſtinet, adhuc deſcunt ſtillicidia. Vides deinde cauſam, cur Sole pariter lucente, frangatur hic aut ibi catena luminis, quia ſcilicet vna pars nubis citius quàm altera exonerare ſe & ſiccare deproperat, colorique ſuſtentaculum ſubtrahit.

Secundò, Difficile eſt enarratu, cur Sole horizontem tangente, radij nubem incidentes non reflectantur potiùs verſus cælum. Ex Euclide enim & experientiâ conſtat, reflexionem in ſpeculis ſemper fieri verſus angulum obtuſiorem. Facile id intelliges, ſi loco ſummæ nubis in quâ ſupremum Iridis gibbum vides, ſpeculum ingens imaginæ, quod orientis aut occidentis Solis imaginem excipiat. cùm enim Sole illuminante & oculo aſpicientis altius futurum ſit, haud dubiè radium ſurſum, non deorſum ad oculum retorquebit: quia angulus, quem radius oblique incidens, cum ſuperficie ſpeculi facit, acutior & anguſtior verſus terram eſt, quâ verò ſpectat cælum, obtunditur & ſe laxat.

Reſpondeo, Manifeſtè hinc euinci, Iridem non generari reflexione imaginis Solis à continuo & perpetuo aliquo ſpeculo; ſed ante reflexionem, in infinitis paruis *arboſis* ſive ſpeculis, vt docet Ariſtoteles, lumen refringi, & veluti in totidem nodos colligi; ac deinde hæc illæ, vt in globis cryſtallinis aut vitreis aquâ plenis cernimus, per varia ſuperficie puncta exſpergi. Ex illis autem guttularum radius quidam cælo reuerſus, alij ad terram & oculum perueniunt. guttæ enim illæ lumine turgent, vndique, vt dixi, ſe exonerant, & radiant in orbem.

Sed ecce iam terciam, & maximam difficultatem. Cur igitur omnis area Iridis, & vniuerſi qui in totâ vndique roridâ nube guttarum globuli, non fulgent ſimili luce, ſi omnes pleni ſunt, & vndique eam ſpargunt?

Vicom.

Franciſcus Vicomercatus, non malus Ariſtotelis interpres, conatur perſuadere, radios à totâ mediâ circuli arcâ non reflecti, quia ſorriores ceteris ſunt, tamquam propiùs diſtantes à perpendiculari,

ri,quem per centrum oculi imaginamur & centrum Iridis tranſi. Sed id ſuſpectum vanitatis,imò,nifi fallor,fatis compertum, inſtrà inter tractandos Iridis colores oſtendemus. Suppone igitur, quod verum: omnes intra extra ambitum arcûs guttas perſuſas eſſe & tumentes ſideris luce. Hæc credo difficultas Cardanum, Scaligerum & alios in eas anguſtias compulit, vt inter brachia Iridis nullam eſſe nubem,aut nimis reductam & à nobis diſſitam crederent. Sed fac aliquando ita eſſe: quâdoque tamen,& ſæpiùs aliter eueniet. an ergo quiſquam ſando accepit,aream vnoquam Iridis ſimili luce variam vſque ad terram apparuiſſe? ſcio numquam factum.

Itaque aliter,& ingenioſè Maurolycus rem hanc componit,etſi Mauroly. tamen etiam in fluſu me relinquit. In qualibet guttà ait refractiones multiplicari,& ſe inuicem adiuuare,ac deinde lumen conglomeratum vndique diſpergi: verùm radium qui angulo ſemirecto refleſcitur, ſolum idoneum eſſe qui repræſentet aliquem colorem. qui enim acutiſſimo angulo repercutitur, quia ſerè contra radium directum redit,ab eo obtunditur, & permixtam vmbra exiit,ne appareat in eo color: qui verò obtuſiſſimo angulo à guttà,etiam propter talis radij debilitatem,non coloratur. Igitur, qui per mediam diſtantiã inter radium directum & ſuperficiem nubis ad terram redit,aptiſſimus eſt,qui rapiat colorem. ſatis enim fortis eſt,& ſat longè abiunctus à radio recto incidente,ne ab eo offuſcetur; maximè cum,vt notar,ab octo punctis in ſuperficie concavâ cuiuſvis guttæ æquali intervallo diſpoſitis radius directus octies in radium qui angulo illo ſemirecto refleſcitur, repercutiatur,vt necèſſe ſit tot radiis in vnum confluentibus, eademque viã emicantibus,iniſigniter roborari.

Sed hæc fortaiſe,nifi arbitrio oculorum, & propoſito è Matheſi ſchemate,non facilè intelliges. Rem igitur paulò familiarius è Vitellone tractemus.

Ex vnaquaque vaporis guttulâ tres,cogita, radij ad terram dei- Vitello
l. 10 th 66 ciuntur. Vnus per ſuperiorem aërem tranſcaput tuum cadit, nec demittit ſe vſque ad oculum ſpectantis Iridem. Secundus, ante pedes tuos in terram decidit. Tertius,inter vtrumq; medius, oculum incidit. Hic verò, vt ſit ſatis plenus & robuſtus, debet non quouis, ſine diſcrimine, angulo, ſed certo & determinatæ magnitudinis refleſci. Nec tamen adedò validum eſſe oportet, vt guttularum & vaporis opacitatem vincat: ſic enim nullo ſe colore tingeret. Huc ergo yſque valere debet, vt per obſtante nubis opacita-

tem regredi, denſo fatiſ ad oculum excitandum lumine, poſſit; ita tamen ꝛ ſtillicidiſorum implexas ſibi & intricatas quaſdam umbras ſecum trahat. umbrarum enim iſta mixtura neceſſaria eſt, vt lucis candor in ruborem, virorem, aut purpuram declinet. Alij verò radij, qui à guttiſ mediam circuli aream intextentibꝯ ad oculum repelluntur, non habent iſtam mediocritatem; vt paulò poſt enartatiꝯ explicabo.

Sed eſtne anguluſ reflexionis iſtiꝯ perpetuò ſemirectꝯ, vt contendit Maurolycuſ? Vix exiſtimo. Nam in illà Iride Louanienſi, quam anno 1625. cum Clariſſimiſ & Erudiſſimiſ Viriſ, Thomà Fieno & Petro Caſtellano, vt Articulo primo reſuli, conſpeximus, à cornu illo nobiſ propinquiſ, acutiſ angulo quàm ſemirectꝯ, quàmque ab altero cornu, tantò longiꝯ abiuncto, ad oculum noſtrum radius redibat. Itaque hoc magiſ cenſeo: Radium qui colorat nubem, primariuſ reflexuſ eſſe, qui à corpore illuminante actione reflexà produciſtur, reſiliſtq; angulo pari, aut circiter, angulo incidentiæ. Et hinc eſt, vt variatà Soliſ altitudine, & conſequenter radio directꝯ per aliud ſuperficii punctuſ in profunditatem guttarum ſe mergente, varietur quoque anguluſ reflexionis & Iridiſ altitudo. Cum enim Sol de miſſuſ eſt, per ſuperficiem pænè inferiorem quàm terram gutta deſpicit, radius intrare debet, vt radij primarij reflexio tangere oculum poſſit. vnde non niſi ab altiſſimiſ, & vertici noſtro viciniſoribꝯ guttiſ, talis reflexio eſſe valet: id eſt, ſumma curuatura Iridiſ, maximè ſupra terre ſuperficiem eleuari debet. Meridiano autem, aut ſaltem excelſo ſupra horizontem Sole, radius guttiſ ſuperne quodammodò ſuperuenit, & proinde non niſi à valdè humiliſ & horizonti propinquiſ radius repercuti ad noſ poteſt, & inde minima illa arcuum ſegmenta, quæ apparent adultꝯ, ſiue dudum ante occaſuſ, aut dudum poſt ortuſ, die.

Quod autem de primario reflexionis radio dixi, faciã te, ſpero, vt intelligaſ.

Cum in ſuperficiem ſpeculi, vel lacuſ v.g. radius Soliſ oblique cadit, ſi à Sole auerſuſ in lacuſ proſpiciã, ita ſcilicet vt oculus inter Solem & lacuſ mediuſ ſit, inſaginẽ ſideriſ in illo ſpeculo non vidiſ; & tamen lumen aliquod ſecundariuſ à luce per totam lacuſ ſuperficiẽ diſperſã in oculuſ recipiſ: ſed non radium Soliſ primariuſ, qui verſuſ oppoſitam lacuſ ripam refleſtitur ad anguluſ angulo incidentiæ parem. hic autem primariuſ eſt, quia à Sole ipſo (non ſoluſ à lumine per lacuſ ſuperficiẽ diſſeminato, & vndi-

vnique etiam tenuiter & subobscurè radiante, vt secundarius) sursum reproducitur. ideoque vberior est, & visum deducit (quod alius non facit) in Solis visionem.

Igitur rem totam in clausulam istam colligo. Iridem in vapore isto cernimus, vnde reperi ad oculum radius Solis primarius potest. ille verò certo aspectu sideri opponi debet. A guttis quæ extra gyrum arcus & vertici propinquiore sunt, radij primarij post tergum nostrum reiciuntur, à guttis intra arcus ambitum conclusis, ante pedes nostros recidunt in terræ superficiem. Ab vniuersis tamen, intra extra arcum stillicidijs, radium aliquem secundarium excipimus, sed iste debilis, & à primâ solum vaporis superficiei, non ex valdè profundo venit, ac proinde sine coloratione. Cetera quæ tibi hîc occurrere & impedire possunt, sequentes Articuli, nisi fallor, expedient.

ARTICVLVS IV.

An centrum Solis, oculi, Iridis, oporteat semper in eandem lineam rectam incidere.

VItello, Maurolycus, Cardanus, Vicomercatus, Thimon, & plerique omnes facto agmine in eam sententiam currunt. Infelix etiam ille Spalatensis, M. Antonius de Dominis, etsi nō sum- M. Ant. mus, melior tamen non pauld' Opticus quàm Theologus, in libello de Radius visus & lucis, ante apostasiam edito, *Immeritò*, ait, *Cardanum reprehendit Scaliger, quòd lineam vnâ esse dixerit, in quâ sit Sol, oculus, & centrum Iridis.* Hoc enim & Aristoteles, & grauissimè aly Philosophi admittunt, & ratio suadet, & experientia manifestissimè conuincit. Nam quòd ipse assert se vidisse propiorem sibi alteram coronidem Iridis, deceptum puto. nam enim spatium illud mensurauit: aut illa non fuit Iris, sed alia quæcumque impressio.

Verùm ex verissimis Articuli primi historijs protegi fortasse potest Scaliger. Sed ante omnia video, opus esse aliquâ Iridum distinctione, quas Auctores passim in vnâ confundunt, cum naturâ & modo generationis, toto cælo dissideant. Elicio verò hanc differentiationem ex duplici genere Iridum artificialium.

Primæ oriuntur per *διὰ λαγῶν reflexionem*, præeunte tamen, vt Articulo secundo diximus, aliquâ *διὰ λαγῶν refractione*, quâ radius intra humorem cumuletur & densius inculcetur. Tales apparent, inquit Aristoteles, in aquâ remis in guttas dispersâ. item si quis oc- Aristot.

Seneca. cipite obuerso Soli aquam in radios ante se exspuat. *Idem videbis accidere*, inquit lib. 2. cap. 3. Nat. Seneca, *si quando volueris obseruare sullonem. cum os aqua impleuit, & vestimenta ridiculis (palis fissilibus) diducta leuiter aspergit, apparet varios edi colores in illo aere asperso, quales in arcu fulgere solent.*

Vitell. Vitello etiam in præcipitio quodam aquarum iuxta Viterbium in Herutia, perpetuam Iridem certo ad Solem aspectu, in aspergine aquæ in altum salientis, videri dicit, seque in eâ multa quæ ad Iridem fuisse meditatam. & Iouianus de quâdam aliâ simili:

Iouian. *Ac memini, dum castra sequor, Mauortiaq; arma,
Quâ præcepit sese Tyburnâ rupe volutus
Fert Anio, multa q; cadens aspergine sudas,
Fumosa fulgere super conspergine claram
Irin, & aurato iacentem spicula cornu.*

Huiusmodi Irides, famosæ & solemnis istius quâ nubilo Sol depingit nubes, germanæ & sorores sunt.

Sed alterum Iridis artificialis genus est, meræ *διαφανος refractionis* filia. Talem prismata, & vitra triangularia efficiunt. item vrinale, aut vitru etiam vulgare vinarium, similem in subiecto pavimento affabre suis coloribus deformabunt, si obscurato non nihil cubiculo, radium Solis per foramen, aut sub apertam fenestram rimam admissum, vitreo humore ita excipias, vt non per totam eius profunditatem, sed tenuem & summam eius partem se traiciat. Ita enim radius nimia opacitate humoris victus non obtenebrescet, sed aureo, viridi, purpureo colore hilarescet. Radius, qui tenuissimam & supremam humoris portionem transcurrit, minimum nigri & opaci secum defert, apparectque in puniceum aut flauum digestus, qui verò longius per humorem eunt, densitatem illam agere perumpunt, & maiori opacitate in virotem aut purpuram adtinguntur.

Hæ autem Irides purâ purâ radij intra humorem refractione fiunt, pingunturque ad modum veri coloris in superficie quam post vitrum incidunt. vnde etiam ex quolibet situ & distantia eodem modo oculis se ingerunt. Hanc posteriorem Iridem, vt discrimen aliquod contra confusionem intericiamus, refractam, priorem reflexam appellabimus. Exemplo refractæ multi viri docti vtuntur, inter quos doctissimus VVendelinus noster, & Keplerus cap. 4. Paralip. in Vitellonem. *Materia aquea, inquit, qua inter spectatorem & Solem est, seu pluvia sit, seu pellucida nubes, seu nebula (vidi*

VVendel.
Keplerus.

di enim Irides & in nebulâ format & figurat refractiones radiorum Solis. quæ verò post spectatorem est, ea excipit hos radios Solis refractos. Nubes autem superflans obumbrat locum, & radios directos auersit, ut colorati radij cerni queant. Itaque non est verum, radios seu Solis seu visus reperiendi vel frangi in ipso loco nubis, ubi apparet Iris. Afferit tamen, centra Solis, visus, & Iridis in eadem lineâ rectâ extendi. Quod non esse consequenter dictum, parebit statim.

Dico Primum. In Iride reflexâ, quales solemnes illæ pleræque nubigenæ sunt, centra Solis, visus, & arcus, in eadem ferè semper omnino, aut pænè lineam rectam cadunt: quæ Iridis axis appellatur. Infinitæ experientiz, & Aristoteles id satis probant. Estque Aristot.
eadem huius ratio, quæ figuræ illius circularis, resultantis ex æqualibus angulis reflexionum. Si enim oculus directè medius non esset inter Solis & Iridis centrum, sed propior alteri brachio, imparibus angulis reflecterentur ad eum radij. acutiori enim angulo repelluntur à brachij vicini, & quod propè ad latus spectatur, vapore, quàm ab altero, longo se inde intervallo diuaricante. vnde necesse esset circulum depruari, & in aliam propinquam figuram detorqueri. Quod tamen aliquando etiam euenire docet Iris illa Vasconica Scaligeri, & nostra Louanensis: nec vñquam à me Vitello, Maurolycus, M. Antonius impetrabit, ut non viderim, quod sub tam magnis testibus, & tam compertè ac palàm vidi. Radij igitur, qui mihi spectanti sinistrum latus ferè cadebant, & in mediani ferè Iridis aream cadebant inuisibiles cum vtrumque cornu aberat præcul, multiplicatis in vicino pluuiæ stillicidiis, manifestè iam inde in oculos repellebantur, coloratæ umbris & guttarum per quas transibant & refringebantur opacitate. Vbi verò sine pluuiâ aer ille est, liberè traiciuntur sine sensibili reflexione radij: aut si raræ tantum & dispersæ guttæ, per interuallorum laxitatem se satis expediunt. Reflexio etiam ista, ad angulum angulo incidentiæ parum fieri potest: quod in Iride quoque artificiali vsu venit, quæ tantò tamen oculo adspicietis est propinquior. colores autem eius non sunt tam ardentes & insigniti, quàm aliarum Iridum, etiam si hæc longinquiores sint, quia à paucis guttis ore sparsis radij retroaguntur, vbi in maiori Iride è magnâ vaporis profunditate, & per multos guttarum ordines retūduntur versus adspicientem. Hoc etiam non insuper habendum: Non paucos esse radios, qui ad oculos non redirent, quia non illo quo oportet angulo primùm reflectuntur, postea tamen in aliarum guttarum superficiem sic incidunt,

vt inde iam altis radiis mixti & confusanei ad nos resiliant.

Ex dictis colligi etiam potest, Iridem reflexam, figurà eclipsicà & ouali posse quandoque depingi. Probatur, quia nostra illa Louanienfis fuisse talis, si interlucentibus Solis radiis inber similis inter unistrum cornu & oculum nostrum decidisset, qualis se obiecit dextro. Pari enim ratione ab eà parte stillicidia radios interceptissent, adstrinxissent in colorem, & denique adduxissent ad spectantem. Cur entis quod in vno cornu factum, non valuit etiam in altero? Suprema tamen arcus curuatura in eadem nube & stillicidiorum altitudine potuit interea permanere, sicuti reuera permansit ad moto altero tantum cornu. compressis autem duobus brachiis, nec descendente superiori gyro, necesse non circuli, sed eclipsis aut figuræ oualis segmentum videri. Rarissimæ tamen sunt tales Irides, & citò se recipiunt ad figuram circularem, vapore deciduo, nec altero paris densitatis in locum eius superueniente. Deinde, quod caput est, celo satis dense pluente, inusitatum est, Solem tam vberes radiorum fasces per longam stillicidiorum aciem transuerberare, qui sufficiant ad colorandam tam propinquam oculo spectatoris Iridem. Idem enim hic, quod in nebula ambulantibus ferè evenit. Spatium circà decem aut quindecim passuum, quasi sereno pellucet, sed paullum ultra omnia caligo sepelit. id est, etsi tanta in vicino caligo sit, oculus tamen id non sentit; quia opacitas quæ sustineat & terminet visum non statim ex minimâ distantia occurrit, cum lumen à proximâ caliginis exhalatione in oculos refluxum, sic diluat quæ vnà reflectuntur umbras, vt non valeant distinctè, & quantum necesse est ad sensum, in fundo oculi depingi. ex dissito verò, malignè & tenuiter lux redit, & tenebrarum siue opacitatis claram mixturam in oculos perfert. Ita ergo similiter, in valde propinquo non satis sæpenumero opacitatis & simul luminis est, vt ibi incendatur Iris. Nam (quod frequentius, & ferè solet) aut radius sufficientem illic ante oculos nostros opacitatem non inuenit, aut si est, ipsa lumen suffocat & extinguit, vt iam vires ad inaurandum arcum non habeat. Rem ita habere, mentior, nisi Iris artificialis manifestè adfirmet. Non enim dicitur artificialis, quasi non à causâ naturali, & Sole generetur, sed quia vomitu & roratione oris, aut alio artificio humor Soli Iride depingendus exponitur. Hæc autem Iris, quia in ardentes Solis radios opacus humor guttatim dispergitur, ob oculos nostros, vnius aut alterius pedis intervallo nascitur. Id autem etiam posset, etiam si e nubibus in ra-

dios

dios destillarent, non ote guttæ vomerentur. Quid enim in illum effectum refert, vnde veniant?

Dico Secundò: In Iride refractâ nulla omnino necessitas statuendi centrum Solis, oculi, Iridis, in eodem axe, siue lineâ rectâ. Id veritatis in Iridibus refractis artificialibus compertissimum est. ex omni enim situ, supero, infero, opposito, transuersali, & ab oculo extra vtrumque cornu constituto cernuntur. nec mirum, quia visio talis catoptrica & specularis non est, sed directâ, quali spectantur imagines in tabulâ depictæ. Omnes igitur illæ Irides Artic. primo memoratæ, quæ ad latus Solis, aut alibi ab oculo longè extra lineâ à centro Solis in centrum arcûseductam collocato, aut cornibus sursum inuertis, visæ sunt, refractæ planissimè, non ordinariæ, reflexæ, & Aristotelicæ fuerunt. Ad harum autem generationem duæ nubes necessariae sunt: vna prior, in cuius vapore continuo, aut guttatim sparso (vtrolibet enim modo contexta sit, est indifferens) radij incidètes refringantur, & colorè arripiant, altera posterior, & nigrior, quæ sit veluti paries, in quo radij priori nube elapsi pingantur. Vtilis etiam fuerit tertia nubes, quæ parietem illum inumbret, quod monuit Keplerus: nam nimius circumcirsâ Solis splendor picturam, consumptâ omni umbrarum nigredine, facillè digeretur in sincerum candorem. Prima deinde nubes, altior, aut ad latus esse debet, siue non interponi inter picturam & adspèctum nostrum, sic enim interpellaret oculi aciem. Rotundam denique, aut propè, esse oportet. quia aliàs radius per eam traiectus, in pariete posteriori non circularetur, sed tenderetur rectus, aut (quod solemnius est) in alia quâdam maculosa schemata torqueretur. Sæpè etiam quod hic aut ibi circulo exetras, è longinquo tamen apparet circulare, spatio errores corrigente. Hoc denique adiiciendum, Irides refractas aliquando integrum circulum supra horizontem ostendere. Patet id ex Iridibus Cardani & Vitellonis, Articulo primo narratis.

ARTICVLVS V.

An Iris videri possit maior semicirculari.

DE Iride reflexâ & vulgari, quæ per antonomasiam Iris, est hæc Aristot. dubitatio. Aristoteles & Optici consensu demonstrant, Iridem talem maximam formari Sole Finitorem ortuum aut occiduum contingente. tunc etiam esse semicircularem: quia axis Iri-

Vitell.

l. 10. th. 74.

dis, siue linea recta à centro Solis per centrum Iridis ducta, in plano horizontis iacet, & tam Iridis quam Solis illa centra supra horizontem conspicua sunt. apparen- te verò circuli centro, & Finitorem tangente, necesse est totum semicirculum vnum eminere, altero suppresso infra Finitorem. *Tunc igitur semicirculus Iridis videtur,* inquit Vitello: *nisi forte tanto minus, quantum est differentia propter hoc, quòd centrum visus non est verum centrum vniuersi. In hoc autem non est sensibilis differentia. & si sit, non est in generatione Iridis, sed in visione ipsius.* Quæ mihi non videntur satis circumspèctè asser- ta. Nam & oculus circumferentiam Iridis & altitudinem finit ac determinat (à vapore enim superiori, Iridis absidi circumfusio, & altiori quàm sit semidiameter arcus, fit etiam, sed quæ post spec- tarorem cadat, reflexio) & si Iridis, quam semicircularem adspici- mus, circulus infernè clauderetur, longè abest vt interciperet in mediâ suâ arcû, terræ & vniuersi centrum. Semidiameter enim, quam infra terræ superficiem demersam imaginamur, nequit esse maior alterâ nobis conspicuâ. hæc tamen vltra nubes non rendi- tur, imò in aterrimis illis & humore multo grauidis, quæ vix vltra 500. passus à terrâ distant, plerumque finitur. Totidem ergo solum passibus occulta altera semidiameter in terram conderetur, cum hinc tamen ad vniuersi centrum non sit breuius quàm 860. millia- rium German. intervallum.

Vnde iam facile intelliguntur extra oleas nimis longè abire, qui docent, Iridem cuius semicirculum videmus, perfectè circulan- dam esse, si apud Antipodas nubes torida contra eam quam Iride fulgentem cernimus, disponatur. Supponunt enim in imaginatio- nis suæ fundo, centrum Iridis terræ centro respondere, ac totum terrestrem globum Iride sic circumligari, vt ille traici valeat per huius aream & circulum. In quâ tamen etiam allucinatione, Opti- corum non pauci esse videntur. Sed errorem deprehendes, si cogi- tas tantò maiorem esse globi terreni quàm Iridis diametrum; faci- liusque fore, camelum per foramen acûs extrahere, quàm terram per Iridis vnus, etiam amplissima, circulum.

Verum tamen est, cêtro Solis ad Finitoris limbum depresso, Iri- dem semicircularem apparere (nisi montes, aut alia in superficie telluris protuberantia imis cornibus aliquid demordeant,) sed non mediûm vniquam est circuli maioris, qui terræ globum secet in duo hemisphæria æqualia. Ratio autem cur semicirculum totum adspiciamus, optima ab Aristotele asseritur: quia axis qui per cêtra Solis

Aristot.

Solis & Iridis transit, vtrumque incumbit horizonti. ergo etiam centrum Iridis est in ipso horizonte, ac consequenter horizon semicirculum abscondit à circulo per eius centrum.

Sed potestne quandoque semicirculo maior apparere? Affirmat Cardanus. Scaliger os ei batuit, suo more; sed iniuriâ, vt sepe. Cardan.
Scalig.
Auctt. Auerroës enim lib. 3. Meteor. audiuisse se à fido teste, Iridem penè circularem aliquando visam, narrat: nisi tamen refracta illa, non vulgaris & reflexa fuit. Ex monte tamen altissimo talem apparituram, Thimon (quo nullus inter veteres illos & siccos Paritienses Thimoa. Nominales in re naturæ consultior) Maurolycus, aliique præter Maurolycum Cardanum asseuerant. *Possibile est, ait Maurolycus, Iridem integram apparere, si quis supra horizontem tantum exaltaretur, vt alter semicirculus supra horizontem existeret. Si quis ergo in cacumine montis, aut turris excelsæ, aut arboris existeret, ex Iride plusquam semicirculum videret.* Mons tamen maioris crassitudinis esse non debet, quàm sit Iridis diameter, siue linea intensa ab vno cornu ad alterum: nam aliàs obstarèt radiis circulantibus Iridis gyrum. Turris igitur, aut leopulus altus, cuius basis, Iridis brachia non impleat, ad id experimentum maximè idoneus. Bellè Thimon: *Si oculi hominum possent eleuari, sicuti oculi anium (vt gruum, ardearum, aut alaudarum) viderent secundum circumferentiam Iridem completam & rotundam.* Id ergo fiet, si auis volatu superet Iridis semidiameter, & aliquis superior in mediâ regione nubium ordo sit, qui excipiat supremum Iridis semicirculum. inferior enim in infimâ regione, & in toto spatio vbi è plano nostras Irides cernimus, inuerso tamen situ, & gibbo terræ innitente, depingetur. Cur enim non fiat? Nam tota vaporum sphaera, quæ hinc, vt Libro primo finiuimus, ad quartum à terrâ milliare Italic. sursum tenditur, æquat aut superat profunditate integram Iridis diametrum. Statue igitur medio hoc interuallo defixum oculum, in centro Iridis esse poterit, cuius vna semidiameter ad duo sursum milliaria, & altera totidem deorsum poterit extendi. sed nulla credo ferè vñquam semidiameter Iridis tam alta à quoquam est conspecta. Igitur Iris, illa circulus in aëre pendulus erit, terræ nondum contiguo infimo arcu.

Tota autem in hoc consumi videtur difficultas, An à vapore inferiori, radij ad oculum & centrum circuli perinde & æqualibus angulis, ac à superiori, reflecti valeant. Quod possunt. Nam id Iride artificiali egregiè probatur, quæ toto circulo se circumducit, nisi corporis umbra alicubi frangat eius ambitum. Tota enim ratio,

cur Irides illæ nubium gyrum non impleant, videtur in magnitudine esse. Nam quia conus sub quo videtur, ingens est, & circumferentia spatiofissimè se decircinat, non potest tota supra horizontem eminere, sed superficies terræ occurrens partem necessariò defringit, aut (vti magis concipere solemus) laurit & absorbet. Ex cetera quippe altitudine vaporis, & pari ferè in orbem angulo, reflecti ad oculum in centro circuli adspicientem radius debet: vnde ad cernendum plenum circulum, tantum vaporis infra oculum esse oporteat, quanta est Iridis superior illa, & in superficie terræ erecta semidiameter. Vnde, quia Iris artificialis modicæ diametri est, sit infra oculum humoris apprehendere potest, vt in eo pro altero semicirculo spatium inueniat.

Sed ecce, quid iam etiam in mentem venit: Iridem aliquam propinquā etiam è plano posse segmentū semicirculo maius ostendere. Id intelliges, si imagineris Iridem artificialem perpetuò ampliari & ab oculo tuo recedere. Post aliquā tūlam enim distantiam, inferioris arcūs gibbus ad terræ contactum descendet: vbi scilicet semidiameter altitudinem eleuationis oculi à superficie terræ adæquauerit. postea verò si vndique laxare circulum, & longius aufugere pèrgat, particulam circuli infimam terra deteret, exstabitque interim supra horizontem ambitus circularis paullo minùs integer. Sed insolentes sunt eiusmodi Irides tam vicinæ, quæ insigni coloratione conuertant visum. Nam & delissimam guttarum adspersionem, & fortissimā vnā (quæ rarò concurrunt) Solis requirunt irradiationē.

Anstot.

Cū igitur Aristoteles negat Iridem adspici ampliorem semicirculari, ad minutias istas non circumspexit: sed Iridem dumtaxat, quæ è plano, & plenā ac vulgari distantia conspicitur, habuit in oculis. Hanc etiam excusationem Vitello recipere potest. Quamquam, vt de Aristotele suspicionem meam nudem, nescio an eius sint, quæ tam profusè & mathematicè nobis admittitur de Iride. Prolixitas enim illa, præsertim in figuris illis mathematicis, non ei solemnibus: & inclino, imò panè (nec solus) labor, vt è Mathematico aliquo veteri, verbatim etiam fortè, huc transcripta existimem. & cumulat suspicionem, quodd difficillimam & impeditissimam viam ingressus, omnia per radios ab oculis in nubem emicantes, & sæpè frustra, conatur expedire: cū sententia eius de radiis lucis & colorum, quæ etiam tunc plurimum aliorum erat, per planiora & procliue potuerit eum ducere. Scio tamen quid reponi possit & soleat, sed me non implet.

ARTI-

ARTICVLVS VI.

De Iridis altitudine.

Cardanus lib. 4 Subtil. docet, Irides, virgas, paretios, intra 772. passuum millia à terrâ posse generari: hac ratione, quod summi vapores tam altè in cælum subeant. imbres tamen affirmat è propinquiore decidere. Sed neque hypothesis vera est (nam suppremi terræ fumi vix, nisi fortasse raro aliquo euentu, vltra 52. passuum millia scandunt, & Nonius etiam ad 43. minuit;) & ex eâ mendosè Iridis altitudinem colligit. Nam excelsissimi illi vapores, qui crepusculo primi manè, vltimò vesperi purpurantur, aequi non sunt, nec guttati, in quibus tinctura Iridum possit hære, sed terrestres quædam & reterridæ exhalationes. Itaque summa flexura arcûs non vltra proximas & imbrium secundas nubes,

Quâ parte debacchantur ignes,

Horat. J. J.
Od. 3.

Quâ nebula, plunijq; rores,

exit. in torido enim, non arido, vult depingi. Itaque maximæ Iridis, quales ortiuo aut occiduo Solis radio deformantur, semidiameter, veteri Opticorum sententiâ, est 42. graduum, id est, totidem cæli gradibus videtur subendi. Keplerus tamen & Maurolycus Keplerus. Maurolycus ad 45. paulominus extendunt. vt scilicet reflexio sit anguli semirecti, & ex medio inter horizontem & Meridianum intervallo: quarta enim pars cæli, quæ à culmine ad horizontem decurrit, amplectitur 90. gradus. igitur octaua, quæ est altitudo semidiametri Iridis, capiet 45. gradus, aut aliquantò minus, vt instrumentis repertum asserit Maurolycus: quem defectum longitudini guttarum imputat. aliàs si circumcisæ orbiculares forent, non dubitat quin angulus reflexionis, semirectus omnino esset, & Iridis semidiameter ad quintum & quadragesimum altitudinis gradum perueniret. Hæc verò de primariâ Iride, quæ proximè radiis Solis è fundo nubis reciprocantibus efflorescit, non de secundariâ, quæ reflexione primæ, inuersis coloribus, in vapore superiori resultat, accipienda. hæc enim, cum inferiorem concentricam, nec minimò intervallo, ambiat, semidiametrum longiorem necessariò habet.

Sed quid est, quod Aristoteles inculcat, Iridem semicircularem, Aristot. partem & segmentum esse circuli minoris, minorem verò semicirculari, segmentum maioris circuli? Nempe quod Vitello lib. 10. Vitell. ch. 78. affirmat: Si Iridis, quam semicircularem humili ad horizon-

tem Sole videmus, arcus ille maximus, in circulum totum circum-
scribatur, hic minor est futurus, quàm circulus ex segmento parvæ
& summissæ Iridis, quæ apparet alto supra horizontem Sole, cir-
cumductus. Ratio est, quia manè exoriente, aut vesperti cadente
Sole, fit Iris illa amplissima & semicircularis, cum scilicet aër & va-
pores nocturno frigore adhuc densati, vel relabente primo sub no-
ctæ rore, quos dies laxauerat, comprimi denuò & redire ad coagu-
lum incipiunt. Igitur tunc pyramis illuminationis est brevior, siue
radij à Sole in aërem & vaporem ultra visum nostrum coniecti, ci-
tus densitate medij hebetati deficiunt, & è viciniori ad oculum
reflektuntur. eleuato autem supra horizontem Sole, & fusis calore
vaporibus, & extenuato aëre, pyramis illuminationis est longior,
seriusque in aëre & humore rariori offendunt radij, & à magis dis-
tito vapore recurrunt ad spectantem. Quæ doctrina Vitellonis
impressè adfirmat, quæ Articulo proximo diserebamus de Iridis
magnitudine. Frustraque Thimon brachia contra suum Vitulo-
nem (ita enim passim barbatus illius aut Scriptores appellant Vitel-
lonem) iactat, contendens in medio densiori diduci & latius dis-
fundi Iridis circulum. Sed fallitur. nam quantò in propinquiori
hærent colores, tantò ambitus cernitur angustior. ideo enim Iri-
des artificiales tam breues diametros habent.

Thimou
l. j. q. 14.

Hinc etiam facile colligis, Sole etiam ex eadem altitudine aut
humilitate vaporem irradiante, non omnes necessariò Irides esse
portiones æqualis circuli. Nam plurimæ causæ sunt, quæ vapores
densare aut relaxare valent, Iridique ab oculo distantiam variare,
euidenti Iridis illius nostræ Louanienfis argumento. Isto etiam;
quòd aliquando duæ simul, non permutato colorum ordine, Iri-
des visæ, ut infra referemus ex Vitellone. Igitur vtræque primaria
fuit: ac ita supèrior esse sola potuit, & contra, inferior sine comite
superiore. Non ergo vna semper & constans est amplitudo Iridis,
Sole eundem cal gradum transuolante.

Hoc deinde non negligendum: Irides minores & ad horizon-
tem depressas, aliquantulà refractione per vapores densiores & su-
perficiei terræ circumfusus dilatari, ideoque segmentum circuli
maioris apparere: sic enim duo sidèra, v.g. Geminos, cum primum
supra horizontem emergerent, sextuplo longius à se distita, quàm
vbi Meridianum attingerent, sæpè adspexi. Verùm, paruum inter Iri-
dem & oculum nostrum aëris torulenti intervallum, vix, opifhor,
refractionem efficit sensibilem. Aliam etiam causam muginatus
nobis

nobis est Cardanus lib. 4. Subtil. *Cur, inquit, dum Iris modica est, & Cardan.*
parum à Finitore eleuatur, cò maioris circuli pars esse videtur? Causa
est, quòd oculus magis distare Iridem, quò humilior est, indicat, quo-
nam distantiam intelligit. vnde latiore etiam existimat, velut et-
iam dixi de Sole & Luna orientibus. Sed non hæc princeps causa,
 cur Sol & Luna discos suos ita diffundant in ortu: sed quia reuerà
 sub angulo maiori refractè adspiciuntur. Fieri tamen potest, vt in-
 tellectus imaginatus supremum Iridis gibbum longius abesse,
 quando humilis est, & pæne terram tangit, arguat per mentis dis-
 cursum, maiorem, & latius crura diuicicare, etiam si forte oculus
 non cernat angulo ampliori. Quod enim æquale alteri apparet, si
 tamen distare magis existimetur, intellectus statim illo maius esse
 facile coniectabit. Curuaturam autem arcus longinquiore esse
 iuxta horizontem oculus diiudicat, quia plura in superficie terræ,
 inter se & supremum illum flexum ad terram ferè depressum, in-
 teriecta videt, quàm vbi arduus valdè est, & altè eleuatus supra
 horizontem. Cum enim aër totus inter ipsum & oculum medius
 pelluceat, nihil per integrum illud spatium visus cernit, vnde meti-
 ri distantiam intellectus possit.

Sed hic etiam scrupulus, ante abitur, debet eximi. Diximus ini-
 tio, semidiametrum & altitudinem semicircularis & laxissimæ Iri-
 dis, in primis illis & imbre tumentibus nubibus plerumque finiri.
 Sed ecce diameter, quæ inter vtrumque cornu in superficie terræ
 intenditur, id procul refellit. distant enim sæpè cornua toto mil-
 liari Belgico, siue trecentis passuum Geometricorum millibus. er-
 go semidiameter 1500. passuum est: & tamen spatium hinc ad pro-
 ximam nubium stationem Libro primo quingentis passibus defi-
 niuimus.

Respondeo, diametrum Iridis rarè videri Belgici horarij millia-
 ris. Par enim circiter plerumque, aut pauldò maior est, quàm oculi
 & Iridis interuallum: hoc autem, plurimùm, non longè excurrit
 vltra dimidium milliare Belgicum, imò Thimoni, *parui medij mil-* Thimon.
liarij, asserere satis fuit. & Gallicum, credo (scripsit enim Parisiis,) *Thimon.*
 quod aliquantò Belgico breuius, intelligit. Cur autem distantiam
 ab oculo, & diametrum Iridis, seu spatium cui crura eius varicūs
 insunt, congruere ferè putem, facile capies, imaginando Iridem
 artificialem continuo recessu cornua sua, seu crura vocare mauis,
 diducere, & in naturalem (sic iam appello vulgarem & famosam,
 quam distinguimus ab artificiali) abire. Nam pro modo elonga-
 tionis

tionis ab oculo, diameter & crurum varicatio crescit. Igitur Iridis amplissima & semicircularis semidiameter in nubes surrecta, quadrantem milliaria, id est 750. passus implebit. unde si tantus arcus perpendiculari statu horizontis plano insideat, caput intra primam nubem (si 500. solum passibus à terrâ dispernitur) ad 250. passus absconderet. Et sine dubio potest, quia media regio, in quâ totâ coalescunt, & in pluuios rores densantur vapores, vix finitur intra 4000. passuum altitudinis. Verum necesse non est, Iridem atque in mediam regionem penetrare: quia semidiameter eius non est plerumque directè, & lineâ ad centrum terræ perpendiculari, erecta in cælum, sed summa eius pars oculo annuit, & in spectatorem inclinat, ne summus arcus multò longius à nobis recedat, quàm infima crura. quod haud dubiè eueniret, si recto angulo semidiameter staret in plano horizontis: veluti apex turris, quæ ante nos est, longius se ab oculo nostro, quàm infima eius basis, auertit. Itaque Iridis culmen in aërem etiam infimæ regionis sæpè se summittit, & atra illa nubes, in quâ hæere putamus, retrò est. pars enim illa Iridis tam ibi sustineri ab aëre rorifluo, quàm brachia quæ ad terram ipsam per infimam regionem demittuntur, potest.

ARTICVLVS VII.

Causa maculosa colorationis Iridis. Aduersus Albertum, Scaligerum, Cardanum, Maurolycum, Vicomercatum, & alios.

TRes, aut summum quatuor, principales colores videri solemne est in Iride. & hyperbole vsus hic Poëta:

Nille trahit varios aduerso Sole colores.

Virgil.

Aristot.

Primus in supremâ abside arcûs Aristoteli est *φονίμα* ☉ *punicus*, secundus in mediâ *ερσινος πορρακός* seu *viridis*, tertius *ἀλουργός* *purpureus*. Inter puniceum tamen & viridem *ζαρκός* *flavus*, quasi utriusque commissura, intercurrit.

Albert.
Laurent.
Scalig.

Albertus, & antiqui Laurentiani Colonienfes, Albertistæ, lib. 3. Met. Scaliger Exercit. 80. num. 4. varietatem colorum discrimini vaporum tribuunt, in quibus pinguntur diuersi arcus Iridis. *Non ab oculo*, inquit Scaliger, *sed à luce ac materiâ fiunt in Iride colores. Primus ex luce & terrestri; idcirco caruleus (aut purpureus) nigritæ propior: secundus leniore materiâ, quippe aquæ; atque idè viridus: tertius flavus, aëris lucidi refert similitudinem; ignem quartus, rutilantior.* Hoc igitur vult: vaporem, quod humilior & propius ter-

ram

ram dependet, hoc terrestrem magis & sterulentiozem esse, ideoque radium malignius in eo, vt crasso & turbido, lucere. Numquam aliàs vidi clariùs, quàm in præcipiti & prope lapsum Physica sit, nisi rudi saltem aliquà Mathematicarum cognitione sustentetur. Non enim valdè sudandum, vt resellantur.

Primò: quia brachia terræ attigua, nullà colorum diuersitate maculosa, sed vnitate purpureà apparerent. vapor enim in quo puniceus arcus figuratur, non est elatior à terrà, quàm interior qui bibit purpuram.

Secundò: Incredibile est, tam angusto interuallo, in tantum temper vaporis crassamentum & opacitatem variari: & quidem æquali, in omni fere Iride, spatio. Cum enim humor, nunc ad 20. nunc ad 30. aut 50. passus, patem crassitudinem habeat; quare in totà hac intercapedine coloris similitudinem toties euariat? dispositio enim materiæ eadem, iuncturæ etiam efficere debet vnitatem.

Tertiò: In Iride etiam artificiali, quæ remorum aut oris adspersione nascitur, varietas colorum perinde visitur: vapore tamen toto aqueo, & vniufmodi quaquauersum densitate.

Cardanus lib. 4. Subtil. Thimon lib. 3. q. 15. Meteor. putant, puniceum à radio solari fortissimo, quia pars illa nubis altissima & vicinissima cælo est, colorari. deinde paulatim per viridem, in purpureum languescere. Sed non difficili iterùm refutatione. Nam cum Sol ad limitem horizontis est, non est propinquior vni parti arcus quàm alteri. Deinde, solus Iridis gibbus, qui cælo magis admotus, puniceo tingetur, cornibus purpurascens, aut nigrore tantum infectis. Hi tamen Auctores in veram sententiam deduci possunt, si ex diuersà nubis profunditate radios censeant redire in superficiem; quod parebit in fine.

Tertio loco exeat doctissimus Mathematicus, Franciscus Maurolycus, in erudito Libello de Lumine & vmbra, theor. 29. qui ingeniosè fingit, radios à parte inferiori Solis emicantes, in nubem superiorem, à parte verò superiori, in inferiorem impingere. ita videlicet, vt ante nubis superficiem radij illi se decussent, & vni in arcu superiori, alij in inferiori depingantur. Sic hominis foris stantis, si per angustum foramen, in cubiculum obscuratum species admittatur, imagines capitis & pedis in foramine decussatæ, diuersæ, caput deorsum, pes sursum abibunt; & tali situ inuerso, opposito parieti se allinent. Radij autem qui à centro Solis & circà, inquit Maurolycus, exeunt, in mediam nubis superficiem cuiibrantur. Ex

quo deducit, plures in superiorem & inferiorem Iridis arcum à Sole radios iaci, quàm in medium. Nam à mediâ & centrali parte Solis radij quidam in arcus etiam illos extremos diriguntur (puncta enim omnia faciei Solis vndique lineis rectis in orbem, vbi non offendent in opacum, radiant,) & insuper, quia superficies Solis rotunda est & protuberat, aliqui à summo & imo gibbo globi in nubem inferiorem, vbi purpureus est arcus, & in superiorem, vbi puniceus, promicant, qui tamen ad medium arcum peruenire nequeunt, tumore sphaericæ illius faciei prohibiti, & inde auersi. Hinc igitur, inquit, supremus arcus puniceo fulget, quia plures radij partem illam vaporis incidunt, & inde ad oculum reflectuntur. medius magis sobriè lucem bibit, ideoque declinat in virorem. infimus, etsi tot radios quot supremus absorbeat, tamen quia angustior est, arctius eos densat, & adstringit in quamdam nigredinem. & hinc purpurascit, non puniceat limbus iste inferior.

Verùm, etiam si priores duo colores tolerari utcumque fortasse possint, vltimus tamen à me non potest. Si enim tam densus radiorum fascis in infimum arcum, atque in supremum iacitur, nulla est causa, cur non parem etiam lucis ardorem ostendant. Nec refert, inferiorem, angustiorum gyrum habere. quin imò hoc potius afferet, ut puniceus magis & miniator appareat. In angustis namque ardentius flagrant, & se inuicem incendunt radij.

Quartus in proscenium veniat Franciscus Vicomercatus, quem libenter Louanienses plerique, cum Eruditissimo suo Beuero sectantur. Is radios solares quadruplici ordine disponit. Aliqui perpendicularem, qui centro Solis in centrum nubis directe exit, proximè circumstant. Hi validissimi sunt, & nubem sine reflexione penetrant. Alter ordo, & corona radiorum, longius paulò recessit à perpendiculari, ideoque viribus infra priores est, suppar tamen, & licet redeat ad oculum, altè tamen nubem antè penetrat: vnde purpureus reuertitur, & onustus multitudine umbrarum. Hic ergo vides infimum Iridis arcum. Tertius ordo, secundo iterum debilior, quia minùs profundè se insinuat, viridis reflectitur. hic etenim color, parcius nigro, & mixturâ tenebrarum, quàm purpureus, se infuscat. Quartus ordo in supremam & puniceam absidem cadit, omnium inualidissimus, quia longissime à perpendiculari & axe illuminationis se auertit. & hinc in summâ quodammodò vaporis cute deficit, ibique hæret, & eam allambit, ac faciem tantùm, non penetralia illustrat. Sed id semper mihi creditu difficile visum.

Primò: Quia in tantulâ distantia purpurei coloris à puniceo, non video, quid ita statim ordines illos radiorum debilitet.

Secundò: Singulæ guttæ in totâ areâ nubis, quia totidem specula à se diuisa sunt, radium suum perpendicularem, non integra nubes vnicum, habent.

Tertiò: Totum spatium inter brachia Iridis, vbi nullum cernis colorem, omnibus tamen arcuum coloribus est plenum. Si enim ad alterum brachium accedas, alterum per mediam illam aream te sequetur à tergo. id est, nouum perpetuò brachium adspicies in aliâ & aliâ spatij illius parte, quod antea videbatur tibi coloribus vacuum. Signa igitur quodcumque voles in nube mihi punctum, quâ penetrat radius ille quem vocas perpendicularem, negasque reperi ad oculum, ostendam ibi ab aliquo, qui totâ semidiametro Iridis à latere meo aberit (id est, qui directè contra brachium Iridis adspiciet) in illo medio & centrali intervallo vniuersos colores videri. Iris enim eius meam interfecabit, brachiumque alterum per mediam aream & centrum meæ dependebit. Aut nihil hîc intelligo, aut hæc experientia sententiam istam Vicomercati funditus euerit.

Itaque omnino, vel propius verum est; Colores omnes ab eodem radiorum ordine, sed ex diuersâ nubis profunditate redeuntium, generari. Vbi ergo radij nubem primam ingrediuntur, color ardentissimus & puniceus est: & simili tincturâ tota nubes & vaporis superficies, quò radij pyramidis illuminationis (siue longius siue propius absint à perpendiculari) veniunt, perfunditur. sed non ex quauis distantia, vt satis antè inculcatum, reflexio peruenire potest ad spectantis oculum. Vbi radius idem pauldò altius penetrauit, debilitatur, & per inferiorem (sic enim angulus reflexionis flagitat) nubis superficiem, multâ opacitate & vmbri guttarum implicatus redit versus oculum. Tertiò, longius iterum adactus in vaporis profundum, tenuiori adhuc & fuscâ luce, purpureus siue violaceus emergit, per interiorem & infimam arcus curuaturam. A longinquiori vaporis parte fit etiam reflexio (imò, quod mireris, si accedas, puniceum ibi videre poteris colorem:) sed ante pedes nostros in terræ superficiem cadit, non attollitur vsque in oculum. Si tamen progrediare, radium illum iam excipies, & inde spectabis nouam Iridem. Et hæc videtur etiam fuisse sententia Vitellonis lib. 10. th. 67. (cui sæpè euariet, & hanc aut illam viam pro vsu demonstrationis ineat:) quâ per longas meditationes se formasse ait.

Hinc etiam concludetur, non solum primam nubis superficiem & vaporis, à summo usque ad terram, sed totam etiam profunditatem, vniuersos omnium arcuum Iridis colores habere. Nam aut incedendo, aut recedendo, aut in latus abscedendo, omnes in qualibet vaporis parte ac guttâ cernere ex certâ distantia valebis. Si vniuersum ubique confusi sint, inquires, quomodo tam distinctè videmus? Quia, inquam, quidam è viciniori reflectuntur, & per minus opaci incedentes, rubicundi solum & puniceus reuertuntur ad spectantem. alij in longius penetrantes, ut antè à nobis explicatum, magis impediti & vmbis adstricti, virides aut purpurei regrediuntur. Colores enim omnes illi non veri (quod credidit Albertus;) sed apparentes solum (si vulgares & fixos colores specie à luce distinguimus, quod in Libros de Anima referuamus,) luminis & vmbiarum miscelâ progeniti. Non insuper hic habeo tamen Eruditissimi VVendelini nostri suspicionem: Colores scilicet Iridis, esse tales in ipso Sole. Verum, Lunam, faces, & candelas simili colore maculatas esse oporteret, quarum aliquando Irides ad modum Solarium colorantur. Astra etiam Borbonia subeuntia Solem, Iridum colores perturbarent.

Albert.

ARTICVLVS VIII.

Quis numerus colorum in Iride.

Maurol.

MAUROLYCUS quatuor principales appingit: Croceum siue puniceum, viridem, caruleum, & purpureum. tres deinde alios secundarios, qui veluti ferruginant & committunt inter se principales. Omnes enim quâ se proximè contingunt, limbo quodam magis florido, saltem ab oculatissimis, cernuntur.

*Transitus ipse etenim spectantia lumina fallit.**Vsq; adeo quod tangit idem est, tamen vltima distat:*

ait Poëta vetus. Sic Olympiodorus refert à Ptolemæo septem colorum Iridem aliquando visam. Verum limbi illi & commissuræ, præter flauam, tamquam angustæ nec valdè insignes ab Aristotele neglectæ fuerunt: facitque Iridem, & cum ipso alij passim, quadricoloram tantum; præter puniceum, viridem, & purpureum, immisso inter puniceum & viridem flauo. Putant verò puniceum comparatione vicini viridis, tamquam nigrioris, in flauum, quâ parte eum contingit, expalescere. id est, flauum ibi reverà nullum esse, sed tantum apparere: eâ ratione, quâ vulgare axioma habet,

Op-

Opposita iuxta se posita magis elucescere. flauus autem vberior-
rem aliquanto lucis mixturam, quàm puniceus, aut certè opaci mi-
nus habet. Ex istâ etiam nigri compositione docet Aristoteles, Aristot.
aterrimâ nube Iridem coloratissimam effulgere, Iridis Lunaris co-
lores tenebris nocturnis candescere, Phrygiones qui geminas in-
texunt, splendidas, vt acrius radiant, obscurioribus committere.
Hæc non refuto: possunt tamen in rixam trahi. Nam si oculum
ita cõponas, vt occultato viridi, solum puniceum adspicias, videbis
tamen inferiorem eius limbum in flauum dissolui; nec tamẽ com-
paratione nigrioris viridis, quem non vides. Igitur de aliâ causâ
paullisper muginatus, hoc tantum reperi: Radios puniceos viren-
tibus in confinio commisceri; siue à puniceis illis, & multo veluti
minio saturatis guttis, aliquid in proximam & radiis viridibus per-
uiam viam aspergi. flauus enim color ex albo & viridi est mixtus,
vt apud Agell. lib. 2. cap. 26. differunt Fronto & Phauorinus. Et Agell.
difficulter, credo equidem, probabilior causâ afferetur, cur in Iri-
dibus artificialibus vinali vitro aquâ pleno refractis, videntur et-
iam & puniceum intercurrat flauus; quàm quia, inquam, flammei
illius vicinitas proximum virorem diluit. Nec tantum, quòd sic
appareat, sed quia reuerà facit.

Hoc etiam notauit Aristoteles: totum aliquando puniceum, et-
iam in summâ abside, laxante se nubis opacitate, & rarefcentibus
in sublimi guttis, deciduo omni ferè imbre, in pallore quemdam
flauescere. opacitas enim dissoluta, aut diducta, nigrum quodam-
modò euanescere sinit, quod adstringebat in puniceo. Quæres, an
colores, viridis & purpureus, reuerà sint in aliquo gyro nubis infe-
riori, & viciniore centro terræ, quàm puniceus. Existimo, princi-
pium reflexionis virentium & purpurascantium radiorum (dixi
Articulo præcedenti) non esse infra absidem puniceam, sed è pro-
fundiori solum emergere. apparet tamen summissi, vt nubes cir-
ca horizontem; quæ æquali tamen à terrâ spatio distant, cum iis
quæ vertici nostro impendent. sic etiam longi tabulati extremum,
propinquius pavimento videtur, etiam si totum sit ei parallelum.
Credo tamen, radios virides & purpureos non solum in remotissi-
mo illo reflexionis loco adspici, sed etiam in toto spatio medio, quâ
per obstantes guttarum umbras eluantur, & directè in oculum
veniunt: nam ibi præcipuè colorantur; & idèd plus nigri contrahi-
tur à purpureo, quàm viridi, quia per longiores tenebras, & sæpius
stillicidiis occurrentibus, hebetatus enititur.

Sed quare tres soli colores principales sunt? Quia res alibi maximè, numero serè ternario clauduntur, inquit Aristoteles: Thimon, omnem aliam causam frustra queri, prater rei naturam. Cur, ait, equus equum generat, & non elephantem? Puniceus, inquam, aliquantà nigredine intemperatà statim transit in virorem, hic illicò in purpuram.

ARTICVLVS IX.

*Modus generationis secundæ Iridis, Alberti, Scaligeri,
Vicomercati reijcitur.*

Snell.
Bodino.

IRIS sæpè duplex, rarè triplex. Snellius tamen in Cometà anni 1618. *quinque, imò sex continuo ordine parallelas*, ait aliquando se vidisse. Bodinus septemplitem apparere, nec vltà posse, affirmat: quia reflecti idem radius, nisi à septem speculis, non valet, idq; arcano quodam numeri illius septenarij mysterio. Sed fundamentum imbecille est. & valdè mirabor, nisi radius solaris benè satur & robustus, à decem etiam speculis resillire, antequam evanescat, sit satis validus. Fateor tamen, tam inusitatam esse tertix Iridis reflexionem, vt Aristoteles negasse videatur vniquam euenisse. Nubes enim instar speculichalybei non est, quod à superficie statim radium integrum repercutit: sed lumen primò admittit & in profundum sorbet, ac deinde parte veluti extinctà, reliquum regerit; vt aqua etiam apud nos solet: in quà idè Solem, quàm in se, aut alio duriori speculo, innocentius adspicimus.

Vitell.
Thimono.

Notandum præterea, duas (etsi rarenter) Irides concentricas, siue quarum vna alteram vndique exanibit pari intervallo & spatiofiori gyro, visas fuisse, non variato colorum ordine. Id enim Vitello & Thimono narrat. *Quòd quandoque plures Irides eiusdem sitas*, ait Vitello lib. 10. th. 71. *in coloribus videntur, vna sub alià, vt primò rubeum, deinde viride, & deinde alurgum; & iterum rubeum, & iterum viride, & demum alurgum; hoc accidit propter diuersitatem materiae in diuersis superficiebus, quarum vna est ante aliam, & omnes accidunt sub vno angulo videri. vnde videntur quasi contigua.* Addit tamen, intervallum quandoque manifestum inter vtramque interijci, si contingat eas sub diuerso angulo spectari. Res tota breuiter ex principiis antè datis sic potest expediti.

Non omnis Iris formatur in vapore perinde alto; sed aliqua oculo propinquior & ambitus angustioris est, alia longinquior, & bra-

brachia latius pandit. quidni ergo aliquando talis vaporis dispositio esse, vt & in humili ob maiorem densitatem aut opacitatem, & in excello simul, repræsentari arcus, possit? Certè enim artificialem in adspersione, quando aliam in nubibus eodem colorum ordine, à diuerso radiorum ordine, sed eodem Sole depictam, videmus. Sed de secundâ illâ & satis solemni, superiori Iride, quæ inferioris concentricæ colores peruertit, grande inter Opticos aut Philosophos discidium.

Albertus pingui satis Mineruâ, rem hac imagine deformat. Summe, ait, tria vitra semicircularia, & ita inter se coniunge ac fertumina, vt supremum puniceo, medium viridi, infimum purpureo tinctum sit. expone iam Soli: triplices radij simili tincturâ infecti, totidem arcus, sed dilutionibus coloribus, in opposito pariete depingent. Sic ipse existimat, radios per primariam Iridem transeuntes figurare secundariam in superficie postpositæ atræ nubis. creditque se hoc, vt ait, infallibili argumento conficere: quòd secundus arcus subito quandoque euanescat, nullâ manifestâ, in nube illâ posticâ, mutatione; sed idèd solum, quia crassescente primæ Iridis vapore, comprimuntur radij, ne ad alteram nubem valeant effluere.

Sed non difficile est errorem nudare. Inprimis enim falsum ei supponit, Colores Iridis veros esse, & vitreis illis similes. Deinde, si id esset, secundariæ Iridis colores non forent inuersi: quod exemplum etiam vitrorum illorum ostendit. radij quippe multicoloria vitra penetrantes, simili serie parietem obuium depingunt. Denique, secundaria Iris, quia in profundiori & remotiori versus horizontem descripta, infra primariam apparebit. Contrâ tamen est, & secunda laxiori ambitu primam claudit. Loquere iam Iuli Scaliger. *Iridem secundam in eadem nube minimè fieri arbitror, sed in loco superiore separatâ: quamquam id oculo dignosci nequit, tum ob longinquitatem, tum ob corporum similitudinem. Duas item vidimus Irides in nubibus diuersis, alteram alterâ maiorem. quo ex indicio soluitur difficillima questio, qua tam diu torsit Alexandrum: cur media nubes, qua inter vtramque Iridem interiacet, non est punicea, sed nullius coloris inter puniceos circulos duos. ratio est, propterea quòd aer ibi, non nubes est.* Sic ergo iste cum ceteris, quos sequenti Articulo examinabimus, Iridem secundam perinde ac primam, immediato radiorum solarium resultu effici putat: ac ne continuentur, hiatus aliquem inter vtriusque Iridis nubes interfodit. Non fero iam qui tam altè supra Cardanum efferre solent Scaligerum. Plus eloquentiæ,

Albert

Scalig.

Exerc. 80.

tiz,

tia, & variæ doctæque supellestilis, fateor, fortasse habuit: sed in Mathematicis & aliis quibusdam, quanto cum intervallo reliquit Cardanus! Sed ad diuerticulum. Superioris nubis guttæ, doctissime Scaliger, in inferiore perpetuè depluentes vtramque iungent, clamat enim non vno loco Aristoteles, ne quidem momento stillicidia suspendi sine lapsu posse in aëre aquâ leuiori. Non æqualis etiam vndique secundariæ Iridis à primariâ intercapedo esset: sed laxior hinc, ibi cōpressior, pro latitudine & modo solis quæ vtramque nubem intercurrit. Dum etiam in summam curuaturam oculum defixum tenet, cornua iuxta terram non adspicit. hinc enim vapor vtrâque Iride pictus, æquè propinquus est, & superficiem eius tangit. Et alia deinde in Scaligerum cadent, quæ statim ceteris obuiemur. Sed quomodo secundæ Iridis colores transponat, videamus. *Radij, inquit, Solis duas inter nubes euadunt validiores. quare propinquiores partes attenuantur. eâ de causâ proportio ibi est ignis; supra eam, aëris; inde aqua: omnia secundum rationem densitatis.* In hoc tamen suo, ut ipse vocat, figmento, non valdè sibi placet: nec mihi certè valdè potest. Simile tamen aliquid Ammonius & Olympiodorus olim confinxerunt. Radium, inquam, perpendicularem inter vtramque nubem iaci, & intervallum istud idè rarefcere ac tenuari, summumque colorem infimæ Iridis & infimum summæ, tamquam ardentissimo radio proximos, maximiè flagrare. Verum, præter iam dicta in Scaligerum, quæ etiam hoc satis refellunt, loco non suo radium perpendicularem constituunt. is enim potius in vtriusque Iridis centro, quod ipsum Vicomercatus & alij passim deprimunt. Ac, ut semel dicam, Iris nostra Louanienfis Articulo primo narrata, omnia hæc frangit & disijcit figmenta. Secundaria enim pari cum primariâ passu ad nos incedebat, laterique se eius apprimebat, cum vicina esset, diducebatque deinde, laxato pederentim intervallo, cum recederet à nobis. Continuum igitur inter vtramque vapor, non puri aëris hiatus, fuit, qui accedentem aut abeuntem à principali, secundariam Iridem exciperet: resque tota ad specularem rationem, & variam inter oculum, speculum, & rem obiectam, distantiam & situm deduci debet.

Aristot.

Scalig.
Exercit.
eâdem.

Vicom.

Vicomercatus dubitat ferè tantum, ut sæpè solet, & in vtramque partem Problemata solum & interrogationes iacit. Nisi quoddam illi sedeat: Iridem secundam non generari reflexione primæ à superiori nube, sed reuerberatione radiorum solarium magis distantium à perpendiculari. Vtriusque igitur similis est ortus, nisi quoddam à lan-

à languidiori radio superior depingatur. Sed singulæ guttæ, etiam in altissimâ nube suos habent radios perpendiculares: nec tantulo inter vtramque nubem interuallo, tam manifestè radiorum illa viua in inferiori nube acrimonia, & plenitudo colorum decreescere valet. Deinde cur puniceus in imo secundæ Iridis arcu, qui summum primæ gyrum obtinet? Numquam hanc profectò colorum permutationem sententia ista explicabit, vt iam ostendam paulò diffusius.

ARTICVLVS X.

*Nec Maurolycus, aut M. Antonius, in secundariæ Iridis
explicatione satis placent.*

HI etiam ex reflexione radiorum proximè ab excelsiori vapore secundam Iridem formari acriter defendunt; probantque, quàm alij, enixius.

Contendit in primis Maurolycus, reflexionem secundæ Iridis esse ad quinque partes octauas vnus anguli recti, id est, ad semirectum cum vnâ octauâ parte: vnde angulus reflexionis eius est octauâ parte obtusior angulo reflexionis Iridis primariæ. hic enim iuxta Maurolycum est anguli semirecti. Vnde colligit, cum semidiameter seu altitudo primæ Iridis erit graduum 45. altitudinem secundæ futuram graduum 56½ & hinc Sole tantam altitudinem adeptus, nihil de secundariâ posse apparere. Elegit autem hanc reflexionem circa angulum semirectum & octauam vnus recti partem: quia talis valida est, acceditque ad validissimam illam anguli semirecti, quæ primariam & coloratissimam Iridem nobis concinnat. Aliud etiam est, inquit, quod secundariæ colores debilitat: magnitudo scilicet ipsius arcus. Radij enim intra maiorem illum gyrum disperguntur, & malignius nubem saturant: in minori, pleniores & magis constipati. Et hanc etiam putat causam inuersionis colorum. Nam quia, ait, secundariæ Iridis inferior ambitus est arctior, lux ibi compressa puniceo eum colore inflammat, quæ per superiores in viridem & purpureum se discingit.

Ingeniosè hæc, vt multa, Maurolycus; sed nimio fortè acumine à veritate deerrat. In primis enim hac ratione, etiam in primariâ infimus ambitus, quia breuissimus, deberet esse puniceus. Et respondet, talem futurum, nisi multitudo stillicidiorum quæ ibi conglomarentur, eum in purpuram declinarent. Sed ecce iam, secundæ

dæ etiam Iridi idem eueniet. Cum enim guttæ cadentes quò magis centro terræ propinquant, propius inuicem accedant, & compellantur in archiũ (nam perpèdiculo ad centrum ruunt, nisi ventus, aut alia vis interpellat) etiam in imo superioris Iridis arcu plures erunt & densiores, quàm in viridi & purpureo qui sunt altiores, & longius secundũ Maurolycum distantes à terræ centro. Quòd tamen frequentia maior guttarum non ita colores euariet (licet admouere arcum oculo insigniter, vt de nostrâ Iride Louanienſi patet, valeat) ex cornibus intelligi potest: ad quæ pauci respicere mihi videntur, dum summæ tantum curuaturæ toti inhzrent. In illis enim etiam si trium colorum vapor, terræ adæquè propinqui sint, & eam attingant, tanta atque in summo Iridis gibbo colorum diuersitas est.

Quod etiam opere tanto & scrupulosè, de secundariæ Iridis reflexione ad angulum semirectum cum vnâ octauâ recti parte, vno hoc argumento satis videtur vaneſcere: quòd secundaria distantia à primaria non semper vnã habeat. igitur angulum reflexionis maiorem aut minorem obtinere potest. In nostrâ etiam Louanienſi, à proximò cornu secundariæ, quæ vnâ cum primaria ad oculum nostrum pæne accessit, acutioris anguli reflexio fuit, quàm ab altero longissimè abstante à nobis.

M. Anton.

Quid tandem M. Antonius? Aliquid hic propius veri speciem, quàm in suis de Repub. Christianâ libris dixit, sed tamen ipsum non tetigit. Ex concauâ superficie cuiusque guttæ tres radios ad oculum redire sibi fingit, qui per globuli centrum aut vicinas centro partes transit, superior est, & in secundariâ Iride ideo purpureus, quia per maiorem guttæ profunditatem trajicit, magisque se opaco eius permiscet. alter radius demissior est, nec, vt prior, per diametrum & centrum guttam transfodit, sed ita eam quasi diuidit, vt pars maior sursum, minor deorsum sit; & hic, quia per minus opaci penetrat, est viridis. tertius, qui infimus, minimam à parte imâ guttæ particulam abscindit; & hinc puniceus est, ac parcissimè omnium, nigredine aut opacitate tinctus. Fatetur autem se maximè sudauisse in hac colorum secundariæ Iridis inuersione M. Antonius. sed parcere labori potuit: reuera enim si quid video, ne hulum profecit. Nam vt totum ei, quod obtinere pugnât, demus, namquam efficiet, quin etiam, eadẽ de causâ, in primariâ Iride similis colorum ordo sit. Infimus, inquam, puniceus, viridis deinde, & postremò purpureus. Adde, quòd omnia sic explicet, quasi

quasi ex vnico guttarum ordine tota Iridis reflexio fiat. Nam aliàs, radius qui per minimum opaci ex guttà aliquà, quæ in profundo nubis est, exit, in aliam, & infinitas ferè, antequam totum vaporem euaserit, impinget, quas medias & per centrum penetrare oportebit. Vnde perinde atque ceteri tinctus, & confusa vmbis guttarum luce, in oculos redibit.

ARTICVLVS XI.

Secundariam Iridem reflexione primariæ conformari.

ITa sententiæ huic replaudo, quam non vt falsam, sed *falsissimam*, tanto clamore Maurolycus explosit. Imò assero hanc esse Aristotelis, quidquid repugnet, Alexander & Vicomercatus. Maurolyc. Aristot. Nam ideo probat tertiam Iridem non solere cerni, quia tertia reflexio nimis imbecilla est, & insensibilis: satis innuens, tertiam Iridem pingendam ex reflexione secundæ, vt hanc reflexu primæ. Probatur autem hac ratione. Quia sententia illa probabilior est, cui experientia fauentior, faciliusque vniuersis se difficultatibus expedit. talem verò hanc, aut fallor, ostendimus.

Primum enim, dumquam Iris secundaria, quæ in uersos colores, & puniceum in imo, purpureum in summo arcu habet, sine primariâ visâ fuit: igitur ab eâ dependet. imò curiose quandoque notauimus, numquam segmentum primariæ deficere, quin pars proxima secundariæ vnâ euanescat. Si autem coniectu & reflexu immediato radiorum Solis, vt primariâ, enascatur, cur non aliquando sola etiam apparet? Reponit Maurolycus: quia Iridis secundariæ numquam, aut rarissimè (ita scilicet, vt nemo hactenus aduerterit) causæ concurrunt, nisi cum primariæ causis: etsi retrò sæpè euenire possit. Et sic demonstro. Statim atque guttæ torantes in secundariæ siue superioris Iridis spatio concreuerint, momento quasi in inferiorem aërâ, & locum primariæ deformandæ defluunt. Vnde illic pro utrâque habes paratam materiam. Contrà tamen, humilis sæpè numero vapor pro primariâ siue inferiori disponi potest, nullo altero suprâ impendente, qui secundariam excipiat. Sed hoc etsi primâ fronte speciosum, inspectum tamen è proximo, reuilescit. Quid enim si (quod non raro potest) nubecula Solem & nubem inferiorem interiecta, ab Iride primariâ radios defendat, superiori interim radiorum ordine illustri, & summam nubem directè feriente? Certè enim tum superior sine inferiori Iris apparebit.

Quod tamen à vero tam abest, ut si id eueniat, illicò cum inferiori superior se exstinguat. Quid si deinde nullum opacum post inferiorem & primariæ Iridis nubem positum sit (opacitatem enim à tergo esse oportet, ut nubes colores arcus rapiat,) superior verò, quæ secundariæ est sedes, retrò opacata sit? ecce iterum Iris illa altior solitaria, & sine alterâ humiliori erit. Tertiò, numquam ferè Iridis primariæ segmentum semicirculo minus iuxta terram, quale Sole eleuato solet, absque secundariâ apparebit. Vtriusque enim tunc Iridis vapor demississimus est, & in infimâ aëris regione totus. Denique, nullam vmquam præter primariam sine cornibus saltem secundariæ terræ contiguas videbimus. Nam infimus aër extra primariæ cornua totus aliquousque est torulens. quod inde liquet: quia si ad alterum primariæ cornu inambulabis, ipsum in aërem ulteriorem ante te propelles.

Secundò: Nulla solida causâ debilitatis colorum secundæ Iridis, præter reflexionem à primâ, afferri potest. Quòd enim vulgò maiorem ab oculo distantiam accusant, ne æstimes. tantum quippe inter vtramque interuallum non est, ut superior longè sic semper dilutus appareat. Deinde, cornu Iridis illius Louanensis secundarium tam propinquum ferè oculo nostro ac primarium fuit: triplo tamen languidiùs fulgebat.

Tertiò: Inuersionem colorum altera sententia nullâ viâ vquam expediet. ego verò sic: Radij qui circa perpendicularem, oblique in singulas primariæ Iridis guttas cadunt, refracti priùs, certo angulo rebulliunt & resiliunt in orbem. eorum aliqui ad oculum Iridem illam spectantis veniunt, alij sursum, aut in latera diffunduntur. Qui sursum à supremo primariæ gibbo sparguntur, tam altè per vaporem nituntur, donec angulum idoneum reperiant (quem Maurolycus quinque octauas partes recti habere; ego incertum, & pro vicinitate aut distantia primariæ ab oculo, variari existimo) quo ad spectatorem redire possit: radij etiam brachiorum refusi extra complexum Iridis in latus, eousque penetrant, donec angulum patem inueniant, vnde vnà cum superioribus ad oculum reuertantur. Id enim planè me arcus ille noster anni 1625, Louanensis docuit. Nam vbi propinquior esset principalis, comprimebat se secundarius, & ex viciniore vapore in oculum resiliēbat: in recessu autem primarij, abibat ipse etiam vnà cessum, laxando perpetuò distantiam, id est, à vapore magis ab arcu principali distito reflexio ad nos erat. Non quòd etiam tunc radij nulli à guttis

guttis coloris summo & puniceo arcus inferioris proximè circum-
tuso, & à toto inter vtramque Iridem spatio, reflecterentur: sed illi
ad oculum nostrum non perueniebant; quia ante faciem oblique
versus alterum cornu traiciebantur.

Hinc pulchra ratio se mihi obijcit, cur intervallum illud vtrius-
que Iridis tinctum non appareat: quod Alexandrum & alios tan-
to perè torfir. Quia, inquam, etsi inde etiam radij à primariâ Iride
sparsi reflectantur, angulum tamen ibi non habent talem, quo re-
pellantur ad oculum. aliâ, si mutes locum, inde accipere eos tam
poteris, sed primaria Iris etiam translata erit in alium situm.

His præstructim positis, aio colores inuerti: quia puniceus qui
in primâ Iride est summus, ceterique iunctis viribus robustiores
in vicinum vaporem radios, quàm in remotum, iaculantur. hinc
ergo in initio secundariæ arcu puniceus, siue plenior quàm cetero-
rum, color est; licet non tam splendide puniceet, vt aliquando no-
taui, quàm languide ardeat atrâ quadam rubedine. Hoc iam me
etiam incidit: Colores viridem & purpureum secundæ Iridis, lon-
gius puniceo eiusdem; ab oculo recedere. ita enim etiam in Iride
primâ accidit. Addo, totam secundariam in profundiori parte va-
poris, quàm primariam depingi. Radij ergo, è circumferentiâ pri-
marie emicantes, profunditatem nubis oblique penetrant, quous-
que primùm occurrat angulus quo reflexi recidant in oculum. hæc
reflexio punicea est. Pergendo deinde lineâ rectâ per profundum
nubis, & recedendo vndique sursum à puniceo gibbo inferioris
Iridis, in virorem, ac denique in purpuram deficiunt iidem illi ra-
dij. Igitur superior illa nubes, primariæ Iridis speculum non est, in-
quies. Non magis dico, quàm inferior nubes, est Solis. Si ergo So-
lem in primariâ Iride, non lumen tantum vaporis inhærens vides;
in secundariâ etiam primariam, imò ipsum Solem, vt in secundo
speculo videbis. Verum iam antè docui, magis esse, vt radium siede-
ris nubi intricatum, quàm ipsum sidus in primariâ cernamus. vn-
de & in secundâ, non Solem, aut Iridem inferiorem, sed lumen
nouum ab hac vndique in arcum superiorem effusum, ibique ad-
hærens videre nos existimabimus.

Ex his etiam manifestum est, cur extra primæ consortium se-
cunda numquam se ostendat. Nam sine causâ necessariâ, effectus
esse non potest.

Sed cur non magis frequentatur secundaria Iris? Difficulter alij
huius nodo cuneum reperient; ego istum: Quia primaria medio

milliari Belgico, aut ultra, plerumque abest ab oculo. itaque ut alteram Iridem gignat, quæ ad adspicientem ex tanto intervallo reflectatur, per multum vaporis, & quadrantem faciliè milliariis, radius à circumferentiâ primariæ emicans transire debet, donec iustæ magnitudinis angulum reperiatur. Antequam verò huc eluctando perueniat, exstinguitur sæpè, aut extenuatur prænimis, nisi Iris principalis egregiè saturata sit, & plenissimis coloribus. Tunc enim secundaria numquam desit, modò sat vaporis circumstet, nec ita densè ut radium, aliàs à se satis debilem, contumaciter respuat. Vnde si contingat primariam tam vberem & propinquam esse, quàm cornu illud nostræ Louanienfis, semper geminabit, nisi circumfusus vapor, qui alteram excipiat, desit. Quia verò aër inferior tempore Iridis, infinitis supernè destillantibus guttulis totus est rorulentus, nec faciliè ibi deficit materia secundæ Iridis; idèò brachia, ut sæpè notauimus, frequentius geminantur, quàm summa cornuata arcus.

Maurolyc.
Vicom.

Non magno etiam opere nos premunt, etsi maximè putent, Maurolycus & Vicomercatus, cum inculcant, secundariam Iridem cornibus in cælum conuersis apparituram, si fiat reflexione radiorum primariæ à nube altiori. Nam id euenire, non magis necesse, quàm capite prono & pedibus in cælum erectis me cernere, cum versor ante speculum. Supponere igitur falsum hoc debent: supra solum primariæ gibbum, non circa etiam brachia, dependere illud speculum. ut scilicet gibbus ille, quia superficiæ speculi proximus, vicinissimus nobis, cornua verò, tamquam ab eâ superficie remotissima, maximè etiam ab oculo discessisse, appareant, ideoque esse sursum. Sed non ita res habet. brachia enim non supra mediæ curuaturæ gibbum, sed iuxta se ad latus speculum suum habent. Denique (& hoc caput est) quod in secundo arcu cernimus, non sunt colores ipsi primi & principalis; sed alij quidam, ut iam antè docti, in orbem & vicinam vndique nubem ab ipsis sparsi. Vnde visio ista nō est absolutè specularis & reflexa, sed directa luminis illius superiori vaporis inculcati, ex loco tamen, in quem certo angulo, & radio vberiori, ac in oculi tunicis se manifestè pingente, repercutitur.

Verùm ex hac doctrinâ difficultatem prouideo in ordinandis coloribus tertiæ Iridis. putant enim in hanc redituros colores primæ, futurumque puniceum in summâ, purpureum in imâ abside. Sed res ista in altiore indagine & longiore paulò mitti debet.

ARTICVLVS XII.

*An Iris ultra geminam: & quo colorum ordine
apparere possit.*

NEgat impressè Aristoteles: Οὐδὲ, inquit, δύο ἰριδες ἰεῖς εἶναι Aristot.
ἑκάστην ἀμύ. Neque plures duabus Irides fiunt simul. & cau-
sam deinde iungit: Διὰ τὸ ὅτι ἡ δὲ δυνάμις γίνεσθαι ἀμυνομένην, ὥστε
ἔστι τῆς αὐτῆς ἀνάγκης πᾶσι πᾶσι δὲ ἑκάστην γίνεσθαι. Quia secunda hebetior
est, is a vs tercia reflexio planè reddatur imbecillius. Accessit Cardan. Cardan.
anus lib.4. Subtil. & (mirum in illà eius de secundæ Iridis genera-
tione sententiâ) vbique id affirmat aut supponit Maurolycus. Vi-
comercatus tamen à quibusdam tres, Snellius sex à se, simul visas
narrat. Vitello etiam lib.10.th.69. quatuor se Padux quondam
spectasse dicit. sed merà refractione concinnatas, vt in vrinilibus
aquâ plenīs solent, fuisse existimo. nam & perfectè circulares, &
ad latus Solis, non ex aduerso erant. Maurolyc.
Vicom.
Snell.
Vitell.

Dico Primò: Dux, tréve, aut plures, primariæ Irides concentri-
cæ, ex diuersa radiorum reflexione immediatè, & eadē colorum
serie, apparere, etiam si rarenter, simul possunt. Id enim Articulo
9. ex Vitellone & Thimone à nobis probatum. Fiet autem eo
euentu, quo vapor circa terram longè, quàm in superiori nubis cir-
cumferentiâ, densior ac compressior, radijque tamen per eum tere-
brantes, satis validi erunt ad colorationem. Tunc namque cum su-
periori Iride iustæ ac solemnīs altitudinis, inferior in densiori & o-
paciore figurari poterit. Rarum tamen hoc est: quia vapor totus à
nube ad terram vniusmodi ferè densitatis & opacitatis est, & proinde
vnica sensibilem, & speculi singularis, reflexionem habet. Vbi
verò ultra solum in finis vapor se comprimit, plerumque opaci-
tate suâ radium respuit, aut non satis vberim ad arcus coloratio-
nem admittit.

Dico Secundò: Non acutè video, cur altera secundaria Iris, eo-
dem colorum, quo primaria, ordine, infra eam & ab ipsâ deforma-
ri nequeat. Sic enim ostendi potest. Aliqui radij è primariæ guttis
in subiectum vaporem, non tantum sursum & in latera, iaciuntur:
quidni igitur, ob insignem vaporis inter primariæ cornua aggrega-
tionem, reflecti inde & redire ad oculum nostrum illi possint? Dif-
ficilis tamen est euentus: quia ferè semper sat procul ante pedes
nostros in terram cadunt. Deinde, puniceus, in quo maxima vis ge-
minan-

minandi Iridem, longissimè à vapore illo brachiis comprehenso abest.

Dico Tertiò: Possunt absolutè etiam quatuor, quinque, & plures Irides apparere, quæ perpetuâ serie colores inuertant. Id est, vt prima puniceum in summo, secunda in imo, tertia iterum in summo habeat: & ita deinceps alternando puniceum cum purpureo, viridi semper in medio & vtrumque diuidente. Hoc autem eueniet, si omnes quæ supremum arcum puniceum habet, à Sole proximè formentur, singulæque aliam secundariam supra se generent, quæ in proximo limbo punicet, purpurascens remotissimo. Sic enim inter duas quasque primarias secundaria, permutatis extremis coloribus, interijcietur. quod fieri posse, dicet qui superiora vtrumque intellexit. Sed id iam notandum: Tertiam, quæ puniceum in supremum gyrum restituit, non futuram plerumque remissiorem secundâ. hæc enim à primariâ inferiori, & causâ debili, illa à radiis immediatè Sole emicantibus, & satis validis, figurata fuit. Propter distantiam tamen, aut quia ex profundiori vel malè temperatâ nube reflexio venit, aliquando malignius quàm secundâ fulgere poterit.

Dico Quartò: Secundaria Iris quæ puniceum in imâ abside habet, vix vniquam tertiam, quæ superiorem limbum punicantem ostendat, generare valët. Probat: quia si primæ radius in colorem purpureum supremi arcus secundæ Iridis deficiat, quomodo vtrâ sic propagari potest, vt post aliquod interuallum, tertiam Iridem, & quidem à colore purpureo paulatim ad puniceum, vberimum in distanti, adscendendo, conformet? Hoc planè est, quod Aristoteles vniquam euenisse negat. Rarissimo tamen casu id fortasse accidet, si supra secundam Iridem vapor ita rarecat, vt imbecilli eius radio colorari, & supremus arcus, quia humor ibi fortè tenuissimus, pallore tantum quodam punicante adspersi possit.

Ceterum, secundariæ Iridis colores non solum languidiores, sed zonæ etiam ipsæ angustiores sunt, quàm in primariâ: quia à causâ debiliori, & radio iam antè in conformationem primariæ fracto, nec longè penetrante, progengerantur. Latissimus, etiam primariæ, limbus, puniceus, restrictissimus, purpureus est. Maurolycus credit, latitudinem totius Iridis æqualem esse diametro apparenti disci solaris. Verum supponit, Irides concinnari ex radiis superioribus & inferioribus faciei solaris, inuicem se ante nubem decussantibus, eamque per diuersas superficies, quarum vna altior, altera humi-

lior,

Aristot.

Mauroly.

lior, intransibit: quod nuper placere nobis negabamus. Hoc igitur magis iam allubescit: Radium tenui & angusto satis gyro vaporem illum puniceum ingredi, sed longius pati ferè robore, & rubore quo opacum discingit, penetrare; unde partes puniceæ zonæ inferiores, & viridi adnotas, ex profundiori, quàm superiores, spectari. Nec tamen necesse est, linearem solum radiorum coronam, statim ex ipso limine & initu primo nubis, ad nos reflecti. Ex aliquantulâ enim latitudine id fieri potest: quia aliquot radiorum vicini ordines, eodem angulo (nullo certò tamen discerniculo sensibili) ad oculum repelluntur. guttæ etiam sibi inuicem vtrò citroque lucem repericentes, & idoneo angulo in adspicientem reicietes, latitudinem zonæ fortassis augere, vti & colores incendere, valent.

ARTICVLVS XIII.

De variis Iridis motibus.

MOTUS Iridis multi, sed solum apparentes sunt. Primus, quo Iris occidentalis, Sole manè ascendente, perpetuò videtur deprimi: quia minor minorque circuli portio se ostendit, crescente Solis altitudine.

Secundus, quo Iris orientalis magis magisque assurgit, Sole delabente in Occasum. amplissimæ enim à sidere horizonti contiguo figurantur. Nequit tamen ullus arcus vsque ad zenith nostrum, gibbum attollere: quia sic semidiametrum oporteret esse 90. graduum; cum hætenus altissima non excederet 45. Igitur medio inter zenith & horizontem intervallo stabit eius incrementum.

Tertius est circa horizontem. vt v. g. in Zonis frigidis, Sole 24. horarum horizontem circulante, Iris ex aduerso, pari ferè altitudine apparere potest circuire: nobis etiam ferè semicirculum horizontis exambire. vt si hieme, cum Sol in Capricorno, manè occidentalis appareat, paulatimque leuante se in Meridiem Sole, in Septemtrionem, & deinde versus Ortum se gyret. Omni enim, vt statim dicam, horâ diurnâ videri tunc à nobis potest Iris.

Quartus, accessus aut recessus est, per condensationem aut rarefactionem vaporis. vt patet ex historiâ Iridis Louaniensis: quam è primo Articulo, si lubet, petes. Rarefcente etiam vapore brachia diducit, sitque segmentum circuli maioris, inquit Vitello: recla-
Virell.
Thimone.
 mante Thimone, qui in denso dilatari potius contendit; sed nequidquam.

Quintus est fuga, vel sequela, per oculi propinquationem, aut recessum. eodem enim fermè modo, quo nebula, ante sequentem fugere, & sequi fugientem videtur. In causâ est, radij reflexio, qui ex determinato spatio, & certo angulo reuerti debet ad oculum. Si ergo accedas, apparet effugere: non quòd eadem locum mutet; sed quia aliam perpetuò & aliam vides è profundiori reflexam & remotiori vaporis parte. Nam radij qui priùs in oculos incurrebant, iam retrò sunt, & alios excipis qui ante te, iactu ad oculum nò perueniente, terram impingebant. Sic etiam, cùm fugis, affectari videtur. quia cùm pari semper interuallo ab oculo distet, vbi pedem refers, attrahis eam vnà tecum: id est, in vapore citeriore nouam adspicis, vbi antè ob propinquitatem videbas nihil. Hinc liquet, oculum priorem & posteriorem, etiam si in eodem Iridis axe sint, non cernere vnâ eamdemque Iridem. item, non oppidè longè distitus aliquis videre puniceam zonam, vbi alius purpuream, potest.

Sextus motus, est iterum circa horizontem, si ab vno brachio incedas versus alterum. sic enim arcum circumferes, dum vnum brachium te fugitat, alio à tergo sequente. Vnde, si quis alteri tuæ Iridis brachio propior est, aliam videt, tuam interfecantem. Hinc nec duobus eiusdem hominis oculis suspicari potes, nò cerni eundem omnino arcum. id enim multi credunt; sed nescio, an velim accredere. Vtar hoc discrimine. Si vera est sententia Maurolyci & plurium, Solem, non lumen aliquod impressum vaporì, cerni in Iride, omnes vbique in toto terrarum Orbe oculi eamdem semper vident Iridem. Nam veluti eundem in ceteris speculis, ita in isto, Solem adspiciunt. Iris autem nil apud ipsos aliud est, quàm Sol sic in vapore reflexè conspectus. Si verò Iris lumen est nubi implicitum, & ipsum ibi, non Sol in cælo cernatur, partim saltem eamdem duo eiusdem hominis oculi vident Iridem. aliquæ enim lucis partes radiant in vtrumque oculum. Vbi tamen oculum in axe Iridis, & ex aduerso planè centri, esse oportet, aliqua luminis puncta ab vno conspiciuntur, quæ speciem vibrare nequeunt in alterum. Quia enim duo oculi, totidem etiam axes & Iridum centra sunt; et si inter vtrumque nullum appareat, ob oculorum propinquitatem, adspicibile discerniculum. Itaque non cernunt vnâ eamdemque adæquatè & circumcisè Iridem.

Similis contemplatio etiam in Halonem siue Coronam cadit. Oculus enim in axe circuli etiam est: geminosque axes, & centra,

& circulos esse, necesse est, vbi oculi gemelli ex aduerso constiterunt. Stilo etiam (etsi alieno loco) iam excipiam, ne fortè excidat, quod extemplò cecidit mihi in mentem: Cur Iris tubo Belgico nostro illapsa amittat colorationem. Experiire enim confusaneum tantùm aliquod lumen inspicias, nullà colorum varietate maculosum. Existimo, priorem illam tubi crytallum & conuexam lentem, radios nimis diducere, & discingere colorantem illam vmbra- rum mixturam. & largiter etiam adiuuat clara & digesta crytalli aut vitri perspicuitas.

ARTICVLVS XIV.

Locus & tempus Iridis.

Iridis vulgaris siue reflexæ locus in nube contra Solem est. oportet enim spectatorem oculum, inter Solem & nubilum, statutum esse, vt omnes experientie probant. Et hinc est, vt nullæ nobis ad Austrum pingantur Irides, quia, inquam, Sol numquam trans zenith nostrum in Septentrionem digreditur, vt oculus Meridiem adspiciens Solem à tergo habeat.

Sed rem non tantùm post tergum, sed etiam inter me & speculum collocatam, in speculo, inquires, cernere possum: quidni & Solem in nube quæ ad Austrum & trans ipsum? Verùm interrogatio venit à falsa imaginatione: quòd videre hinc nubes valeamus, quæ in Zonâ torridâ sunt. quod longissimè à vero abest. Alibi enim ex Cardano docuimus, vix vltra decem milliaria Belgica, nubes infimas & pluentes quæ horizontem tangunt, à nobis adspici. à Tropico autè Cancræ, siue initio Torridæ, Louanium gradibus 27: paulominus abiunctum est: quorum quisque, secundum Ptolemy, 20. circiter Belgicis leucis, siue 60. millibus passuum constat. Deinde, Iris nulla in vapore, qui ad limbum visibilis horizontis summotus est, vnumquam videtur. Nam maxima distantia Iridis ab oculo, trium milliariū est, vt inquiunt Conimbricenses, ex communi Opticorum sententiâ. Imò aio ego, vix vllam vltra dimidium milliari Belgicum, siue 1500. passus, à nobis remoueri. Ex quo patet, nimis simpliciter à Vico mercato, & aliis quibusdam asseri: Iridem plerumque circulo integro claudi, sed alterum eius segmentum infra horizontem supprimi. Cornua enim quæ videmus, non infra horizontem (etiam visibilem, qui sex fermè Belgicis milliariibus oculo fortassis abest) dependent; sed prope nos in terram defixa

sunt. Irides verò refractæ, non solum è regione, sed ad latus etiam vtrumlibet Solis, vt non vno Articuli ptimi experimento constat, formari possunt. Ad earum quippe generationem duas ordine nubes sic disponi sufficit, vt refractum in priori, & opacitate colorante maculosum radium, excipiat posterior.

Tempus quod maximè frequentat reflexam Iridem, autumnus est, aut ver. Vete tamen præcipuè, & Aprili ac Maio præsertim, cerni in Belgio, non vno anno notavi. Causa est, quod & nebulosum vaporem, & vnà interluentem satis acriter sideris radium Irides desiderant. hiems ergo nubilo, vt solet, grauis, & inualido Sole; æstas nimis valido, & sæpè innubis, minùs sunt idoneæ. Ver, quia serenius, raro interlabente imbri, aptius est autumnus. Ante etiam, aut post pluuiam sæpiùs arcuantur nubes: quia pluuij rores molli-ter, priusquam degrassetur totus & legitimus imbet qui excludit Solem, defluentes, aut exoneratâ iam nube, residui & destillantes, rapiunt hunc colorem. Hinc liquet, cur quibusdam in locis Iris vitator. *In Italiâ Locris*, ait Plinius, & *in lacu Velino*, nullo non die apparet arcus. id est, quantum existimo, valde frequenter. quo etiam simili moderamine accipio quod addit: *Rhodi & Syracusis nunquam tanta nubila obducî, vt non aliquâ horâ Sol cernatur*. Ibi ergo solentissimæ Irides, vbi facilis in adscensum rarus quidam & rorans vapor, qui totam non pellat serenitatem, sed accipiat, & reddat, non exstinguat Solis radium. Hinc fluminibus, aut vdis valli-bus incumbentiâ Iridum brachia, sæpissimè videmus.

De terræ climatibus & Regionibus, ceteræ etiam quædam leges sunt.

Primò: Vbiq; in toto Orbe, manè & vesperti, apparere Iris potest. Manè, cum Sol nondum secundum & quadragesimum, aut quadragesimum quintum (si tantam esse maximæ Iridis semidiametrum, Mautolyco credimus) gradum eleuationis attingit: vesperti, cum ad illum etiam altitudinis limitem à culmine cæli defluxit. Causa est in promptu. quia altissimi arcûs semidiameter tot ferè cæli subtenditur gradibus. hæc autem ortiuo, aut occiduo tantum Sole, tota supra horizontem est, deprimiturque paullatim, quod altius se in oppositâ cæli regione leuat sidus. vnde vbi altitudo ad æqualitatem semidiametri illius, id est, ad 45. gradum venit, totum arcum necesse est infra horizontem suppressum esse. Aut potius, semotâ imaginatione hac mathematicâ, qua Aristoteles vtitur, tunc Iris nulla est, quia in tantâ Solis eleuatione radij à stillicidiis reflexi,

Plin. lib. 1.
cap. 61.

Aristot.

reflexi,procul ante oculos nostros in terram reuerberantur. quod si subito transferremur,exciperemus iam quidem, Iridisque videremus aliquod segmentum; sed eo motu mutassemus etiam sine dubio sideris eleuationem, essetque 45. gradibus humilior. Hæc tamen de Iride primariâ, & iis quæ magnitudinis ordinariæ & magis solentis sunt, intelligenda esse, facillè coniectabit, qui legerit præcedentium Articulorum doctrinam.

Secundò: Sub polis,omni horâ longæ illius medij anni diei,cerni aliquod Iridis segmentum potest. Cum enim Æquatorem pro horizontem habeant,maxima Solis eleuatio non est maior 23½ gradibus,quanta scilicet est distàtia Æquatoris ab altero Tropicorum.

Tertiò: Sub Æquatore degentibus, tribus ab ortu Solis & totidem ante occasum horis, cerni Iris valet. Ratio est, quia ternis ibi horis, gradus 45. pænè conficit. singulis enim horis ascendunt 15. gradus Æquinoctialis. totidemque Sol percurrit;nisi quantulum abest,ob renisum proprij motus.

Quartò: Nobis, qui in Zonâ temperatâ Louanij habitamus, omnibus diei hibernæ horis videri arcus potest, æstiuæ non potest. Causa prioris est, quia Sol in circulo brumali circitans, non ultra 15. gradus & paucula minuta, etiam meridie nobis est eleuatus. æstate tamen,cum in Cancro est solstitialis, 62. gradus & aliquot minuta habet eleuationis. Itaque Meridianam illo tempore Iridem nemo hæctenus hic adspexit. neque causam huius rei intimam lib. 1. cap. 8. Nat. Seneca: *Aristoteles ait, inquit, post autumnale æquinoctium, qualibet horâ diei arcum fieri, æstate non fieri, nisi aut incipiente, aut inclinato iam die. Cuius rei causa manifesta est: quia Sol medio die calidissimus nubes euincit, nec potest ab his imaginem suam recipere, quas scindit. At matutino tempore, & vergens ad occasum, minus virium habet: & ideo à nubibus & sustineri, & reperi potest.* Verum ipso sæpè Solstitio meridianum cælum nubilo obduci, & imbres, resistente & intercedente nequidquam radio solari, cogi, & depluere videmus; nec tamen arcum tunc circa diei vmbilicum à quoquam conspectum fando quis accepit. Aliam tamen præterpropter causam Seneca adducit, quæ reduci in veram potest. *Temporibus, ait, æstiuis supra nostrum verticem fertur. itaque medio die excelsissimus terras rectiore adspicit lineâ, quàm vs ullis nubibus possit occurrere: omnes enim tunc sub se habet.* Ratio vnica igitur est, quodd reflexio à nubibus quas sic ex alto despicit, nimis præceps sit, & ante nos in terram cadat, non ad oculos perueniat.

ARTICVLVS XV.

Effectus , & significatus Iridis.

In effectibus Iridis non memoro iam procreationem sui similis, de quâ antè circa figurationem secundi arcûs. Alij quidam ei passim tribuuntur: qui tamen non tam eius, quàm causarum quarundam ipsi coherentium sunt. alias enim cùm Iris lumen arcuatum sit, nil nisi sibi simile, & calorem efficere valet.

Aristot.
Plin.
Plutarch.

Aristoteles, Plinius, Plutarchus, & agricolæ nostri à caluo ad caluum omnes, aiunt siluas, arbores, frutices, plantas odoratiores reddi, quibus arcus incubuerit. *Tradunt*, inquit lib. 12. c. 24. Plin. *in quocumque frutice curuetur arcus celestis, eandem quæ sit aspalatho, suauitatem odoris existere, sed in aspalatho inenarrabilem quamdam* Aspalathus verò est lignum aloës Rhodiorum, vt hodie Officina: vocant, ait Amatus in Dioscoridem, ex quo Coronæ ad fundendas Deo & Virgini preculas concinnantur. Plutarchus lib. 4. q. 2. Sympos. narrat, ligna, in quæ cornua deiecerit Iris, *ἱεροίσκητα* à Græcis agricolis appellari: quasi in ea arcus cælestis ceciderit.

Amatus.
I' iur.

Plin.

Terram etiam ipsam suauius halare docet Plinius. Hæc tamen, & id genus lib. 4. Subtil. ridet Cardanus. *Quis enim*, inquit, *umquam*

Cardan.

Iridem vidit arbori incumbentem? cùm solâ visus imaginatione consistat. Ego vidi, Cardane. ac licet visus circumferentia: limites quodammodò figat, & figuram illam circulet (ex certo enim intervallo, & angulo, vt appareat, reflecti ad oculum lumen debet:) color tamen ille nubilo permixtus, reuerà aliquid, & splendor quidam est, non de genere Chimærarum, aut ens rationis: vt proinde arboribus & plantis verè inniti valeat.

Theoph.

Theophrastus tamen l. 6. c. 25. de Causis plant. ait, loca adusta, Iride decumbente, odoratiores fieri. Ad odorem enim spargendum, media quædam siccæ & humentis temperies exigitur. vnde c. ult. eiusdem libri narrat, vestigia leporum ac ferarum medijs anni temporibus, vere scilicet & autumno, magis odora esse, & isto maximè; quia ver florum, & plantarum omnigenæ exhalationis suffitu, satis aliàs à se odorata liebetat. hiems autem nimio frigore odoriferos spiritus adstringit, æstas calore discingit. & hinc æstiuo meridie difficulter vestigant canes, prudenisque venator nascentem, aut præcipitem in occasum diem præponit. Siccas tamen præcipuè odores acuit, hebescent-

bescuntque manifestè, aut supprimuntur affluentia humoris. vnde in Ægypto, quia cælum plerique anni caliginosum & roscidum, negantur vlli pænè esse odores.

Plantis tamen odorem suapte vi Iris non adspersit; sed nubes rorans in quâ fulget, deciduis in eas guttis, siccitatem ad fragrantiam iuuat & excitat. Vnde post longas siccitates, modico impluente imbri, fragrantiora omnia, & violaria manè rorulenta, gratius & latius spirantia, etiam sine vllâ Iride, experimur.

Significatus Iridis, alij naturales sunt, alij ex Dei instituto. De prioribus, post Aristotelem omnes pluuiæ signum faciunt: aut deciduæ, inquam, aut casuræ breuî. Nam sequi, aut anteire imbrem solet. Plin. tamen l. 18. c. 35. *Arcus, cum sunt duplices, pluuias nuntiant; à pluuijs serenitatem non perinde certam.* Nam vapor vnus alteri iam delapso succedaneus esse potest. quia Sol inter Iridem radians, aut humorem maturè resorbet, aut flatus aliunde adducunt, aut guttæ ipsæ in quibus post pluuiam splendicat arcus, sufficiunt instaurandis imbribus. Alibi idem: *Arcus frequentes, ne pluuios quidem, aut serenos dies cum fide portendunt.* Portendere tamen humorem, niuem, grandinem, fulmina, aliaque id genus, quæ cælum nubilo iacit missilia, graphice enarrat Scriptura sacra Eccli. 43. *Imperio suo accelerauit niuem, & accelerat coruscationes emissere iudicij sui.* & post multa: *Pulchritudinem candoris eius admirabitur oculus, & super imbrem eius expauescet cor.* Olim ideo & hodie creditur vulgò Iris bibere aquas, & materiam pluuiarum in nubes attrahere.

— Et bibis ingens Arcus —

ut ait Virgilius noster, inquit Seneca, cum adueniat imber. sed non easdem, necdecumque apparuit, minas affert. A Meridie ortus magnam vim aquarum vehet. Et ratione probabili firmat: Vinci enim non potuerunt valentissimo Sole, tantum est illis virium. Si circa occasum refulsit, rorabit, & leniter impluet. Si ab ortu circæve surraxit, serena promittit. Quia fortasse spes est, vincendum adulto iam & validiore Sole, tenuem istum vaporem, qui exoriente die destillare, & brachia arcus ad terram deducere incipit. Lepidè ad arcum, humorem pluuialem sorbentem, allusit Palinurus apud Plautum, cum anum quamdam incuruam, bibentem largius cerneret:

— Ecce autem bibis arcus: pluet
Credo, hercle, hodie. —

Ouid 1.
Metam.

Eódem adspexit ille ingeniosus:

Nuntia Iunonis varios induta colores,

Concipit Iriú aquas, alimentáque nubibus affert.

Nuntia Iunonis, id est mediæ illius & humentis aëris regionis, unde decidunt imbres. Hanc enim Poëtæ illi tenebriones in Iunone figurant, ut Iouem in æthere. Thaumantias etiam appellatur Iris, quia reuerà *θεογονία* admirabilis: in qua tot ingenia stupore defixa adherent, nec se hætenus satis expediunt.

Gen. 9.

Diuina etiam Iridis hæc significatio est: Non futurum amplius generale totius Orbis diluuium. *Cum obduxero nubibus calum, apparebit arcus meus in nubibus, & recordabor fœderis mei vobiscum, & cum omni animâ vinente quæ carnem vegetat, & non erunt ultra aquæ diluuij ad delendam vniversam carnem.* Alias quoque Iridis significationes mysticas in c. 4. Apoc. & 1. Ezechielis, Interpretes excogitant. ut in purpureo Christi carnem intelligi, in viridi animam, in puniceo Diuinitatem: & id genus plura pie commentantur. Falluntur deinde, qui ante diluuium Noë, negant visam in nubibus Iridem. Si enim nubes & Sol per 1656. à Mundi exordio annos fuerunt, necesse fuit aliquando Irides (nisi Deo auertere cura fuerit) generari. Fuerunt igitur ante diluuium arcus; sed nondum assumptierant ad significationem pacti inter Deum & terram.

S Thom.
Coniubr.

Naturaliter tamen etiam signum id esse potest, non secuturæ mox ab aquis pluuiialibus magnæ eluuiionis: quia cælo vndique nubibus intento & graui, suppresso quæ Sole, fingi nequit Iris; ut ex S. Thomâ rectè demonstrant Coniubricenses.

ARTICVLVS XVI.

De Iride Lunari.

Aristot.

PLaraque huius Iridis cum Solari conueniunt. Figuratur enim à radio Lunæ aduersam nubem incidente, fiuntque cetera simillimis de causis. Altitudinem quoque semidiametri parem Solari, instrumentis repertam, Thimon asserit. In duobus tamen maximè hic arcus ab altero discedit. Primum, quia rarior, deinde, ferè unicolor. Raritatis causam Aristoteles in Lunam coniicit, quæ nisi plena, & lumine multo tumens, vires ad penetrandam paulisper, & colorandam nubem, non habet. Plenilunio autem, occidente Sole, Luna surgit. nec statim etiam, si quæ fortasse roscida,

ei opposita nubes sit, formare conspicuam in eâ Iridem potest, du-
rantibus vnâ aut alterâ horâ, & lucem eius debilem infuscantibus
crepusculis vespertinis. Albertus tamen narrat, Lunâ nondum Albert.
impletâ, & meridianâ, à se multisq; visum Lunarem arcum in
Septentrione. *Nec erat Luna plena, inquit, sed amphitrios* (*ἀμφίτριος*
τῶς dicere voluit) *hoc est, satis plurquam dimidia, aliquantulum de-*
ficiens à plenitudine. & erat Luna in Meridie ultra Zodiacum in
signo Capricorni, in principio illius signi, Sol autem in fine Tauri,
circa initium Geminorum.

Americus autem Vespuccius, ille qui ingenti & inuidendâ felici-
tate alteri Orbi nomen dedit, inter admiranda, Iridem Lunæ Americ.
candicantem, in ipso noctis meridie, à se visam ponit. Aristoteles Arist. l. 1.
tamen certè, quinquaginta & amplius annorum spatio, bis tantum Met. c. 2.
in eam se incidisse scribit. Vbi obiter insignitum quendam er-
rorem noto, qui Aristotelem admodum adolecentem hæc scri-
pisse asseuerant. Thimon nihilominus intra tertium annum bis, Thimon.
& Snellius lib. de Cometâ 1618. biennio toties adspectam narrat. Snell.
Iridem, inquit, Lunarem hoc continuo biennio visam memini. An-
no 1617. mense Decembri circa plenilunium: & 1618. propitius Cal.
Ianuarii à 5. ad 6. vespertinam, dum Hagam iter facerem, Iridem
consimilem magnâ cum voluptate spectavi. Et Gemma noster lib. 2. Gem.
c. 2. Colmoer. ad annum 1569. Iris expressâ noctu horâ 12. visa est,
Martij 12. celo sereno ac temperato, spirantibus Cauris. Stabat hæc
diu suis perfectè coloribus insignita. Mirum tamen id, cum Ari-
stoteles ei coloris lactescentis vnitatem tribuat. idq; & quia radij
Lunaris languor non altè nubis opacitatem penetrat, sed in super-
ficie solum eius albente quadam & fractâ luce splendet; & quia
color in eâ purpureus & viridis candere apparet adpectu & cõpa-
ratione tenebrarum. Minimè enim luculæ cinctæ horrore noctis,
acriter adpectum feriunt, & candorem mentiuntur largiter supra
verum. Mentior etiam ipse, nisi huc adspexit Poëta Hispanus, cum
nigram sepulto tenebris die describens tempestatem, Iridem pæne Lucan. l. 4.
unicolorem fuisse fingit.

Hinc imperfecto completitur æra gyro

Arcus, vix vllâ variatus luce colorem.

Oceanumque bibis, raptosq; ad nubila fluctus

Pertulit, & celo diffusum reddidit aquor.

Densitatem tamen etiam & opacitatem nubium, radiorū respuen-
tem, vnâ habuisse in mente, quæ in stilo non satis apparet, potuit.

D d d

Verum

Sennert. in
Epito.

Verum ne Gemmam nostrum altero coloratæ Iridis exemplo destitutum existimetis, Daniel Sennertus, V Vittembergenfis & famosus Medicus, anno 1599. mediâ ætate, post dira fulmina, & pluuias, desquiente iam nocturnâ tempestate, inter Septemtrionē & Ortum, insignem omnibus coloribus & Solari planē æmulâ, Lunæ Iridem vidisse, memorat. Credo: quin enim talis coloratio, etsi raro fortasse spectaculo, euenire possit, nihil equidem addubito.

Est igitur Lunaris Iris, vt semel finiam: Arcus plerumque vnicolor, ortus in rosido vapore Lunæ opposito, ex refractione radiorum, & deinde reflexione ad intermedium spectatoris oculum. Quæ omnia in Solarē cadent, si pro vnicolore, tricolorem repones.

CAPVT II.

De Halo, siue Coronâ.

Apul.

Sen. lib. 1.
c. 2. Nat.



PLENDOREM illum qui coronare aliquando sidera maiuscula cernitur, multi Halo aut Halyfin, Apuleius Catenam, aliqui Armillam, alij Coronâ, aut Aream vocant: quia *serè*, inquit Seneca, *terendis fragibus loca destinata, sunt rotunda*. Causa materialis in quâ, eadem quæ Iridis, nubes rotulenta. Ex quâ, lumen astri vaporibus inculcatum, nisi, vt in speculo cerni astrum maus. Formalis, figura illa circularis, quâ astrum cingit. Finis, decor Vniuersi, ventorum & imbrium significatio, laus Creatoris. Efficiens, luminare alterutrum, aut quandoque astrum aliud è grandiusculis. Apuleius de Mundo sic eam finit: *Halyfis est catena quadam luminis clarioris, per sideris ambitum in se reuertens*. Sed modus generationis eius in rixâ grandi est, & pari cum eâ quâ Iridem iam statim disputauimus.

Apul.

ARTICVLVS I.

*Quis modus generationis Coronæ. Seneca, Albertus,
M. Antonius, reiecti.*

Sen. lib. 1.
c. 2. Nat.

Seneca Philosophiâ nimis paullisper palpabili docet, vt lapis in tranquillum lacum iniectus circulos quosdam facit, ita Solis, Lunæ, aut alius sideris radium nubem incurrere, eamque in orbem quosdam à centro in circumferentiâ repellere. Sed hoc est, radium corpoream substantiam facere. ac deinde, primo radij coniectu,

lectu, angustior esset Corona, laxaretque se paulatim ille ambitus, vt in circulis aquarijs vsu venit.

Albertum miror tam propè à Senecà abesse. Putat, radiam aſtri perpendicularem, qui omnium fortissimus, in medio tenuare & refundere circulatim in circumferentiam nubem; vbi acruata, in materiâ densiori plenius bibat & retineat lumen. Verùm, sic etiam paulatim diduci, rareſcente vapore, cerneremus Coronam. Secundò, radius Lunæ, quia imbecillus, tardè admodum vaporem sic aperire & dissoluere valet. Tertiò, Corona Solaris, Lunari semper longè amplior foret. Quartò, & fortissimè, quia alijs aliquanto à te interuallo distitus, Coronam circa idem sidus, quæ tuam intersecat, sæpè videt. ergo non vnum vtriusque centrum, non vnus est radius perpendicularis, qui ad vtrumque spectantem oculum venit: sed circa omnia aræ tuæ puncta infinitæ Coronæ circumſcribi poſſunt pro diuerſis ſpectatoribus. Vnde patet, totum circuli ambitum luce ſideris perſuſum eſſe, eſſi tu ſolum extremum eius limbum candicantem adſpicias. prorsus, vt in Iride diximus, ſpatium quod brachia amplectuntur, colores etiam, eſſi eos te celet, non ſecus ac ipſum arcus gyrum, rapuiſſe.

M. Antonius de Dominis l. de Radijs c. 18. contendit, Coronam per meram ſideris à vapore ceu ſpeculo reflexionem circinari: vnde non lumen nubi intritum, ſed ipſum quod in cælo eſt ſidus, in eâ cerni. exiſtimatque à ſe Ariſtotelem eſſe, qui Halo ſuum non per *ὑψέλαση refractionem*, ſed per *ἀνάκλαση reflexionem* maluit expedire. Admittit tamen aliquam in Iride refractionem. quod non oporteret, ſi conſtans eſſet: nam Ariſtoteles per vnā emicationem radij ab oculo in nubem, & deinde reflexionem ad ſidus, vtramque *ὑψέλαση* explicat.

Probat M. Antonius, quia refractione non niſi parua admodum, ob vaporis tenuitatem, in Coronâ eſſe poſeſt, & radij ab oppoſitis circuli guttis refracti verſus perpendicularē, in tantâ ferè poſt vaporem diſtantiâ, quanta eſt ſideris à vapore, concurrent. Cum igitur ſpatium aſtri & nubis interuallare infinitò pænè ſuperet modicum illud quod inter nubem & oculum eſt; clarum eſt, radios ab extremis diametri Coronæ punctis, tam citò non poſſe in oculum concurrere. Itaque cenſet, radios à ſummâ tantùm interni lateris guttarum ſuperficie refleſti, & inde angulo incidentiæ pari in oculos decidere.

Dico tamen Primò: Radius aſtri in vapore ſubiecto neceſſariò

ad perpendicularem refringitur. Ratio est manifesta, quia è medio rariori humorem densiorem incidit. Igitur prorsus, vt in Iride, oportet in singulis guttulis refractionem euenire. vnde sicuti in siccis illis exhalationum fumis non colorantur Irides, quia radios non frangunt, nec satis aggregant ad perpendicularem; ita etiam sidera nisi in circumfuso rorulento vapore, non coronantur. Refractionem verò istam ad oculum etiam peruenire, sic ostendi videtur: quia Coronæ, maximè Solares, non rarè Iridum coloribus maculosæ cernuntur; igitur refractione ibi aliqua, & confusio radij cum opaco nubis se miscet. si enim à summâ solùm guttarum curet, non è profundo, rediret ille radius, non esset vnde colorem istum duceret.

Dico ergo Secundò: Halo, quemadmodum Iris, fit per refractionem simul & reflexionem. vnde non tam sidus ipsum reflexè videmus, quàm lumen eius in vapore fractum ac multiplicatum, & deinde repercussum ad oculum. Id veri similitudinem, vel ex solâ quam cum Iride habet analogiâ, capere potest. Itaque pars vna radij, inprimis, à superficie extremâ guttarum statim reflectitur; altera verò quæ profunditatem earum intrat, post fractionem demum & aucto lumine reuertitur. Sic enim euenire solet, vbi radius in corpus partim opacum & partim diaphanum, qualis humor est, iacitur. aliquid, inquam, lucis à superficie resilit, aliquid in profundum conditur. Et licet fortasse pars illa, quæ per punctum superficiei intrat, à quo altera ad oculum reflectitur, quia versus centrum guttæ ad perpendicularem se inclinat, non redeat cum ipsâ in eundem oculum; alij tamen radij per puncta superiora in guttas penetrantes, reuerti possunt. Deinde radij, qui non tam citò ad axem Coronæ ex quo oculus spectat, reflecterentur, sed ad partem longè remotiorem concurrerent, in alias guttas sæpè offensantes, tandem in aliquem angulum incidunt, quo cum alijs mixtim in oculum compelli valeant.

Quidquid sit, negandum sine dubio, solâ refractione, & aggregatione luminis, vt in Lunâ aut candenti aliquâ nube videmus, rem istam peragi; alias enim ex quolibet situ, nec figurâ necessariò orbiculari, & nubem totam, mediamque ipsam Coronæ aream, luce perfusam liceret cernere. Errauit ergo hic, vt mihi videtur, Eru-ditus Thimon, qui reflexionem à Coronâ repellit, quam tamen non spernit ab Iride.

Thimon.

Rem igitur totam sic mihi in mente deformo. Radij per omnem Coro-

Coronæ aream, versus axem, siue lineam quæ à centro sideris per centrum Coronæ in oculum venit, in guttis antè mollior fracti, reflectuntur. hoc tamen discrimine: qui vicini centro Coronæ sunt, statim in axem concuriunt, ideoque eos non excipis, quia ibi non habes oculum; qui verò à centro longinquiores sunt, altius descendunt, & in punctum axis oculo tuo viciniorem, non tamen adhuc in ipsum cadunt. atque ita deinde dilatando perpetuò circulum; donec ad cingulum illud radiorum venias, qui nec citrà nec ultrà, sed in te decidunt. Facilius tamen hanc refractionem & reflexionem ad axem Coronæ intelliges, si à guttis longiusculè satis à centro distitis, & sideri quodammodò contrà positis fieri imaginæ: sic enim ad axem repellentur eadem ferè quæ in arcu ratione. Et ita planè iam censeo accidere. & mecum cogira, radium v. g. à centro sideris per profundum vaporis obliquè iactum, tandem eousque decliui illo descensu peruenire, vt guttas illas in latus feriat, à quibus angulo tali reperiatur, vt in oculum tam profundè nubi suppositum valeat resilire.

ARTICVLVS II.

Coronæ proprietates.

PRima est, figura circularis: eò quòd æqualibus vndique angulis radij vaporis occurrentes reflectantur ad visum, vt diximus circa arcum. Integer verò circulus est; quia vaporem vndique sparsum, in quo ambitum totum impleat, habere potest: non ita Iris, cui obstat infernè terra. Hoc autem in valdè miris, & magno Naturæ arcano ponere soleo, Diametrum Coronæ æqualem esse Iridis semidiametro. Id enim Thimon experimento constare affirmat, asseritque Keplerus in Paralip. ad Vitellonem, cum ait, sidus 22 $\frac{1}{2}$ gradibus semper à circumferentiâ Coronæ abesse. ista enim est eius semidiameter. ergo solida diameter, erit graduum 45. quantam antè ex Maurolyco fecimus Iridis semidiametrum. Ego etiam anno 1624. die 24. Martij, Coronæ Lunaris, ex solâ cum vicinis fixis comparatione tantam diametrum inueni. crassities verò latitudinem circiter obtinebat 5. graduum. Causam qui proportionis istius redderet, nondum reperi. An, quia nubes in quâ pingitur Iris, longius à sidere, quàm altera distat in quâ circularitur halo? Quispiam id putet, quia vapor coronatus inter sidus est & oculum, cum alter Iride cinctus è regione sit, oculo interposito

inter ipsum & Solem aut Lunam. Videtur ergo Iris, quàm halo, longius remoueri à sidere: & proinde ab hac causâ conus illuminationis Iridis maior & latior esse, quàm Coronæ. Sed hoc inde falsitatis potest argui, quòd in eàdem nube Australes cernât quandoque Iridem, in quâ nos Coronam, qui post vaporem illum sumus, & habitamus ad Septemtrionem. Id enim aliquando fieri,

Vitel.

Thimon.

Aduerto tamen in primis, & mecum facit Thimon, non omnium Coronarum diametros, sicuti nec Iridum, esse pares. Nam quæ oculo viciniore, angustiores sunt. quod etiam intelligi potest è Coronis lucernarum, quæ quò propinquiore spectanti, eò breuiori circello flammam circumligant. hinc igitur liquet, non omnium vniuersè Coronarum diametros, quarumcumque Iridum semidiametris esse æquales. In plerisque tamen iustæ amplitudinis Iridibus, & Coronis, fortassis est prope verum: quia radij nubem penetranes, citius post eam ad axem Coronæ concurrunt, quàm ij qui ex aduerso in Iride recipiuntur. idè fortè solùm, quia Coronæ vapor, etsi satis excelsus per errorem videatur, submissior tamen longè sit, quàm sit distantia Iridis vulgaris ab oculo. Nam profectò demissimæ illæ nubium quæ Coronis cinguntur, 500. solùm passibus, & sæpe citrà à terris absunt: cum tamen iusta Iridis distantia ad 1500. & vltrà passus tendatur. Confessum autem est, Coronam eam strictioris ambitus esse, cuius vapor propius impendit spectanti. Inde etiam colligi satis potest, Coronam sæpenuerò dependere in infimam aëris regionem, & satis altè infra nubium stationem; quòd Iris etiam ad terram brachia demittat, & eousque sat vaporis inueniat, à quo sustentetur: igitur & Corona succumbere satis profunde in aërem infimum valet, & vaporem cui inhæreat apprehendere. Deinde cum sidus coronatum, horizonti admodum est, necesse infimum Coronæ arcum in aërem proximum altissimè demittit. Cur ergo, inquires, non ex propinquissimo, vt Coronæ lucernarum, apparent astra coronata? Quia, credo, ceteri astrorum radij directè per Coronæ centrum & aream in oculos deiecti, repellunt quodammodò & diffundunt Coronæ ambitum; id est, non patiuntur tam angustum circa se Coronæ circellum, sed diluunt ac infuscant, sinuntque tantum ex longinquo adspici. Ita Coronas & Irides lucernarum, oculo proximas non cernimus.

Coronas

Coronas etiam quasdam non circumcise circulares esse, facile suggerunt quæ de Iride diximus. Vbi enim vapor non parís vsque-
quaque densitatis est, non est necesse ex parti in orbem interuallo
radios in oculum resilire.

Altera etiam Coronæ proprietates est, candor ille & vnitas colo-
ris: quo, præter circuli incolumitatem, discernitur à Solari Iride.
Causam huius candoris istam molitus est Vitello lib. 10. th. 68. Vitell.
*quodd lumen refractum, non sit umbrarum nigredini permixtum:
quia radius deorsum refractus refugit umbram proiectam à corpore
cui incidebat. quæ tamen est modica, quia vt plurimum Corona vide-
tur in vapore raro, leniter condensato. Item autem colorari inquit,
quia fit per reflexionem radiorum, umbras proiectas penetrantium.*

Verum non dubium, quin per multarum guttarum umbras,
Coronarum etiam radij transeant. nec solidum est, interiectum
istud discrimen; quodd Irides reflexione, Coronæ refractione fiant.
nam vtrobique mixtam refractioni reflexionem ostendimus. Ra-
dius ergo coronarius à loco refractionis deorsum reflexus, in stil-
licidia plurima vaporum offendit, quorum umbras deorsum se-
cum deducit.

Itaque existimo (& mecum lib. Paralip. in Vitell. affirmat Ke- Keplerus.
plerus) Coronas omnes discolors, vt Irides solent, esse. Lunares
tamen & nocturnorum siderum candidæ apparent, quia & imbe-
cilli radio factæ, & in tenebris tantum, vt de Iride Lunari antè di-
cebamus, se ostendunt. Solares verò semper rubidæ, aut vniuersis
Iridum coloribus (nisi quantum diurnâ & affluentí luce, de nigre-
dine in pallorem diluitur) florere solent.

Talem se anno 1528. item cum Carolus Cæsar coronatus, vi- Cardan.
disse circa Solem narrat Cardanus lib. 14. c. 70. Variet. Et Plin.
lib. 2. cap. 28. Cernuntur, ait, plerumque circa Solis orbem, seu specie
*corona versicolores circuli: qualiter Augusto Casare in primâ inuen-
tâ Vrbem intrante post obitum patris, ad nomen ingens capessendum.
De quo eodem Seneca lib. 1. c. 2. Nat. Memoria proditum est, quo Seneca.
die diuus Augustus Vrbem, ex Apolloniâ reuersus, intrauit, circa So-
lem visum coloris varij circulum, qualis esse in arcu solet: hunc Græci
Halo vocant, nos dicere Coronam aptissimè possumus.*

Ad hanc alluít Arcus triumphalis, inaugurationi Serenissimo-
rum Principum Alberti & Isabellæ à Louaniensibus nostris an- Alcasar.
no 1599. dicatus. De quo hæc Lud. Alcasar ad cap. 4. Apocal. In-
nat hic, inquit, obiser referre, quodd in Ducum Brabantia Chroni-
co

colegitur, Alberto & Isabella Principibus Lovanijs ante portam Brunxellensem scriptum in hanc speciem:

OCTAVIANI AVGVSTI IN VRBEM ADVENTV
 CORONA IRIDIS SPECIE CIRCA SOLEM APPARVIT,
 NOVÆ POTENTIÆ AVSPICIVM.
 NOVÆ PACIS
 HANC VOBIS O PRINCIPES NOSTRI
 S. P. Q. LOVANIENSIS
 IN IPSO INGRESSV DEDICAT
 NOVÆ POTENTIÆ AVSPICIVM.
 NOVÆ PACIS
 SOL VOBIS AB HESPERIA FVLST,
 CIRCVM EVM ET AB EO CORONA
 PROVINCIIS VARIEGATA, IRIDIS SPECIE REFVLST.
 O FAVSTA FIRMAQVE ISTA SINT!
 ET TV ILLE VTRVMQVE ORBEM,
 VOS ISTI NOSTRAM BELGICAM,
 SALVTARI LVCE PERFVNDITE,
 VITAM ET VIGOREM REDDITE,
 HEV BELLIS CIVILIBVS AMISSVM.
 DEVS ET SVPERI VOTA NOSTRA AVDITE,
 VOS PRINCIPES OBSEQVIA ADMITTITE,
 QVÆ FIDELITER ET ÆTERNVM DEFERT
 S. P. Q. VESTER LOVANIENSIS.

In quo Lipsij nostri videor agnoscere ingenium & manum.

Coronæ etiam Lunares quandoque colorum varietate maculantur. & Collegam hic in Philosophiâ nuper habuimus, qui sanctè adiurare paratus erat, visam à se talem. rarer tamen id: veluti insolens etiam, Lunæ Iridem multicoloram esse. Hoc quoque curiosum, & meretur attentionem: Coronas inuerso, nec eo quo primariæ Irides, ordine colorum depingi. Interior enim & alto vicinissimus puniceus & ardentissimus est, fugitque deinde, & declinat per vindem in purpureum. Ratio tota est in radio, qui proximum vaporem robustior & vberior penetrat, languescitque paulatim, & pluribus intricatus umbris, in virorem, & emoritur statim in purpuram. Quod vehementer affirmat, quæcumque nuper asseruimus circa Iridis generationem.

Geminat etiam quandoque Halo, Nam & nos duplicem Lunarem

rem vidimus:& Dion lib. 45. narrat, ante Augusti, Antony, Lepidi ^{Dion.} Triumviratum, Coronâ triplici circumcinctum apparuisse Solum. Vnde liquet, non omnium parem esse diametrum. Modus geminandi facillè ex Iride intelligitur. nisi quòd à sidere proximè verosimilius, certè tamen sæpius, veniat huius congeminatio. Cum enim exterior primæ Coronæ circulus, purpureus & maximè imbecillus sit, haud faciles in eo vires alterâ Coronâ vaporem magis diffusum adspargendi.

In Coronæ proprietatibus, motus etiam eius apparentes possunt recenseri.

Primum, ab Ortum ad Occasum incedere videtur, in comitatu ipsius astri. Non quia idem Coronæ lumen, locum migret, sed alia & alia catena, germana priori, in occidentaliore vaporis parte perpetuò concinnatur. Vero tamen etiam motu abire versus occasum potest, si nubes & oculus in illam quoque cum astro partem se promoueat proportionali passu. Quod etiam Iridi euenire potest, si ad adscensum v. g. Solis, opposita ad Occidentem nubes, paullatim succumbat & demittatur.

Motu deinde oculi, in Ortum, Austrum, & Septentrionem, Halo potest transferri. Aufugiet denique suum, si attollat se oculus, sequeturque deorsum, si descendat ad humiliora.

ARTICVLVS III.

Tempus, & præfagia Coronarum.

Corona Lunar, Iris Solaris frequentior est. Multum enim & affatim luminis, in densâ & opacâ nube, Iridis generatio flagitat, modicum verò tenui vaporis inspersum, qui non statim dissipet, aut nimis diducat, magis pro Coronis est. Non omnium tamen siderum, etsi Seneca id affirmet, Coronæ sunt, sed Planetarum dumtaxat, & fixarum insignitæ magnitudinis, vt Vitello ^{Seneca lib. 1. c. 10. Nat. Vitello Aristot.} lib. 10. th. 68. post Aristotelem, conspectius. Sæpè etiam Halo Solaris est, quando non apparet. quia non oculo aucto, vt Iris, sed in flagrantissimum sidus intento, & idèd in maiori luce, caligante, adspici debet. Vere autem & autumno, vt Irides, & oppanso sideribus tenui, & quod radij facillè terebrent, velo, solentiores Coronæ.

Imbrem aut humorem præfagiunt, infidâ tamen magis, quàm Iridum, fide. Insigniter, sed Aristoteli nostro consentienter, Seneca. ^{Seneca Aristot.} Cum ab vnâ parte cesserunt, illinc ventus est, vnde finduntur. si

Ecc

ruptæ

rupta pluribus locis sunt, tempestas sit. Nam si ab vnâ parte intercisâ est, apparet inde aëra incumbere, & ideo illa regio ventum dabit. cum vndique concepta & lacerata est, manifestum est, à pluribus partibus in illam impetum fieri, & inquietum aëra hinc atque illinc afluere. Si verò facies vniuersa subsedit, & aequaliter dilapsa sit, significatur aëris quies, otium, & tranquillitas. Et hinc etiam, non nisi tranquillo fere, integra aut diu apparet. Nube tamen vnâ transcurrente, altera paris fili & contextu vaporis succedanea, præcedentis Coronam aliquando rapit.

ARTICVLVS IV.

De lucernarum Coronis.

Seneca.
Aristot.

COgnatæ sideralium, aut tenue quoddam earum rudimentum sunt; ideoque, vt laciniam, ceteris atteximus. In balneis autem maximè, inquit Seneca, & vapido aëre, Euro (id est, Vulturo humenti) spirante, ait Aristoteles, apparent lucernarum istæ Coronæ.

Thimon
lib. 3. q. 1.
Meteor.

Ambigunt tamen quidam, an reuerà candelarum flammulas cingant, an oculos ludificent, & in ipsius tantum, non in aëre circumfuso sint. Nam Thimon in Iride oculi, siue extremo limbo foraminis vuae tunica hæreere solum, multis contendit.

Prob. primò: Quia lippis, & quisquis recens à somno, expressius eas vident. igitur nascuntur potius ex refractione luminis lucernarum in oculis lipporum vnctis & rorantibus, aut vigilantium statim à somno.

Secundò: Non pyramidales, qualis est flamma quæ coronatur, sed circulares apparent: id est, figuræ foraminis vuae.

Tertiò: Non fugiunt propinquantem, nec sequuntur abeuntem, vt Irides, & siderum Coronæ solent.

Quartò: In aëre etiam rarissimo quandoque fingi possunt.

Denique: Tales in Sole versicolores Coronæ videbuntur, si quis radium foramini obscurati conclauis illapsum, oculo excipiat.

Aristot.

Hæc tamen Aristotelem mihi non excusent, qui has corollas Iridibus & Coronis sideralibus pariat aut componit. Igitur vt istæ in nube, sic illæ in aëre circa lucernas vapido adherent. Abhinc enim est, vt balnearum præcipuè, & Austro, siue alio humecto spirita flante, aër quem flamma allambit, promptissimè se in ista coronamenta induat. Si verò aliqua, vel à flammæ fuligine, vel aliunde, veluti nebula lucem opacans accesserit, tum etiam colorari
lux

lux illa coronaria incipiet. Id enim experimenta, & Aristoteles ad ^{Aristot.} firmate. Et si purpurea, inquit, sepius tota appareat: Viror tamen, ad-
dit Vicomercatus, quandoque etiam purpuram variat. Ex quo in-^{Vicom.} telligitur, leuiter lapsum Lud. Alcafar Apocal-cap. 4. vbi negat, igneâ luce colores Iridis posse repræsentari.

Sed ab argumentis Thimonis, aliquid amplioris lucis huc af-
fundemus.

De Primo, ad fateor, in humore lippientium oculorum, aut pa-
centium statim à somno, fractionem radios aliquam subire, sed
aliam tamen antè ab aëre candelam cingente, qui & fuligine
flammæ, & aurâ humente, vt docet Aristoteles, non raro in tantum
pinguescit.

Secundum plus aliquanto molestiæ habet. hoc tamen me sola-
tur, quodd eadem vnâ operâ conficias, Coronam Lunæ cæsx, aut
corniculantis, non oportere videri orbicularem. Regeri hoc etiam
potest: nullam Thimoni causam esse, cur Halo candelæ in summo
fractus sit, vbi flamma se in fuligines erogat, si totus in oculi Iride,
non in aëre fulgeat. Apparet ergo pænè circularis, quia flammæ
vtrimque venter in medio extuberat, & æquali hinc & hinc lon-
gitudine procurrat & radiat. Supremus verò flammæ conus &
apex, in altum Coronam non protrudit & turbinat, quia mul-
ta, quæ per verticem se exonerat, siccâ, opacâ, turbulentâ fuligine,
cingulum potius ibi rumpit.

Ad Tertium. Verum est, non fugit, si accedas, sed euanescit, quia
non ab aëre longè vltra candelam, sed circâ reflexio fit. deinde, ex
propinquo directum flammæ lumen pupillam nimis in albat, &
Coronæ coldrem & sensum diluit. Aliud in Iride & Coronâ side-
rum est, vbi tora profunditas nubis infinitas reflexiones habet, &
innumeris, quarum aliquæ propiores, aliæ remotiores sunt, pingi-
tur Coronis & Iridibus.

De Quarto, nego in aëre tenuissimo posse apparere. non enim
satis habet opacitatis. aliàs semper omnes omnino flammulas co-
nantes, aut comantes cerneremus.

Vltimò, do quandoque lumen Solis in oculorum tunicis & hu-
moribus refractum, & vuez limbo, coronæ modo, circumfufum,
apparere in aëre. Vt fortasse cùm post ad spectum diu Solem, aciem
ad locum obscurum vertis. circulum enim quemdam in tenebris
illis fulgentem cernis: qui paulatim in virorem relanguescit, pur-
purascit dein vincentibus oculi tenebris, & denique euanescit, fu-

Themist. gitiuo omni lumine, vt lib. de Insomnijs egregiè docet Themistius. Non nego igitur lumen oculi aliquando videri. nam id etiam accidit, quoties pugno in oculum impacto, scintillæ quædam exiliunt. Spiritus enim animales impetu dissilientes, tunicas & humores oculorum tenuiter saltem illustrant. Ita etiam Tiberius Cæsar, *Plinius.* *Sueton.* Plinio & Tranquillo teste, sine vlllo etiam oculorum frictu, cum primùm à somno patuissent, omnia, vt in luce, cernebat, hebescebantque deinde paulatim. Ac ne Tiberius putaretur in hoc miraculo singularis, sibi quoque iuueni id solenne fuisse, scribit lib. 8. cap. 43. Variet. Cardanus: & in cerebri calorem, spirituumque tenuitatem refert. Id ipsum etiam de se Cælius Rhodiginus. & multis alijs euenisse scio, cum vesperi benè madentes cubitum iuissent, præsertim largiori feruidi Hispanici potu.

CAPVT III.

De Parelijs, Paraselenis, & Virgis.

Plin. lib. 1. cap. 32. **P**ARELIUS, siue, vt mauult Seneca, Parelum, tale dicitur, quia *ἡλιον* iuxta Solem apparet. Ridicula enim est, & ex ignorantia linguæ Græcæ nata etymologia Thimonis & Vitellonis. Parelus, inquit, quasi par, siue æqualis Soli. Die solum cernitur: noctu verò, Paraselene, iuxta Lunam. vocantque aliqui nocturnum Solem, Plinio teste. Iuxta cetera, quia minus illustria & brevis apparentis disci, sidera, nulla vumquam visuntur Parelia. Res enim parua è longinquo speculo videri non potest, spatio magnitudinem eius facile consumente: aut certè, si appareant quandoque, puncta tantùm luminum sunt, ab alijs cæli luminibus, nisi à peritissimis, non distinguenda.

Parelum finiri potest, Imago Solis, iuxta eum in nube visa. Simili exemplo, Paraselene, imago Lunæ est, in nube iuxta ipsam apparens. Virgæ, siue bacilli, lumen Solis sunt per nubem sparsum, & radiorum diuisione figuram exprimens virgarum. Sed de singulis compressius aliquid & attentius cogitandum.

ARTICVLVS I.

*An Parelum lumen Solis nubi impressum sit, an Sol ipse
visus in speculo.*

Syppono, quod in Lib. de Animâ ostendemus verum, non idolum aliquod rei, speculo inhærens, sed ipsam, quæ extrâ est, adspici reflexè, cùm quidpiam videmus in speculo.

Keplerus c. 4. Paralip. in Vitellonem, refractione radij Solis in vapore nubis conformari credit: colores etiam suos habere, etiam si non cernantur. Quod ergo cernimus, lumen erit Solis, nubi infusum, & velut in nodum ibi collectum. Id tamen nullâ demonstratione aut ratione probat. Videtur tamen his posse.

Primum: Diximus antè, Iridem & Coronam, lumen esse sideris nubi adhæsum, non ipsum, reflexè conspectum sidus. Cur ergo Parelia iam excipiamus? Hinc fortasse apud Senecam quidam non pessimè Parelum definitur, *Nubem rotundam, & splendidam, similèque Soli.* sicque eueniet planè, quod Guiduccius cum suo Galilæo affirmat, eadem omnino Parelia à diuersis oculis per multa interiecta milliaria diuisis adspici.

Secundò: Parelum nihil habet ardoris, ait Seneca, sed hebes & languidum est. non ergo Sol est, flagrantis & acerrimæ lucis, sed lumen eius fractum & enervatum in profunditate nubis.

Tertiò: Speculum, præsertim magnum & continuum, nullum est in nubibus: cū hæc aëre nostro leuiore & rariores sint, vt Lib. 1. docuimus. Frustrâ igitur lib. 1. cap. 11. Nat. sic argutatur Seneca: *Numquid nostrum miratur, si Solis effigiem in aliquo fonte, aut placido lacu vidit? Non, vt puto. Atqui tam in sublimi facies eius potest, quàm inter nos, reddi: si modò idonea est materia, quæ reddat.* Clausula salubriter & conspectè adiecta. Verum idoneam istam materiam, circumiectis in orbem oculis quærimus, neque dum reperimus. Nam densitas & læuor fontis aut placidi lacus, à raritate & inæqualitate nubis longè abluat.

Quartò: Radius Solis nubis dorso illisus, in cælum, non in oculum infernè spectantem resiliret.

Vellem sententiam istam retinere possem. Sed multa sunt, quæ mihi ferè eam extorquere videntur.

Inprimis, non esse nubem rotundam, luce infusâ ceu colore proprio albicantem, quod putasse videtur Guiduccius, cognosci ex

Ecc 3 motu,

motu, quo pari passu, ab Ortu ad Occasum, ad latus Solis incedit, potest. Nam nubes non solent sic certâ lege sidus aliquod comitari. Si dicas, radios prius frangi, deinde reflecti, vt in Coronâ & Iride: figura ipsa Parelij rotunda & planè Solaris te, vt videtur, refellit. Non enim figura luminantis, in lumine sparso expressa apparere solet. figuram subiecti potius induit: vt floccos nubium eâ formâ colorari cernimus, quâ fortè materia ibi suspensa fuit.

Cardan.

Deinde, Cardanus lib. 4. Subtil. tres Soles à se visos, tam flammantes, narrat, vt verum à Parelijs discernere non valeret. Denique hæc esse videtur sententia Aristotelis: quam vero propiorem existimare oportet, si vtcumque repellam, aut declinare possim ea quæ antè obiecimur.

Aristot.

Ad Primum. Longè aliud in Iride & Coronâ est, vbi figuram sideris non cernis, sed rotunditatem solùm, concinnatam ex radijs vndique in orbem pari angulo redeuntibus. Et verte oculos quocumque voles, numquam, aut valdè fallar, luminosum reperies, quod in vllâ materiâ tam graphicè, & vt dicitur, ad viuum, imaginem suam depingat. sed cùm ita videtur, semper est res ipsa, non simulachrum eius, quæ in speculo & alieno situ introspicitur: si vnicum exemplum excipias, vbi radius angusto foramine in locum tenebris infuscatum accipitur. Qui modus Parelio tamen congruere non apparet: quia minimi & circumcississimi orbis esse oporteret, si saltem picturæ locus non longè à foramine distet (ita enim, cùm Solem in conclaue admittimus, experimur,) aut quacumque magnitudine sit, non iuxta Solem, tamquam latero & comēs, incedet, sed in partem semper oppositam regredi parebit. Radius quippe in domum foramine aut fenestrâ illapsus, Sole à Meridiano v. g. descendente, ad partes pavimenti Orientales pedetentim recedit. Stripant tamen Solem Parelia, & Aristoteles in Bosphoro quondam visum eum ab Ortu ad Occasum inter duo incessisse, scribit. Causam igitur vides cur discrimen aliquod inter Irides & Parelia interponamus.

Pro Secundo, Cardanum iam audisti, cuius experientia Senecam confutat. Sed stilo proprio loquentem adhuc audire iuuat. *Vidi, inquit, anno 1532. die undecimâ April. horâ diei secundâ, res Soles tam conspicuos ac splendidos Veneriis, ut insueri nequaquam possent. qui ad Solis laniam habebatur, valdè lucidior maiorq; ac splendidiior visus est, versus Austrum. qui verò ad dextram, Boream versus spectabat, minor, nec tam splendens. hunc tamen in fine magis persuerantem*

Cardan.
l. 14. c. 70.
Variet.

rantem

rantem autumg, animaduertimus, sic tamen ut ambo simul desisse visi sint. Vterque maximos radios per calum & ad terram extendebat, colore omnium ad rubedinem declinante. Hac à me visa plusquam 2000. testibus spectantibus. nam Aedus B. Marci aream compleuerant ciues. Credit autem ipse, hoc Triumuiratus Caroli V. Imp. Henrici II. Gallorum Regis, & Solymanni Turcarum Sultani, praesagium fuisse. Ex hac igitur historia, praeter alia, istud nacti sumus, Parelia non semper adeo esse infracta & hebeti luce.

Tertium me praecipue vrit. Nego tamen, vaporem nubium continuum (qualem huc Aristoteles exigit) non posse sic radios sustinere, ut instar magni speculi, imaginem Solis in oculos reijciat. Potest enim reuera (et si res ista primà fronte incredibilis occurrat) si opacitas aliqua à tergo se speculo obiciat. quam etiam valdè speculi ab oculo distantia adiuuat: tenebrae enim maiores & attriores apparent è remoto. Sic saepe manè aut vesperi, Louaniensia prata, continuà veluti aqua inundata, ut exundasse Dilia credi possit, adspicimus. vapor tamen tenuis & quem è proximo nihil cernas, in aère infimo pendulus est; qui, obtendente se tergo eius, terrae opacitate, lumen Solis, specie candentis marmoris molliter reflectit. In aère etiam vicino famosus ille Aristotelis Antipheron, ut speculo, imaginem perpetuò adspiciebat: etsi melancholiz eius & hypochondrijs id reddat Thimon. Vitello tamen certè lib. 10. tit. 6 1. de quodam familiari suo narrat, cum nocte quadam, post aliquot praecedentium vigilias, paludi adequitarer, vidiſſe alium quemdam, uti putabat, in aère illo vaporulento equitem, qui cum ipso, tamquam ad nutum omnem compositus, moueretur aut staret. euauisse verò itatim, ac in aërem puriorem venit. Ego etiam profectò in vitris fenestrarum pellucidissimis, nocte, candelà in cubiculo accensà, facillè me conspicio; quia praetenduntur solùm ab auersà parte tenebrae externi & nocturni aëris.

Quartum etiam me satis intricatum tenet. Nam reflexio ista specularis, ad angulos incidentiz pares fieri debet. Expedire me tamen utcumque possum, si non à nube quam perforat perpendicularis, sed à summotà aliquantum ad latus, ut Coronae accidit, radius in oculum resultet. Et satis procul quandoque à legitimo Sole Parelium abesse, sumo è Dione, qui ante necem Vitellij Principis, duos simul Soles, vnum in Ortum clariorem, alterum in Occasu hebetiorem (id est, meo interpretamento, Parelium) conspectos scribit. Sed tamen, cum vero Soli assidet, quid facimus? hoc tamen fortasse

Roth. in
Cometæ
anni 1585

fortasse sapius vsu venit. Nec me teneo, quin illustre experimentum Rothmanni huc proraham. Lucem enim huic rei, & tot Parelidorum materiæ aliquam infundet. Anno 1586. inquit, 2. Ianuarij conspeximus hic Cassellis Parelia. Apparebat primum, antequam Sol oriretur, in aurorâ (erat enim calum circa horizontem clarum) columna erecta ad amussim in circulo verticali, latitudine ubique tantâ, quanta apparebat diameter Solis. Incendium alicuius pagi ultra montes dixisses, si vidisses. erat enim prorsus specie ignea, tamquam flamma: nisi quod ubique eiusdem esset spissitudinis. Paullo post oriebatur in eâ columnâ idolum Solis, non aliter, atque si esset Sol verus. Vix digitus de hoc idolo adhuc sub horizonte latebat, cum in eâdem columnâ oriretur Sol verus: quem eodem modo subsequerebatur aliud idolum. permanebatq; columna hac, cum tribus suis continuè sese contingebus Solibus, semper erecta in circulo verticali, ut quadrans ostendebat. Erantq; Soles hi eiusdem formæ, nisi quod intermedium & verus reliquos fulgore antecelleret: durabantq; cum eâ columnâ ad quadrantem ferè hora, donec nubes nigra à vertice superueniens, eos obtegeret. Proximè igitur cingere valent Solis latus: & ex valde distito radius ad oculum reflexus tardè satis virium habet, ait Vitello, & Aristoteles, ut Solem perfectè in oculo imagnet. Propè iam abest, quin expungam & exculem, quidquid iam iam antè de reflexione speculari inculcanti. Certè tamen, quin aliâ longè ratione Parelia sapius deformari existimem. Si enim lateribus veri Solis ita nullo manifesto aut insigni intervallo se apprimunt, à quâ nube radij ad nos redeunt? oportet profectò, ut à proximâ centrali, & eâ quæ radio perpendiculari pænè confoditur. atqui id non potest, nisi quis fortasse naso & oculo infernè contingeret ipsum vaporem. Cum enim Sol sit vapore illo superior, nequit à tam propinquâ centro eius nube, tali angulo imago, ut ad oculum aliquanto intervallo distitum pertingat, reflecti. Huc ergo tandem, etsi trepidè, quia non video ducem, me abiicio.

Vitell.
Aristot.

Parelia longiusculè auulsa à vero Sole, ut quanta est semidiameter Coronæ, aut quæ in nube contrariâ, ut Irides, fulgent (quale fortasse illud, quod sub extrema Vitellij Czaris illuxisse diximus) per reflexionem forsitan apparere possunt: tam propinqua verò, quàm illa Rothmanni, mentior iam, aut non possunt. Quomodo igitur? Per refractionem, inquam, & venit iam in mentem lentium, siue vitrorum convexorum in Belgicis nostris dioptris, quæ non tantùm colorem, sed figuras etiam rerum egregiè imaginant.

Itaque

Itaque veluti res quæ speciem sui per lentem conuexam, forâmini obsecrati conclauis insertam, in oppositâ papyro aut candido pariete imaginem suam coloribus vniuersis & figurâ expressam depingit: ita suspicioriam Solem, per conuexam satis magnæ curaturæ nubem, radium in fundum tenebricosi vaporis deicere, ibique ob refractionem ad perpendicularẽ, quam & densitas continui humoris, & figuræ illa conuexitas efficit, idolum quoddam orbiculare sideris appingi. Duæ igitur nubes, aut duæ eiusdem partes, necessariz sunt ad hanc picturam. Superior, quæ sit vapor continuus (non, inquam, guttatim diuisus, sic enim in singulis stillidijs totius sideris fieret refraction, nec in vnâ aliquâ ampla imagine figuram suam explicaret) & ad iuuandam refractionem versus perpendicularẽ, incuruus. Deinde alia inferior, quæ instar parietis sit, qui imaginem excipiat. Infernè autem ex terrâ Parelia ista, per vaporem & aëra transparentem, vt imagines in cubiculo tenebrato, à tergo chartæ albæ & traluentis, adspicimus. Columna ergo illa, in azimutho, siue circulo verticali qui ab horizonte per zenith nostrum transit, erecta, in quâ vnum, supra verum Solem, alterum infra, impressum Parelum vidit Rothmannus, velut illarum imaginum paries aut tabula fuit, in quam à priori vapore fracti radij, rotundo illo schemate impeggerant. Incendium etiam columnæ, partim à vero Sole, partim à Parelis erat. Non apparent autem tam angusti orbis, quàm Sol per lentem conuexam in cubiculum exceptus; quia & conuexitas vaporis est maior siue amplioris circuli portio, quàm lentis, & secunda nubes longius distat à loco fractionis, quàm paries cubuli à principio foraminis. Non est deinde, vt Parelus ad ortum semper redire necessariò debeat: quod euenire radio antè diximus, qui per foramen in cubiculum incidit. Nam idem Parelus non diuturnat, nec (nisi nubes ad Occasum, Solem commitetur) locum mutat; sed alius perpetuò generatur à radijs per diuersam subiecti vaporis partem ad nubem inferiorem & inuibratam penetrantibus. Vnde non est necesse, vt per angustias alicuius, circumcircè opaci, foraminis in profundum nubis se insinuent, veluti cum cubiculo illabuntur. quæ causa est, cur in pavimento versus Ortum, & auersi à Sole, discedere videantur.

Ex toto hoc Articulo iam liquet, duplicis generis à nobis Parelis, vt Irides, reflexos scilicet, & refractos, alieni.

ARTICVLVS II.

Tempus, locus, numerus, proprietates Pareliorum.

TEmpus quo magis frequentantur, núbilo grauidum est, valido tamen, & perfringente Sole. vnde ver & autumnus magis idonei. Sole etiam ortiuo, aut occiduo plures, meridiano rarissimi. sub finem enim & initium noctis roscidus & humectus aër, reflectiones adiuvat & refractiones. Sed nullum frequentius, quàm orientem Solem comitantur.

In omni Climate videntur; sed in Zonis frigidis maximè, si credimus Olao. Causa est in aëre ibi vapore niuali torulento, & quia Sol non altè scandit, sed perpetuò fere circumcurrit horizontem. Ad latus Solis Australe aut Septentrionale, & ferè in eodem cum Sole azimuthio (vt illi visì à Rothmanno) dispositos adspici, magis est solenne: quia vaporem qui aptè ad Occasum est, aduentu suo fidus sepe dissipat, aut nimis ad speculum vel refractionem diducit, orientalem verò qui retrò est, statim deserit, inquit Aristoteles.

Parelij non rarò Coronis cincti apparent. Numerus, ferè binarius est. vnde saepe tres Soles visos legimus in prodigijs: id est, Solem, cum binis Pareijs, tot ante pugnam Philippensem, tot M. Antonij & Dolabellæ Consulatu, vt narrat lib. 2. c. 31. Plinius, & alia exempla ibidem habet. Tres itidem Cardanus, tres Rothmannus, tres nos Louanij anno 1619. mense Maio cum ipso Solis exortu vidimus. *Plures simul quàm tres visi*, ait Plinius, *ad hoc cui numquam produntur.* Aliàs tamen, *quid impedit*, inquit Seneca, *quò minus tot sint, quot nubes fuerunt apta ad exhibendam effigiem Solis?* & sanè anno 1525. cum apud Papiam à Gallis male pugnatum, & Franciscus Rex in manus venit Hispanorum, Polonia Regem sex vidisse Soles, Vicomercatus mihi auctor. & audite etiam nostrum

Sen. lib. 1.
c. 3. Nat.

Gem. l. 1.
c. 8. Col-
mæ.

Gemmam. Rex Polonia, inquit, *vidit sex Soles. Is autem qui ad Occidentem stabat, atrâ fuligine squalidus apparbat, neque multo post Gallia Rex Franciscus in acie captus est.* Addit etiam præagia & significationes. Nec vspiam spectari solent eiusmodi, quin noua fœdera consuantur, aut conspirationes clandestina, vt quemquam fastigio suo deciciant, vel dolo, vel vi, & malis artibus comprehendant. Multum in illis præter numerum, & figuram, ipsa positio ad prædictionis certitudinem facit. an ad latus, an sub legitimo Sole locentur, an Ortum, an Occasum versus, an Septentrionem, Austrum, &c. Sed hæc vanita-

tis

tis suspecta, aut Deus quandoque effectuum naturalium occasione
 vitur ad aliquem significatum. Potest etiam Genij boni an mali in
 talibus manus interuenire. Certè tamen Parelij id non significant
 naturaliter. magis tempestates, & pluuias, vt etiam Paraselene, ac
 Virgæ. Magnæ enim nauigantibus formidini sunt: & eos Aratus, ^{Arist.}
 Aristoteles, ceterique in signis satis euidentibus turbationum aëris ^{Aristot.}
 habent. Australis autem certiorum umbris, ait Aristoteles (quia nu-
 bes ab eâ parte, humoris pleniores ac fecundiores) habet signifi-
 cationem. Sæpè etiam rutili, aut ferruginei, pro opacitate, & qualita-
 te vaporis refringentis, sunt.

ARTICVLVS III.

De Paraselene, & Virgæ.

Paraselene figuratur iuxta Lunam, vt iuxta Solem Parelij. ideo- ^{Plin. lib. 2.}
 que iam dicta huc non retraho. *Luna virga, Cn. Domitio, C. Fan-*
nio Coss. apparere, inquit Plinius: *quos plerique appellauerunt Soles*
nocturnos. Vix extra Lunæ plenitudinem visuntur: aliàs mutilo, &
 inualido ad imaginandum, sideris lumine. Pertinacius aliquantò,
 quàm Parelij, durant: quia nubes languidiùs radio Lunari icta, non
 tam citò dispergitur. Perdere tamen & alio modo imaginem po-
 test: si continuitatem discindat, & guttatim dissoluatur. In tali
 enim iam vapore, nec reflexione, nec refractione, vt antè docui-
 mus, imago incolumis & tota potest apparere. Sed quomodo hæ-
 ret, inquires, humor ibi continuus, cum propensior sit infimo nostro
 aëre? Non est fortasse, etsi sit paulò opacior. Nam Lib. 5. diximus,
 nubes nondum deciduas, esse leuiiores infimæ aëris regione. Deinde,
 vbi vapor incipit plus pensi & grauitatis habere, succumbit mol-
 liter, Paraselenemque aut Parelijum aliquantum vnâ deducit, aut
 alius è superiori loco vapor succedit, qui imaginem excipiat à præ-
 cedenti destitutam.

De Virgæ, M. Antonius de Dominis negat scirese quid sint.
Hanc profectò impressionem, inquit, *si ego aliquando vidissem, eam* ^{M. Anton.}
aliquo pacto conarer explicare. Cum autem mihi ignotum sit, quòd sint
Virgæ, ipsarum Propter quid non possum indagare. Afferit tamen,
 per reflexionem non apparere: quia non possunt ad vnum punctum
 in quo est oculus, coire plures radij reflexi, nisi circulariter dispositi. en-
 iusmodi figuram non habent Virgæ: sunt enim oblongæ, & linearis
 formæ. Aristoteles tamen reflexionis filias esse docet, & figuram il- ^{Aristot.}

Sen. lib. 1.
c. 9. Nat.

lam in speculorum longitudines & angustias confert. Et Seneca: *Virga nihil aliud quàm imperfecti arcus sunt. nam facies quidem illi est picta, sed nihil curvati habent in rectum iacent. Fiunt autem iuxta Solem ferè in nube humidâ, & iam se spargente. Itaque idem est in illis qui in arcu color, sanctum signa mutatur: quia nubium quoque, in quibus extenduntur, alia est.*

Igitur M. Antonio reponi potest, à partibus speculi propinquo-
nibus & longinquis, nec in circulû compositis, reflexiones in eum-
dem oculum quandoque redire, vt in Iridis & Coronæ latitudine
patet. Linea enim quædam recta est, quæ crassitudinem metitur
totius arcûs. Deinde, duæ Irides concentricæ à diuerso radiorum
Solarium ordine, & eadem, vt ostendimus, colorum serie, formari
possunt: nec arcus tamen superior cum inferiore in vnum circulum
coalescit, licet vterque simul in oculum cadat.

Sen. lib. 1.
c. 11. Nat.

Fateor tamen alium modum generationis Virgarum magis so-
lentem esse. De hoc Senecâ: *Aliud quoque Virgarum genus apparet,
cùm radij per angusta foramina nubium tenues, intenti distantesque
inter se diriguntur: & ipsi signa imbrium sunt.* Tales sunt illæ Virgæ,
quas sæpissimè Sole surgente, aut succumbente, per rariora quæ-
dam nubium interualla in terram vsque traici, & perpetuò dilata-
ri ac dispergi cernimus: cùm agricolæ nostri aiunt, à Sole aquam
& alimenta nubium trahi. Hæ etiam, nisi fallor, Virgæ siue bacilli
sunt, quos Vitello lib. 10. th. 81. vulgò *funes tentorij* appellari di-
cit. Inæqualitas autem vaporis, cuius partes aliquæ rariiores, aliz
densiores sunt, eas laciniatim sic dispergit: veluti etiam à variâ opa-
citate maximâ varietate & maculosissimè colorantur. Colores ve-
rò isti gratius in aquâ & reflexe, quàm in cælo directè, inquit Ari-
stoteles, spectantur. reflexio enim omnis debilitat radium, coloref-
que nimis aliàs incitatos paullisper comprimit, aut frangit in viro-
rem vel purpuram. Hinc etiam nubes omnes in aquâ atriores
apparent.

Vitell.

Aristot.

Hoc denique addo: Radios illos & φασμάτα, quæ Sole occaso,
imò extinctâ omni crepusculorum luce, & altâ quandoque nocte,
in hemisphærium reuibrantur, posse Virgis (etsi plerique Trabes
vocent) bellè accendi. Imaginem enim reuerâ potius virgarum,
linearum diuisione, mentiuntur. videnturque esse radij in vapore
circa horizontem fracti, & deinde in hemisphærium nostrum re-
pulsî: licet in altissimo æthere, & inter ipsos Planetas eleuentur à
Rothmanno.

CAPVT IV.

De Spectris & Phasmatibus.

MVLtæ præter iam dictas in nubibus tincturæ, tam interdiu quàm internoctu visuntur, quas Aristoteles Aristot.
φάσματα seu spectra appellat. Ex variâ autem radij astrorum, Solis præsertim ac Lunæ, aut exhalationum etiam incensarum, cum opaco nubium mixturâ nascuntur. Vmbræ etenim, veluti nigredo quædam, candori luminis confusæ, medios infinitâ varietate colores representant. Hinc etiam in ceruicibus columbarum, & pennis pauonum, ex irradiatione Solis, & miscellâ umbrarum quæ inflexione colli & certarum plumarum obiectu resultant, aurum, crocum, purpuram, smaragdum, & omnium colorum amœnitates est cernere. quod adspexit Nero Cæsar, versu illo quem disertissimum laudat Præceptor eius Seneca:

Colla Cytheriaca splendet agitata columbe.

Sen. hb. 1.
c. 5. Nat.

Hos tamen colores plumis infixos esse censet M. Antonius. *Ego*, M. Anton.
 inquit, *permanentes esse, & pnto, & sum expertus. videntur tamen emphatici*, id est apparentes, quia non sunt in totâ plumâ, sed in eius particulis: quæ interdum apparent, interdum ex mutatione sitûs & positionis occultantur, exhibitiâ versus oculum aliâ particulâ non coloratâ. Sed frustra. Non enim sparsum tantum & guttatim per plumarum discretæ quædam puncta, purpureæ, aut virides, sed totis etiam ceruicibus tales apparent. Vnde etiam maris, nunc virent, nunc flauent, aut purpurascunt (nullo tamen haud dubiè vero colore inhaerente) prout Solem & à vicino fluctu umbram exceperint. Hinc Poëta vetus:

Spiritus Eurorum virides cùm purpuræ undas.

Futius.

Item alter:

Verrunt exemplo placidè mare marmore flauo.

Ennius.

Caruleum spumas sale confertâ rate pulsum.

Vbi cùm flauus color viridi & albo mixtus sit, pulcherrimè prorsus spumas virentis maris, flauo marmore appellauit, inquit Phauorinus apud Agellium.

Agell. l. 1.
c. 16.

Hoc igitur lucis & opaci temperamento, *χάσματα* siue hiatus, puteos, sepulchra,

Lucret.
lib. 6.

*Speluncasque velut saxis pendentibus structas
Cernimus; ———*

varias etiam brutorum, aut hominum formas, in mediâ aëris regione. Pars nubis quæ plurimum nigri siue opaci habet, profundior & recessisse apparet; quæ verò abundiori lumine hilarescit, propinquior; nisi intellectus sensum corrigit. Si profunditas ingens cum longitudine apparuerit, vocabitur chasma siue hiatus: si rotunda profunditas, erit puteus; & ita in ceteris. Vnde omnia ad hanc imaginem definiēs: Puteus phantasticus, est meteorum in nube apprensus, quod ob variam mixturam luminis cum vaporis opaco, veri putei habet similitudinem, &c.

Aguilon.
l. i. Prop.
41.

Verum, ut iam primulum animaduerto, Eruditissimus vir Franc. Aguilonius, in pulcherrimo iuxta ac doctissimo Optico opere, colores istos nubium non phantasticos, sed veros, & à lumine separatos affirmat, & probat: quia *proprio corpori insunt, nempe exhalationi quæ permixta vaporis vix cum lumine transparet. In Iride sament, Halone, Parcelis, similibusque luminis infractionibus*, inquit postea, *omnino phantasticos seu apparentes esse oportet, cum nulli proprio subiecto insint. neque enim nubi aut aëri connaturales sunt: sed penduli in medio diaphano oberrant, seu extemporanea quedam, uti verè sunt, lucis affectiones, ex certâ quadam radiorum infractione prognata.* Sed profectò rubedo illa aut purpura nubium, non est exhalationi naturalis: alias enim maculosissimam, & diuersissimis coloribus imbutam esse oporteret, cum innumeros valeat ostendere. Igitur lumen infusum exhalationum & vaporum mixtum opaco sunt: nec Soleos ostendit tantum, sed facit. Irides etiam vaporis uerè inhærent, etiam si non à naturâ, sed agente externo, resultent.

Discerniculum tamen aliquod inter Irides, & crepusculorum phasmatumque lumen, antè à me etiam confessum. Nam Irides & Coronæ ex certo situ cerni postulant, phasmata ex quouis possunt. Ratio est, quod illæ determinatâ ad oculum reflexione, hæc lumine sideris nubilo impluente, & totum instar legitimi & fixi coloris perfundente, fiant. Vnde veteres quidam radium nubi sic confusum, non reflexum, aut refractum, sed incorporatum appellant. Tahs etiam est radius Solis exceptus Lunâ. Ut autem lux astrî, aut color in corpore suo defixus, quaquaversum, ubi non se obijcit opacum, radiat: ita eiusmodi lumen cum vapore mixtum, & quasi maceratum. Quomodo verò id accidat, an quia partes mutua reflexione se roborent & adiuuent, an quia lux simpliciter

pliciter infusa vim sufficientem habet ad spargendum radios vndique in orbem, in Libris de Animâ erit enarrandum. Vbi etiam ambigemus, an colores, qui vulgò veri, reuerà à luce distinguantur: quod proximi iam sumus ad negandum, cum Platone.

Non placet etiam in Aguilonio, quod iam statim displicebat in M. Antonio: colores illos ceruicum columbinarum, genitiuos esse & naturales istarum plumarum. Vti nec, aërem naturâ esse cæruleum. nam quod in sublimi & innubiæthere cernimus, non natius aëris color, sed lumen molle sublustri & semidigesto permistum opaco est.

Aguilon.
ibidem.

ARTICVLVS I.

*An equites discurrere, & acies in nubibus belli simulachra
ciere naturaliter valeant.*

INTER aëria phasinata recenferi solet Eques discurrrens. & in peculiari difficultate est hoc meteorum, ob motum quo sæpè non vagè tantum hæc illac palatur, sed composito passu aggredi aut impetu videtur affilire hostem. Interdum etiam acies totæ cōcurrunt,

*Vt sæpè ingenti bello cum longa cohortes
Explicuit legio, & campo stetit agmen apertò,
Directæq; acies, ac latè fluctuat omnis
Acre venienti tellus.*

Virgil.
Georg. 2.

Nec raro etiam adduntur clamores, ac morantes

*Martius ille aris raucicanor increpat, & vox
Auditur fractos sonitus imitata tubarum.*

Georg. 4.

Innumera talium spectrorum exempla sunt. vt ante bellum ciuile Marij & Syllæ, ante excidium Ierosolymorum: sed plurima in Germaniâ ab 1524. ad 1548. visa sunt, inquit Philippus Melanchthon lib. 2. Meteor.

Melanch.

Sed audi ex Snellio, quid non ita pridem viderint Hollandi. *Tormenta, subas, scopetorum dispoſitiones, caſtrorum merationes, atq; alia id genus quàm plurima. Id Amorsfortij, inquit, & alibi viſum: & quidem hand aliè ſupra ipſa culmina tectorum. Quin adeò, addit, priuſquam claſſis Hiſpanica noſtro & Britannico Oceano, inſtar Xerxis cuiuſdam, vincla & virgas iniectura videretur, anno 1588. memini me admodum puerum à notis & familiaribus, qui etiamnum in viuis ſunt, audiſſe, viſas Amſtelodami in ipſo aëre, paullo ante Solis occaſum, nauium conſictus mariſimos, impreſſiones hoſtiles, hoſ victos, illos*

Snell. de
Cometâ
anni 1618.

Macha-
bæorum.

los victores abire tamquam in puerili nautichiâ. idq; vnitas aut alie-
rius hora spatii; multis hominum millibus inspectantibus. Denique
Sacra Hystoria lib. 2. cap. 5. Machabæorum, Contigit, inquit, per
vniuersam Ierosolymitanam ciuitatem videri diebus quadraginta; per
aëra, equites discurrentes, auratas stolas habentes, & hastas, quasi co-
hortes armatas, & cursus equorum per ordines digestos, & congressio-
nes fieri cominus, & scutorum motus, & galeatorum multisudinem
gladiis districtis, & telorum iactus, & aureorum armorum splendorem,
omnisq; generis loricatorum. Hystorix veritate sic confutata,

Dico, Nubes in formas equorum aut hominum naturali casu
posse componi, ventis etiam aduersis & resistentibus, speciem con-
currentium acierum præbere; vel intermicantibus fulgetris & ful-
minibus, tormentorum nostrorum coruscationes & tonitrua imi-
tari: multa tamen in historiis illis iam narrata sunt, quæ nullis, nisi
cerebri & mentis egens, casui tribuat, eum Intelligentiæ alicuius di-
rectionem & manum nemo homo sanus non videat. Quod etiam
significatio ipsa satis asserit. Nam prælia & cædes certo & respon-
dente semper præiuncto eventu præfagiunt. Igitur ex destinato, & à cle-
mentissimo Patre nostro veniunt, qui pericula ad terrorem, & cæli
respectum, ostendat, antequam nos inuoluant.

Sed videte, quæso, Acheron nostrorum hic ingenium, quibus
vna Philosophia & cura est, Deum & omnem creatam Intelligenti-
am iugulare. Videntur, acies istas aërias, compositas & repetitos
assultus, telorum iactus, & id genus sexcenta, non posse sine stupore
in casum referri. quid ergo faciant homines pennatorum Pegaso-
rum equitatu ibi penduios & certantes adstruant? Hoc Poëticum
nimis est. Tamea, negare Deum & Genios qui hos lusus exerceant,
iam ipsi olim certum & fixum est. Voluptatis enim & scelorum
interest, non esse, quod vindicer, Numen.

Lucr. l. 3.

*Et metus ille foras præceps Acherontis agendus
Funditus, humanam qui visam turbat ab imo,
Omnia suffundens mortis nigrore: neque vllam
Esse voluptatem liquidam, puramq; relinquit,*

aiunt cum illo Epicureo. Ergo nubilosas illas acies veras, & in su-
perficie terræ alicubi allidi & assultare exultant, videri autem in
vapore nubium ceu speculo. Quousque humanam mentem à ra-
tione alienat impietas?

Virgil.
Aen. l. 3.

Primò: Militem, nisi planè Polyphemum, & quales illi
Actinæ fratres calo capisa alta ferentes,

in

in nubo directè hinc, nemo tam Lynceus est, vt adspicere valeat, quàn tò minùs reflexè, & debilitatà specie tanto speculi intervallo?

Secundò: Vento, vt solet eùm acies illæ concurrunt, spirante, nubes turbant & confundunt suas superficies, ne speculi officium valeant obire.

Tertid: Non imagines aliquæ, sed ipsæ nubes manifestò in se arietant & mutant locum.

Quartò: Sæpè hæc simulachra visuntur, nullo centenâ aliquot circum milliaribus, quòd inaudierimus, commissio prælio. nam futuri, non præsentis, significationem habent. Vt tamen species è terrâ in nubes rōscidas illas & specularès iactæ ad nos redirent, obiectum non longè vltra vigesimùm milliare Belgicum, oporteret in superficie telluris à nobis distare. Nam vt alibi è Cardano retulimus, infimæ ad horizontem nubes, non multò longiùs decem horariis leucis ab oculo distat sunt. Fac ergo species in eas iaci, & totidem milliaribus in alterum proximum horizontem inde reflecti, si possunt intra viginti igitur milliatia horaria & nostratia stabit tota reflexio. Et licet (quod fortasse verum) nubes horizonti attrigæ aliquantò longinquoiores sint, certissimùm tamen est, intra centesimùm abhinc milliare conflictus omnes tam insignes, nuntius differentibus, statim spargi: & tamen longè citra hoc spatium, conflictum iniri necesse esset, vt imago eius à nubibus resiliat ad nostrum oculum. Si à vapore etiam horizonti proximo referiretur pugnae species, numquam circa verticem nostrum, phantasticæ illæ acies præliarentur: apparerent enim vbi est speculum. Sed quid in affaniis istis expungendis, quasi in re feriâ, consumo stilum?

ARTICVLVS II.

De Aurorâ, & Crepusculo.

Phasmatibus nubium adnumerari & crepuscula debent. Crepusculum aut generaliter est lux illa crepera seu dubia (inde enim crepusculum nomen) quæ manè ante Solis ortum nubes circa horizontem colorat, & vesperi post occasum. Crepusculum tamen maturum nomen proprium Auroræ inuenit, generale crepusculi relictum est vespertino. De quo eleganter Poëta Metamor. 4.

Imag, dies exactus erat, tempusq; subibat,

Quod tu nec tenebras, nec possis dicere lucem:

Sed cum luce tamen dubia confinia noctis.

Ouid.

Ggg

Cre-

Crepurum verò valuisse Antiquis, quod *dubium*, patet vel de isto Lucretij versu:

Lucret. l. 5.

Exaequatq; sunt creperi certamina belli.

Porro subiectum *Auroræ* & crepusculi, non solæ nubes, sed omnes etiam halitus supremæ regionis, paullo opaciores, sunt. imò altissimi illi halitus, primi manè induunt *Auroram*, & vltimi vesperi exiunt crepusculum. Quod enim altius à terrâ eleuantur, ed citius manè radius terræ limbum distingens, eos attingit, & sub noctem tardius, quàm nubes inferiores, deserit. Et hinc Optici è crepusculis, excelssimorum qui terrâ exhalantur spirituum altitudinem mensurant. Huic autem fini describunt circulum quemdam, infra horizontem, ei parallelum siue vndique æquidistantem, quem crepuscularem vocant: quia, cum manè Sol ad ipsum peruenit, prima *Aurora* inallescere incipit; cum vesperi eoulsque decubuit, nouissima crepusculi lampas, & vniuersæ diei antecedentis reliquæ exstinguuntur. Ptolemæus, Gemma noster, & plures, 18. gradibus, Alhazen 19. Tycho 17. Rothmannus 24. infra horizontem, circulum istum deprimunt. Diuersitas ex eo venit, quodd aliqui citius defecisse crepuscula, alij pertinacius mansisse quandoque animaduertent. quod imputari vaporibus circa horizontem adhaerentibus, & radios, serâ etiam aliquando nocte, in-hemispharium nostrum refringentibus potest, aut halitibus in insolentem ætheris excellentiam, non omni exutâ opacitate, scandentibus, vt Lib. 3. diximus circa materiam Cometarum. Vnde variant etiam paullisper in finiendâ maximâ *Auroræ* & crepusculorum altitudine Auctores. Posidonius 50. milliaribus, Alhazen, Vitello, & serè passim, 52. Nonius, quem Clauius sequitur, 43. Steuinius noster 41. Bodinus, nimis deparcè, 3. Cardanus prodigè 772. à terræ superficie eleuant. Qui excellerunt, circulum in terrâ maximum, siue terræ ambitum, nimis amplum, in suam demonstrationem assumpserunt: quod Alhazenum & Vitellonem fecisse, notat Gloriosus lib. 2. cap. 2. de Cometis, ideoque potius se applicat Steuinio. Gemma autem noster in Supplemento Astrolabij patris, sic terminos ponit *Auroræ* & crepusculi Louanienfis: Solstitio æstiuo, horâ primâ noctis & 36. minuto *Aurora* emergere incipit, horâ decimâ vespertinâ & 24. minut. crepusculum se componit. Solstitium Brumale horâ 6. manè & 4. minut. primam lucem fundit, horâ 5. vesperi & 56. minut. nouissimam supprimit. Vetroque æquinoctio horâ 4. & totidem minut. *Aurora* fores pandit, vesper horâ 7. & minut.

Ptolem.
Gemma.
Alhaz.
Tycho.
Rothman.

aut. sc. crepusculum claudit. Auroræ & crepusculorum varius & amœnissimus color, sed mirabilior & iucundior Auroræ: tum comparatione noctis iam fugientis, tum quia plures vapores nocte coacti, horizontem & infimum aëra obsident: qui radio Solis primum idi, fluctuare, laxari, & dispergi incipiunt, & nunc purpureos, nunc virides, puniceos, aut croceos colores, prout opacitas compressior fuerit, aut solutior, repræsentant. Hinc Auroram alij purpuream nominant.

— ecce *virgil nitido patefecit ab Ortu*

Purpureas Aurora fores, & plena rosarum

Atria. — alij croceam.

Tiboni croceum linquens Aurora cubile.

Ouid. 1.
Metam.

A similitudine etiam flagrantium & punicantium in pudore genarum, Nævius *pudicorem* dixit.

Virgilius.

Sed quare vapores & halitus nubium, inquit, non ita interdiu & meridiano Sole, ut Auroræ & crepusculo, colorantur? Causa una est, quod Sol hemisphærio nostro iam illatus, pluribus radiis & ampliori lumine, nubium opacitatem dissolvat: unde albæ magis apparent, quàm purpureæ. Altera, quod, etsi radius nubes totas non perteteret, reliquum tamen diei circumfusi lumen, tenuem vaporis purpuram supprimit & offuscat. Sic enim etiam tincturas siderum in candorem, & reliquam cæli faciem, digerit.

Et iam Pleias hebet, flexi iam plaustra Bootæ

In faciem puri redeunt languentia cæli.

Lucan. 1.1.

Quod inde potest probari: quia ubi Sol iam primum supra horizontem totus emerit, Aurora statim purpuram & pudorem abijcit: & si nubilo purgata sit dies, omnia cadent ab horizonte ad Meridianum. & tamen Occidentalibus, v. g. Gaudensibus aut Brugensibus, adhuc Aurora est, & vapores aliquantum eleuatos, quos nos albescentes, ipsi purpureos vident: quia radij, quibus Sol cælum anticipat, ut cum Lucretio loquar, suppresso adhuc ipsis infra horizontem fidere, non tam vberim oculos perstringunt, ut umbras eluant, cum quibus lumen Auroræ ad eos venit.

Lucret. 1.1.

Tertia causa est, quia lux Auroræ per maiorem longitudinem vaporum torulorum circa terram hesitantium, ab horizonte ad nos traicitur. unde magnam colorationis partem à medio rapit. Hæc etiam ratio est, cur Sol in ortu suo rubicundior, quàm Meridie appareat, etsi hic per mediam nubem adspiciatur. quia, inquam, radius terræ superficiem deradens, longam rorantium guttularum

Ggg 2 aciem

aciem pererrat, in quibus sæpiculè offensus & refractus, vmbis etiam innumeris implicitus, tandem coloratus emicat ad oculum. E Meridie autem, nec per tot aut tam densos vapores in nos deicitur; vt proinde pauciores vmbas colligat, nec tam sæpè refringatur. quæ verò reliquæ, & pertinaciùs inhererunt, plenâ illâ & abundante diei luce consumuntur. Et hîc etiam Libelli nostri labor. In quo, si quid à recto abiuit, à me detortum; vera & concinna ab eo sunt, *qui docet hominem scientiam*. Totum igitur istud ei redde; mihi, ne hilum. Non durâ autem solùm & morosâ viâ, per istas etiam scientiarum naturalium amœnitates, ceu flores quosdam, & semitas virentes, ad Deum nostrum ire possumus; imò debemus: aliàs tempus & vitam, inter meliora & cælestibus ac æternis propiora ducendam, perdidimus. Quid enim putatis? Angelos, & beatas illas mentes, in bonis tantùm supernaturalibus, & luminis, laudare Creatorem? etiam in naturalibus istis, & infimis faciunt. Imitemur. Vbique enim Magnus & Sapientissimus Opifex sui posuit admirationem; & retia tetendit, quibus nos ad se rapiat, & in cælum. *Per istos etiam oculos, clamat D. Eucherius, in futurum cupiditate magnâ, ex parte raptamur, si admirationem quam ex Mundi contemplatione capimus, retorqueamus in ipsum tanta machina Antæxrem: aut si cogitemus quantus in posterum splendor lucis possit luminibus occurrere, cum se nunc tantus insinuet; quàm magnifica fulgebis perpetuis forma rebus, cum sis nunc tam speciosa periturâ.*

D. Eucher.
Epist. ad
Valer.



INDEX CAPITVM

ET

ARTICVLORVM

LIBRI I.

De Meteoris in genere.

- CAP. I. *Quid, & quotuplex meteorum.* Pag. 1.
 CAP. II. *De loco generationis meteororum.* 3.
 ART. I. *De suprema regionis aeris quantitate.* ibid.
 ART. II. *De quantitate media, & infima regionis.* 7.
 ART. III. *De figurâ regionum aeris.* 9.
 ART. IV. *Qualitas regionis aeris.* 11.
 ART. V. *Quomodo radius Solis directus non impediat nubium in mediâ regione concretionem.* 13.
 ART. VI. *An superior aeris regio rapinâ calis circumducatur.* 16.
 CAP. III. *De causâ materiali meteororum.* 19.
 ART. I. *An ex terra substantiâ aëriam resoluam possint exhalationes.* ibid.
 ART. II. *An vapor & exhalatio speciei differant ab elementis grauius, quibus extrahuntur.* 22.
 CAP. IV. *De causâ efficiente meteororum.* 24.
 ART. I. *Georgius Agricola & Lydius nituntur ignem subterraneum facere principem aëtherem vaporum & exhalationum.* ibid.
 ART. II. *Defenditur Aristoteles, Agricola & Lydius reuocantur.* 26.

LIBRI II.

De Meteoris ignitis.

- CAP. I. *Materia & forma ignitorum.* 34.
 CAP. II. *De meteoris ignitis infima regionis.* 35.
 ART. I. *De igne fuito.* ibid.
 ART. II. *De Castore, Polluce, Helena.* 38.
 ART. III. *De igne lambente.* 39.
 CAP. III. *De meteoris ignitis media regionis.* 41.
 ART. I. *De Dracone, & Stellâ cadente.* ibid.
 ART. II. *Quis modus generationis fulminis.* 45.
 ART. III. *Demones non esse, ut plurimum causas fulminum: aduersus Jo. Bodinum.* 47.
 ART. IV. *De fulgure & cornustatione.* 51.
 ART. V. *Fulminem diuiso.* 52.
 ART. VI. *De admirandis effectibus fulminum.* ibid.
 ART. VII. *De lapide fulmineo.* 56.
 ART. VIII. *Qua res fulmini obnoxia, aut ab eo tunc.* ibid.
 ART. IX. *Causa tonitruum, Anaxagora, Seneca, Paracelsi, Bodini, reuella.* 59.
 ART. X. *Peripatetica & vera causa efficiens tonitruum.* 65.

ART. XI. *Cur demum post comescationem fulminis, tonitru audiamus.* 63.

ART. XII. *De effectibus tonitru.* 64.

ART. XIII. *Tempus, & signa fulminum, ac tonitru.* 66.

ART. XIV. *Tormentorum nostrorum, & fulminum comparatio.* 68.

CAP. IV. *De Procellis.* 73.

ART. I. *Qua causa procellarum.* ibid.

ART. II. *Procellarum effectus.* 74.

ART. III. *Presagia procellarum, & tempestatum.* ibid.

CAP. V. *De meteoris supremæ regionis aeris.* 78.

ART. I. *De Capræ, Trabe, Pyramide, &c.* ibid.

ART. II. *De Galaxiâ.* 82.

LIBRI III.

De Cometis.

CAP. I. *De loco generationis Cometarum.* 88.

ART. I. *Cometa quidam caelestes sunt, ex minimâ quorundam parallaxi.* ibid.

ART. II. *Argumentum parallaxeos frustra eludunt Scaliger, Claramontius, Galileus.* 90.

ART. III. *Cometa quidam caelestes ortum esse colliguntur, ex motu proprio sub eodem circulo maximo.* 93.

ART. IV. *Ex ortu & occasu Cometarum colligi, quosdam saltem supremam aeris regionem longè excedere.* 96.

ART. V. *An Aristoteles Cometæ caelestes, & nouissima calo astra, quandoque gigni existimauerit.* 97.

ART. VI. *Cometæ aliquos, sublimari esse.* 100.

CAP. II. *De materiâ Cometarum.* 103.

ART. I. *Materiam sublimariam Cometarum esse terræ & aquæ balisui.* ibid.

ART. II. *Cometa caelestes, sidera non sunt ex illis mundi coanis. Aduersus Chaldaeos, Senecam, Cardanum, Fracastorum.* 107.

ART. III. *Nec Cometæ esse plurimum stellarum se in unam conglomerantium cætu.* 109.

ART. IV. *Non omnium caelestium Cometarum materiam esse terrestres balisui.* 113.

ART. V. *Neque caelestium Cometarum materiam, esse partem fluidi ætheris in nodum contractam & addensatam.* 116.

ART. VI. *Cometarum caelestium materiam è sideribus foris exhalari.* 118.

ART. VII. *Quomodo è halitibus caelestibus concinnandi ætheris Cometa.* 123.

CAP. III. *De causâ formali, efficiençe, finali Cometarum.* 125.

ART. I. *An Cometa aliquid præfigant, & quomodo.* ibid.

CAP. IV. *De proprietasibus Cometarum.* 129.

ART. I. *Causa barbarum & uulgarum in Cometis.* 130.

ART. II. *In quâ materiâ lux illa cauda Cometarum sustentetur.* 133.

ART. III. *Causa curuaturæ caudæ in Cometis.* 136.

ART. IV. *De motu Cometarum.* 138.

ART. V. *De magnitudine, & duratione Cometarum.* 142.

ART. VI. *Quo tempore anni plures Cometa.* 143.

L I

LIBRI IV.

De Ventis.

CAP. I. De causſa materiali Ventorum. 147.

ART. I. Materiam venti non eſſe aerem. ibid.

ART. II. Halitum, venti materiam eſſe. 148.

CAP. II. De cauſſa efficiente Ventorum. 149.

ART. I. Rarefactionem, aut condensationem, cauſſam efficientem ventorum omnium non eſſe. Adverſus Stratum, & Jo. Bapt. Benedictum. ibid.

ART. II. Motum venti non propriè fieri repulſu exhalationis à nubibus, ut plerique exiſtimant. 152.

ART. III. Angelis non ſunt ventorum ordinariorum. Eoli. Adverſus Bodinum, & quosdam alios. 154.

ART. IV. Cauſſam efficientem motus ventorum, non eſſe terræ pulmones. Adverſus Keplerum. 158.

ART. V. Ventos gravitate ſua in terram deſcendere, ut torrentes & flumina per alveos. ibid.

CAP. III. De cauſſa formali Ventorum. 163.

CAP. IV. De cauſſa finali Ventorum. 164.

CAP. V. De numero Ventorum. 165.

ART. I. Quot, & quibus nominibus recenseri venti. ibid.

ART. II. Quomodo Indices ventorum deſcribendi. 167.

ART. III. A quo horiſonte ſumendum initium ventorum. 168.

ART. IV. An eodem vento navis ſolum Orbem circumnavigare poſſit. 171.

CAP. VI. De Ventu anninerſarijs. 173.

ART. I. Tempus Eteſiarum. 174.

ART. II. Cauſſa efficiens Eteſiarum. 178.

CAP. VII. De Ventu Pronin-
cialibus, Apogeijs, & Auris. 180.

CAP. VIII. De proprietatibus Ventorum. 181.

ART. I. Ventorum Septentrionalium qualitates. 182.

ART. II. Ventorum Meridionalium qualitates. 186.

ART. III. Ventorum Orientalium qualitates. 191.

ART. IV. Ventorum Occidentalium proprietates. 194.

CAP. IX. De terra motu. 196.

ART. I. Quæ cauſſa efficiens terræ motus. ibid.

ART. II. Species terræ motus. 201.

ART. III. Quæ loca obnoxia terræ motibus. 201.

ART. IV. De magnitudine, & duratione terræ motus. 205.

ART. V. Quæ anni tempora maximè ſentiunt terræ motus. 207.

ART. VI. Quæ ſigna antecedentia terræ motus. 210.

ART. VII. Eſſectus terræ motus. 212.

ART. VIII. Timor Nummi cauſſa finalis terræ motus. 216.

ART. IX. Comparatio Cuniculorum noſtrorum militarium cum terræ motu. 217.

LIBRI V.

De Meteoris aquis.

CAP. I. De Mari. 223.

ART. I. Quæ origo, & quanta magnitudo maris. 224.

ART. II. Anteræ & maris idem ſic centrum. 226.

ART.

INDEX CAPITVM

ART. III. De Salsedine maris.	231.	ART. III. Primæ causæ, & effectus.	307.
ART. IV. Ceteræ aquæ maris qualitates, & effectus.	237.	ART. IV. De filiis illis quæ D. Virginie appellantur.	ibid.
ART. V. De motu aquationis maris.	241.	ART. V. De Melle.	308.
ART. VI. De libratione, & rapin maris.	243.	ART. VI. De Mannâ.	310.
ART. VII. Historia maris æstus.	243.	ART. VII. De Saccharo.	314.
ART. VIII. Sententiæ aliquot beliores, de causâ efficiente maris æstus, & effectus.	253.	CAP. V. De Nube, & Nive.	315.
ART. IX. Luna, princeps causâ maris æstus. Sol tamen etiam in parte aliquâ venit.	259.	ART. I. Quæ causâ nubes in mediâ æræ regione suspendit.	ibid.
ART. X. Quâ virtute Luna æstus moueat.	263.	ART. II. Figura nubium circularis est. Aduersus Cardanum.	318.
ART. XI. Quæ virtus occidente Lunâ æstus apud nos faciat.	267.	ART. III. De nive, & causis eius.	321.
CAP. II. De Fontibus.	272.	ART. IV. Effectus nivi.	323.
ART. I. De materiâ fontium.	273.	CAP. VI. De Pluriâ.	326.
ART. II. Quæ causâ aquam fontium in scaturigines pellat. Malc à Bodino, Comubricensibus, Scaligero, Valesio assignatum.	275.	ART. I. Quid pluriâ, & quomplex.	ibid.
ART. III. Vera causâ quæ aquam fontium deducit ad scaturigines.	280.	ART. II. Quam altè aqua pluriâ penetret in terram.	328.
ART. IV. Unde calidi fontes qualitates illam habent?	283.	ART. III. De pluriâ prodigijs.	331.
CAP. III. De Fluminibus.	288.	ART. IV. De centronis pluriâ.	334.
ART. I. De fluminibus aliostr.	ibid.	ART. V. De Diluuiis.	335.
ART. II. Quâ de causâ Nilus, Nigerg, Melus, Argentens, aliqne fluminis sic exundant?	291.	CAP. VII. De Nebulâ.	338.
ART. III. Quenam aquarum in usu laudatissimæ.	295.	ART. I. Quid nebula.	ibid.
ART. IV. Quid censemus de variis miraculis aquarum, quæ à scriptoribus passim aut sparsim iactantur.	293.	ART. II. Proprietates quedam nebule.	339.
CAP. IV. De Rore, Fruinâ, Melle, Mannâ.	302.	CAP. VIII. De Grandine.	341.
ART. I. Quæ causâ Roris.	303.	ART. I. Quid grandis, & eius causæ.	ibid.
ART. II. Effectus Roris.	305.		

LIBRI VI.

De Meteoris apparentibus.

CAP. I. De Iride Solari.	346.
ART. I. Variæ Iridum historie.	ibid.
ART. II. An Iris reflexione radiorum Solis, an refractione fiat.	348.
ART. III. An Iris circularis. aduersus Posidonium, Senecam, Plinium, Bodinum, & alios.	352.
ART. IV. An centrum Solis, oculi, Iridis, oporteat semper in eandem lineam rectam incidere.	357.

ART.

ET ARTICVLORVM.

- ART. V. *An Iris uideri possit maior semicirculari.* 361.
 ART. VI. *De Iridis altitudine.* 365.
 ART. VII. *Causa maculosa colorationis Iridis. Aduersus Albertinum, Scaligerum, Cardanum, Maurolycum, Vicomercatum, & alios.* 368.
 ART. VIII. *Quis numerus colorum in Iride.* 372.
 ART. IX. *Modus generationis secundae Iridis, Alberti, Scaligeri, Vicomercati reuocatur.* 374.
 ART. X. *Nec Maurolycus, aut M. Antonius, in secundaria Iridis explicatione satis placent.* 377.
 ART. XI. *Secundariam Iridem reflexione primaria conformari.* 379.
 ART. XII. *An Iris ultra geminum, & quo colorum ordine apparere possit.* 383.
 ART. XIII. *De variis Iridis motibus.* 385.
 ART. XIV. *Locus & tempus Iridis.* 387.
 ART. XV. *Effectus & significatio Iridis.* 390.
 ART. XVI. *De Iride Lunari.* 392.
 CAP. II. *De Halo, sine Coronâ.* 394.
 ART. I. *Quis modus generationis Coronae. Seneca, Albertus, M. Antonius, reiecti.* 394.
 ART. II. *Coronae proprietates.* 397.
 ART. III. *Tempus, & praesagia Coronarum.* 401.
 ART. IV. *De lucernarum Coronis.* 402.
 CAP. III. *De Parelyjs, Parase-lenis, & Virgis.* 404.
 ART. I. *An Parelsum lumen Solis nubi impressum sit, an Sol ipse visus in speculo.* 405.
 ART. II. *Tempus, locus, numerus, proprietates Parelsum.* 410.
 ART. III. *De Paraselene, & Virgis.* 411.
 CAP. IV. *De Spectris & Phasmatibus.* 413.
 ART. I. *An equites discurrere, & acies in nubibus belli simulachra ciere naturaliter valeant.* 415.
 ART. II. *De Aurorâ, & Crepusculo.* 417.



INDEX RERVM MEMORABILIVM.



Aër.

AERIS *suprema regio usque ad firmamentum extenditur.* Fol. 6.7

Media regio quousque 7.8

Cuius figura, secundum viramque superius. 10

Infima regio quatenus à terrâ sursum excutras. 8.9

Cuius figura sit. 9.10

Aëris qualitates naturales incerta. 11

Suprema regio ab Ortu in Occasum ducitur, & à quâ causâ. 17.18

Media regio non semper frigida & humida. 11

Frigoris eius causâ. 13.14

Cui in eâ Sol nubium concretionem non impedit. 13 & seq.

Infima regio unde precipue cælet. 16

Omnes qualitates primas & scissum recipit. 12

Aër an naturaliter caruleus. 415

Innumbratus, unde refrigeretur. 304

Aër inter Plantas merito vocatur ignis. 3.4

Afticus.

Africi effectus, & violentia in Belgium. 121

Anglia.

Rarò fulmina sentit. 67

Antipheron.

Quomodo in aëre, ut speculo, se viderit. 407

Aqua.

Aquarum miracula. 198. & seq.

Quidam saluberrima. 195. 196

Nivalis & glacialis, insalubris. 195

Rarus eius unde exploretur. 196. 197

Aquarum abyssus in terrâ quanta. 136.

137

Aqua Gratia comparatur. 301. 302

Aquilo.

Non ubique serenus & siccus. 183

In cade lignorum observatur. 181. 183

Quâ viriute congelat. 185. 186

Salubritas eius probatur. 184

Noxas tamen etiam habet. 185

Nocturnus minus pertinax est, quam

Auster.

1121

Aristoteles.

An Alexandrum veneno sustulerit.

222. 300

Arteria.

Sani hominis quousque horâ singulari miscet. 63

Auster.

Noxa eius probatur. 182

Flante eo, facilius venatio. 120

Temporem eius aer occisum sentit. ibid.

Spiritus Dei cur vocetur. 188

B.

Bacili.

Quomodo fiant. 404. 411. 412

Belgium.

Habnitro & materiâ sublimium non caret. 11. 12

Temperies eius defenditur contra Cardanum. 138. 139

Terræmotum cur rarò sentiat. 203.

104

Cui Nederlandt dicatur. 130

Bombardæ.

Quando, & à quo reperta. 68

Bulimia.

Cui diutule in nive ambulantes inuadit. 325

Callos

INDEX RERVM MEMORABIL.

C.

Castor & Pollux.
Picti aliquando in nauium puppi.
38.39
Causse eorum, ac effectus.
Color.
Cur caruleus appareat in fornice cali.
135
An verus in pennis pavonum, & columbarum cernicibus.
413
Cometz.

Quidam celestes.
88.89
An Aristoteli cogniti.
97.& seq.
Quidam etiam subluarves. 100. & seq.
Celestes solo ferè parallaxeos argumento firmiter asseruntur.
95
Probantur tamen etiam ex morâ supra horizontem.
96.97
Subluarves ex haliu terra & aqua.
103.104
Quidam flammati, quidam Sole tantum persusilucunt.
104.105
Celestes ex quâ materia, varia sententia.
107.& seq.
Ex sideribus exhalant.
118.& seq.
Non sunt causse turbationum subluarvum, per naturam sympathiam.
128

Color unde, & signa.
129
Barba, vel cauda unde.
130
Cur à Solè aversa.
131
Cur quandoque discessa in plures ramos.
132
Unde curruunt.
136.137
Cauda materia.
133.& seq.
Cur antumno potissimum visantur.
143.144
Qualis eorum motus.
138.139
Magnitudo, & duratio quantâ.

142.143
Motus cur in fine desertus instar cochleæ.
145
Quomodo species una Cometa in aliam transeat.
132.133

Corona.

Quantâ diametri.
394.395
Quot simul apparere possint.
400.401
Corona motus.
401
Quorum siderum, & temporum sint.
401.402.
Coronarum lucernarum cum sideralibus comparatio.
402.403
Coturnices.

Vnde anno 1619. in Belgio rarissima.
177

Crepusculum.

Quomodo ab aurorâ differat.
417
Subiectum eius.
418
Cur etiam interdum coloratum appareat.
419.420
Circulus crepuscularis ubi descriptus.
418

Cuniculi.

Militares quomodo cõstruendi.
218.119
Comparantur cum terra motu.
219.120
Item cum granatis.
221.222
Vfus eorum in mari.
222
Cuniculorum quis inventor.
218

D.

Diluvia.

Famosa tria.
335
Diluvis generali unde illa aquarum copia.
335.& seq.

Dioptricus tubus.

A quo, & quando inueniunt.
112
Draco volans.
Non animal, ut vult Paracel. sed exhalatio ignea.
41
Eius motus, & signa.
42
Pestilentie signum.
42.43
Dracones veri, quidam alati, nulli creati.
42

E.

Eclisæ.

A quâ causâ efficiantur.
178
Cur somniculosi.
ibid.
Interdum cur præcipue spirent.
179
Tabella eorum ætiologica.
174.175
Hhh 2

Austræ

Anstrales quando flare incipiunt. 177
Eucharistia.

*Eius cum mannâ comparatio: & Christi
 specie humanâ in eâ apparentis recens
 historia.* 312.313

Euripus.

Quoties astrot. 251.252

An in cernere merueris Aristoteles. 252
Exhalatio.

*Quomodo è terra superficie educta,
 ventis & ignis meteoris sufficiat.* 29

*Ex mari etiam, & terrâ inumbratâ ex-
 trahunt.* 30.31

F.

Fila D. Virginis.

Quid & unde. 307.308

Flumina.

Quæ estuentia flu. marino. 150

Quædam alia exundanti inst. r. Nili.
 293.295

Eorum materia. 273

Rapiditas unde. 289. & seq.

Alnei quâdo & a quo excavati. 288.289

Quæ maxima. 289

Fontes.

De fontium materiâ varia sententia. 273

Verior Anſloris. 274.275

Quousque possunt emicare. 275.276

*Quæ causâ in scaturigines pellant, va-
 ria opinioniei.* 275. & seq.

Vera causâ. 280. & seq.

Aqua eorum unde non falsa. 281

Vena sublatentis signa. 280

Vnde aliquando exarescant. 281

*De eorum origine quid senserit Aristo-
 teles.* 282

*Quidam puri & sine sapore, quidam
 sapore medicati.* 283

Quidam unde caleant, varia opinioniei.
 283.284.

Verior. 284 & seq.

*Frigida medicati qualitatem illam unde
 trahant.* 286.287

Anſſerſi an, & unde. 287

Diuersus color unde.

ibid.

Fontis Spadani latus.

286

Fulmina.

Ex quâ materiâ.

45

Motus & generatio.

47

Vnde accendantur in nube.

46.47

An fiant ut plurimum per daemones.
 47 & seq.

Cur tanto impetu è nube erumpant. 48.49

Cur deorsum, & nõ sursum ferantur. 49

Vix umquam sine pluuia. 49.50

Eorum dimissio.

52

Altri & vary effectus. 52 & seq.

Aliora cur magis feriant.

57

*An laurum & alia à quibusdam ex-
 emptâ feriant.* 58

*Dormientes quomodo minus quàm vi-
 gilantes feriant.* 55.56

E fulmine vanum est augurari. 67

*In fulmine & tempestate cur campana
 apud Christianos pulsantur.* 77

*Fulminis & nostrorum tormentorum
 comparatio.* 68. & seq.

A fulgure quomodo differant. 51

*A nube fulminante distantia terra un-
 de mensuretur.* 63.64

Fulminens lapis qualis & unde. 56

G.

Galaxia.

Varia opinioniei recetâ. 282. &
 seq.

*Non est pars Firmamenti perpetua &
 densior, sed ex innumrabilibus stel-
 lulis zona intertextâ.* 84

Candor in quo præcisè subiecto. 85

*Figura, & cur extra Tropicos amplior,
 quam intra.* 85.86

*Quædam segmenta etiam alijs calis par-
 tibus extra famosum illum circulum
 dispersa.* 86

*Ei quid simile in capite Orionis & Pra-
 sepij, non in Pleiadibus, & cur.* 85

Globus.

*E tormento rectâ excussus quanto tem-
 pore*

pore ad Firmamenti fornecem per- tingeret.	144	Iris.	
Grando.		Eius cognitio difficilis.	345
Quid, & eum caussæ.	341. 342	Iris duplex.	ibid.
Magnitudo & figura	242	Eius varia & pulchra historia.	346.
Noxæ, & remedia superstitiosa.	343.	& seq.	
344.		Cur circularis, aliorum explicatio.	
Cur facilius liquecat quam nix.	343.	352. 353.	
H.		Auctoris sententia.	353. & seq.
Horizon.		Tota area, & tota nubes torrida cur non fulgeat simili luce cum Iride.	354.
Visibilis quantitas diametro.	168. 320	& seq.	
Hortus.		Alia reflexa, alia refracta.	357. 358
Possibilitas, qui tota etiam hieme olera & fructus ferat.	12. 13	Artificialia qua.	360
I.		Eius centrum an semper idem cum cen- tro Solis & oculis in eadem rectâ linâ.	
Ignita meteora.		357. & seq.	
Quâ materiâ & formâ.	34	Refracta Iridi quomodo nubes dispo- nenda.	361
Quadam non vera, sed tantum ap- parentia.	34. 35	Semicircularis apparet.	361. 362
Ignis fatuus.		An quandoque maior semicirculo.	
Nomina & caussæ.	35	363. 364.	
Cur diu non videatur.	35. 36	Alitudo qua.	365. & seq.
Vnde saliat.	36	Colores qui, & vnde, variorum opinio- nes:	368 & seq.
Vbi, & quando conspici solet.	ibid.	Mens Auctoris.	371. 372
Vnde fugiat, vel sequatur, vel ad preci- pitia ducat.	36. 37	Eius colores quot.	372. 373
Vnde sibilat.	37	Irides quot simul apparere possint	374
Ignis subterraneus.		Iris secunda quomodo generetur, varia sententia:	374. & seq.
Esse probatur.	24. & seq.	Mens Auctoris.	379. & seq.
Quam frequens & quam alie subter- ræ.	28	Iris secunda cur tam rara.	381. 382
An possissima caussa vaporum & exha- lationum.	27. seq.	An plures duabus, & quo colorum or- dine apparere possint.	383. 384
Ignis lambens.		Vary motus.	385. 386
Quis & cuius ominis.	39	Turbo visa cur amittat colorationē	387
Noctū, & quandoque diu etiam appa- ret.	39. 40	Eius locus & tempus.	ibid. & seq.
Iratos & vinolentos facile allambit.	40	Effectus & significationes.	390. & seq.
Quandoque apparet sine flammâ & vero igne, & quomodo.	40. 41	Iris ex refractione & reflexione radij fit.	349. & seq.
Intellectus.		Iridis Lunaris cum Solari convenientia & disconvenientia.	392. & seq.
Humanus in omnibus ferè caligat; non tamen idco mortalis.	137. 138	Lunaris cur ravior Solari.	392. 393
		Lunaris unicolor non tamen semper.	

INDEX R E R V M

L.

Limburgi Ducatus.
Totius Belgij locus eminentissimus.
339

Lumen.

Oculi quando & quomodo videatur.
403.404

M.

Magnes.

Aliquis ferri inimicus an eo usi sup-
positum,amenta ferri in furorem &
aestum agit. 270

Manna.

Quid,& an adstringat vel laxet. 310.
311

Meteorologica an eiusdem speciei cum
mannâ Hebraeorum. 311.312

Eius cum S. Eucharistiâ comparatio.
312

Mare.

Eius & freti definitio. 223.224
Quando, & quomodo creatum. 224

Eius & terra superficies in magnitudi-
ne quomodo comparantur. 224.

225
Profunditas minor terrâ. 225.

226
Eius & terra an idem centrum. 226.

& seq.
Mare salsum, non omne tamen aquè
salsum. 231

Fundus an dulcior superficie. 232

Salseto cum unde iuxta Aristotelem.
ibid.

Vera causa. 234

Salseto unde tam constanter conserne-
tur. 234 & seq.

Diversus color unde. 236

Salseto an in aquâ, an halitu ignis
confuso. 236

Mare aestate,& sub Torridâ cur sal-
sum. 236.237

Marina aqua varie qualitates &
effectum. 237.& seq.

Marinam aquam quomodo tibi possis
facere. 240

Quomodo cadauera & alia expellat.
240.241,

Motus aqutionis quis, & à quâ
causâ. 241.& seq.

Motus librationis quis & unde. 243
244

Mare an ab Oris in Occasum motu
rapius destinas. 244 & seq.

Mare Balbicum etiam quandoque
ab Austro in Septentrionem moneri,
& unde. 245

Mediterranei motus quasi circularis
unde. 244

Mare sub Zonâ torridâ ab Oris in
Occasum ferri, unde. 245.246

Marinus ætus.

Cur eius non meminit Aristoteles?
245

Maris in diversa motus quomodo
compossibiles. 249

Maria qua non estluent. ibid.
& qua estluent. 249.250

Æstus quantum durent. 251

Æstus insolentes unde. 252

Æstus causa obscura. 253

Varie opiniones allata & reiecta. 253
& seq.

Veram causam esse Lunam. 259

Explicatur per puncta fluxus & re-
fluxus. 260.& seq.

In æstum Lunam etiam adiuvat Sol.
262

Æstus quâ virescente Luna efficias.
263.264

Sententia Auctoris. 265.266

Æstus qua virtute occidente Lunâ
apud nos facias, 267.& seq.

Mare vinum aut mortuum quando.
260.

Maria cur resident Lunâ à culmine
celi per secundum quadranticum delin-
centie. 270.271

Mel.

MEMORABILIVM.

Mel.		Effectus.	313. & seq.
<i>An ab apibus fiat.</i>	308	<i>Candor unde.</i>	326
<i>In quo cur optimum.</i>	310	<i>Frigidando vino commodè estate seruat.</i>	323. 324
<i>Eius causse, effectus, species & differentia.</i>	308. & seq.	<i>Nivis esu an corni aut bestia candentur.</i>	324
Meteora.		<i>Cur nubes non semper prius in pluuiam, quam in nitem resolvantur.</i>	321. 322
<i>Eorum caussa formalis & efficiens.</i>	24	Nilus.	
<i>Divisio.</i>	2	<i>Quà lege exundet.</i>	291. 292
<i>Locus.</i>	3	<i>Exundationis caussa obscura.</i>	291
<i>Etymon & definitio.</i>	1	<i>Variorum caussa, cum veriori opinione.</i>	292. 293
<i>Materia.</i>	19	Nubes.	
<i>Ascensu à terrâ quousque.</i>	4	<i>Eius caussa.</i>	315
<i>Vnde notum, etiam in sphaerâ stante appareant.</i>	31	<i>Vnde in aere suspendantur.</i>	315. & seq.
<i>Meteora apparentia quid.</i>	345	<i>Figura circularis.</i>	318. 319
<i>In supremâ regione unde fiant.</i>	78	<i>Nubes unde videantur ascendere, etsi verè non ascendant.</i>	319
<i>Meteorâ supremâ regionis species explicatæ.</i>	78. & seq.	<i>Quæ videtur horizonti incumbere, quousque ultra sit.</i>	319. 320
Meridionales populi.		Nuces.	
<i>Magis melancholici & iracundi Septentrionalibus.</i>	184	<i>Anellumrum copiam cur signum fertilitatis arborum.</i>	323
Milites discurrantes.		Nuptiz.	
<i>An naturaliter sic appareant, & contra Asieus.</i>	416. 417	<i>Quo vento spirante celebranda ex mente Aristotelis.</i>	193
<i>Eorum historia.</i>	415	O.	
Montes.		Oculus.	
<i>Altissimi quis, & quousque ascendant.</i>	5. 6	<i>Per planam superficiem quousque possit prospicere.</i>	320
Mures.		<i>Tiberis oculi unde in tenebris flammigantes.</i>	40. 41
<i>Mures & ranæ ex pulvere & aquâ celesti posse conformari.</i>	339. 331	Opacitas.	
N.		<i>A densitate quomodo differat.</i>	316
Navis.		P.	
<i>An sponte ad Aequatorem, & dein semper sub eo feratur.</i>	24. 25	Paradisus.	
Nebula.		<i>Eius planities non supra mediam regionem aëris.</i>	11
<i>Definitio & caussa & species.</i>	338. 339	Parallaxis.	
<i>Proprietates.</i>	339. 340	<i>Quid, & quomodo innascantur.</i>	88. 89
<i>Per nebulam res visa, an & cur remotior appareat.</i>	340	<i>Eius doctrina an incerta.</i>	92
Nix.		Paraselenæ.	
<i>Definitio & caussa.</i>	321. 315	<i>Quo numero & duratione.</i>	411
<i>Cur mollior quàm pruna.</i>	322	Parelius.	
<i>Tempus lapsus, & locus.</i>	322. 323		

INDEX RERVM

Parelius.

<i>Erymon & definitio.</i>	404
<i>Tempus, locus, & numerus.</i>	410
<i>Significatio.</i>	ibid.
<i>Parelius, an lumen Solis nubi impressum.</i>	405
<i>Vel Sol ipsa reflexione, ut in speculo, visus.</i>	406. & seq.

Phasma.

<i>Species, & definitiones.</i>	413. 414
<i>Vnde appareat.</i>	413
<i>Eius ab Iris differentia.</i>	414. 415
<i>Pleiades.</i>	

An sex, an septem stelle. 89. 90

Polares Regiones.

Malè à Valesio temperiores circumiacentibus statimuntur. 32. 33

Pluvia.

<i>Eius causa.</i>	326
<i>Quia quâ signatâ.</i>	327
<i>Species.</i>	ibid.

Aqua pluvia quàm aliè terram penetrat. 328. 329

Prodigiosa quæ & quales. 331. & seq.

Rubra vel lactea vnde. 331. 332

Pluvia quæ cruce rubra vestibus inusfit. 331

Plusse quandoque carnibus, lanâ, lapidibus, non visulis. 332. 333

Potest etiam rari. 333

Pluvia descensum in terram, radices arborum, & vim caloris Solis ferè congruere, & cur. 329. 330

Signa pluvie vel frigoris duntaxat, an scilicet S. Marini, Marci, & Purificacionis dies. 328

Procellæ.

<i>Earum causa.</i>	73
<i>Species explicantur.</i>	ibid.
<i>Effectus.</i>	74

Pruvia.

Eius definitio, causa & effectus. 307

Filium quomodo ex arboribus dependat. ibid.

Pulvis tormentarius.

Vnde, & quia quibus tormentis conueniat. 70

Pulvis autem quis, & quomodo fulminet. 71

Pueri.

Cur eis ploratum permitti suadeat Aristoteles. 164

R.

Radij luminosi.

Tres species explicantur. 348. 349

Robigalia.

Robigalia & Floralia quæ sacra, & quorsum. 306

Ros.

Eius causa. 303

Ex quantâ altitudine decider. ibid.

Quo tempore anni & quo vento decider. 303. & seq.

Definitio. 305

Effectus varij. 305. 306

S.

Scaldis.

Antierpia an uno toto die fuerit sine æstu, ut vult Keplerus. 233

Cum Oceano sæpius exundans. 233

234

Septemtrionales populi.

Cur salubriora & vinaciora corpora quam Australia. 183

Sidera.

Perinde ac calos materia sublunaris constare. 119

Eorum exhalationes in pluvias aut ventos non abire. 121

Eorum gravitas quæ. 121. 122

Detrimentum & mutilationem aliquam patiuntur. 120. 121

Novæ in celo visa. 89. 90

Sol.

Cur non ita huiusmodi suæ expiræ ut alia astra. 123

Stringens horizontem etiam aëre purissimo cur supra appareat. 317

Stella

MEMORABILIVM.

Stella cadens.

Quid significet. 44

Quomodo comparetur ad fulmen & nostros ignes pyrobolos. ibid.

Celo sereno de die non nisi quandoque videtur. ibid.

Cadentis & discurrentis differentia, motus generationis modus, quantitas. 80. 81

Sonus.

Soni species cum in tempore ad aures perveniant. 63

Subsolanus.

Unde semper spirat in mari intra Torridum. 246. & seq.

Cur sub Auroram & mane spirare soleat. 247

Sulphur.

An in aquis ardeat. 285

T.

Terræ motus.

Causse efficientis variae. 196. 197

Verior sententia. 197. & seq.

Species quæ & quot. 201

Magnitudo & duratio. 205. & seq.

Tempus. 207. & seq.

Signa futuri. 210. 211

Effectus varii cum historiis 211. & seq.

Terræ motui ferè semper causse pestis, quomodo? 215

Effectus optimus & finis principalis est timor Nummis. 216. 217

An fornices difficiliter solvant. 202

Qua loca magis vel minus ei obnoxia. 202. & seq.

Atlantis insula an eo verè absorpta. 213. 214

Tonitru.

Varia causse refutata. 59. 60

Vera caussa. 61

Dimissio & specierum explicatio. 61. 62

Cur serius percipiatur quàm fulmè. 63

Effectus eius Physicus, sola eius species. 64

Effectus vulgò habiti plures numerantur & explicantur. 69. & seq.

Tonitru & fulminis tempus & signa. 66. 67

V.

Vapor.

Unde sursum ascendat. 33

Etiã remissè sepefusus elemari potest. 31

Vaporum & exhalationis descriptio explicatur. 19

Vapor humidus extrahitur. ibid.

Vapor & exhalatio ordinariè manent eiusdem speciei cum corporibus ex quibus extrahuntur. 22. 23

Venti.

Ventorum scientia obscura. 146

Causse in xta Aristotelem. ibid.

Materia. 147. & seq.

Causse remotè efficiens. 149

Causse proxima aliorum sententia. 145 & seq.

Quandoque Angeli causse ventorum, non tamen ordinariè. 154. & seq.

Motus deorsum caussa. 158. & seq.

Forma. 163

Essentialiter moventur, non accidentaliter. 163

Vititates. 164

Noxa. 165

Venti quot, & unde spirent, & quomodo nominentur. 165. 166

Ventorum indices describendi modus. 167

Ventorum initium à quo horizonte sumendum. 168. 169

E quanto intervallo ad nos perveniunt. 169. & seq.

In remoto maiores plerumque quàm in propinquo, & cur. 170

Idem an naues per totum orbem circumvehere possit. 171. 172

Annuersarij qui & unde spirent. 173

INDEX RERVM MEMORABIL.

Provinciales qui & ex quâ causâ. 180
Apogei & ante qui dicantur & unde.
 181
Proprietates generales. 181. 182
Septentrionalium proprietates. 182. &
 seq.
Meridionales unde calidi & humidi.
 187. 188
Occidentalium proprietates. 194.
 195
Orientalium qualitates & effectus.
 191. & seq.
Ventis quædam speciales proprietates in

quibusdam tractatibus. 195
Venus.
Anno 1625. Solari & pira meridie vi-
sa primum ab Antuerpiensibus. 44
Vrina.
Vrina quomodo quidam multo plus
reddidit, quam in cibum potumque
insumpsit. 283
Z.
Zephyrus.
Zephyri nomina & proprietates. 194
Zephyrina oua, & equa an sine mare
solo Zephyro generentur. 194. 195.



APPROBATIO CENSORIS.

HÆC LIBERTI FROMONDI S. Th. L.
& Philosophiæ Professoris primarij in
Gymnasio Falconis Academiæ Louanienſis
METEOROLOGICA, velut promulſis quæ-
dam reliquæ Philoſophiæ quæ in eâdem Aca-
demiâ cum ab illo tum ab aliis prælegitur, ſtu-
dioſo rerum ſublunarium indagatori propi-
nata, ex quo vtilia dulcibus miſcent, & lon-
gè quàm antehac exactiùs Argumentum il-
lud ſublime aliàs, & ſuſpenſa detinens inge-
nia, pertractant; omne punctum mihi ferre
videntur, quæ cum fructu & voluptate mul-
torum prælo committantur, & luce donen-
tur. Actum Antuerpiæ in Seminario Epiſco-
pali XII. Maij, anni M. DC. XXVI.

LAVRENTIUS BEYERLINCK
*Canonicus & Archipreſb. Eccleſiæ Ca-
thedralis Antwerp. Librorum Cenſor.*

SVMMA PRIVILEGII.

PHILIPPVS IV. Hispaniarum Rex Catholicus, Potentissimus Belgarum Princeps, diplomate suo fanciuit, nequis intra sexennium *Liberti Fromondi S. Th. L. Collegij Falconis in Academia Louanicensi Philosophia Professoris primarij Meteorologicorum Libros sex* typis excudat, aut alibi terrarum excusos, in has Inferioris Germaniæ ditiones importet, venalésve habeat, citra Balthasaris Moreti (cui suam facultatem Auctor impertiuit) consensum. Qui secùs faxit, confiscatione librorum & aliâ graui pœnâ mulctabitur: vti latius patet in litteris datis Bruxellæ xx. Augusti M. DC. xxvi.

Signat.

Steenhuyse.

ANTVERPIÆ,
EX OFFICINA PLANTINIANA
BALTHASARIS MORETI.

M. DC. XXVII.











